




D 164





Hor Tomo continetur

- 1) Haethaleri Exercit. 2. de Numis veterum. Degbes
vid. Act. End.
- 2) Seylers Diss. Nachr. von den grassagenden Münzen
nach Brakenhaues Fr. von den grassagenden Bildsch.
- 3) Kundmans von den Fälsch. Beschreib.
- 4) Seylers Schrift. v. d. Fleißer u. v. d. Fleißer.
Münz. u. Medaillen. Cabinet.
- 5) Bornius de regali Moneta, specialim mita vicom
in Episcopis German.
- 6) J. Bornius de numis in republ. percutiendis.
- 7) Besoldi recapitulatio & Quaestionum monetal.
- 8) Aug. Seyler de mutationibus monetae.

Xoph. Andreas Hübner

A.2. P. CHRYSOSTOMI HANTHALER,
MONACHI CISTERCIENSIS, ET BIBLIOTHECA-
RII IN CAMPO LILIORUM AUSTR. INFER.

EXERCITATIONES
FACILES
DE
NUMIS VETERUM
PRO TYRONIBUS:

IN QUIBUS
LACONICA QUIRITUM SA-
PIENTIA, ET REI NUMARIÆ VETERIS
RUDIMENTA FACILI METHODO PER EXEM-
PLA PANDUNTUR, OPE NUMORUM COM-
PLURIUM PICTORUM, ET PER DIALOGOS
FAMILIARITER EXPOSITIONUM.

EXERCITATIO
PROOEMIALIS
DE
NUMIS ALIQUOT GRÆCIS, QUI AD
IMPP. NON PERTINENT: FAMILIARUM
ITEM: AC POSTREMO URBIS ROMÆ, SENATUS,
ET POPULL

NORIMBERGÆ,

Summibus JOAN. ADAMI SCHMIDII, Anno M. D. C. C. XXXV,



7759



219204

II
4
DE

219204-219212

30. VII. 1752

7

PERILLUSTRI ATQUE REVERENDISSIMO
DOMINO,

DOMINO

GODOFREDO

LIB. ET EXEMTI

MONASTERII

GOTVICENSIS

ORDINIS S. BENEDICTI IN AUSTRIA

ABBATI DIGNISSIMO.

DOMINO SUO GRATIOSISSIMO.

ABBAS REVERENDISSIME, DOMINE GRATIOSISSIME.



Oribus antiquis hoc
utebantur instituto,
ut, quo munere *Deorum*
quisque maxime delectari
censeretur, id illi Deo munus,
vel munusculum rite porrige-
rent. In quo quidem vide-
bant fane plurimum. Diis
enim, qui divitiis hominum

non indigerent, non quod hominibus pretiosissimum, sed quod Diis gratissimum videbatur, immolabant.

Quorum ad exemplum, ut TUÆ in me Voluntati Benignitæque, mea pro tenuitate, aliquid reponerem, thesaurum TIBI offero, ab alio quidem detectum, sed a me luci publicæ expositum: Thesaurum scilicet, non ex aureo Africæ littore, nec opulentissimarum Novi Orbis fodinarum latebris advectum, sed ex ingeniorum venis, ab Autore,

)(3

TIBI

TIBI non incognito, erutum
atque congestum.

Laudet Oriens suas divitias,
& cum Novo Orbe de præ-
stantia certet; Nec vero errare
censendus est, qui librarios li-
terariosque thesauros ceteris
esse posthabendos negat. Ani-
mus enim, quod nemo dubi-
tat, si corpori præstat; quæ
illum nutriunt, utique præ-
stantiora funt his, quæ corpori
nutrimentum lautitiamque
præbent.

Sed ex literariis monumen-
tis, quæ ad Antiquitates & Hi-
storiam

storiā pertinent, nullum
præstantius, nullum utilius ju-
cundiusque Numis antiquis
esse, jam dudum ostenderunt,
qui bono publico præclaros
hosce Antiquitatis thesauros
ab interitu vindicarunt. Et
fane ad summam ingenii vel
doctrinæ laudem consequen-
dam nil opportunius, quam
hæc versare veterum monu-
menta, quibus simul & artis
præstantia cum nitore gra-
tiam, & varietas delectatio-
nem, & vetustas summam
cum auctoritate fidem conci-
liat

liat. Sed quam integro, eo-
que præstantissimo, tantisque
eruditorum plaufibus conce-
lebrato, nec unquam fatis
celebrando profundæ erudi-
tionis Opere, *Illustris Spanhemius* af-
feruit, præstantiam & usum
Numismatum, tantum abest,
uthac nostra ætate quisquam
vocet in dubium, ut non so-
lum certatim velut, ac æmu-
latione quadam, in Historia
ex nummis illustranda & con-
firmanda suam Viri docti col-
locarint operam: *Patinum* enim,
Mediobarbum, *Morellium*, *Vaillantium*, *Pe-*
drusium






















XII. SYBLLÆ

I.



II.



III.



IV.



V.



VI.



VII.



VIII.



IX.



X.



XI.



XII.





DIALOGI PROOEMIALES.

DIALOGUS I.

De

Dignitate , Jucunditate , Utilitate
Studii Numarii Veteris.

INTERLOCUTORES.

TULLIUS docens , PUBLIUS discens.

PUBLIUS.



Uàm benè actutum mihi venisti, venerande Tulli, I.
quum te unum mihi adesse votis omnibûs cuperem:
Tua namque erudita ego studia dudum præclare
suspicio. *TULLIUS.* Ingenuus animus tuus per-
amanter facit, atque Ingenium elegans, optime
Publi, quòd amor noster in Musas mitiores tibi
arridet: quibus tam multi mox ab elementaribus
scholis cum fastidio hodie nuntium remittunt.

PUBLIUS. Non possum non, quæ tu tam jugiter colis, egregia arbi-
trari, cùm Jove dexterrimo natus nemini non videare. Hodie ejusmodi
res mihi tecum, quæ solum te Oedipum speret. Vides hanc arculam,
quam ne nudius tertius quidem, dum ad me inviseras, in cellula mea

A

spectâ-

spectâris? *TULLIUS*. Statim in eam oculos contuli, ut rerum tuarum, si forte queam commodô tuô, curiosissimus sum. Ast verò quem illa thesaurum recondit? *PUBLIUS*. Dicam primùm, unde illa ad me: cætera fortean sagax animus tuus præcurret. Avi mei, corpore nuper piè soluti, Virique, ut nôsti, Rerum Eruditarum non incuriosi, ultima voluntate mihi tributa est. *TUL*. Quid ais? Avus tuus, cui levem terram adprecor, hanc tibi? Ergò thesaurum oppidò charum, sic Dii te ament, adeptus es, Numos nimirum veteres ejusdem, etsi non prorsus exquisitos, benè tamen multos, nec contemnendos. *PUBL*. Sic est: sed parce mihi, quòd verba tua non planè capiam. Divitem exiguo vilique hoc ære me admodùm prædicas, quod insuper turpis ærugo passim exederat? Quis inde mihi census proveniat? *TUL*. Suavissimè Publi, ignoti nulla cupido: benignam tu mihi aurem, & ego, qua polleas sorte, te liquidò instruam. *PUBL*. Oppidò mihi salivam jam hætenus moves: edisfere itaque, ut liber, plenissime, unde tantoperè gaudeam.

II. *TULLIUS*. Ignoras hucusque, ut audio, quid rei tandem Numi sint veteres? quid reconditæ celent utilitatis? quem in finem, quantòque artificio atque ingenio illi excusi sint? Altum te latet, *quod radiosâ nonnquam prolixitate Libri, id compendiosâ brevitate* (ut nonnemo loquitur Eruditorum) Numos præstare. Esse eosdem *certa minimeque dubia rerum gestarum documenta, esse historis, quia cum re ipsa nati, plerumque antiquiores, quin imò ut voluptate, ita fide potiores, cum temerè ad-
ulterari citra perspicua doli argumenta baud faciliè queant.* Nescis eorum ex contemplatione tam multiplicem ac varium elegantioribus quibûsque litteris fructum accedere: Viros Principes in hæc cimelia, Artium & Eruditorum bono ab interitu vindicanda, opes tam ingentes liberaliter profundere: Summa Ingenia iis collustrandis uberes sudores impendere: Scriptores maximos amplissima ab iis subsidia Ethicæ, Politicæ, Mythologiæ, ac præprimis Historiæ accersere, quoniam historias non rarò ad fidem Numorum oportet, non è diverso Numos illarum ad rationem componere. Nunc porrò, si pateris, qualescunque sint Numi tui, prima tibi eorum eruditè pernoscentorum elementa commodùm pandendi ansam tamen mihi præbebunt.

III. *PUBLIUS*. Quàm amo te, Tulli facundissime, quòd aurum mihi saluberrimè vellicas, & quæ hætenus cogitaveram nunquam, liberaliter mihi aperias. Sentire jamjam mihi videor, ecurr rebus in antiquis semper hætenus rudis fuerim, utut in libris non penitus infrequens essem. Regiam videlicet per Numos easdem discendi viam non modò non tenui, verum etiam nec equidem novi. Plurima quamvis suggerant Libri, ægrè
tamen

*Lack. Synops.
Nimismat.
rarior. in
Proem.*

tamen tam multa tenentur: quod si proinde Numi, ut ais, Historiam, Ethicam, Politicam, atque Mythologiam oculis quoque subjiciant, vix quidpiam amplius præstat, ac Bibliothecis ejusmodi Gazophylacia non indiligenter adjungere.

TULLIUS. Sapienter admodum judicas, & ferè plusquam mihi de te ad unum sermonem meum sponderam. Perge, quo cœpisti, pede, & perbrevis itinere sapientiæ veteris adyta percurres. Quæ de Numorum præstantia tecum disserui, non jam amplioribus exequor: reapse id senties, cum, sinente te, Arculam tuam lustrabimus, & ut tui, qui ibi delitent, Numi exposcent, de eis jucundius disseremus. Dignissimum utique arbitror, tempus cum tot Augustis Principibus, quos illi referunt, fallere, vultus eorum egregiè factos lustrare, elogia eorundem, Laconica brevitate contracta, ita evolvere, ut verbum subinde sive diverbium, quod nemo non Eruditorum in Quiritibus unicè amat, integram Panegyrim fundat. Nec sanè inutile nobis erit, quidquid domi militiæque egregiè egerant, æreis his in fastis descripta, tam pulchra tamque erudita in imagine contueri. Adspirabit nobis etiam Virtus, dumque ex æquo laudata placebit, animos sibi nostros vi quadam arcana devinciet. Quam deinde jucunda nobis erunt Religionis Augustæ deliria, tot deos, deasque referentia? Tum idololatriis quidem usque aded in sapientia sua desipientibus Christiana pietate compatiemur: totis verò animis DEO nostro jubilabimus, quod purissimo Fidei lumine similem in mente nostra caliginem jam inde ab utero discusserit. Cæterum ipsæ pariter tenebræ in meridie palpantium animo nostro fabulis non inconsultò natæ multifariam egregiæ cujusdam atque salubris disciplinæ lucem accendent. Pascent animam nostram, dum irritos Tyrannorum in primam CHRISTI Ecclesiam furores subinde commemorabimus, cœlestes Martyrum Triumphus: novas Pietati nostræ subdere poterit faces Religio sancta super tumultum nefastæ impietatis erecta, atque Crux CHRISTI à tempore M. Constantini in labarum erecta.

Oppidò proinde comperies, hoc tuo thesauro & ingenium tuum erudi, in quo tamen solo nequaquam sistendum, & animum alluci ad Virtutem, & cor religiosè in DEUM sustolli. Quid ultra desideres? quid amplius homini, etiam si religiosus sit, eruditò & innocenti hoc otio expediat? quod utique longè super ludos & pocula, levesque jocos & fabulas positum est, quibus aliàs, pro dolor! benè multi irrecoverabiles horas creberrimè prodigunt. Nihil profectò in his est non modò fœx amusa, plebs inquam indocta, sed & vulgus litteratorum, quod in Senatu Eruditorum considerare se jactat, dum Rei Numariæ studium, propi-


tiâ hodie Musâ longè celeberrimum, rabiem credit insanam. Sapient illi ; hîc omninò desipiunt : etenim jam dudum pervulgatum est illud : *Ars non habet osorem , nisi ignorantem.* Quod si Numos vestigarent aliquando , eorum curiosos haudquaquam præcoci sententia vel ad fabas damnarent.

VI.

Qui in his benè gnavitèrque institutus est , erudito in consensu doctis , & in omni retrò historia probè subactis discursibûs mel & ambrosiam omnibus loquitur : si natis plaudendum , aut parentandum denatis , seu honos , sive fortuna votiva quandoque exposcant obsequia , in Symbolis eam in rem à se conceptis , vel elogiis ubi ubi demum descriptis , penicillum & calamum à Quiritibus mutuât , Romanam veluti postliminiò restituit gravitatem , eruditionem spirare , reviviscere sapientiam facit. Contrâ qui nihil in Numis sapit , admodùm sanè sibi timeat necesse est , vel à chartis illis parvulis , *Fama* ad instar publicæ undique perstreptentibus , quas plerique nunc manu terunt docti simul & indocti novorum cupidi , in quibus multi etiam Viri Religiosi graviter profectò vapulant , quòd jam has jam illas publicis in solemnibus Inscriptiones Arcuum , Symbolorum , atque Emblematum minùs è voto Rei Antiquæ peritorum confecerint. An rectè , viderint Authores : interim ita inibi vapulant , ut & ego quoque pro illis pudore suffunderer.

VII.

Omnibûs itaque modis Author tibi sum , Publi dulcissime , ut , quem DEUS tibi thesaurum Numerum submisit , gratus teneas , eoque , dum liberale ingenium tuum adhuc præstantissimè viget , eruditè fruaris. Metes , vir postea factus , quod juvenis feres : brevi disces , quod in omni tibi vita expedit. *PUBLIUS.* Gratias tibi immortales , quòd hæc mihi calcaria tam potenter admoveas. Utinam hodie adhuc portas *Laconica Quiritum Sapientia* , id est , reconditæ in Numis omnigenæ Eruditionis , irrumpere liceret ! Sed lentè nobis festinandum utriusque munera præcipiunt. Abitum , ut video , paras : cumprimùm verò licuerit , reviviscere te cupio. Vale , Tulli venerande. *TULLIUS.* Sed & tu salvus sis , Optime Publi.



DIALOGUS II.

Quinam Numorum veteres dicantur,
& quæ eorum discretio?

TULLIUS.

ADsum ex animi tui sententiâ, Arculam tuam, sin vacat, una I.
tecum exploraturus, Publi lectissime, ut, quantum qualemque
tibi Avus tuus thesaurum transcripserit, luculentius dispiciamus.
Fac, pateant forula, Tabellas explicemus, **PUBLIUS**.
Actum est, quod jubes: ipsi, puto, gestiunt Numi, quod eruditos ob-
tutus tuos subituri sunt. **TULLIUS**. Benè utique habet cum ejusmodi
testibus obsoletæ jam quasi veritatis, si denuò in forum d-ducti, licèt
muti, id tamen, propter quod editi olim in lucem fuère, liquidis edi-
cere suffragiis sinantur. Verùm quid video? populum habes centenis ali-
quot capitibus constantem: attamen sine ordine undique, sine lege con-
fusum. Caput jam nostri sermonis indubiè esse debebit discursus de ipsa
Veterum Numorum ratione, mole, qualitate, ordine, atque discretione.
PUBLIUS. Quin imò hæc demum ipsissima sunt, quæ si hodie me
coram edisseras, rem mihi quàm jucundissimam feceris. Quid itaque
primum sunt Numi?

TULLIUS. Plurimorum sententiâ, etsi necdum apud omnes Eruditos II.
illud in confesso sit, Numi, præcipuè Quiritum, erant *Moneta* eorun-
dem *currentes*, usui quotidiano atque inter sese familiari proculæ. Sed
harum è numero eos excipias velim, qui vel palmari sunt magnitudine,
vel nimia præter morem soliditate densantur. Hos etenim (vulgò dictos
Medagliones) arbitrantur Rei Antiquæ Numariæque periti munerum dun-
taxat largiendorum, memoriæ item ac famæ singularis causâ ab Augustis
decretos. Nôsse nimirum te juvat, eam omnem ætatem, idololatriæ te-
nebris sepultam, cum DEO vivo & vero gloriam dare ignoraret, suo
duntaxat nomini impensè atque per omnia studuisse. Porro quoniam de-
scripta in libris Majorum suorum decora cum blattis & tineis quotidie lu-
ctari cernebat: statuas præterea & lapides, testes gloriæ singulos atque
unicos, temporis injuriâ etiam tandem perire animadvertit: Numos cum
aureos, tum argenteos, potissimum verò æreos, quibus in alium usum

conflandis Avaritia non admodum insidiaretur, tabularum locò elegit, in quibus elogia sua, nunquam intermoritura perennitate, posteris transcriberet. Hi namque magnò numero cuduntur, in omnem terram deportantur facillè, & humi quoque defossi, post multa tamen sæcula iterum iterumque reperti reviviscunt. Ex quo facillè consequitur, quòd nec punctum nec apex in Numis veteribus industrià atque ingenio vacet, & quàm congrua sint illi suppellex, ingenium suum cum fructu exercendi.

III. *PUBLIUS.* Mira pro vanitate solertia, quam æmulari Christianos pro pietate decet. Sed annè *Numorum* nomine apud Authores omne veteris monetæ genus accipitur? *TULLIUS.* Accipi utique potest, atque cum apud Hebræos, tum apud Arabes, tum apud Punicos, cæterosque plurimos populos suo signati idiomate Numi reperiuntur. Verumtamen communi ferè jam omnium phrasi Græcorum duntaxat atque Quiritum ærea monumenta in gazophylaciis antiquis quærantur. Et Græci quidem Numi Romanis, ut vetustate, ita & specie atque elegantia magnoperè præstant. Graja namque sapientia, cum gente ac terris suis à Quiritibus tandem subacta, Romanam parturit: cum antea, quotquot extra Græciam gentes inundârunt, *barbararum*, puta, indoctarum nomine censerentur. Quocirca & Gentium Doctor Romanis scribens aiebat: *Græcis ac barbaris, sapientibus & insipientibus debitor sum.* Non exiguæ deinde rebantur laudis argumentum Romani, si Victores cum victis saperent, Græcâque & linguam, & artem, & sapientiam callerent.

Rom. I. 14.

IV. *PUBLIUS.* Pauca nobis, ut reor, de Græcis differenda sunt Numis, quorum gaza mea vix aliquos numerat. Edic ergo, quandonam Romæ signari Moneta occœperit? *TULLIUS.* Rem arduam postulas, ac curiosam magis, quàm Numis pernoscendis opportunam. Opinionibûs flant cuncta hic omnia: id verò constare passim videtur, Romanis sub Regibus Monetæ aureæ atque argenteæ signandæ cum artem tum usum Romæ ignorata fuisse. Numi Argentei A. post U. C. 384. Aurei 546. cœpere: de Æreis certa, quæ afferam, non habeo. *PUBLIUS.* Sed unde demum Numis præconium Antiquitatis asseritur? *TULLIUS.* Optimè sciscitaris: ego verò multorum diversum ob sensum gustumque ægrè iterum tibi respondeo. Dantur *Consulum* Numi, sive *Familiarum*, eo tempore cusi, quò Roma Consulibus paruit: & hi quidem Cæsareis vetustiores sunt: quibus tamen non pauci sub ipsis Imp̃p. cusi adduntur, Cæsare præsertim, & Augusto. Imperatorum Numi, si iis, quos propriè *Modernos* dicimus, trium videlicet Sæculorum nostrorum,

contra-

contraponantur, omnes *Antiqui* cenferi queunt, etſi ad Sæculum uſque XV. excurrant, ante cujus medium Turcæ Conſtantinopolim ſedem Imperii Orientalis diripuerẽ. Antiquarii tamen multi Numos ſolummodo florentis Romani Imperii à *Jul. Caſare* ad uſque *Gallienum & XXX. Tyrannos*, nomine verè *Veterum* dignantur: alii ad tempora *Conſtantini* progrediuntur: alii ad *Heraclium*, alii ad *Romulum Momylum*, per jocum *Auguſtulum* dictum, cum quo corrui Imperium Occidentis: alii omninò uſque ad *Carolũ M.* procedunt. Optimè ferè agitur, ſi ſeries Cæſarum in Numis cum *Theodoſio M. &* filiis ejus *Arcadio* atque *Honorio* una cum Sæculo IV. finem fortiatur. Reliqua etenim Monetarum fœx plerumque crudiffima eſt, nec arte nec ingenio curam promerita.

PUBLIUS. Quid verò in Arcula mea ſibi vult moles Numorum & magnitudo adèdò diverſa? **TULLIUS.** Magnitudo triplex in Numis ſtatuitur, quemadmodum & metallum. Ut hoc poſtremum priùs expediam, Aurei Numi, Argentei, atque Ærei exſtant. Argenteis à quibſdam accenſentur Numi variis è metallis commixti, parum admodum argenti poſſidentes, albi tamen utcuque: item argenti, de induſtria, & mox ab initio, ſolummodò tincti, quibſ argentei ſupplentur. Æreorum nomine omnes reliqui veniunt, ſive ex cupro, ſive ex orichalco, vel utroque permixto, ærève Corinthiaco conſtent. Ubi non indiligenter animadvertas velim, æreos plerumque dedita operâ varii coloris pigmentò tinctos fuiſſe, ſolido valde conſtanti, quod ferreo etiam ſtilo admoto ægerrimè cedit, tenue nihilominus, & neque ſubtiliſſimas litteras obtegens. Factum id prohibendæ æruginis cauſâ: ejusmodi itaque Numi, ſi mundi ſint atque integri, longè venuſtiſſimi comparent, jam viridi, jam nigro, jam caſtaneo colore inlignes. Corinthiaci porro æris origo erat Corinthus Urbs opulentiffima, à Romanis vaſtata, atque igne ſuccenſa, in qua æſtu incendiĩ multiplicia metalla liquata, atque rivulorum ad inſtar hinc inde confluentia, æri inde commixto nomen dedere. Qui jam Numorum duntaxat poſſeſſione, elegantia, atque nitore gloriari, nobiliſque ac pretioſæ gazæ famam noménque aucupari deſiderant, ut maximè ſollicitè cavent, ne ſua in ſerie Numorum metalla commiſceant, aureis-que argenteos, vel contra, aut æreos utriſque interſerant.

Pariformiter iidem vitio non modico deputant, inæquales magnitudine aliquando juxta ſe ponere. Alii ſiquidem Numorum *magni*, floreni ferè commenſi, alii *medii*, ad ſeptendenarium prope accedentes, alii *parvi* ſeptenarium ne quidem æquantes, & quotquot dein hac à meſura quomodocunque recedunt, appellitantur. Sæpè tamen non tam ſpatia Numi, quàm caput robur, aut contrà gracilitas ſolet attendi.

*Magnis
pretium*


V.

VI.

pretium & æstimatio ab elegantia accedit, formisque elatis: *medii* avidè quæruntur, ob partium reversarum tam multimodam varietatem: *parvis* denique, imò *minimis*, a lapsu potissimum Imperii, necessitas patrocina-
tur, cùm magni, mediique tum temporis raro admodum prodierint. Summa tandem Numorum curiosos urget sollicitudo, ut ne *genuinos* inter, quantumlibet affabrè recenti à cælatore *fictus* irrepat: deinde, ut cu-
juslibet metalli, ac magnitudinis, *rari* & exquisiti, non *communes* so-
lùm atque obvii sua in arca divertant.

VII.

E converso cui è Numis *Laconica Quiritum Sapia* prima duntaxat *Rudimenta* addiscere animo sedet, illisque eruditè, non tumidè frui, ejus parùm admodum interest, cujus tandem metalli vel molis monetas obti-
neat, cùmque genuinas assequi nequeat, recenti arte conflatas interim non respuit omninò, modò verorum ad modulum fideliter redditæ, nec purè in gratiam sine vero quopiam prototypo *fictæ* sint. Hoc, optime Publi, probè te animadvertere velim: in tuis etenim Numis complures ego pullos suspicor, recentibus ovīs & annis exclusos. *Laconicam* nihilo fecius *Quiritum Sapiam* utiliter tibi ex iis atque fideliter, quantum tironi sufficere poterit, prælegam. *PUBLIUS*. Quàm multa mihi gratissi-
mo hoc Dialogo Numariæ rei arcana jam referâsti, quæ memori mente tene-
bo: libera porrò cæteram fidem, quàm dederas, & ex asse me tibi de-
vincum perpetuò habe. *TULLIUS*. Ego propè hæc cuncta ex præ-
clara *Introduktion* in cognit. *Medall*. Viri plurimum Rev. P. Ludov. Jo-
bert, Societ. Jesu, tibi suggessi: quem proinde una mecum pro
dignitate reverere.



DIALOGUS III.

Finis, Methodus, atque Partitio
Operis.

PUBLIUS.

NOctem propè insomnem produxi, irrequieta Prælectionum tuarum speculatione absorptus, Tulli Honorande. An porro hodie me Pallas beabit, ut aliquot ex arcula mea bellaria, te interprete, dulciter prægustem? *TULLIUS.* Nihil equidem jucundius Magistro præ fame sui que discipuli, quam ille utramque ad discendum quotidie affert. Frænò attamen opus est, quoties idem extra orbem, & ordinem saltat. An retines adhuc, cujus te nuper commonui, Numos videlicet tuos sine lege & ordine jacere? De methodo itaque præ omnibus cogitandum est nobis, qua eosdem è re captique tuo quàm optimè disponamus. Sustine hanc insuper diem, suasque aviculæ plumas indulge: his etenim non expedita, qua, obsecro, fiducia leves auras secabit? Tria hodiernus te sermo meus adhuc præviè doceat, necesse est. Primum: cur nova te institutione erudiam, nec veterano cuipiam te Magistro remittam? Deinde: qua methodo hæc Rei Numariæ Rudimenta prælegere tibi cogitem? Postremò tandem: quo ordine Numos tuos tibi exponere consulto, ac præter solitum morem, apud memet statuerim. *PUBLIUS.* Parce præcoci Sapientiæ Veteris amor: de reliquo, quod utilissimum tibi videbitur, tutò mecum exequere.

TULLIUS. Benè est: principiò latere te nolim, haudquaquam me fugere, quàm summos hæc Ætas nostra, scientiis nata, Rei Numariæ Vestigatores publicis legat in typis, quos nullum Vetustæ Eruditionis genus alicubi præterit: quales sunt: *ANTON. AUGUSTINUS. PATINUS. VAILLANT. OCCO. MEZZABARBA. GEVARTIUS. BANDURIUS. SPANHEMIUS*, aliique quamplurimi, suis quisque elogiis Illustriissimi. Atque hi omnes, ut voluminibus suis maximè egregiis congruam, dignam, amplamque suppellectilem longè lateque conquirent, undequaque exploratis diversorum gazis, imò & inspectis Regum atque Principum thesauris, suo sese operi, divites jamjam rerum & locupletes

accinxerunt. Verum enimverò aut vassa nimis sunt eorum volumina, atque adeò simul & pretiosa, neque passim omnibus obvia: aut prætermisissis illis, quæ prima in hoc genere atque minora sunt, ardua tantum ac difficilia versant, sublimi quidem per omnia ingenio, stilò tamen pro tironibus aut nimis succinctò, vel certè contra nimiooperè diffuso. Quare usum eorum (tametsi æris inopiam omninò dissimulem) cum temporis brevitatis, tum ipsa Elementorum ignorantia necdum depulsa, à te, tuique oppidò multis similibus longissimè prohibent. In me itaque, siquidem id amplissimè poscis, hoc recidit saxum, ut *Laconicam Quiritum Sapientiam*, quæ in Numulis tuis delitet, commodum tibi atque facillimè pandam.

III. *Laconicam*, inquam, *Quiritum Sapientiam*, quam unam à me flagitas. Non porrò vel regulas tibi vel canones tradam, Numos veteres comparandi, explorandi, collocandi, interpretandi: exemplis duntaxat rem omnem exequar, neque æs, neque molem magnoperè moratus: modò, quam breviter quam exquisitè Quirites tum elogia Imperatorum, cum facta magnifica in Numis suis extulerint, utcunque intelligas. Haud spondeo tibi plenam atque integram omnis, quam omnes undique Numi recondunt, Sapientiæ cognitionem ingerere, & ænigmatum quorumvis perfectum te quodammodo Oedipum efficere. Res tibi prorsus angusta est domi: præibo, qua Numulis tuis vulgaribus insequi me, & assequi poteris: imò quo sponte nos illi conducent, ac veluti digitum intendent. Tuâ itaque perexiguâ cymbulâ vectus, altum non subeo, nec in fluctus eandem & scopulos propello: hæcere tecum in litore & curta supellex tua, tempusque præprimis apud me arctum cum suadent mihi, tum imperant. Nequaquam itaque alios, præterquam quos arcula tua suppeditat, Numos in medium proferam, ut, ipso utriusque oculo teste, de singulis arbitremur. Nolim imos Historiæ fontes te coram, & abdita Mythologiæ vestibula perrumpere: non expedit, paginam omnem scriptoribus onerare: non libet æternas Doctorum lites in medium provocare. Assurgo potius communibus Eruditorum placitis, triusque jam viis tecum festinus incedo. Operæ pretium erit, latentem tuis in Numis thesaurum ligone nonnihil & sarculo tentare: esto; haud teneamus; fodere tamen nihilò fecius proderit.

IV. Ast, ne cum sonitu verbi tua simul, atque mea industria leviter pereat, Numos tuos, ut reperero, penicillò aliquot in Tabellis exscribam: tu dicta mea futurum in usum tuum calamò excipe. In quo id mihi fiducia dabis, ut Numos tuos tantoperè inæquales pari ferè omnes magnitudine,

dine, non sine Eruditorum exemplo, depingam. Nec etenim Symboli notio, quam uram inquirimus, à Numi magnitudine tantoperè pendet, ut tutò eam dissimulare sine nimia Religione omninò non liceat: quin potius grandioribùs lineis ductæ subinde imagines, vel characteres descripti, præminutis atque pusillis, oculos tuos atque animum faciliùs juxta multòque jucundiùs imbuunt.

Supereſt modò, ut Ordinem jamjam decernamus, quo Numos tuos primum collocabimus, collocatos deinde pari ſucceſſu contemplabimur. Præcurrent PRÆLUDII locò pauculi, quos poſſides, *Græci*, qui tamen ad Imp. non pertinent: *Conſulum* item, aut *Familiarum* æquè pauciſſimi, utraque ſui facie expreſſi, ne utrorumque omninò ignarus ſis. Quibus inſuper addentur Numi *Communes* Urbis Romanæ. Reliqua VI. PARTIBUS diſpertiemur. I. Mera redhibebit *Capita Auguſtorum* à JULIO ad uſque ARCADIVM, & HONORIVM, jugi Principum, qui tibi ad manus ſunt, ſerie, cæteris prætermiſſis. APPENDIX erunt Vultus Auguſtarum, eorumque, qui Cæſaribus aut ſanguine, aut neceſſitudine proximè conjuncti fuère. Atque in his omnibus, dum Titulos eorum exponens breviter verſabor, hiſtorias tamen ac vitas exactè non texam, minùs verò rigida Criſi calculos uniuſcujuſque Chronologicos, quod ad Laconicam Numorum Sapientiam non pertinet, operoſè ſubducam. Cætera porrò PARTES ad unam omnes opoſitas ſolùm capitibus formas redhibebunt.

PARS itaque II. ea contuenda objiciet, quæ ad *Politicam* Auguſtorum *Gloriam* quidpiam conferre videntur, domi partam: puta: *Virtutes*, *Adoptiones*, *Liberalitates*, *Ludos* &c. III. *Bellicam* Imperatorum *Gloriam* pandet, à *Legionibus*, *Fide* ac *Concordia militum*, *Victoriis*, *Elogiis* earum ac *Premiis*, atque *Commodis* proſectam. IV. *Religionem* afferet Auguſtorum, *Deos*, *Deasque*, *Templa*, *Sacrificia*, *Pontificum ſupelleſtilem*. V. *Populi* in Principes *Studia* recenſebit, *Vota* nimirum *Imperii*, *Salutis*, *Proſeſtionis*, *Adventûs*. VI. Demùm ſola neſcæ *Conſecrationis* monumenta ſubjunget. Chorum EPILOGI in vicem ultimò ducent, ſi quidam tibi fortean ſuppetant, Numi *Coloniæ*, ac *Urbium*.

Melius utique hic tibi Ordo proficiet, ut Veterum Quiritum Sapientiam veluti compendiò teneas, quàm ſi omnes unius Auguſti Numi perpetua thematum confuſione, titulorum, atque Actionum, ſeſe juxta conſequerentur. Uno obtutu diverſa hauries ſchemata, quibùs Romani

Felicitatem Reipublica, Securitatem, Virtutem, & id genus cetera, oculis subiciebant. Agedum itaque, veteris Sapientiæ amicissime Publi, eidem, si lubeat, quantumque par est, sedulum te discipulum subde. Miraberis sanè censum illum egregium, qui à Numis tuis vetustate sordidis, ærugine exesis, sed arte, sed ingenio longè præstantissimis, animo tuo tam omni ferè sine tædio, imò tam opipara cum voluptate cumulatè accedet. Licebit exinde multa in rem tuam commoda derivare, sive olim suggestum conscendere te oporteat, sive tempus cum amicis familiariter fallas, sive Laudes aut vivo, aut defuncto percentreas, sive tandem Vitæ etiam tuæ rationes tacita tecum meditatione inire volueris. Magnâ hodie mihi denuò patientiâ auscultâsti: cum proximè confabulabimur, quàm mox ipsis à Numis, ex Arcula tua extractis, quod unicè flagitas, initium ducemus: quorum interim ego Tabellam tibi I. depingam.

VIII. *PUBLIUS.* O Tulli venerande, si memet tibi reddidero, parum est. Noli metuere, ne tanti labores, quos meo tu commodo suscipis, tibi leviter pereant. Quidquid propitiò DEO, teque Magistro in Re Romana sapuero, æternum tibi apud omnes debebo. Tabulas verò tuas, & quas ego calamò excipiam, Prælectiones publici suo tempore juris certò certius facere connitar. Facile namque mihi persuadeo, quamplurimos esse, qui una mecum *Rudimenta Laconica Quiritem Sapientia* methodò tam facili, tamque opportuna nancisci etiam atque etiam vehementissimè cupiant,



PRÆ-

PRÆLUDIUM

Ad

Laconicam Quiritum Sapientiam:

Sive aliquot

NUMI GRÆCI,

Qui ad Imperatores non pertinent:

Item

CONSULARES,

Sive Familiarum Romanarum:

Nec non

Communes

URBIS ROMÆ,

Senatûs, ac Populi.

NB.

Characteres in Tabellis sic legendi:

NA. Numus Aureus.

AR. Argenteus.

Æ. Æreus.

T. Tyricus, seu idea Numi è plumbo, aut gypso.

M. Numus magnus.

m. medius.

p. parvus.

m. minutus, seu minimi moduli.



DIALOGUS I.

De

Numo ALEXANDRI M. Macedonum Regis.

TULLIUS.

UT proprio Marte veteres Numos facile quis vestigare, atque feliciter queat, arte magna, plurimæque rerum cognitione est opus: quam ipsam subesse vereor apud plurimos causam, quòd eos Numorum cura tam exigua tangat, & ab aliis suscepta iisdem stomachum moveat. Veneranda hæc temporum tam longè retro nos positorum monumenta, sine Historiæ cum Græcæ tum Romanæ exquisita notitiâ, & utriusque pariter idiomatis usu egregio, se intuentibus ænigmata sunt obscurissima, Gordii quidam nodi tantum non insolubiles. Quæ idcirco hodie, Publi lectissime, rursus ante te proloquor, ut intelligas, penitus à vero te aberraturum, si Numos tuos intuens arbitraris, Cælatorum tantum licentiâ, ut in aliis Pictoriæ, Sculptoriæ, Fusoriæ, Statuariæ artibus hodie sit, imagines jam isto, jam illo cum sitis, tum ornatu, & habitu cultu gratæ duntaxat varietatis causâ effictas fuisse. Curiosè omnino Numi versandi sunt, & nihil in iis otiosum putandum est illi, qui Laconicam Veterum Sapientiam hiscè ex tabulis turò legere cupit. Omnium causam requirere atque excutere opus est rerum & litterarum, quas Nomismata referunt.

Pauci porrò sunt hodie in vulgo litteratorum nostrorum, qui gnava historię cognitione, quæ sanè solis è compendiis obtineri non valet, aut idiomatis Græci peritiâ clareant: inter juvenes verò Academicos penè nulli. Annè autem propterea à Rei Numariæ studio hos omnes quis arceat? minime

II.

minimè gentium. In id tantummodo, qui ejusmodi sunt, concedant, ut nihil aliquando in Numis sine probis solidisque magistris nimîa quadam & inconsultâ fiduciâ statuant. Quæ eis occurrunt, Monetas in Libris exquirant, ut, iis inibi deprehensis, atque disertè illustratis, voluptatem illam deinde saltem consequantur, quam primo cum Numi obtutu hausissent, si historiæ ejus jam tumgnari fuissent. Esto, operosum nonnihil hoc atque difficile initium sit; erit paulò post, ut, pauculis Numis cum labore vestigatis, aurora eis illucescat, multosque postea similes simplici mox visu pervadant.

III. Sed longior denuò, ut video, hæc tibi Præfatio est, Publi optime, tuaque in facie, quam ad Numos ipsos lustrandos veluti ardeas, lego. Ne itaque tuâ ego patientiâ nimium abutar, ecce tibi Tabulam I., & in ea Numorum tuorum Græcorum Decadem I. sanè non incuriosam, & ex integro ferè Regiam, à me fideliter pictam. *PUBLIUS*. Cum osculo eam recipio, cèu primitias humanissimi in me officii tui, Venerande Tulli: ardeo utique lustrandorum Numorum cupidine, quam equidem flammam in me vehementer accendere tu nunquam hucusque desineras. *TULLIUS*. Post Tabulam ipsos etiam accipe Numos, qui, si æris unius essent, hoc à te ordine, quem eis in Tabula statui, Arculæ tuæ reponi deberent. Quoniam autem argentea partim est tua supellex, partim anea, geminum ordinem instrue, ne fuscus nitentem inficiat. Porrigo tibi præterea jam nunc typos aliquot plumbeos rariorum quorundam Numorum, quos cave, ne abjicias, sed locò postremò recollocas.

IV. Initium porrò vestigandi à Numo *ALEXANDRI M.* Macedonis, *Tab. I.* apud te æreo & medio, quem primùm depinxeram, jam facere libet. *Num. I.* Nonnè monstro deputas caput hominis capite altero leonino superindutum? *PUBLIUS*. Omnino: sed subito mihi occurrit, sæpius me *Herculem* ejusmodi pelle vestitum conspexisse: quoniam nimirum, ut arbitror, leonem *Nemeæum* prostravit. *TULLIUS*. Appositè arguis: etenim Alexander, ut nôsti, Macedonum erat Tyrannus longè latèque celeberrimus. Macedoniæ autem Reges ab *Hercule* se originem trahere nimiooperè jactitârunt: quare capita sua cum pelle Leonis excudere solemine habebant, eâdem fideliâ *Herculis* gloriam sibi, suamque *Herculi* tribuentes. *PUBLIUS*. Placet hoc admodum: sed Alexandrum quæmobrem Macedonum Tyrannum supra ajebas? *TULLIUS*. Curiosè satis, Publi, sed optimè. Politicæ Canon est, cum, qui suo in Regno, ad quod eligitur, summam solus & unicus obtinet potestatem, *Monarcham* dici, si subditos sibi populos ad legum atque Justitiæ normam moderetur: *Tyrannum* verò, si in provincia, ferrò sibi subjecta, sola stet

ei pro ratione voluntas, & summum apud eundem jus summa injuria fit.

Sed nota jam in vultu juventutem, item collum quasi recline. Passim V. cum Poëtæ tum oratores *Pellaum juvenem* vocitant Alexandrum, ab Urbe Macedonia, *Pella* nomine, in qua lucem adspexisse creditur, Anno Mundi 3689. Victorias suas mox ab anno 15. inchoabat, & consummavit cum vita Anno 3731. ut adæd vix benè quadragenarius obierit. Reclinata capitis Cervix in omnibus propè Numis Alexandri, sive exuviis leoninis, sive diadèmate, sive corona ornetur, nota ejusdem est ferè perpetua: *Collum* namque *in sinistram flectere consueverat*, teste *Plutarcho*, apud Clarissim. *Patinum*. Atque hæc *pectorosa cervicis repandæ ostentatio* (quæ phrasis est Plinii) *superbum animum & lascivientem indicat*, *qualis Alexandri fuit*, addit laudatus *Patinus*.

Patin. de Num. Imp. med. æris p. 9.

Verte jam Numum. Quem tu Virum confidere hic putas cum ave & hasta seminudum? *PUBLIUS*. Fatear enim, ignoro. *TULLIUS*. Sed si Avem Aquilam esse tibi edixero? *PUBLIUS*. Jovi ferè semper hæc volucrum Regina tribuitur. *TULLIUS*. Acu rem tetigisti: Jupiter hic sedet, supremo corpore nudus: cum ad innuendam Deorum immortalitatem, cui nulla injuria, propter quam nos equidem vestimur, nocere queat: tum, ut favens atque propitius compareat; id enim pectus apertum apud veteres testabatur. A lumbis tamen deorsum contegitur sindone: quoniam, de DEO quod novimus, merum propè ænigma est, nec nisi post parietem visitur. *Hasta pura*, quam gestat, sceptri locum subiit apud Antiquos, & Symbolum erat divinæ in hæc infima potestatis: ejus tanta erat religio, ut quibus idolum deficeret, Hastam adorarent. *Aquila* Jovis perpetua comes erat: fingitur enim, eandem, cum is ex insula *Naxo* contra Titanas proficisceretur, atque sacra in littore faceret, subito advolâsse, Jovique Auspicium fecisse sequentis victoriæ: quare Aquilam bono omine acceptam tutelæ suæ subjecit. Imò dum actu in Gigantes pugnaret, amplius comminiscuntur Poëtæ, Aquilam trisulcum ei fulmen ministrâsse: cui fingendo ansam dederat, quod principem hanc volucrum fulmen non lædere vulgò credatur, Vatum de ipso Jove misero suo omnipotente mendacia alteri loeo reservo.

Sam. Pitisc. Lex. Antiq. quit. Rom. verbo: Aquila.

PUBLIUS. Sed quare Jovem Alexander in Numo suo expressit? an præcipui duntaxat cultus testimonio? *TULLIUS*. Amplius aliquid disce. Animadvertit *Patinus*, Olympiam, conjugem Philippi Maced. Alexandri matrem, confessam esse Viro suo, Serpentem sibi cum voluptate adfuisse, ex quo gravida facta sit. Hic rumor cum subsequis annis ad Alexandrum jam bellò illustrem pertigisset, extemplò ille, ut summa am-

VII.

bitione fuit, Jovem se patrem habere, qui formam serpentis induerit, apud omnes vulgabat. Quare superbus hic Rex illa Numi imagine divinam, si superis placet, Genesin suam posteris transcripsit. Atque hinc etiam est, quod in plurimis Numis ejus honori proculis serpens notetur: quemadmodum in aliis leo, quoniam Olympia suprafata somniasse insuper fertur, utrum suum annulò signatum esse, cui Leo insculptus erat: quod hartioli & graviditate interpretati, filium eidem leoninæ magnanimitatis prædixere. Jam, lectissime Publi, *Legendam* mihi recita, sic enim, quæ in Numis circum, supra, vel infra, decussatim, vel verò dextrorsum aut laevorsum scribuntur, appellari consueverunt: quæ porro totam Numi Aream implent sine imagine verba, *Inscriptio* audiunt. **PUBLIUS.** Hæret omnino aqua: characteres enim Græci sunt. **TULLIUS.** Ego legam: ΑΑΞΕΑΝΔΡΟΥ, i. e. ALEXANDER. **PUBLIUS.** Adhuc sub dextro Jovis brachio, quo Aquilam sustentat, ignotum mihi signum est, aut monogramma: quod illud? **TULLIUS.** Ejusdem ego ipse, Oedipum posco. Eruditissimus *Goltzii* in Græciam

Oper. Goltz. majorem Commentator, *Ludov. Nonnius* insit, Loci, in quo cusus est
T. III. p. 179. Numus, id indicem esse, quem tamen ipse ignorat. **PUBLIUS.** Quam

multa egregia neque inutilia unico ex Numo, te Magistro, intellexi. Sed unum adhuc, obsecro ex te quærere liceat. Putas, hic Numus Alexandri vidit ætatem? **TULLIUS.** Ne quid apud te verum dissimulem, haud adeò antiquus mihi videtur. Nôsse tamen te velim, quod

De Utilit. & Præstant. Num. T. I. Dissert. VIII. p. 381.

me Illustriss. *Spanhemius* docuit, tantû Regis memoriam apud Macedonas (imò & apud Quirites) sequutis adhuc ætatibus non in Numis solum, sed & in omni pretioso monumentorum genere renovatam esse.

Pollion in Alex. Sev. 6 5.

Adducit eam ipsam in rem testimonium *Trebellii Pollionis*, cujus effatò in Macriani Imp. familia receptum omnino fuerat, ut Viri in annulis, mulieres in omni ornamentorum genere insculptam semper habuerint Alexandri effigiem. Os insuper aureum D. *Chrysestomus* idiplum non obscure

Homil. XII de Statuis.

confi mat. alicubi sciscitans: Quid verò diceret aliquis de his, qui incantationibus & amuletis utuntur, ac de circumligantibus capiti vel pedibus Ærea Alexandri Numismata? Sufficiat tibi, ipsum hunc Numum tuum à *Goltzio* pingi, à *Spanhemio* commemorari.

VIII.

Forſitan autem Alexandri etiam à me historiam desideras? Omnium is ore ut rapidum quoddam fulmen, orbemque universum concutiens celebratur. Princeps erat, quo vincente, ut ipsa perhibet *Scriptura Sacra*, stupore attonita, siluit in conspectu ejus universa terra. Hic Vir hic est, qui Darium Codomannum iteratis ad usque internecionem præliis conficiens, eoque circa An. M. 3744. extincto, super Persicæ tumulum

1. Mach. 1.3.

Græ-

Græcam erexit Monarchiam: qua tamen sex tantum, non amplius, annis gavissus est, cum gratulantibus sibi tot triumphos omnium ferè Principum Legatis, inter luxum & epulas interiit. Dicerem tantum Orbis domitorem, quem Mars velut ipse pertimuit, ab inermi Lyæo pessumdatum; nisi *Nonnius* tueretur, ab Antipatro venenum ei per ephebos ac pocillatores porrectum esse. Cætera apud Curtium require. *PUBLIUS*. Quantum non sermonem de unico Numo protraxisti, Venerande Tulli? liquet jam mihi, in Numis quid lateat, quàmque patentem illi explicent campum, in vetusti temporis monumenta penetrandi. *TULLIUS*. Nimirum nihil adhuc benè in Re Numaria sapis: idcirco singula coram te, etiam minuta, perconsenda sunt. Verumtamen fideli hæc memoriâ retinere satage, & multa deinceps paria vel verbulò tibi oggerere sufficiet. *PUBLIUS*. Agam sollicitè, quod mandas, & siquidem hodie à te proposita calamò jam sustuli, iterum iterumque in animum meum demittam.



DIALOGUS II.

De

Numis **LYSIMACHI**, Thraciæ Tyr.
& **HIERONIS I.** atque **AGATHOCLIS**,
Regum Syracusanorum.

TULLIUS.

Quemadmodum Græciam omnem, Persiam, atque Mediam, armis ceu spolia corripuit Alexander: *Pertransiit enim usque ad fines terræ (inquit Scriptura) & accepit spolia multitudinis gentium:* ita ad extrema subito deductus, cum liberos non haberet, *vocavit pueros suos nobiles (Ducés inquam suos) qui secum erant nutriti à juventute:* hi verò imposuerunt sibi omnes diademata post mortem ejus. Atque in his certè non postremus **LYSIMACHUS**: cujus jam Numum porrige Ima, in Tab. II. dum dignissimum visu, mi Publi, ut ejus

I. *Macb. i. 3.*

Tab. I
Num. II.

C 2



ejus mysteria capias. *PUBLIUS.* O Numam mihi pretiosissimum, & Alpha reliquorum! Ex Auro mundissimo est, ejusque omnino, ut pinxisti, magnitudinis, decem præterea solidis gravior. *TULLIUS.* Non ista sunt capita laudum, à quibus Viri cordati Numum commendant: non Aurum, sed littera & imago erudiunt. Metallo pretium statuunt, quibus *Auri sacra fames*, ut cecinit Vates, fordidos Avaritiæ compedes injicit. Interim non abnuo tamen, quemadmodum

Gratior est pulchro veniens è corpore Virtus:

ita & Numum aliunde egregium, si Aurò præterea, sive Argentò refulserit, dignius omnino mereri, ut furno & aurifabris ereptus, erudita in gaza deliteat. Ego porro idcirco non modicè gaudeo, hoc te Numò ditari, quia integerrimus est, nullumque ferè tam diuturnæ ætatis vitium passus: ut adeò in eodem Græcæ, quam supra laudaveram, in Numis procu- dendis industriæ artisque peregregiæ illustre quoddam lepecimen capere queas.

II. Nostin' verò, cujus sit hæc imago, atque superscriptio? Vir sanè est juvenis atque decorus, quem refert Numus, neque tamen molliter speciosus: Lysimachus creditur esse vulgò, etsi, teste *Nonnio*, suspicentur multi, per Lysimachum non suam hic, sed Alexandri effigiem signatam esse, cujus bellò clarissima Virtus ita omnes affecit (quod jam Dialogo priori commemoravi) *ut imaginem ejus secum omnes deportare vellent, ac Principes æquè boni ac mali facta Alexandri emularentur.* Singulare est in hoc capite *Diadema*, seu *Fascia* circum tempora ligata, Regium ætatis illius Insigne, coronæ subiens vicem. Hoc Regibûs suis exactis ita odère Quirites, ut Julio mortem accelerârît laurus fasciis albis intertexta, quam ei Antonius, aut Familiarium quispiam imponere tentabat: Pompeio item crimini datum sit, quòd crus obvelandi duntaxat causâ fasciâ ligaret: *Haud etenim refert*, ait *Favonius*, *qua quis parte diadema deferret.* Neque minùs curiosum est *Cornu Arietinum* è capite excrescens, cujus originem III. *Spanbemius* refert ad *Ammonem* seu *Hammonem*, Lybiæ Regem fortissimum, qui Galeam suam in bello Cornu Arietino insignivit, quémque postea Lybica superstitio ceu Jovem coluit capite cornuto. Cùm porro Alexander Jovis filius haberi vellet, Hammonis cornu capiti suo affingi voluit, quæ vesania plurimos post eum Reges (ut lepidè eos suggillat *Tertullianus*) perperit *de Ariete cornutos*.

III. Esto autem, Lysimachi hæc facies non sit, Numus tamen indubiè illius est, quemadmodum liquidum reddit hæc *Legenda.* *PUBLIUS.*

Me,

Ad Goltz. T. III. p. 149.

Reusch. ad Gemm. Eberm. p. 133.

Spanb. T. I. Diss. VII. p. 133.

Tertullian. Apolog. c. 16.

Me, obsecro, eam legere sine : hesternò namque sermone tuo illectus, Tabulam interim litterarum Græcarum elementarem non indiligenter adspexi. *TULLIUS*. Maeste animo, Publi : quoniam ad Numos tam bene te comparas, brevi magister eris. Audiam : lege ergò. *PUBLIUS*. ΒΑΣΙΛΕΩΣ ΛΥΣΙΜΑΧΟΥ. *TULLIUS*. Probè omninò, sed Latio etiam idiomate redde. *PUBLIUS*. Ultra litteras progressus non sum : necdum penetro nomen : ΒΑΣΙΛΕΩΣ. *TULLIUS*. Rex, aut Dominus hac voce apud Grajos effertur, ut adeò reddenda sit *Legenda*: REX LYSIMACHUS.

An porrò etiam Deam in Numo confidentem agnoscis? *PUBLIUS*. IV. Palladem alias galeatam cum hasta ac clypeo pingi exillimo. *TULLIUS*. Rectè divinâsti: verumtamen quid in clypeo notas? *PUBLIUS*. Ni fallor, Medusæ, seu Gorgonis caput, crinium locò anguibûs horridum. *TULLIUS*. Et hoc præclare: Ægidem enim suam Pallas Perseo fingitur aliquando tribuisse, qua ille munitus, Medusam occidit, atque caput ejusdem vipereum, quod intuentes in saxa convertere sueverat, clypeo inseruit. *PUBLIUS*. Ut quid verò Dea gentilis dextrâ Angelum sustinet? *TULLIUS*. Hic demum lepide sentis. Victoria parvula est, non Angelus, quam hilaris Dea ostentat: quæ insuper actò veluti triumphò quiescens, cubitò super clypeum reclinis, hastam inversam tanquam otiosam intra genua demittit. Colossos triumphales quodammodo subeunt victoris tituli, utroque ex latere decussatim descripti. *Victoriam* verò, de qua alibi latius, *Famæ* instar veteres cum alis pinxêre, cujus videlicet rumor in omnem se illicò terram celerrimè cum laude diffundit: plerumque ea lauream gestat, & palmam, hic tamen omissas, aut fortè attritas.

Quæris autem, quid Palladi cum Lysimacho negotiî fuerit? Eam V. quidem & Belli, & Artium Præsidentem dudum nôsti : Lysimachum verò ex utroque Cæsarem crede. Cùm namque Alexander Callysthenem Philosophum, antea sibi in paucis dilectum, deinde ob perduellionem non proditam truncatis auribus, naribus, ac labiis, una cum cane caveâ inclusum, per provincias circumduceret: Lysimachus, curiosus profectò Academicus, constanter ad caveam sedens, Philosophiæ præcepta splenter à Callysthene hausit, gnaviter imbibit. Præmii tandem sæpè multumque a Magistro postulatus, misero venenum aliquando porrexit, quo finem dolori & ignominiae faceret. Quamobrem irâ vehementi succensus Alexander, leoni terribili Lysimachum objici jussit: ast Heros invictus involutam pallo dextram bestiae faucibus intrepidè immittens, evulsâ eandem linguâ subitò strangulavit. Et quamquam hoc *Curtius* ceu fabulam explodat, *Nonnius* tamen receptam facti hujus fidem ex *Justino*, *Plutarcho*,

Curt. in Gest. Alex. L. VIII. Nonn. ad Goltz. T. III. p. 197. Sc.

rarcho, & Plinio omninò tuetur. *Lyfimachus* porrò charior inde factus *Alexandro*, hunc Regem suum ampliùs demeriturus, eum tanta aliquando cum contentione hostes insequentem, ut nemo suorum eum assequi posset, solus, humanas propemodùm supra vires accelerans, consecutus est. Accidit verò, cùm *Lyfimachus* jam Regi propinquus esset, ut *Alexander* equò velociter desiliens comitem suum hastâ in capite vulneraret, ita quidem, teste *Justino*, ut sanguis aliter cludi non posset, quàm *diamema* sibi demtum Rex, alligandi vulneris causâ, capiti ejus imponeret: quod auspiciū primum Regalis majestatis *Lyfimacho* fuit.

Justin L. XV. c. 3. Appian. de Bell. Syriac. p. 128. &c.

VI. A morte *Alexandri* *Lyfimacho* *Thracia* obtigit, sed non sine ancipiti cum *Seuthe*, qui eidem tunc provinciæ imperabat, eoque gemino prælio. Proferendi tamen adhuc imperiî irrequieta cupidine ductus, à *Dromicheta*, *Getarum* Rege, ita in solitudine cum omni exercitu suo conclusus est, ut siti propè contabescens, frigidaè haustum vitæ Regniq̃ue periculo emerit. Ast paulò pòst, pace facta, Sceptro redditus, omnem deinceps vitam strenuissimè militando insumsit, omnium *Alexandri* successorum potentissimus, quorum non nisi ultimus, fractis jam nimio senio viribùs, *Seleuco* palmam porrexit.

VII. *PUBLIUS*. Quàm jucunda mihi, quàm varia, quàm erudita de *Lyfimacho* recenses: non parùm certè hoc Numo ejusdem felisem me censeo. *TULLIUS*. Illustis est sane: sed minime tamen rarus, atq̃ue insolitus. Si enim *Lazio* fides, quem *Liebe* in *Gotha Numaria* novissimè edita allegat, *Decebalus*, *Daciæ* Rex, incredibiles condidit thesauros, maxima equidem ex parte, eo devicto, ad *Trajanum* Imp. delatos: quorum tamen reliquiæ sæculo XVI. repertæ sunt, cùm piscatores ex *Marilco* per ostium *Valachi* in *Istrigam* navigarent. Tum etenim ingentem vim *Aureorum Numorum*, millia plusquam 40. invenere sub aquis ad truncum *Arboris*, qui magna ex parte *Lyfimachi*, *Thracia* Regis, erant.

Laz. Commentar. Reip. Rom. L. XII. C. 1. p. 1094. apud Liebem. Gotha Num. mar p. 7.

VIII. *PUBLIUS*. Oblitum te arbitror signi peregrini, quod ad *Palladis* pedes confurgit: characterum item *Græcorum* Π. scilicet, quod extra nomen ΑΥΣΙΜΑΧΟΥ visitur & P. quod infra in segmento apponitur. *TULLIUS*. Rectè mones: pro Π. Commentator *Thesauri Fridericiani*, sive Auctor supralaudatus *Gotha Numaria* Γ. legit, seu G. ast illud nihilominus cum *Begero* interpretatur Πολιρχος, i. e. *Urbium Praefes*, quod elogium *Palladi* tributum asserit. Ill. *Spanhemius*. P. autem, seu litteram R. omninò præterit, cujus nec ego conjector nimis incertus esse desidero, Signum ad pedes *Palladis* eidem Authori gladius videtur: an rectè? Peritoribus arbitris relinquo.

Observat. ad Callimach. p. 591.

IX. Sed libet tibi, *Publi*, duos adhuc sequentes hujus *Tabulæ* Numos æreos exploremus. *PUBLIUS*. Libet, ne dubita, quidquid tibi non displiceret.

displacet. *TULLIUS*. Quem itaque Numerus III. signat, mediæ magnitudinis est, in quo caput intueris virile, fasciâ denuò Regiâ illigatum, Regis nempe Syracusani *HIERONIS I.* Facies altera eundem super *celestem* sistit, seu Equum celerem; à cujus pernici velocitate stadiorum triumphus ut plurimum pendebat, velut Olympica in palæstra decurrentem, cum lancea tanquam in scopum directâ. Prædicat namque Hieronem *Nonnius* palmis Olympicis quampluribus clarum, qui eapropter Jovi Olympico solemnî se votò devinxit. Etenim nihil celebrius erat sacris illis Græcorum ludis, & relictis ibidem per quadrigas, trigas, bigas, aut celetes victoriis, cum ob spectatorum undique confluentium plausus & acclamationes, tum *ob coronas, & gloriam, & dotem, privilegia publica, stipendia civica, imagines, statuas, & qualem præstare sæculum potest, de fama æternitatem, de memoria resurrectionem*, ut commemorat *Tertullianus*. Ad Celetes ipsos, seu equos, quibus victoria obtenta erat, sese gloria extendebat: nam & illi coronabantur, nominibus donati sunt peculiaribus, quemadmodum & Celes Hieronis nostri *Pherenicus* appellatus est: statuis insuper ac Numis honorabantur.

Subscriptio Numi est: *IEPONOS* i. e. *HIERO* Infra Celetem pinxi litteras: *NT.* nonnihil in Numo attritas: sed rectius *ΣΤ.* legendum arbitror, è quibus pateat, *SYRACUSIS* Numum excusum. Nec tamen eundem Hieroni cœvum existimes, quoniam capiti ejusdem fasciam affingit, *Livio* interim diserte de Hieronymi, Syracusani itidem Regis, temporibus adnotante. *Quum per tot annos Hieronem, filiumque ejus Gelonem, nec vestis habitu, nec ullo alio Insigni differentes à cæteris civibus vidissent, nunc conspexere purpuram, ac Diadema, satellites armatos.* Quare Numum tuum, quemadmodum de multis aliis adstruit *Spanbe-
mius*, subsequis Sæculis per Syracusanos Regi suo pristino restitutum, i. e. memoriæ ejus renovandæ causâ usum, suâ cælatores licentiâ ad morem ævi, quo illi vivebant, non quo Hiero, cum diademate finxere. Erat porro Hiero initiò imperii sui, crudelitati, avaritiæ, aliisque plurimis vitiis non segniter deditus, atque adeò à se omnium propè animos avertit. Verumtamen postea Pindari, Simonidis, atque Bachylidis Poëtarum consuetudine mitigatus, Optimi Principis laudes sepulchro intulit, hocque à *Pindaro* egregium sanè elogium tulit:

Rex clemens civibus, non invidens bonis,
Hospitibus autem admirandus Pater.

*Tab. I.
Num. III.*

*Ad Goltz. B.
146.*

*Tertullian. in
Scorpiac.
c. 21.*

*Spanb. T. I.
Diss. XIII.
p. 552.*

X.

*Liv. L.
XXIV. c. 5.*

*Pindar. Pyth.
III.*

Super-

XI. Superfedeo pluribûs de Hierone differere, cùm & de AGATHOCLE hodie constitutum sit, qui Syracusis sexto post illûm locò moderabatur,

Tab. I. Ejus est Numus tuus *Aereus parvus*, in hac *Tab.* quartus. *PUBLIUS.*

Num. IV. Dudum in eundem, etsi non adeò ampliùs integrum, oculos defixi, ac cujus hic Deæ caput in *Adversa* compareat, frustra mecum requirebam, *TULLIUS.* Pharetra post cervicem adsignata Oedipus est, atque *Dianam* eloquitur, additò elogiò : ΣΩΤΕΙΡΑ. i. e. SERVATRIX.

*Cautius L. de
Relig. Vet.
Rom. p. 82.*

Du Choul namque disertè testatur : *Diana Conservatrix in Sicilia colebatur : Rex Agathocles numum excudit in ejus honorem. In hoc conspicitur Diana conservatrix cum characteribus Græcis : ΣΩΤΕΙΡΑ.*

Inde fulmen ei attribuit, sicuti Vesta, cum hac Inscriptione : ΒΑΣΙΛΕΩΣ ΑΓΑΘΟΚΛΕΩΣ. REX. AGATHOCLES. Syracusæ nimirum, quibus hic tyrannidem suam injecerat, à primis habitatoribus suis Ætolis Dianæ sacratæ fuerunt. Præcipuè *Arethuse*, fluvii Syracusani falsi cæteroquin & insuavis, pisces longè uberrimos, in deæ ejusdem tutela positos, violare religio erat, ita quidem, ut, narrante, vel comminiscente *Diodoro*, qui belli etiam tempore eos comedere ausi fuissent, variis calamitatibûs oppressi, exitum infelicem habuerint.

*Goltz. Sicil.
mag. T. IV.
p. 18.*

XII. *PUBLIUS.* Si fulmen altera Numi facies sistat, mirabilè quidem formâ, quomodo id, Jovi aliàs proprium, *Lætônia* tribuitur? *TULLIUS.* Nôsse interea te velim, pluribus id Diis, sive Deabus, gentilium deliriò tributum esse, illò tamen, quod Jupiter vibrabat, virtute multò inferius : alio in loco de hoc plura. *PUBLIUS.* Sed quis demum Agathocles erat? *TULLIUS.* Patre figulo natus est, unde cecinit *Ausonius* :

Epigram. 3.

Fama est, fistilibûs cænâsse Agathoclea Regem.

Cæterùm truculenta ejus historia in periodum cogi ægerrimè potest. Successit Timoleonti, Principi optimo Syracusanorum, Tyrannus crudelis : qui iterum iterumque dominatum affectans, bis in exilium actus est, priusquam fraude Prætor evaderet. Tum alio atque alio astu Senatum totum, & populi viros omnes potentes atque optimos trucidavit : sic porro rapinâs immensâs dives, milite infinito conscripto, finitimas omnes civitates inopino incursu pariter expilavit. Sed à Pœnis tandem ad officium redactus, ut eos obsidendis in Syracusis seigniores redderet, militem subito, ignarum omninò quò tenderet, in Africam traduxit, ibique primos furoris sui impetus cædibûs pariter ac rapinâs explevit. Syracusas iterum delatus, in

Ita-

Italiam excurrit, Bruttios præprimis infestans, nullisque fanis, delubris, & numinibus parcens. Dum verò cum classe maritima rediret, naufragiò miserè jactatus, Vulcani offensæ, cujus Insulas Ephæstiam atque Liparam spoliaverat, calamitatem suam adscribens, sui expiandi causâ quibusdam scribitur vivus in ignem insiliisse: quamquam alii malint, senem eum & ægritudine confectum obiisse.

PUBLIUS. Multa denuò, licet compendio, didici, quæ, nisi per Numos meos, & tuam, Honorande Tulli, summam in me benevolentiam staret, nunquam fortean cognovissem. Segnem profectò in evolvendis Scriptoribus possessorem suum Numi esse non sinunt, ac proinde non possunt non erudire: quoniam citra vestigationem intelligi nequeunt. Intellecti autem sigilla quædam memoriæ fiunt, ac lapsibus ejus egregiè cavent. *TULLIUS.* Quàm multi etiam contentiosè legentium quotidiani labores non tam subito iterum perirent, si pleraquæ, ut equidem liceret, Numorum diligenti eruditæque contemplatione firmare liberet. *PUBLIUS.* Unicè in id deinceps connitar, ut augeam hos veteres oculos meos, quantum equidem DEUS & fortuna concedent. *TULLIUS.* Rem itaque liberali ingenio tuo dignissimam feceris.

XIII.



DIALOGUS III.

De

Numis DEMETRII Nicatoris,
MITHRIDATIS Eupatoris, &
TIGRANIS.

TULLIUS.

Quatuor denuò Numos hodie intuebimur, Publi, quorum duos I.
duntaxat possides in ære: cæteros ecce è plumbo typicos, forte fortunâ ad me delatos, tibi elargior, quorum tamen quo
in thesauro Prototypa lateant, ignoro, Eos non cum reliquis
D colloces,

colloces, sed loco privato reponas. *PUBLIUS*. An & typos habere Numorum alicubi profuit? *TULLIUS*. Ne dubita: & in his etenim est, unde discas: acriter illi stimulo urgebunt, veròne è Prototypo expressi sint, probatos apud Scriptores, aut eruditos Numerum possessores subinde vestigandi. Pauperum sanè id quam maxime est, hac interim opportunitate fruendi, dum liberalior eis fortuna indulgeat, ipsos quoque Numos subito oblatos redimere. Etsi splendidum non sit, neque cele-

Tab. I. bre, plasmata tantum recondere, aut omni utilitate non vacat. Porrigere *Num. V.* jam *V. Tab. Imæ. Numum.*

II. *PUBLIUS*. Præstò est Rex probè barbatus, *are medio* expressus: Fasciam namque insigne regium defert. *TULLIUS*. *Aversæ* porrò Aquilam sistit fulmini, nì figura nonnihil attrita me fallat, insistentem, post ejus cervicem palmæ ramus excurrit, alia palma arbore ante pedes crescente. *Legendam* tu recense, siquidem Pelasgus jam es. *PUBLIUS*. ΔΗΜΗΤΡΙΟΥ ΒΑΣΙΛΕΩΣ. *TULLIUS*. i. e. REX DEMETRIUS. Sed dispersas quoque in Area Numi circa Aquilam litteras collige. *PUBLIUS*. Ingenium id superat meum, qui heri primum litteras didici. *TULLIUS* Unum eæ vocabulum ΑΡΑΔΙΩΝ, seu ARADUS, constituunt.

III. Cæterum tu Numum hunc admodum ambiguum scito: DEMETRII namque complures cum in *Macedonia*, tum *Phœnicia*, atque *Syria*, & *Seleucidarum* è genere, certis quibusdam atque peculiaribus notis in *are* sæpiusculè non satis discreti, Numos eorum scrutantibus non parvum certè negotium facessunt, ac planè haud semper in aprico est, quemnam ad *Demetrium* pertineant, tutò discernere: præsertim in tam confusa per sese Regum *Seleucidarum* historia, quam cæteroquin ad Libros Machabæorum ritè intelligendos, teste *Petavio*, perspicuam esse & exploratam magnopere oporteret.

IV. Numum hunc tuum & celeberrimus ille *Goltzius* pinxit, hoc tamen cum discrimine, quòd caput Regis imberbe sit, & Aquila non fulmini, sed ferro cuidam quasi falcato insitit. Ejus deinde Commentator Eruditissimus *Nonnius* sæpè laudatus quemdam hinc è *Syria*, seu *Seleucidarum*, non *Macedonia* Regum numero, *Demetrium* signari obiter solum insinuat. Exstat præterea hic Numus in *Gotha* quoque *Numaria*, cum facie pariter attonsa: Aversa in parte palmæ locò clava Herculis ad pedes Aquilæ erigitur, ΑΡΑΔΙΩΝ non legitur, sed Æram quamdam Syriacam una cum Tyri monogrammate videre est. Splendidi porrò operis hujus industrius Editor DEMETRIUM *Nicatorum* dictum Seleucidarum Regem hoc nomine

II.

II. eodem in Numo asserit redhiberi, barbâ, quæ ei in captivitate apud Parthos acereverat, & à qua *Polybius* eundem Πώγων h. e. *barbatum* appellat, jam iterum depositâ. Alios verò exstare asserit Numos, quos Rex iste mox à reditu suo necdum attonsus cudendos curavit: quorum è numero, Publi, hic tuus utique esset. Verumtamen III. *Spanhemius* refert, dudum jam Doctos vidisse errorem *Ammiani*, quòd *Seleucum Nicatorem*, de quo hætenus nobis sermo, cum *Callinico* confundat: cum non illum priorem, sed posteriorem istum *Asfases*, Parthici fundator imperii, supe-
raverit, atque captivum tenuerit.

LiebeinGoth.
Num. p. 116,
c. 17.
Polyb. L. II.
p. 155.

Spanh. T. I.
Dissert.
VII, p. 413

Vides, quàm implexa sint omnia, quæ coram te tirone operosius evol-
vere nec libet, neque expedit. Si *Nicatorum* Numus tuus ex sensu *Gothæ*
Numariæ referat, etsi *barbatum*, *Aquila* cum *palma*, ceu *Symbolum*
Ægyptiorum Regum, videri possit à *Demetrio Nicatore* expressâ in gra-
tiam Conjugis suæ *Cleopatæ*, *Ægypto* oriundæ. Alias autem *Phœnicia*,
in qua sita est *Insula Aradus*, palmis ita fœcunda est, ut nonnullis pla-
cuerit, nomen ejus à Græco Φοινίξ, quod *ramus palmæ* interpretatur, de-
ducere: quam tamen in sententiam non omnes concedunt.

Lexic. histor.
univers.
verbo:
Phœnicia.

Aradus interim *Insula* ipsa exigua est, & unus quidam scopulus, quin,
Pomponio Mela asserente, *rota oppidum, frequens tamen, quia etiam su-
per aliena tecta pedem ponere licet.* PUBLIUS. Obscura omninò postre-
ma mihi hæc phrasis videtur. TULLIUS. atqui eam *Nonnius* interpretatur
ex *Strabone* de facultate illa, quam *Aradii*, flagrante bello *Seleucum* inter
Callinicum, & *Antiochum Hieracem*, impetrârunt, confugientes ad se tuto
stabiliq̃ue domiciliò recipiendi. Hoc privilegio *insula* & *habitoribus* simul
& opibus amplissimis mirificè aucta est: præsertim cum *Aradii* egregiâ sibi
providentiâ consulentes, rem navalem sedulò curârunt, neque tamen cum
vicinis *Cilicibus* piratis ullam in communionem venire voluerint.
PUBLIUS. Nisi memoriâ graviter lapsus sim, memini, apud *Aradum*
insulam Andromedam, *Cephei* *Æthiopæ Regis* & *Cassiope* filiam, ob
matris superbiam, dum *Nereidas* illa se formâ superare jactâisset, ut va-
tes comminiscuntur, *Oraculi jussu scopulo alligatam*, monstroque marino
expositam esse, sed à *Perseo* liberatam, & conjugem ductam. TULLIUS.
Fidem tibi *Plinius* facit, *Aradum* priùs *Pariam* dictam, in qua objectam
belluæ Andromedam ferunt. Præterea in *Arado* *insula* *Aqua dulcis* du-
ctu coriaceo longissimo tractu è vado in continentem derivata oppidò à
Strabone celebratur.

VI.
Pomp. Mela.
L. II.

Nonn. ad
Goltz. I. 1.
pag. 289.

Plin. L. V.
cap. 31.

Strabo L.
XVI.

Sed VI. jam Numum, I. Tab. mæx, arcum ac medium, inspice, Publi. VII.
PUBLIUS. Vultum certe Numo priori non multum ab similem refert. Tab. I.
TULLIUS. Quia nimirum ejusdem DEMETRII Nicatoris est, ut pro-

Num. VI.

dit *Legenda* : ΒΑΣΙΛΕΥΣ ΔΥΜΗΤΡΙΟΥ ΘΕΟΥ ΝΙΚΑΤΟΡΟΣ. i. e. REX DEMETRIUS DEUS NICATOR. Postrema hæc vox Græca quidem dialecto idem sonat, atque *Victor*, seu *invidus*, quod elogium *Seleuco I.* meritiò tributum gloriæ non dissimilis cupidus *Seleucus* alter, seu *Demetrius*, falsâ causâ, retinuisse creditur, eò insuper superbiæ progressus, ut *DEUS* etiam prædicari non abhorruerit. Sedet autem in Numi *Aversa* Jupiter cum *Victoria* parvula, à quo *Nicator*, præcipuam quamdam Religionem simulans, gloriam suam gratissimo se animo suscipere tacitus asseverare voluisse videtur. Parem Numum excudisse *Antiochum*, qui in Scriptura apud Machabæos *Radix peccati* appellatur, Ill. *Spanhemius* refert, postquam ex templo Jovis *Victoriæ* solidum ex auro signum rapuisset: tunc etenim sacrilegio suo hunc addidit jocum: *Victoriam sibi ab Jove commodatam esse*, ut *Justinus* testatur. PUBLIUS. Exinde colligere mihi licet, quanta illis, quorum Numi meram spirare Religionem videntur, vel in delira quoque numina sua pietas fuerit.

Spanh. T. I.
VII. p. 408.

Justin. L.
XXXI. c. I.

VIII. TULLIUS. Nunc porro Typum plumbeum priorem I. in Tab. locò Tab. I. VII. à me depictum speculari, quem pariter *Goltzius*, *Sanhemius*, atque *Num. VII.* *Gottha Numaria* exhibent, cujusque *Adversa* Caput grande cum vultu pleno & imberbi, sed non sine multa cæsarie, insuper cum diademate sistit. In *Aversa* coronam intra hederaceam pascit cervus: conspiciuntur præterea luna cum stella, monogrammata duo, Æra Pontica: ΒΚΞ, quæ denotat Annum CCXXI. Pontici Regni fundati: tandem *Legenda*: ΒΑΣΙΛΕΥΣ ΜΙΘΡΑΔΑΤΟΥ ΕΥΠΑΤΟΡΟΣ. i. e. REX MITHRADATES EUPATOR. Infra Θ seu TH. PUBLIUS. Quanta uno in Numo anigmata, quorum ne unum quidem pervado. TULLIUS. Singula ferè post brevem Regis hujus historiam expediam. MITHRIDATES, (ut eum appellant Scriptores, etsi in Numis *Mithradates* appareat) docente me *Nonnio*, paternum genus à Persarum Regibus, imò & ab *Arsace*, Parthici Regni Auctore, maternum à suprafato *Seleuco II.* seu *Demetrio Nicatore* duxit. Proavum habuit *Mithridatem*, qui Regni Pontici fundamenta jecit: Avum *Pharnacem*: patrem denique *Mithridatem Evergetem*. Hic primus amicitiam coluit cum Romanis, & quoniam bellò contra *Aristonicum* iisdem opem, pariter tulit egregiam, Phrygia major, sive Syria minor, eidem concessa est: sed per summum scelus *Sinope* occisus, *Mithridatem Eupatorem* admodum puerum reliquit filium, mille insidias passum. Sed equo furenti impositus præter spem eum edomuit: à veneno metuens sibi tam crebra antidota sumsit, ut, cum senex postea seipsum interimere vellet, nulla amplius aco-

Ad Goltz. T.
L. p. 115.

nita

nita eidem nocuerint. Domi tamen nullibi securus, quatuor integris annis, tanquam qui venationes summè adamaret, silvis oberravit: quo pacto corpus ejus ad omne molestiæ genus induruit. Tandem Regno patrio admotus, de proferendo imperio illicò cogitavit, maximo successu *Pontum* & *Cappadociam* occupans. Verumtamen *Paphlagoniam* quoque subigens, Romanos offendit: cum quibus deinde vario Marte 40. annis acerrimè dimicans, & *Antai* in morem, quoties prostratus est, fortior insurgens, tandem felicitate *Syllæ*, virtute *Lucullæ*, & *Pompeii* magnitudine consummatus est, postquam sola in Asia, & extra Aciem quidem, supra CL. millia Civium Romanorum jugulâset. Mortem ipse sibi ferrò suò conscivit, veritus, ne Romanis traderetur, postquam filius ejus *Pharnaces* seditionem contra eum excitâset. Jam Numi ænigmata retegimus.

Luna cum stella *Mitbridatis* originem ab *Arface* produnt: etenim Heros iste à morte sua, ut *Ammianus Marcellinus* recenset, Parthorum more, stellis insertus sive consecratus, Successoribus Regibus cæterisque posteris suis hunc saltum peperit, ut se *Participes Siderum*, fratres *Solis* & *Lunæ* jactarent. Cervi pascentis rationem agrè redderet quisquam, nisi *Ælianus* notâset, *Mitbridatem* insidias undique suspicantem, quod ferè Tyrannorum est, corporis sui custodiam non modò satellitibus, sed & bestiis, quas ciures reddidit, *Tauro*, *Equo*, atque *Cervo* commississe, ad hoc assuefactis, ut ante cubile, vel tentorium Regis stabulantes, quot quot eò accederent, primus mugitu, hinnitu alter, cervus denique voce sua proderet, sicque Dominum suum excitarent. Corona ex hederâ aludit ad *Dionysii* seu *Bacchi* cognomen *Mitbridati* adjectum, quoniam in certaminibus sive ludis suis edacitatis etiam atque bibacitatis præmia proponeret, qua in contentione ipse plerumque palmam reportavit, teste *Plutarcho*. **PUBLIUS.** Nunc verò tantis in tenebris gratissima luce perfundis. Sed, amabò, quàm peregrina est species alterius Typi iterum plumbei, quem VIII. locò, I. tua in *Tab.* proponis?

TULLIUS. Armeniæ patrio cultu ornatum **TIGRANEM** tibi exhiberita planè, qualiter Numum hunc utraque sui parte Illustriss. *Spanhemius* pinxit. Tiaram gestat unacum fascia, seu diademate: *Aversa* superbum ejus titulum sic recenset: ΒΑΣΙΛΕΩΝ ΒΑΣΙΛΕΩΣ ΤΙΓΡΑΝΟΥΣ. i. e. REGUM REX TIGRANES. Mulier ibi cum ramo palmæ rupi insidens, capite turrito, quod in provinciis pingendis apud veteres usuvenit, Armeniam fortè victricem denotat, cujus *Tigranes* prin-

IX.

*Ammian. L. XXIII. c. 6.**Ælian. LIV. c. 40.**Plutarch. L. I. Sympof. quæst. 6.**Tab. I.**Nu. VIII.*

X.

Spanh. T. I. Diss. VIII. p. 469.

*Plutarch. in
Lucullo.
pag. 505.*

*Idem in Pom-
peio p. 647.
Appian Bell.
gr. p. 118.
Justin. L.
XI. c. 2.*

cipatum jure patrio tenuit: mulier porrò prostrata atque calcata provin-
ciam quamdam devictam. *Rex Regum* siquidem iste, quem *Plutarchus*
Regibus apparitorum & satellitum locò usum esse adstruit, cùm de
Syriæ Regno gravissimis turbis *Seleucida* dissiderent, illud continuò inva-
sit, ac per plurimos annos, teste Scriptore eodem, *Appianò* item atque
Justinò, occupavit. Tandem à *Lucullo* Romano fractus, *Pompeio* M.
omniò palmam porrexit: & à *Lucullo* quidem fugiens, diadema
capiti suo detraxit, quod in Victoris manus delapsam, in ejus postea
Triumpho prælatum est. Tiaram verò à *Pompeio* plenè contri-
tus, cùm supplex ei accideret, ad genua ejus deponere causâ sub-
missionis volebat: à quo tamen in avitum Armeniæ Regnum restitu-
tus est.

- XI. *PUBLIUS*. Sunt mihi *Plutarchus*, *Appianus*, *Justinus*, aliique
Scriptores Antiqui Rerum Græcarum atque Romanarum, ad manus: sed
prò dolor, quemadmodum hodie apud quamplurimos solet, pulvere illi
ferè apud me obsorduerunt. Excutiam illos diligentius, cùm tu mihi,
Venerande Tulli, ex iisdem tam jucunda, tam digna memoratu, tam
Numis illustrandis idonea immò & necessaria perpetuò afferas.
TULLIUS. Si miser est, qui his omnibùs caret, ii certè miserandi
magis, qui ejusmodi ipsas inter divitias eruditione tamen eguerint.
Rivulos hodie primùm in publicum emanantes, etsi haud parùm sæ-
piusculè luteos, gustare tamen volunt omnes: fontibus ipsis ora ad-
movere nescio quomodo piget. Hinc illa rerum veterum ruditas, no-
varum ineptiæ. Propitiæ autem Musæ tandem faxint, ut tot libera-
lissimi adolescentes meliori deinde Pallade
tingantur.



DIALOGUS IV.

De

Numis THEMISTOCLIS, atque
AMBRACIORUM.

PUBLIUS.

REstant in Tabula tua I., amicissime Tulli, duo adhuc postremi Numi: sed alii planè, ac ego expectaveram. Cum enim Regii omnes sint reliqui, atque hanc inter tenuem Numorum Græcorum supellestem meam PRIAMI etiam, atque DIDONIS ærea magna, neque deformia teneam monumenta: ut quid tu illa manu atque penicillo tuo dedignari volebas? *TULLIUS.* Ut ne videlicet veteranis cum militibus vernas quoque in campum educerem, vel verò clarissimam in familiam abortivos asciscerem. Ignorare te nolim, quod candidè monet doctissimus *Jobert*, ubi de Numis fictis discurret, turpissimam esse eorum, qui lucri gratiâ cum Numis mercantur, fallendi technam, si ejusmodi fingant, aut distrahant, quorum similes nulla retrò atate verè nunquam exstiterant. Neque mitius *Clariss. Patinus* spuriis de Numis pronunciat, inquiens: *Hæc omnia* (ab impostoribus videlicet heri conficta numismata) *si cum antiquis expendas, flocci facio, ne majoris, quàm simiam, si cum homine, aut chrysellum, si cum adamante comparaveris.* Dolet idcirco Eruditissimo *Rinckio*, mox laudatum *Patinum* proposito suò destituisse, quod animo jamjam præceperat, typis vulgandi omnes suppositos Numos, qui quidem oculos ejus & manus subière, ut omnibus tantò pronius foret, verum à falso discernere. Ante porrò jam monuerat: *Nihil Erudito magis necessarium esse potest, quàm cognitio Numorum naturalis, scilicet ut genuinum à falso, verum à ficto discernere queat: nam antequam ad historicam interpretationem progrediatur, scire illum oportet, explicationem mereatur Numus, an penitus rejiciendus sit?* Quid namque Viro, in secreta vetustatis intimè penetrare totis ingenii viribus anhelanti, crucem figere queat majorem, ac dolosè, frivole, & penitus perperam, sæpè stupide conficta ejusmodi plasmata? quorum

I.

*Introd. X.
pag 316.**Patinus Hist
Num. c. 20.**Rinck de Vet.
Num. potent.
Et qualit. c.
16. § 4.**Id. ibid. sub
init. capituli.*

quorum typi, si Anticam & Posticam conferre volueris, verè antipodes sunt, atque Herculis clavâ Terentii Chremetem exornant. Sic demum nobilissima Rei Antiquariæ, atque Numariæ cognitio turpiter subruitur, Veritas, quæ totius historiæ fax lucidissima ardet, densis tenebris involvitur, præjudiciis Eruditorum percommoda via insternitur. Adulterò quippe Numò magistrò, per Jovem juraret nonnemo, factum illud, vel istud, cujus monumentum averfa mendaciter exhibet, ei Principi vel Cæsari convenire, cujus caput, aut nomen Adversa præleferet: quidquid Historia, Chronologia, Geographia, Genealogia reclament. Caput præterea suum incautus alius devoveret, hanc, non aliam faciem illi Heroi fuisse, hoc, non altero eum diademate usum, hac, non alia forma Urbem aliquam, Templum, Trophæum, exstitisse, qualiter hæc singula mendax & petulans impostoris perfidi scalprium confinxit. Unde & Eminentiss. *Baronius* jam dudum ita conquestus est. *Prodierunt hoc nostro seculo, dixerimne? impostores: qui obductum crassa rubigine cum numum aneum nanciscantur, formas & litteras solerti effingunt industriâ, turpis lucri gratiâ, non sine magno Rei Antiquariæ præjudicio.* **PUBLIUS.** Ergò spurium tu *Priamum* meum, confictam *Didonem* existimas, Numos tam bellos, tam magnitudine sua præstantes? **TULLIUS.** Ne dubita: quemadmodum enim Eloquentia alia florida est, cujus vis omnis in verbis consistit, alia mascula, virilis, & solida, quæ versat res graves, neque tantum volubili periodorum concentu, quem juvenculi amant, quantum judicio, & dicendorum gravitate, commovendorum præterea, aut edomandorum affectuum gloriosò imperiò valet: ita spurii Numorum cælatores insignem subinde exprimendis in vultibus cæterisque reculis elegantiam habent: at verò vivam oris Cæsarei majestatem, quæ proximè ad naturam sine tamen mollietie scalpri timidioris accedat, & quam Veteres illi Monetarii cum Græci tum Romani dexterrimè expressère, prudentibûs oculis testibûs nunquàm attingunt. Inspice, ut cæteros mittam, è Numis tuis, quos hæctenus pertractavimus, aureum illum *Lyfimachum* tuum: quàm elegans facies ejus, quàm verò mascula insimul, atque robusta! Peperit nimirum Monetario Regis sui ideâ, quam animo gerebat insculptam, sibi que de facie notam, insignem sine metu à vero aberrandi, cudendi audaciam, arte egregia sustentatam. Contrà verò *Cavinus* Paduanus, cum socio *Bassiano*, *Laurentius* item Parmesanus, Triumviri Itali Monetales, nulla publica Authoritate constituti, ut ait *Rinckius*, sed privatâ nequitia, cum ipsi veterum Principum noverint nullum, non possunt vetera Numorum genuinorum exempla, nisi cum multa manus æmulantis formidine imitari. Ut ergò in Tabulis pictis gnavus oculus arbitrer

Baron. Annal. III. Anno Constant. M. 19. §. 12.

arbiter breviter decernit, inspectâ linearum audaciâ, quânam imaginum ipsius *Dureri*, sive *Rubeni* sit, quânam horum ad imitationem ab altero pictore effecta, licet ubique eadem Helena compareat: ita, qui Numos veros ac genuinos complures sedulo contemplatur & inspicit, oculô propriô Magistrô mox spurio plasmati sententiam dicit. Tu ergo, charissime Publi, curas huc tuas magnopere ut conferas, velim, si decipi nolis.

PUBLIUS. Sanè hæc dicta tua admodum miror, & quidem tantò id amplius, quantò magis beatum me his, ut videbatur, pulchrioribus Numis credebam. Felices eos rebar, quòd damni vix aliquid edaci à tempore hæctenus passi sint, nulla carie deformes, margine undequaque integerrimo, ac si nuperrimè essent excusi. **TULLIUS.** Hæc ipsa demum sunt, quæ spurios illos luculentè enunciant. Quî etenim fieri tu posse existimes, ut, lapsu Seculorum prope vicenorum, tam nulla æs verè vetustum temporis injuria lacefferet, ut nuper primum excusum videatur? Deinde modus feriundi veteris Numi, de quo alibi nobis sermo erit, marginem vel oram extimam Numi rotundam quidem esse, non tamen planam, & sine rugis, velut tornatilem, permisit. *Priamus* autem tuus, & *Dido* integerrima marginis lanugine sunt. Ad hæc Veteribus in Numis Templum quidem aliquod crebrius visitur, vel ara, circus, triumphalis arcus, aut domus Regia: at nunquam integram Urbem, pluriùmque Ædificiorum conspectum intra muros conclusum offendes. *Priamus* porrò tuus in Aversa integram Trojam, *Dido* Regina totam Carthaginem sistit. Litterarum præterea forma sibi tam sæpè dissimilis, & intercapedinis inæqualitas, exerrantem à prototypo manum fictoris facilè produnt. Quinimmo dijudicandis in Numis genuinis & fictis plerùmque etiam æris pondus venit in censum: æs siquidem antiquum & solidum magis, & grave. Explora, obsecro, Numos tuos, qui primam ferè magnitudinem excedunt, arbitra manu, & cum aliis velut in statera appende, ac vide, quàm leves sint. Postremò eorum quoque, ut ajunt, vernicem pertenta, nisi potius nuda fuligo dicenda sit. En! ut tenuissimo unguiculo cedit. Novum profectò fraudis argumentum. Vernix enim vetusta, utut subtilissima sit, & ne pilum quidem in numo calatum confundat, & obtegat, ita nihilominus firma & solida est, ut ne scalpro quidem admoto cedere velit. Testè *Joberto*, ars hæc illinendorum hoc pacto Numorum, qua veteres æruginis causâ prohibendæ tam dexterè utebantur, Seculi nostri artifices penitus effugit: ac proinde non immeritò præstantissimo *Morello* veterum *Virginitas* numismatum appellatur. **PUBLIUS.** O Tulli optime, nunc demum te rursum magnoperè colo: mirè siqui-

dem & acutè, modòque facillimo fraudes Numorum mihi enuntias. Memori tamen adhuc mente complector, quæ Dialogo altero Proœmiali n. 7. monueras: ei, qui non tam selecta numorum possessione gestire desiderat, quàm prima Sapientiæ veteris rudimenta perdiscere, quantoslibet numos, etiam fictos, non prorsus, initiò maximè, fore abjiciendos, cum & illi historiæ aliquid referant. Unde & supplico tibi, de *Priamo* primum, postea & de *Didone* pariter aliquod apud me verbum facias: ficta solummodo quantumvis utriusque Numismata eam nobis occasionem injiciant.

III. *TULLIUS*. *PRIAMI* fata ipse utique dudum è *Virgilio* legeris, qui *Laomedontis* filius, Ilio ab *Hercule* eversò, captivus in Græciam unacum sorore *Hesione* abductus est. Auro deinde redemptus, suamque repetens Trojam, eam splendidissimam reddidit, Regniq[ue] fines ita extendit, ut toti propemodum Asiæ dominaretur. Filios quamplurimos habuit (*Reuschius* L. numerat) in quibus & *Paris* erat, insaultus Ilii Cometes: qui Sororem Patris *Hesionem*, hactenus in Græcia relictam, repetiturus, *Meneleao*, Regi, *Helenam* pulcherrimam rapuit. Integrò propterea decenniò Græci Trojam, frustra tamen, obsedè: donec tandem astu *Sinonis* fugam simulantes, ingentem equum æneum, ventre cavo, atque lectissima militum pube repleto, in litore reliquerint. Hunc deinde Trojani, metu omni soluti, dolosè suadente eodem *Sinone*, destructis ex parte etiam muris suis, in urbem induxerunt. Tum, omnibus sui securis, somno præterea vinòque sepultis, nocte concubia conclusi intra equum hostes erupè: Classis quoque Græcorum viam ad litus repetiit, atque internecinam in Urbe stragem edentes, omnes *Priami* filios, ipso plerumque inspectante, occiderunt: sed & Rex ipse ante Aram Jovis *Hercæi à Pyrrho* occisus, Troja succensa, & solo æquata est. Unde non invenustus hanc in rem apud *Reuschium* canit Poëta:

Ad Gemmas
Elium. p. 52.

Ille tot Regum parens
Caret sepulchro *Priamus*, & flamma indiget
Ardenti Troja.

PUBLIUS. Capiò jam universum ejus, qui Numum hunc finxit, ingenium. Adversa *Priami* caput habet, crine & barba densis atque promissis, fasciâ Regiâ illigatum, cum titulo: ΠΡΙΑΜΟΣ ΒΑΣΙΛΕΥΣ. Aversæ formam & typum indidit Trojæ, suo tamen in cerebro natum: mari adjacet, magnificè structa: in litore equum aspicio fallacem, naves adhuc Græcorum urbe moventes, ut Troas deciperent. *TULLIUS*.
Rem

Rem omnem absolvisti : adverte tamen, obsecro, animum, unôque ab exemplo multa ficta numismata, sine quidem magistro, ratione tamen arbitra, excutere disce. Si verè olim & publica Authoritate signata foret ista moneta, quo auctore id fieri potuisse quisquam sibi prudenter persuadeat? An Trojanorum esset Numus? Sed urbs illa excisa, exusta, & diruta, sine Rege, sine Magistratu, sine civibus, sine milite, rem profectò monetariam exercere non potuit. Si porrò posterorum quispiam Trojæ memoriam restituere petiisset, excidium certè illius, fraudemque, qua miserrè fatuèque decepta interiit, in gloriæ monumentum minimè statuere debuerat. Sed Argivorum, ais, Victorum veluti trophæum esse Numus hic potuit. Iterum falleris. Certè cùm gloria publicas in tabulas referenda est, ille, qui gloriatur, primum occupat locum. Quisnam hic Victor comparet? quodnam vides Græciæ triumphantis insigne? Vides, Publi clarissime, ut ratio vel modicum intenta, impostorum fallacias illicò velut nebulas inanes dispellat. Ratione itaque utendum, atque iudicii discretione in omnibus, quæ vides, quæ legis, & audis: non cæca, fatuâque, & præcipiti credulitate cuius magistro, infantum more, rebus in antiquis, & maximè in historia obaudiendum. Tironi tibi hæc suggero, quoniam hodie nihil perniciosius est, ac studia ita à plerisque tractari, quasi auribus solum, non arbitra ratione egerent. Doctum non facit, videre multa, vel audire, sed multa intelligere: neque res statim intelligis, cùm eas noscis. Priusquam ergò, quæ audis & vides, docta probaque meditatione ipse discutias, eorum omnium, mihi crede, intelligis nihil.

PUBLIUS. Sapientissimè mones, Venerande Tulli: utinam audirent te multi, omnes tibi obaudirent. Ut quid ardet in nobis, nobisque præluceat fax splendida rationis, nisi ratione utamur, res rebus conferamus, quæ congruant sibi, quæ inter se pugnent, propria discussione periclitemur? Sed hodie per sese sapere quàm oppidò paucorum est, dum unius ab ore innumerant pendunt. Mille testibus res una eademque asseritur, quam non nisi unus exploravit: reliquis satis est ad contendendum, quia *Magister dixit*. Cordatis, extra fidei tamen dogmata, paulò majores sunt animi: credere semper nimis ignavum est homini, qui intelligit, se sapere posse. Veruntamen ne longius à via excedamus, *DIDONI* scenam concede. Ea hoc spurio meo in plasmate vultu non invenuto conspicitur, diciturque: ΔΙΔΩ ΒΑΣΙΛΙΣΣΑ. Monetarius impostor laurò eandem florente in gratiam cuxit, & cornibus arietinis stipavit: crines decorè partim subligavit, partim per collum defluere voluit. In *Aversa* Carthaginem fixit, ut

reor, quam mare alluit, ubi & classem *Aenea*, perfidè *Didonem* fugientis, navibùs nonnullis innuere voluit. *TULLIUS*, Davus iterum es: vereor tamen, ne tuam hanc in Reginam cum Numi fectore nimioperè pecces. Erat *DIDO*, quæ alio quidem nomine *Elisa* scribitur, *Beli*, Regis Phœniciae, filia, *Sicheo* Herculis Sacerdoti nupta: quem cum *Pygmalion* frater *Didonis*, divitiarum ingentium causâ, ante aram occidisset, illa in somnis præmonita, navem noctu cum opibus conscendit, in Africam delata. Ibi Carthaginem, aliis *Byrsam*, magnificè condidit, Urbem illam, quæ Romæ diutissimè æmula, Quiritum fortitudinem diversis acerrimis bellis, cotis adinstar, perpolivit: donec tandem uno & semi - seculo ante Christum, post Romam conditam Anno forsitan DCV. à *Scipione Emiliano* penitus subacta sit, & incensa, 17. integros dies arsisset. Initiò verò, mox ut struxerat Carthaginem *DIDO*, *Jarbas*, Getuliæ Rex, ejusdem nuptias unicè ambiebat, & recusantem vi etiam atque armis adigere occœpit: verumtamen illa nolens prioris lecti jura secundis nuptiis violare, ipsa manus sibi intulit. Nolim itaque, deinceps *Virgilio* credas, *Aeneam*, Trojâ profugum, ventisque ac mari jactatum, Carthaginem appulisse: ubi fructus *Didonis* amore, eam deinde perfidus deseruerit, ita exinde dolentem, ut sceleris impatiens, seipsam neci tradiderit. Affert quidem rei hujus vetustum testem *Ausonius* sæpe laudatus, & laudandus postea Eru-
Ad Gemm.
 Librum. p. 40.
 ditiss. *Reuschius*, sequens, acutum magis, ut reor, quàm verum Epigramma adscribens:

Infelix DIDO, nulli benè nupta marito!

Hoc pereunte fugis: hoc fugiente peris.

Ubi pereuntem maritum *Sicheum*, fugientem *Aeneam* fidei oblitum intelligit. Quoniam autem *Aneas* 300. vel saltem plusquam 200. Annis ante conditam Romam (in quod etiam Clariss. *Patinus* consentit) Italiam venerat, ubi interim Albis regnatum? quo pacto Carthaginem appellere potuit, quæ 70. primùm post Romam Annis è fundamentis surrexit? Quare *Novus Apparatus Virgilii* Colon. 8. Vol. II. impressus M D C C III. verbò *Dido*, integrum aliud *Ausonii* Epigramma adducit hunc in modum:

Illa ego sum *DIDO* vultu, quam conspicias hospes,
 Assimilata modis pulchrâque mirificis.

Talis

Talis eram: sed non, *Maro* quam mihi finxit, erat mens:

Vita nec incestis læta cupidinibûs.

Námque nec *Æneas* vidit me *Trojus* unquam,

Nec *Lybiam* advênit classibus *Italicis*.

Sed furias fugiens atque arma procacis *Jarba*,

Servavi, fateor, morte pudicitiam.

Pectore transfixo, castos quod pertulit enses, *

Non furor, aut læso crudus amore dolor.

Sic cecidisse juvat. Vixi sine vulnere famæ:

Ultra virum, positis mœnibûs, oppetii.

Invida cur in me stimulas-ti *Musa Maronem*,

Fingeret ut nostræ damna pudici-tiæ?

* Fortè le-
gendum:
Castus
quod per-
culit ensis.

PUBLIUS. Mira pugnandi ratio, *Ausonium* *Ausonio* refellere!

TULLIUS. Mihi quoque res ambigua est: præsertim cum *Reuschius*

initium hujus postremi Epigrammatis pro venustate formæ, *Didoni* asse-

renda, ipse alleget. Fortè *Ausonium* Vir Eruditus ipse non inspexit, quod

& mihi hucusque negatum est: aut forsitan Poëta priori epigrammate lusit

duntaxat ex supposita multorum de vitio *Didonis* persuasione. Cæterum

de nomine *Carthaginis* causatur *Clariss. Patinus*, haud admodum benè sen-

fisse *Ciceronem*, quòd induiat, eam ab *Carthagine*, filia *Herculis*, dictam,

eò maximè, quòd *Tyrii* eam, ut deam coluerint. Mavult itaque *Patinus*,

Chaldæa dialecto à *Cartha*, quod Urbem, & *Chadta*, quod *Novam*

significat, *Carthaginem* appellatam esse.

Cic. L. III. de
Nat. Deor.

PUBLIUS. Tempus ad Tabulæ tuæ I. Numum IX. nos vocat, cujus V.

Legenda est: ΘΕΜΙΣΤΟΚΛΕΟΥΣ, seu **THEMISTOCLES**. Tab. I.

TULLIUS. Multam Heros iste apud *Cornelium Nepotem* (quem alii *Æmi-* Num. IX.

lium Probum dixere) & meritò quidem paginam implet, bellò clarissimus:

qui *Corcyraos* primùm domuit, piratas deinde barbaros omni Siculo fre-

to expulerat, *Xerxis* tandem, *Persarum* Regis, infinitam propemodum clas-

sem maritimam cum astu tum robore perdidit. Juvénis cum esset, ita

liberè vixit, remque familiarem neglexit, ut patria jamjam hæreditate

prohiberetur: quæ contumelia, ut *Cornelius* inquit, non fregit eum, sed

erexit. Pudori siquidem erat homini tam ingenuo, sed & stimulo acri,

clariorē ad famam contendendi, Ingratæ tamen *Athenæ* tantum *Victo-*

rem, sola Tyrannidis suspitione abducti, exiliò mulctarant: in quo cum

Cornel. Nep.
in Themist.
c. 1.

Idem e. 10. diu fui parum securus oberrâset, postremò tandem, ut nemo non portumit, ad hostem internecinum *Xerxem* confugit. Hic *Themistoclis* virtutem suismet cladibus metiens, adversus eum non hostiliter egit: fuscipit, donat, & beneficiis obruit. Qui annum temporis pactus, pollicitus est Regi, si suis uti consiliis vellet, Græciam perituram. Interea verò Magnesiæ morbò mortuus à *Cornelio* ex Thucydide proditur, vel fortè sumtò sponte venenò, quòd Regi promissa prestare se posse desperaret. Sunt tamen qui tueantur, eundem ad speciem solum annuisse Tyranno, fidem ejus ac pietatem in patriam sollicitanti, quamdiu spes evadendi supererat: coactum verò tandem aliquando contra Græciam movere, bovis sanguine hausto, mortem sponte oppetiisse, atque ita non minus pro Patria mortuum, quam si sub signis ejusdem ab hoste periisset. *PUBLIUS*. Numum hunc argenteum parvum fustum, non cusum existimo. *TULLIUS*. Rectè autumas: quod tamen non obstat, quin vetustior sit, licet Themistocle longè posterior. Etenim Græcis pariter & Romanis solemne Familiis erat, cum sua non liceret, eorum saltem identidem recudere capita, quorum se stirpe jactabant. Imò tanta erat utrorumque in Heroes illustres amor & propensio, quamquam cætera ad genus suum nihil illi attinerent, ut aurò, argentò, vel ære suo dignissimos eos haberent, & tanquam specula egregiæ Virtutis charis pignoribus, masculisque filiis suis crebrò ante oculos ponerent. Velim verò, in capite *Themistoclis*, cujus vultus jam propè ad senium vergens, heroico spiritu nitet barbâque non non promissâ sed densâ ornatur, Græcæ Galeæ formam advertas. Tro-pæum *Averse* navalibus præcipue instrumentis componitur: maritimis siquidem præliis potissima ejus gloria constitit.

VI. *PUBLIUS*. Miror te, Tulli Venerande, quòd in singulis Numis copiam reperiās, uberem historiam, eamque longè jucundissimam, grato compendiò enuntiandi. Nunc porò ad ultimum Tabulæ I. Numum festinas, ut animadverto. Verumtamen egregius in me amor tuus, immensis me titulis tibi obstringens, quo plura liberalius mihi impendit, tantò me magis reddit audacem. Quapropter vehementer te iterum oro atque obtestor, ut hic ante me cubantes geminos adhuc spurios Numos, quos tuus præterit penicillus, aliqua saltem ex parte, non sui, sed historiæ gratiâ, apud me recenseas. *TULLIUS*. Faciam tibi satis, si protractum hoc pacto in longius hodiernum Dialogum nostrum tu non fastidias. Prior Numus fabrum habuit *Joannem Gauvinum* Paduanum, qui fraude tam artificis fuit, ut & peritissimis quibusque Numorum Criticis eum non raro imposuisse *Jobertus* fateatur. Formâ certè elegantissimâ est, & admodum elatâ, sed margine nimium tereti, superficie molli, fuligine he-

ri adspersa, & pondere nimium levi. In *Adversa* SAPPHO pectore
 tenuis visitur, crinibus decorè inflexis, atque revinctis, quibus flores,
 aut rosæ insertæ: cætera pectus decenter velatum. *Aversa* totam illam
 & sedentem, ac tenui duntaxat stolâ non undique tectam cum pectine
 refert, aut plectro, arcu & pharetra post eam cubantibus: ponè nomen
 adscribitur: ΣΑΠΦΩ ΑΕΣΒΙΣ, i. e. SAPPHO LESBIA. Non
 penitus tamen hunc Numum fuisse confictum, *Goltzius* fidem facit, qui
 tres ejus Numos exhibet *Lesbiacos*, capite ferè pari: stantem deinde illam
 cum plectro, vel plectrum solum in *Aversa*. Filia erat *Scamandronymi*
 & *Cleidis*. Olympiade XLIV. cum *Alcæo* Poëta floruit, ac Poëticæ se
 tradens, eam ad claritatem pervenit, ut ne *Alcæo* quidem cesserit, teste
Ovidio Epistolâ illâ, quam ejus nomine ad *Phaonem* perscripsit, ubi
 canit:

Goltz. Tom.
III. Tab.
XIV.

Ovid. Epist.
XXI.

Nec plus *Alcæus*, consors patriæque, lyræque
 Laudis habet: quamquam grandius ille sonet.

Quin & communi elogiò novem Musis decima adnumerata est, *Sapphi*
phici, ab ea sic dicti, carminis, item plectri seu pectinis inventrix. Ro-
 sis eandem fictor numismatis exornavit, fortè, quòd in uno carminum
 suorum (quorum pauca ad nos pervenère) Lesbîæ cuidam principi Do-
 minæ non sine fastu exprobrârît, *Pindicas ei rosas deesse*. Neque formæ
 fuit eximiæ, admodum fuscæ, neque castimonîæ laudem sustinuit: unde
 impotenti, sed irritò amore ardens, *Leucadia* ex petra subjectum in mare
 præcipitem se dedit, flammæ suas restinctum iri confisa, quemadmodum
 Viris compluribus referunt accidisse, quibus unda illa profuit, non no-
 cuit. *Sappho* tamen, temeritatis suæ pœnas luens, submersa est, ca-
 nente *Statio*:

Nomm. ad
Goltz. Tab. I.
pag. 212.

— — — saltus ingressa viriles
 Non formidata temeraria *Leucate* SAPPHO.

Item *Ausonius*:

Et de nimbofo saltum *Leucate* minatur
 Mascula Lesbiacis SAPPHO peritura sagittis.

PUBLIUS. Ut quid verò *Gauvinus* arcum ei & pharetram addere vo-
 luit? *TULLIUS*. Fortè, ut jaculandi quoque peritiam, aut venandi amo-
 rem, vel demum acutæ Poëseos gratiam innuerent.

PUB-

VII.

PUBLIUS. Quàm decorus atque formosus est laudatæ Poëtriæ Numus, tam rude atque ingratum aspectu est hoc alterum spurium plasma, fene cornuto oppletum. *TULLIUS.* Jovem sistit *Ammonem*, Lybiæ quondam Regem, cum Cornu Arietis effictum, quod sua antehac in galea Symboli locò adlegit: quemadmodum suprà ad Numum *Lyfimachi* Dialog.

Spanh T. I.
Diff. VI.
pag. 297.

II. à me jam ex Illust. *Spanhemio* didiceras. Idem verò celeberrimus Rei Numariæ Scriptor parem ferè omninò Numum, quantum *Adversam* ad partem, vultu duntaxat *Ammonis*, qui lævorsum hic spectat, in dextram converso depinxit, qui est *Mitylenorum*, nomine simili, quod in tuo est, ad-

scripto: ΘΕΟΣ ΑΜΜΩΝ. i. e. DEUS AMMON. Sed *Aversa* omnino alia est, cum plasma hoc tuum intolerabili fingendi licentiâ ductus crudissimos, ceu exoticam quamdam Inscriptionem, exhibeat, nullâ regulâ, sed solâ fictoris petulantia, vel mero scalpri errore incisos. Et ut ignaros deciperet amplius audax impostor, dimidiam prope Inscriptionem litteris fluxit attritis, ac veluti jam dudum ærugine absumtis: unde tu liquidò colligas, quàm impudenter id furfuris homines rerum antiquarum curiosi & crucem figere, & crumenas emungere studeant.

PUBLIUS. Detestor tecum hos rabulas, atque verbò jam & exemplò à te gnaviter instructus, eorum à fraudibus sedulò mihi cavere studebo, *TULLIUS.* Sic age: ego verò de *Ammone* adhuc, quæ tibi breviter suggeram, ha-

Athanas Kir-
cher. Obelisc.
Pamphil. L.
V. p. 494.

beo. *Ægypti* nimirum eundem quoque coluere, ceu, Fœcunditatis atque omnis demum Generationis propitium Genium: unde nomen ejus laminis incisum, Amuleti locò pectori affixum gerebant, firmiter rati, sola se ejus invocatione maximis bonis repleri. Quam equidem in stultitiam etiam Romani abiêre. *Ammonis* nomen à Græco ἄμμων, quod *Arena* sonat, ajunt deductum, eò quòd sanum ejus arenoso maximè in locò constiterit.

Hygin Astro-
nom. Poët II.
20. apud Pit-
tiscum Lex.
Antiq. vocet:
Jupiter
Hammon.

Hyginus porrò refert, *Libero patri*, seu *Baccho*, exercitum siti deficientem per Africam ducenti, *Arietem* casu ad fontem præi-
visse: quem ille postea astris intulit, & inter cœlestia Zodiaci Signa reposuit. Insuper magnificum ei templum instruxit eo ipso in loco, ubi aquam, ipso monstrante, repererat: qui tamen arenosus maximè, ac serpentibus fuerit plenus.

PUBLIUS. Vah profundam Græcorum Sapientiam, cujusque cerebrò aliter atque aliter natam! Sed lepidior adhuc est Numus Tabulæ tuæ primæ X. & ultimus, ut video, non jam hircocervum, sed hominem - taurum in medium proferens.

Tab. I.
Num. X.

VIII.

TULLIUS. MINOTAURUM utique, solemne illud Cretensium mendacium, non omnino ignorabis, qui omnium Eruditorum non parva cum admiratione tot Numos clararum aliàs Urbium, à *Creta* oriundarum, detur-

deturpat: quasi verò nobilis hæc Insula aliud quidpiam peculiare, quo jure gloriari posset, omninò non habuisset. Eundem Numus tuus *Ambracius* (Legenda enim Græca ΑΜΒΡΑΚΙΩΤΩΝ AMBRACIA sonat) Aversa in parte talem omninò sinit, qualem eum Illustriss. *Spanhemius* ex *Parute* Numis Siculis pinxit, licet tuò majorem, & cum tridente informi, qui tuo in Numo distinctè exprimitur, demum sine omni quoque Legenda: Adversa pars prorsus ibidem deest. *Goltzius* porrò *Minotaurum* in Numis *Ambracta* bis exhibet, sed cum barba minori, & sine spinis illis, auriculæ locò prodeuntibus, quæ in Numo tuo nonnihil attritæ, tamen comparent: Tridentem magnum, intra quem parvuli duo Delphici, in *Aversa* pingit unius Numi, & Cancrum marinum in *Aversa* alterius, ceu Symbola, juxta *Nonnium*, è quibus intelligas, *Ambractiam*, Urbem maritimam esse. Putat præterea *Nonnius*, signatum hic esse *Minotaurum* causâ *Thesæi*, Regii Principis Atheniensis, qui eum occidit: & quoniam fortè *Ambractia* se ortam esse *Arbenis* innuere voluit. At *Spanhemius* identidem asseverat, visum esse jam dudum viris doctis, *Cretensem* propter originem, non *Atheniensem*, à compluribus Græciæ Civitatibus iterum iterumque id factum. Eodem Clariss. teste, Caput *Adversa* laureatum atque barbatum vel est *Jovis Cretensis*, vel *Minois* Regis, eidem Insulæ moderantis.

PUBLIUS. Ego fabulam *Minotauri*, qualem in scholis accepi, si id mihi, dederis, compendiò dicam. *Minos*, Cretæ Rex, admodum potens, marisque *Ægei* Dominus, *Pasiphaën*, filiam Solis, habebat uxorem, quæ ei *Ariadnen* & *Phædræ* filias, atque *Androgeum* filium peperit. *Venus* porrò *Soli*, seu *Phœbo*, fratri irata, quòd scelera ejus in meridie poneret, venefico astu *Pasiphaës* sensum ita pervertit, ut in *taurum* vesana exarderet: inde peperit *Minotaurum*, quem passim *Ovidius* describit:

Semibovémque virum, semivirumque bovem,

Hoc monstrum Rex *Minos*, humanis carnibùs ferè pascendum, custodem posuit *Labyrinthi*, Horti sui celeberrimi, quem arte *Dadali* tot cum meatibus construxit, ut introeuntes exitum reperire non possent. Cùm deinde Athenienses, sub Rege suo *Ægeo*, occidissent ex insidiis *Androgeum*, filium *Minois*, armis eos *Minos* adortus, eò compulit, ut quotannis 7. aut plures juvenes *Minotauro* in pabulum submittere tenerentur. Athenæ porrò hoc miserum suæ sobolis fatum sorti commiserunt, quæ tandem & supra *Thesæum*, filium Regis *Ægei*, ceciderat. Hunc, ubi Cretæ comparuit, *Ariadne* filia *Minois*, adamare cœpit: quare eidem, Labyrinthum ingressuro, fili convoluti globulum dedit, quo ad ostium, & per omnes mea-

*Spanh. T. I.
Diss. V.
p. 285.*

*Goltz. T. I.
Græ. Magn.
tab. 5.*

IX.

tus alligato, certâ quadam veluti regula, tutò iterum redire posset, simulque suggessit, quo pacto *Minotaurum* facile sterneret: quem & tauri more necavit. Fugit deinde cum eo *Ariadna*, conjux ejusdem futura: sed *Theseus* fidem ejus, quam Patri non servaverat, non immeritò suspectam habens, eam in Insula *Naxo* deseruit. Nova exinde bella Cretenses inter & Athenienses exarsere: in quibus tamen *Minos* succumbens, tributum crudele Atheniensibus remittere, *Theseo*que filiam suam alteram, *Phædrum*, connubio locare debuerat. Hactenus fabula.

X.

TULLIUS. Mearum modò esse partium reor, qua demum ratione variè variè eandem evolvere satagant, breviter subdere. Primus *Servius* existimat, Regi *Minoi* scribam fuisse, *Taurum* nomine, quem *Pasiphaë*, marito in castris demorante, perditè amârit, gemellos deinde, unum ex *Minoë*, ex *Tauro* alterum enixa sit. Alii contrâ opinantur, *Pasiphaë* prægnanti accidisse, quod nautis mulieribus solet, ut forti ex imaginatione tauri subito visi, etsi non nefanda, proli suâ maculam quamdam, tauri cornua imitantem, in fronte congenuerit. Optimè autem, mea quidem opinione, fabulam expedit *Brodeus* ex vetusto *Homeri* Scholiaste. Ait enim: *Phæbum* Cretæ principem fuisse, qui filium habebat *Taurum*, Heroëm inclitum, filiam *Pasiphaën*. Hæc, cum *Minoi* nupisset, huic marito suo fratrem *Taurum* adedò familiarem reddidit, ut *Minos* & *Taurus* animorum concordia non duo, sed unus viderentur. Quapropter *Monetas* excuderunt, quarum unam *Vossius* se possedisse testatur, quæ hominem taurino capite, aut vice versa taurum cum capite humano redhibebant. *Labyrinthus* erant arcana Statûs consilia, quæ *Dædalus*, *Minois* Consul, suggesserat, *Taurus* heroico ausu in opus deduxit. Postquam verò *Ariadna* amore *Thesei*, qui ceu obses pacis in aula *Minois* versabatur, correpta est, aurò *Dædalum* induxit, ut *Theseo* arcana Patris decreta panderet atque hoc filium erat, quo *Theseus* egregios *Tauri* pro *Minoë* conatus elusit, ipsûmque fortè aut equestri in agone, aut ex insidiis occidit. Sicque *Minos* sua veluti truncatus dextrâ, ab Athenis victus, tributa eis imposita remittere compulsus est. Cæterùm *Minos* tantæ credebatur æquitatis, ut novâ licentiâ de eo fingerent Poëtæ, eum cum *Rhadamanto* atque *Æaco* Ditis inferni judicem adlectum esse.

XI.

PUBLIUS. Unam adhuc Symbolam in *Minotaurum* conferre habeo. *Pierius Valerius* ex *Festo* atque *Vegetio* advertit, veteres *Minotauri* signum in Legionibus habuisse: ut, quemadmodum hic in intimo & secretissimo *Labyrintho* abditus perhibetur, ita ducis consilium semper occultum esset.

TULLIUS. Ad hæc ego tibi, quod *Lipsius*, repono: Bellè ista dicuntur:

Brodeus Miscell. in *Acer-
ra nova Philo-
log.* p. l. de
Minot. p. 531.

Voss Comment. in *Ca-
tull.*

Pier. Valer.
Hieroglyph.
L III c. 38.

tur: verumtamen unde rusticolis illis primisque Romanis Minotaurus innotuit? Vide, ne verè, non Minotaurus, sed taurus fuerit. Certe & taurus robustum ac ferox animal, atque aptum pugnae.

Just. Lips. de
Re Mil. Ro-
man. L. IV.
Dial. 5.

Postremum sibi verbum *Ambracia* deposcit, nequaquam prætereunda, in qua excusus est Numus hinc *Minotauri*. Urbs erat *Epiri* longè illustrissima, sitis beneficiò, & incolarum industriâ, summam ad claritatem pertingens: Regio namque tota fertilis, maris beneficiò, amnisque opportunitate, vicinorum commercio aptissima fuit. Ferunt eandem ante Trojam conditam esse, si fides sit *Dionysio Halicarnasseo*, qui commemorat, *Æneam* cum classe *Ambraciam* appulisse, & suo adhuc se ævo templum Veneris, atque *Æneæ* sacellum hac in Urbe reperisse. Bellò Peloponnesiacò *Ambracii* supra fidem cum *Acarnanis*, aliisque, contentiosissimè, sed infeliciùs pugnârunt: secundo autem Marte Molossos contrivère, asinò propterea aneò, Delphis sacratò, quoniam Molossorum insidiæ *Ambracii* per asinum patefactæ sunt. Romani ægerrimè eos subegerunt: victos tamen & occupatos, liberos postea dixere ac Socios suos. Inter egregios eorum cives *Cleombrotus* fuit: qui, cum nihil ei adversi accidisset, solo nimioque immortalitatis amore percitus, in mare se præcipitem dedit, postquam *Phædonem* Platonis, seu Librum de Anima, legisset. Celebris est præterea de *Ambracia* lis Deorum apud Poëtas, cum scilicet, referente *Antonio Liberali*, Apollo, Diana, & Hercules de Urbis tutela contenderent. Arbiter tandem ab eis constitutus est *Cragaleus*, Dryopis filius, Vir æquissimus, qui appensis ubique rationum momentis pro Hercule deciderit. Sed ab irato capropter Apolline manu contrectatus, eodem in loco, ubi sententiam dixerat, in saxum mutatus est. Unde cecinit *Ovidius*:

XII.



Nonn. ad
Goltz. T. I.
p. 17. Sc.

Anton. Libe-
ralis Meta-
morph. IV.

Ovid. Me-
tam. XIII.

Prætereunt vecti certatam lite Deorum

AMBRACIAM, versique vident sub imagine saxum
Judicis, *Ætiaco* quæ nunc ab Apolline nota est.



DIALOGUS V.

De

Numis DELPHORUM: PAGA-
SEORUM: CORCYREORUM: &
LEUCADIORUM.

PUBLIUS.

I. **T**Abulam tuam II. hilaris ut aggredi velis exponendam, enixiùs abs te flagito, Honorande Tulli: etenim multa & mira rerum varietas, quæ oculis ibi contuendam se objicit, plurimam mihi reconditæ eruditionis abinde hauriendæ & cupidinem elicit, & spem amplissimam ingerit. *TULLIUS.* Fateor equidem, privatis in arculis veterum Numorum sanè non undique hos tuos Græcarum Urbium Numos offendes: quibusdam tamen eorum ætas longa, quam tulere, non parum iniqua fuit. Sed diligentissimo Goltzio debes, quòd integros eos tibi pingere quiverim: doctissimo autem *Nonnio* plerùmque, quòd nonnulla ex eis utcunque tibi exponere valeam. *PUBLIUS.* In primo eorum, apud me æreo medio satis attrito, quem *Delphorum* esse reor (*ΔΕΛΦΩΝ* enim lego) *Adversa* Delphinum habet, qui nantis in morem tergò recurvò nudum juvenem portat. *Aversa* capite juveni laureato Appollinem sistere mihi videtur, cum penès eum ad lævam & cytharam videam, & lauri ramum inde prodeuntem. *TULLIUS.* Ex tripode loqueris: *Delphos* namque Appollini tota facerrima fuit, vixque ille celebrius nomen atque *Delphici* obtinuit. *PUBLIUS.* Ubi verò locorum *Delphos* erat? Unde illi tanta Apollinis Religio? Annè Delphino & Delphis, ut nominis, ita & rei cognatio? *TULLIUS.* Si te fabulæ juvant, quamplurimas audies.

II. *Delphos*, aut meliùs *Delphi*, olim Phocidis Regionis Urbs longè clarissima, sita erat in monte Parnasso, omnium Poëtarum carminibùs celeberrimo: qui & præruptus erat, & veluti vîvum ludentis naturæ theatrum. Nominis originem varii variàm comminiscuntur. Quidam enim à *Delpho*, Neptuni filio, quem è Melanthe, filia Deucalionis, susceperat, *Delphi* derivatum existimant. Pluribus præplacet, cum Cretenses suis è civibus

civibus classem ad condendam coloniam emitterent, navigantibus *Delphinum*, cui volupe est propè navigia ludere, juvenesque ac maximè pueros gestare (in quo demonstrando multus est Illustr. *Spanhemius*) veluti maritimi sui itineris ducem ad Cyrrham prævisse, vel, monente *Isacio Tzeize*, navim *Crysseum* ad Sinum deduxisse. Id cum forsitan casu, aut consuetudine piscis acciderit, lepidi idololatræ præsentī id Numini totum tribuebant. Unde è Graculis Scriptoribus alii jactabant, hunc Delphinum ab Apolline submissum: alii deum ipsum Delphini sub imagine latuisse: nonnulli somniabant, Apollinem visibili specie Delphinò invecum adfuisse. Quibusdam tamen ultimò visum, nihil hic quidem negotii pisci Delphinò intervenisse, sed hoc nomine venisse Pythonem, horribilem illum & venenatum serpentem, quem jaculis Apollo confecit, utpote qui pariter *Delphinus* est dictus: quocirca & Apollo ab *Homero* dicebatur *Delphinus*, urbs verò, de qua loquimur, ab eodem *Pyrho* appellata est. His ita commemoratis, vix dubitat *Nonnius*, Delphorum hunc Numum, quem & *Goltzius* pinxit, in *Adversa* originem Urbis referre, hicque à Delphino Apollinem gestari. Quod quidem diffiteri posset nemo, nisi Eques iste æquoreus cytharæ suæ secum exhibendæ fuisset oblitus. Aliàs verò typus iste neque à prima opinione multum abludivit, quæ vult, *Delphos* à *Delphino*, Neptuni filio, dictos: etenim & huic pelagi Monarchæ Delphinus piscis symboli loco frequenter est datus, quod alibi plenius disces. Necesse verò tum foret, ut juvenem nudum, belluæ hujus tergo vectum, non Apollinem, sed unum è diis marinis acciperemus. Atque hoc pacto hic Numus, quod, *Spanhemio*, & *Liebbe*, Viris eruditissimis testibus, Græciæ toti admodum erat familiare, in *Adversa* quidem Originem suam à filio Neptuni, in *Aversa* deinde præcipuam suam erga Apollinem Religionem liquidò ob oculos poneret.

PUBLIUS. Lepida satis Delphorum incunabula hæcenus in *Adversa* Numi quæsitæ: *Adversa* rationem, fortè non minùs jucundam, ex te nunc percipere lubet. **TULLIUS.** Apollinis Mythologia eum in locum reservanda est, ubi de superstitione veterum Religione Dialogos totos formabimus. Hic nòsse tibi sufficiat, omnem Delphorum fortunam, nomen, & claritudinem ab hoc DEO suo prognatam. Sanctissimum quippe erat omni certè Græciæ, immò & exteris nationibus, *Delphorum Oraculum*: cujus origo præ Delphici nominis etymologia magis festiva, in aliis Delphorum Numis, qui juxta *Goltzii* imagines caprino capite fulgent, *Nonnii* opinione, argento & ære signata est. Auctore siquidem *Diodoro Siculo*, ex quo id *Gyraldus*, *Bulengerus*, *Pitiscus*, & *Nonnius* in medium afferunt, quo tempore inculti adhuc Delphi fœere, eo in loco, ubi pos-

Spanhem.
Tom. I. Diff.
IV. à p. 224.

Nonn. ad
Goltz. Tom.
III. p. 38.

III.

Goltz. Tom.
III. Tab.
VIII. Græc.
n. 9. 10.
Diodor. Sic.
XVI.

ista Oraculum claruit, capras pascere consueverunt. Erat autem quidam ibi terræ hiatus, ad quem casu caprarum aliqua exerrans, insolitis mirisque modis exultabat, vocemque omnino insuetam emisit. Id cum accideret sapius, animadversum est à pastore, ac tandem eum cupido incescit, locum illum oculis suis lustrandi. Vix pedem eò intulerat, ecce! simplex Melampus subitò in Apollinem mutatus, mente admodum turbata, fociis vaticina voce primò risus excussit, ingentem deinde stuporem incussit. Percrebuit tanti miraculi fama, & pluribus aliis animum addidit, idem periclitandi. Accedunt, turbantur, vaticinantur: nonnulli tamen divini huius furoris, vaticinico ex hiatu sibi afflati, diutius impotes, seipsos in præceps agebant, miserò fatò consumti. Convenit itaque inter plebem, ut terrestri huic oraculo honos divinus haberetur: statutum verò præterea, ut Dei responsa non nisi unica virgo & peteret, & consulentium communi deinde emolumento etiam unica redderet. Hanc porro ne enthea virtus aliquando suffocaret, machinam aliquam ligneam, quæ orbis fortasse figuram referret, hiatui sacro imponi curârunt, nonnihil ab humo, pedibus tribus suppositis, elevatam: cui virgo, Deum consultura, jam sui securior citra metum insisteret. Inde *Tripodis Delphici* celebre nomen. *Tripodes* namque, ut habent *Isidorus* & *Papias*, scabellâ Græcis dicebantur, *habentia tres pedes*. Diu huiusmodi reddendi Oraculi obsequium ad virgines attinuit, donec uni earum, quæ formâ præ cæteris conspicua fuit, ab *Eucherate*, Thessalo, vitium oblatum sit: quod scelus Delphi execrantes, Virginibus Matronas quinquagenarias substituere.

IV.

PUBLIUS, Miseri Graculi quantus non ludus nequissimi diaboli erant! Quantò certius nobis, præ ridiculo Tripode, Oraculum Divinæ Scripturæ quotidie fundunt, si eas consulere, iisque obaudire non pigeat! Flendus erat suis Authoribus Oraculorum nefastus hic ludus: quorum sub typo, quæ quærebatur, absconsa est potius veritas, immò sepulta, mendacium contra innumera retulit pereuntium animarum trophæa. Nobis, meliore spiritu Paraceto edoctis, *Delphi* modò iucundus sunt jocus, & mendax Apollo, atque omnis, quæ de eo est, chilias fabularum sales interim ingenuos præbet. Unde liceat mihi percontari abs te, quid demum *Cortina* sub nomine venerit, cuius vocis toties ferè, quoties *Tripodis* memoria sit? *TULLIUS*, Aptè sciscitaris: quippe quod *Tripas* Græcis, *Cortina* Latinis audiebat: etsi hoc nomine, juxta *Pitiscum*, non una res apud veteres appellabatur. Paulò post audies *Servii*, qui amplissimè in *Virgilium* commentatus est, fluctuantem sententiam, quam *Nonnius* adducit: si vaticinici apud Delphos hiatus vetustiore adhuc fabulam intellexeris, *Hyginus* nempe refert, *Pythonem* Terræ filium fuisse, & ante Apollinem

linem in Parnasso Oracula edere solitum. Prænoverat autem fatô decretum, ut ipse ex partu Latonæ occideret: unde modis quidem omnibus, incassum tamen, gravidam eam ex Jove interimere studuit. Apollinem suum feliciter illa enixa est: qui quarto à nativitate sua die Parnassum adiens, *Pythonem* sagittis suis confecit. Evolvit hanc fabulam *Macrobius*, inquit: Πύθω idem est, quod *putredo*, quæ nasci solet, cum hiberno tempore, ex imbris crebris aquæ è montibus defluunt in valles, ibique conclusæ ac stagnantes, modico calore superveniente noxio cum sœtore putrescunt. Mox verò ut in æstate Syrius solis æstus succedit, ille paludes exsiccatur, omnemque putredinem arefcere facit. Atque hæc demum Poëtis omnia audentibus occasio fuit comminiscendi, Apollinem, cujus nomine Sol intelligitur, Pythonem serpentem telis suis confodisse. Longe iterum alia apud Eruditiss. *Liebbe* ex *Ephoro* de Oraculi Delphici origine memoriæ prodidit *Strabo*, *Pindaro*, ejusdemque *Scholiastæ* adstipulantibus: *Themidem* nimirum unacum Apolline eidem originem suam dedisse. Quinimò si *Pausania* fidimus, antiquissimis temporibus Oraculum illud *Telluri* quondam & *Neptuno* commune fuit, ac propterea intra Delphicum etiam postea Templum stetit ara Neptuni. Nihilofecius tamen suprâ relatam *Pythonis* fabulam *Servius* ulterius pertexens, scribere voluit. *Cortina locus, unde Oraculum datur. Dicitur autem Cortina, vel quòd Apollinis Tripus coriò Pythonis Serpentis sit tectus.* Huic deinde sententiæ suæ ipse diffidens, illicò subdit: *Vel, quòd certa illic responsa fundantur, tanquam Certina: vel, quod verius est, quòd cor illic vatis tenetur: aut secundum Græcam etymologiam, ὅτι τὴν κόρην τέθεικα, i. e. quòd extendat puellam (nimirum quæ eidem insistit) ut major videatur.* **PUBLIUS.** Fallor, aut bonus ille *Servius*, tot verbis totque sententiis de Tripode differens, è tripode tamen haud loquitur. Omnes quippe, quas affert, vocis *Cortina* origines & analogiæ nimium longè mihi profectæ, accersitæque videntur. **TULLIUS.** Idcirco & mihi pariter *Pitisci* longè ampliùs aridet sententia, qui *Cortinam* persæpè à *Plinio* nomine *leberis* usurpari, idemque, quod lebes, innuere animadvertit: Ollam nempe, aut Vas qualecunque amplum & concavum, voci maximè & sono capiendò reddendòque idoneum. Inde factum, scenas etiam theatrales, quæ Actorum, sive Musicorum declamationes appositè flectunt atque reflectunt, & plerumque arcuum ac fornicum in morem sinuantur, *Cortinas* appellatas esse. *Varronis* præterea verba sunt: *Cava Cortina dicta, quod est inter terram & calum: ad similitudinem Cortinæ Apollinis.* Unde tantum non liquet, *Cortinæ* Delphicæ sive Apollinæ nomine cavum illud antrum commodissime

Macrobius. Saturn. l. 17.

Liebbe Gott. Num. c. V. s. 43.

Servius ad Virg. Æneid. III.

Pitisc. Lex. Antiq. Rom. voce:

Cortina.

Varro de Ling. Lat. VI. 3.

simè accipi, quod vaticinam Oraculi vocem & recepit, & sonò refractò reddiderat.

V. Hoc porrò super antrum Templum aliud semper & aliud, cùm crebrius dirueretur, exstructum fuit. Primum & antiquissimum ex lauro editum volunt, arbore Apollini sacra, & praprimis dilecta. Ex quo etenim *Daphne*, filia Penei fluvii, cùm Apollo eam sibi in conjugem rapere vellet, ab eo fugiens, ope patris in laurum conversa esse confingitur: Arborem illam ipse sibi *Delius* consecravit, Quem *Ovidius* ita ad fatum esse comminiscitur:

Ovid. Metam. l. 557.

— — At quoniam Conjux mea non potes esse,
Arbor eris certè, dixit, mea. Semper habebunt
Te coma, te cytharæ, te nostraque, Laure, pharetra.

PUBLIUS. Eleganter hic locus causam suggerit laureati in hoc Numo capitis, atque laureæ frondis è cythara prodeuntis. *TULLIUS*. Quinimmodò & Tripodem Delphicum è lauro ajunt fabrefactum. Vult equidem *Nonnius*, nugas agere *Lactantium* Grammaticum, dum putat, Tripodem, laurum fuisse tribus radicibus præditam, & Apollini consecratam ob triplicem vim prælagiendi, præterita, præsentia, futura, Nihiloscius tamen *Callimachus* quoque ita de tripode canit:

Lactant. Grammat. in l. Thebaid.

Callimach. Hym. in Apoll. l.

Quantum iste Apollinis commotus est laureus ramus?

Huneri. apud Putsch. voce: Tripus.

Pausan. in Phocidis.

Nonn. ex Jekino.

Huneri quoque in Xerxem haud parum invehitur, quòd eòsque audaciæ progressus sit, ut ignem sacris etiam tripodibus injicere machinaretur. Constare itaque tripodes è materia debebant, quæ comburi facillè poterat: ergò verosimillimè è ligno. Sed quo alio, quàm lauro, Apollini facerimò? Alterum Delphorum Templum è favis apum & alis earum exstructum narrat *Pausanias*: quod vel ipse submiserit Apollo, vel *Pteræ* artifex condiderit. Tertium æneum ferunt, aut ignibus consumtum, vel terræ hiatu absorptum. Quantum faxeum incendio flagravat. Postremum *Spintharò* Corinthio Architectò surrexit ex sacra pecunia, rupi undique præruptæ impositum, ut neque muris, neque milite, solo situ & natura ad prodigium muniretur. In medio ejusdem petrae nativæ, scenarum quodammodo Comicarum in morem, amplissimum quoddam theatrum aperuere: quo factum, ut obortus quandoque populi clamor, & sonitus buccinarum, tot in rupibus refractus, cùm unus esset & paucorum, multiplex & plurimorum audiretur, rei ignaros insolita, ac veluti divina majestate percellens.

Hæc

VI.

Hæc porrò in Templâ dici non potest, quantus munerum luxus undequaque illatus, quàm infinitæ divitiæ sepultæ: ut flagitantes Oracula vel facilem sibi Apollinem redderent, vel faventi & propitio grates exolverent. *Univerſa ſanè Gracia, præter exteras gentes, vel decimas, vel manubias* (ait Nonnius) *Delphos mittebat.* Fieri itaque non poterat, quin tanti auri ſacra fames populos minus religioſos ad prædâ ad rapinam inſtigaret. Sæpè eapropter multumque Delphi hoſtilibûs armis infeſtati ſunt: cùmque hoſtes aut naufragiò perirent, aut acie caderent ſubinde, anſa plurima fiebat paganorum, & maximè vatum mendaciis, creberri-
ma prodigia Apollini, Templi ſui Tutatori & Propugnatori, palàm aſ-
ſingendi. Sic Phlegyæ primi fulminibûs perpetuis, aut terræ motibûs ſcelus luiſſe ſinguntur. Cùm deinde *Phlegyas*, Ixionis pater, ob filiam ſuam *Coronidem*, ab Apolline vitiatam, Templum ejus ſuccendiſſet, men-
tiuntur, eundem Dei ſagittis ad inferos truſum. Perſarum ſub Xerxe
contra Templum expeditio pariter infeliciffima fertur, ſaxis ingentibûs in
eoſdem è Parnaſſo devolutis. Phoceniſibus res haud paulò feliciùs ceſſit:
qui Templò occupatò, ingentem ex eo vim auri abſtulêre. Gallos, ho-
rum animatos ſuccèſſu, fortuna rurſum deſtituit: repulſi namque à Del-
phis, poſtea tempeſtate penitus ferè contriti ſunt. Sylla verò Romanus
Templum impunè ſpoliavit: Nero Cæſar poſtremò, referente *Pauſania*,
totum contrivit Apollinem, quingentas æneas auferens ſtatuas, &, quod
addidit *Dio Caſſius*, Cyrrhæam totam regionem tanto Numini ſurripiens,
ſuis militibus tribuit. Locum inſuper ipſum, unde ſacra dabantur reſpon-
ſa, funditus convellebat, non paucis hominibûs ad ipſum os Adyti ſacri
trucidatis.

VII.

PUBLIUS. Sic nempe omnia, quæ valuere, ruunt: quæcunque cœ-
pere aliquando, aliquando intereunt. Sic veritas, etſi preſſa diutius, op-
primitur nunquam, ac tandem de mendacio triumphat. Fatui idololatræ
tanti Sacrii ſui excidium, cujus ſtygii doli Mundum propè omnem fa-
ſcinaverant, animò arreſti atque ſuſpenſi, ſceleri Neroniano tribuebant:
ignari interim, regnare jam non potuiſſe patrem mendaciorum diabolum,
poſtquam placuit Veritati Incarnatæ, Eccleſiæ Regnum in orbe ſtatuerè,
proferre fidem ſalvificam, Crucis ſacroſanctæ trophæum immobili & in-
ſuperabili petrâ inſigere. Nero interim ille ſceleſtus tutus equidem omni-
no à diruto Apolline fuit: veri attamen DEI vindicem Rompheat cæte-
ra ob crimina ſua infanda, & cruentum in CHRISTI fideles furorem plus
nimio ſenſit. *TULLIUS.* Rectè agis, Optime Publi, quod à fabula
fidem pio conatu confirmas, & morum documenta decerpis: ſic perge,
G &

& Numi, in quibus excudendis adeò vani & profani fuère Authores, Liber tibi erunt indubiè sanctus & bonus.

VIII.

Tab. II.
Num. II.

PUBLIUS. Alterum Numum Tabulæ tuæ II. non æquè, ac primum, facile recenseo. Si rectè tamen memini Serti illius, quod supra in Numo Regis *Mithridatis* occurrerat, tuque hederaceum dixeras, & *Liberi Patris, Bacchi* inquam, sive *Dionysii* insigne: hanc quoque coronam, quæ hic in *Adversa* nomen ΠΑΓΑΣΑΙΩΝ includit, parem existimo. Caput porò *Aversa*, simili redimitum corona, ferè *Bacchi* arbitrarer, nisi ita ambiguum foret, ut fœminæ magis, quàm masculi juvenis videatur.

Pitisc. voce:
Bacchus.
Serv. Aeneid.
II.

TULLIUS. Postremò ut dubiò te primum expediam, moneo te cum *Pitisco*, quod ille ex *Servio* notat, esse nimirum, qui dixerant, *utriusque sexus participationem habere Numina*: non, quòd ipsa re mares simul ac fœminæ exstitisse crederentur; sed quòd omnia complecterentur, & hominum quorumlibet proprias operationes gubernarent. Peculiare autem præ cæteris fuit *Libero Patri*, modò puerum, modò juvenem, modò virum, modò barbatum etiam senem, jam masculum, jam etiam fœminam effingi. Cujus quidem rei causam *Ulpianus ad Demonsthenem* à ludis reposcit: quoniam Baccho omnis ætas, omnisque sexus choreas agebat. *Tzetzes* verò ad *Lycophronis Cassandram* vino deputat, quod omnium corda lætitiâ erigit, luctu exolvit. Tutò proinde hic *Bacchum* agnosce, unacum Apolline tutelarem olim totius Thessaliæ Deum. Erat autem in Thessalia *Phiotidis* Regio, & inter Phiotidis Urbes, perconsente *Ptolomeo*, in Pelasgico sinu prima fuère *Pagasa*: quæ in *Adversa* per Græcum ΠΑΓΑΣΑΙΩΝ describuntur. Tuum hunc Numum etiam *Goltzius* pinxit, licèt facie magis mascula, ac in ære tuo conspicio. *Nonnius* porò, diligens Numorum *Goltzianorum*, & maxime Historiæ Regionum atque Urbium vestigator, de *Pagasis* notat geminam ejus nominis Etymologiam. Juxta quosdam enim appellata creditur Urbs ἀπὸ τῆς ναυπηγίας τῆς Ἀργῆς, quòd illo in loco *Argo navis compacta fuit*, sic dicta, quoniam faber & artifex ejus *Argus* dicebatur. Cantant proinde primum *Ovidius*:

Goltz. Tom.
III. Græc.
Tab. XXI.
n. I.

Nonn. Tom.
III. p. 116.

Jámque fretum Minyæ *Pagasa* puppe tenebant.

Deinde apertius *Lucanus*:

Prima fretum scendens *Pagaseo* littore pinus,
Terrenum ignotas hominem projecit in undas.

Straboni

Straboni nihilominus rectius illi sentire videntur, qui *Pagasas* dictas volunt ἀπὸ τῶν πηγῶν, quod illo in loco multi & uberes fontes scaturiant. Cæterum in *Pagasis* Urbs *Phara*, quondam non incelebris, Navale suum, emporiumque constituerat. Sed & Apollini, juxta *Hesiodum*, à *Pagasis* nomen *Pegasei* adhæsit: quem à Theffalis, Achaisque Παγασίτην appellatum *Hesychius* insuper memorat.

PUBLIUS. Siquidem Numus iste *Argonautarum* nos antè admonuit, IX.
repetam breviter, si placet, memoriâ & *Aurei Velleris* & *Jasonis* fabulam. **TULLIUS.** More tuo id velim, id est, quàm brevissimè facias. **PUBLIUS.** Thebæ Regem habebant *Athamantem*, *Æoli* filium, cui dicunt Arietem aureo vellere fuisse: conjugem ducebat *Nepheien*, ex qua *Phryxum* filium, & filiam *Hellen* suscepit. Cum verò *Nephele* ad insaniam redacta in silvas profugisset, thorum Regium *Ino* obtinuit, iniquissima liberis *Nepheles* noverca. Quare Rex *Athamas* pater *Phryxo* filio suavit, ut cum *Helle* sorore salutem in fuga poneret, & maria, fati melioris securus, tranaret: cujus quidem itineris in adminiculum aureum eisdem Arietem donavit. Paruit *Phryxus*, & una cum sorore Arietem conscendit, marique se credidit, hoc vectore propitium ad litus deferendum se sperans. Longius autem progressi, fluctibus cæperant gravioribus agitari: quibus territa *Helle* imbellis ariete decedit, & undis sepulta, æquori illi maris *Hellepontiaci* nomen pepererat. *Phryxus* porro animò excelsior, turbidos fluctus superavit intrepidus, & incolumis *Colchus* pervenit ad *Aetam* Regem, hominem naturâ truculentum, adeoque inhumanum, ut hospites omnes, gentis quidem suæ æquè barbaræ more, illicò *Diana Taurica* litaret. Quia tamen avaritiâ præterea non modicâ fuit, *Phryxus* insolitam gratiam Ariete aureo reperit, quem felicitis itineris ergò prospere confecti, ceu jube anathema Marti immolavit, aureis deinde exuviis illius in templo suspensis. Paulò post Rex *Aetas* oraculo admonitus, pereundum sibi fore, si peregrini nave advecti appellere sinerentur, Vellusque aureum auferrent, *Velleri* quidem taurum aripedem, atque draconem pervigilem custodes adhibuit: crudelitatem porro suam in advenas omnes tantò nefastiùs exercuit. Quoniam verò *Colchis* Insula aliàs quoque aurò mirè abundabat; ejus expugnandæ cupiditate sæpe multumque Græci exardebant. Sed effera *Colchidum* inhumanitas erga externos omnes, omnibus animos ejusmodi ad expeditionem comminuit. Ausus id primum est Theffalus *Jason*, juvenis acerrimus, filius Regis *Æsonis*: cujus dum animos *Pelias*, qui soliò patrem expellere adnitus est, oppidò pertimesceret, profectionem in *Colchidem* juveni Heroi suavit identidem, tandem & persuasit. Negligit nimirum impotens sui gloriæ cupido etiam mani-

manifesta pericula : nec vivere delectat, dum sine gloria vivitur. Mori cum gloria vitâ dulcius creditur. Navi proinde ab *Argo*, quem *Pallas* ipsa intruxerat, fabrefacta, *Jason* cum quinquaginta sociis Græcis fortissimis, *Typhi* pinum moderante, mare ingressus est: primosque hos milites æquoris *Argonautas* dixere, quod *Argo* navi veherentur. *Lemnum* primum insulam devenerunt: ubi paulo antè mulieres conditiis furiis maritos suos, & masculos omnes interfecerunt. Excepti à mulieribus Græci, in Regnum simul & thorum admissi sunt: *Jason* præcipue ab *Hypsipyle* Regina maritus delectus est. Substitere ibidem propè bienniò: tandem suæ se expeditioni rursus accinxerunt, & à *Phineo* Rege amice edocti, quomodo scopulos *Cyaneos* longè periculosissimos superare tutò valerent, *Colchos* appellebant. Ibidem *Jasoni* forma egregia quàm dextra plus profuit: illic enim adamari cepit ab *Medea*, Regis *Aetæ* filia. Cui cum nuptias sponderet, illa modum eidem suggessit, quo & taurum superaret arripedem, & draconem sopiret: veneficam quippe artem eximiè calluit. His feliciter confectis, & concupito vellere aureo pariter raptò, fugam *Jason* festinus arripuit, *Medeam* sociam habens. Cum verò eosdem Rex *Aetæ* velocissimo cursu persequeretur, foemina truculenta parvulum suum fratrem *Absyrium*, quem idem in consilium, jam antea apud se decretum, abstraxerat, jugulavit, & in frustra concisum, per omnem viam, quæ ad litus ducebat, dispersit: ut pater eadem colligens, remoraretur tantisper, donec sibi cum *Jasone* litus attingere, navimque conscendere liceret. Sic raptum aureum vellus, hæc fors erat Argonautarum: quibus tanta fati fiducia fuit, ut primi hominum omnium efferos fluctus fragili carinâ *Pagaseæ* sulcare auderent. **TULLIUS.** Bellè hanc fabulam amplissimam collegisti: quam totam se evoluisse nonnulli arbitrantur, si dicant, *Athamanti*, Regi Thebano, navem fuisse, quæ Arietem aurò depictum in prora vel puppi habebat, quam fugientibus Liberis tradiderit. Hoc tamen pacto *Argonautæ* sanè non primi, sed secundi æquora tentassent. Hos porro non aureum Arietis vellus, sed Colchidis Insulæ, aurò opibusque intructissimæ, multò magis imperium concupisse, facile creditur. **Plinio** etenim teste, ibidem aureæ Camera Regis, & trabes argenteæ fuere. Sed & **Strabo** luculentius perhibet de Colchis. Apud eos torrentes dicuntur Aurum deferre, quod barbari perforatis tabulis ac lanosis pellibus excipiunt: unde *Aurati* velleris fabula conficta est.

Plin. XXXIII.

3.
Strabo L. XI.

X. **PUBLIUS.** Sin rectè de Numo III. Tabulæ tuæ II. me hariosari Tab. II. ex literis contigerit, *Corcyreorum* is est: lego namque intra radios Stel-
Num. III. læ in *Adversa*: ΚΟΡΚΥΡΑΙ. **TULLIUS.** Adde ΩΝ. quibus literis locus congruus amplius non supererat, & habebis latine:

COR-

CORCYRA. PUBLIUS. Quòd si ita sit, Numus hic ipse, præter opinionem, *Jasonis* historiam quodammodo prosequitur: quam mox, ut brevior essem, abruperam. Ajunt etenim: *Colchos Jasonem* etiam pelagò persecutos, *Corcyra* deprehendisse, postulantes ab *Alcinoo*, Phæacum Rege, hic Regiam suam & hortos aureis pomis florentes tenente, ut, si *Jasonem* nolit, certè *Medeam* eis extradaret. Annuit *Alcinous*, postulata se facturum, si *Medea* virum passa adhucdum non esset: sin verò, connubia se solvere minimè posse. Audiit hoc responsum *Arete*, Regia Conjux, cùmque *Medea* faveret, *Jasoni* illud vulgavit: qui è vestigio nuptiarum solemnia agens, Colchorum se minis & importunitatè hoc pacto ocysimè expedit. Malè verò hoc postea connubium cessit. *Medea* quippe, fœmina crudelis & pessima, promeruit, ut eam *Jason* in patria sua postea repudiaret. Eapropter iræ impotens Colchica Circe, Creüsam, novam *Jasonis* Sponsam, igne tartareo, in pixide muneris locò eidem submisso, una cum patris *Creontis* domo ac Regia, Corinthi combussit: præterea, quos ex *Jasone* antè susceperat liberos, ipso inspectante, in partes discerpfit. **TULLIUS.** Tute ipse tibi, Optime Publi, demonstras, quàm valeant Numi ad veterem historiam, aut exquirendam sollicitè, aut firmiter animò complectendam. Appositè excurre: curandum tamen, ut in viam citius redeas. Dialogos, non historiam conficimus: rerumque, quas in Numis spectamus, multitudo, dum perpetuò ad cætera revocat, unum ex integro exhaustire nos vetat.

PUBLIUS. Nescio, qua cupidine sumus, ut, quamvis plurima ignoremus, aliquid nos attamen nòsse omninò, ut noverint alii, velimus. Hinc imus, quà possumus: & cùm ad nucleum usque penetrare non liceat, frangendo tamen in cortice vel ludere interim juvat. De Stella, quæ coruscat in *Adversa*, deque vasis & poculis, pampinòque *Averse* dudum præcoci lingua disseruisssem, nisi aqua hìc undique mihi hæreret, **TULLIUS.** Atqui hæc mera sunt symbola *Bacchi*, & devotam ei fuisset *Corcyram* testantur: maximè, cùm publicò ibi Templò, afferente *Thucydide*, coleretur. **PUBLIUS.** Bacchine ais? Vasa quidem & pocula, botrum præterea, achederæ folium *Libero Patri* facilè annuo: ventris enim ingluviem, merò præcipuè æstuantem, curæ is habet, dignam deò sollicitudinem. Sed Stella eidem unde congruat, admodum ambigo. **TULLIUS.** Nòris utique, qui aliàs tam benè fabulas calles, cujus filius *Bacchus*? **PUBLIUS.** *Jovis* nimirum omnipotentis, & *Semelles*: cui cum *Juno* amores mariti invideret, eam hortabatur, ut postularet, ita sibi Jovem, qualis Junoni adesse solet, advenire. Petiit, &

quia obtinuit, periit: igne enim divino exusta est, *TULLIUS*.
Satis mendacii: jam nullo negotio veterem Poëtam intelliges, ita canentem:

Apud Pitisa,
voce:
Bacchus.

Sic Apollo, deinde Liber sic videtur *ignifer*:

Ambo sunt flammis creati, profatique ex ignibus.

Ambo de comis calorem, & ambo radios conferunt.

Noctis hic rumpit tenebras: hic tenebras pectoris.

Macrob. Sa-
turnal. I. 18.
Ovid. Me-
tam. IV. 18.

Hæc causa erat, cur *Liberum* aureis cornibûs effingerent, cur stellam eadem apponerent. Immò, quemadmodum *Macrobius* pluribûs docet, per *Bacchum* Sol ipse intelligebatur, cui bacchantes in Orgiis juxta *Ovidium* ita accinuere:

Tu puer æternus, tu formosissimus altô

Conspiceris cælô.

Diodor. Sic.
Libr. I.

Eumolphus *apud Diodorum eundem appellat*

Sidereum *Dionysium* igni radiante coruscum.

Adeo præterea sagax erat veterum superstitio, ut masculosarum pellium animalia, tygrides, lynces, pantheras, eidem immolarent: quæ tergore suo cæli stelligeri veluti symbola gestabant. Unde & *Liberum* ipsum pelle hinnuli amiciebant, causam sic apertè reddente mox laudatô *Diodoro*, dum ait, *Quidam nebride Bacchum amictum esse dicunt, ut astrorum varietas significetur.* Non jam ergo peregrina in hoc Numo tibi Stella videbitur: superest, ut de *Corcyra* verbum audias. Gemina existat hujus nominis Insula. Prima olim *Μέλαινα* dicta, hodie *Curzoli* audit. Altera, cujus est hic Numus, Epiro & Threspotiæ opposita, *Corfu* nunc dicitur. Multa ei nomina oppidò diversa veteres tribuere: quibûs hic prætermisiss, *Corcyra* appellationem, perhibente *Diodoro* apud *Nonnium*, accepit ab *Asopi* filia *Corcyra*, quam raptam *Neptunus* in hanc Insulam detulit. Ex qua cum *Phæax* nasceretur, populo Insulæ hujus nomen *Phæacum* inditum est. Vino gaudebat, cum senesceret, admodum laudatô: cui hodie, *Romania* dicto, non minor est fama. Navalis gloria præ omnibus ei vicinis maxima fuit. Colonia erat Corinthiorum: siquidem ex Bacchidis unus, quos Corinthii expulerant, unacum sociis ad Phæacum litus appulerat, locumque, ejectis veteribus colonis, ut refert *Apollonii* Scholiastes, occupaverat. Paruit postea Corinthiis: sed opibûs suis prosperaque fortunâ insolens, ipsevit

Metro-

Metropolim suam. Posteaquam verò Epidamnii, Corcyræorum coloni, prementibûs eos Illyriis, nec Matre sua eos tutante, Oraculi insuper monitu, sese Corinthiis permiscere: irati Corcyræi utrosque feliciter oppugnaverunt. Corinthiis porrò Peloponnesum totam in societatem armorum advocantibûs, ortum est Bellum Corinthiacum: cui Peloponnesiacum successit. Armaverant tunc Corcyræi naves centum viginti, auctore *Thucydide*, eximiò sane magnitudinis ac potentiæ suæ argumentò: & quamquam *Themistoclem*, Atheniensem, acerrimum sibi habuere, à Lacedæmoniis insuper obsessi, atque fame arctati, nihil tamen extremi discriminis subire. Numos eorum plures *Goltzius* pinxit, in quibus stellam, pocula, botrum, hederam videas: sed nunquam ita conjuncta uno in Numo, quemadmodum in tuo.

*Goltz. Tab. I.
Insular. Græc.*

PUBLIUS. Majoris reor indaginis esse Numum IV. Tabulæ tuæ II. XII. in quo exponendo nihil omninò sum. **TULLIUS.** Nomen hic utique legis ΑΕΥΚΑΔΙΩΝ, quod idem, atque LEUCAS, sive *Leucadia*. Epiro fuit opposita, Corinthiorum colonia: à quibus, cum ante Peninsula esset, seu ex parte continenti adhærens, abscissa deinde à terra, Insula evasit. Quocirca *Ovidius* cecinit:

*Ovid. Met.
tam. XV.*

Leucada continuam veteres habuere Coloni:
Nunc freta circumeunt.

Nonnius tamen videtur, velle *Plinium*, quòd continenti postea iterum red- *Plin. VI. 1.* dita sit, dum infit: *Egresso sinu Ambracio in Jonium, excipit Leucadium litus, Promontorium Leucates, dein Sinus, ac Leucadia ipsa Peninsula, quondam Neritis appellata, opere accolarum abscissa à continente, ac reddita ventorum flatu, congeriem arenæ accumulantiæ: qui locus vocatur Dyorictos, stadiorum longitudine trium. Oppidum in eo Leucas, quondam Neritium dictum.* **PUBLIUS.** Percontari hic subit ex te, an non promontorium *Leucates*, quod mox à *Plinio* laudari audivimus, petra illa prodigiosa existimanda sit, ex qua sedandi amoris causâ, ut suprà dixeras, se *Sappho*, Poëtria Lesbica, præcipitem dedit? **TULLIUS.** Illam ipsam esse *Nonnius* infit, albicanti colore in mare prominentem: in qua olim Apollinis Leucadii templum constiterat. Ejusdem honoribus, *Starbone* fidem faciente, Leucadii quotannis, cum solemnia facerent Sacra, fontem aliquem *averruncandæ* Deorum iræ causâ, i. e. avertendæ, ex scopulo hoc dejecere: ita tamen, ut varias ei pennas, volu-

*Norm. ad
Goltz. pag.
212. Tem.
III.*

volucresque affingerent, quibûs mediûs volaret magis, quàm saltaret: paratæ etiam erant cymbæ & navigia, quæ cadentem exciperent, atque ab undis servatum, patrios extra fines deveherent, tanquam *Ver sacrum*.

PUBLIUS. Quid sibi hæc ultima verba deposcunt? *TULLIUS*. *Ver sacrum* dixere veteres pecus, ex voto Numini immolandum, teste *Livio*, & tale quidem, quod natum esset vere, inter *Kalendas Martias*, & *pridie Kalendas Majas*.

*Festus in
Mamertinis.*

Quoniam autem juratus humani generis hostis, stygius Alastor, qui in diis omnibus deabûsque adoratus est, etiam homines sibi devoveri concupierat: apud Samnios accidisse retulit *Festus*, ut gravi pestilentia eam insulam pessumdante, Oraculi voce postularet Apollo, *Ver sacrum* sibi devoveri, i. e. omne illud, quod Vere proximo natum esset. Immolârunt Samnii ejusmodi pecora singula, peste levati. Hac tamen vicesimò postea anno acriùs iterum sæviente, Apollo rursus consultus respondit, votum ab iis ex æquo persolutum non esse, cum homines immolare omiserint. Hos saltem nunc patriâ pellant, & liberos se morbo futuros. *Veris* itaque *sacri* nomine exinde etiam homines devoti venêre.

PUBLIUS. Multa jam de *Leucade* didici: quid verò nomen *ÆΩΝ*, nomini *ΑΕΥΚΑΔΙΩΝ* in *Aversa* subscriptum? quid sibi monogrammata gemina volunt, quorum primum X. & A. alterum A. solum ostendit? *TULLIUS*. Singula Nonnius præterivit, etsi *Goltzius* tuum hunc Numum pariter pingat, sed argenteum notet, cum tuus sit æreus, ac monogramma posterius sive A. literam, non infra navim, sed ad lævam puppis exhibeat.

*Goltz. Insul.
Græc. Tab. I.*

ÆΩΝ quidem Virum aliquem designare, quæ præcipuum in *Leucade* magistratum gerebat, non valdè ambigendum. In aliis etenim tribus, quos pariter ibidem exhibet *Goltzius*, Numis *Leucadiorum*, argenteis omnibus & mediis, aliud semper & aliud nomen occurrit, nimirum *ΝΙΚΑΤΟΡΑΣ*: *ΔΙΑΚΡΙΤΟΣ*: *ΘΕΟΛΑΡΧΟΣ*.

Monogrammata verò nullus alius habet, præterquam tuus: quæ, nisi temerè omnino conjicerem, exponere nequeo. Fortè ad integra *Leonis* descripti nomina exprimenda A. & X, literam pertinere quis autemet. Navem porrò *Goltzius* in omnibus exhibet Numis, sed dispari aliquatenus ornatu: *Nonnius* verò ex ea posse intelligi putat, *Leucadios* navalis rei studium, quo fervebant, innuere voluisse. *PUBLIUS*. Si *Aversa* tam obscura, quid lucis *Adversa* accendis? *TULLIUS*. Ea haud paulò obscurior. Deam ibi stantem vides, veste ad talos usque defluente: cervum adstantem: post eam telum, cuspide suo inverso quasi terræ infixum. Manu dextra extenta ornamentum quoddam genus præ se ferre *Nonnio* apparet, quod vel fastigio domus inponebatur, & *Acrotirium* audiebat: vel

summam

summam navium proram exornabat incurvum, *Acrostolium* dictum. Ad dextram Aquila insidet pilæ sive columnæ, minus dexterè signata; ad lævâ spica turgens excrescit. Omnia tandem sertum è lauro grande concludit. Tam multiplicium rerum emblemata in unum qui colligat, acutus sit sanè, oportet. *Nonnio* videtur tantum, quin affirmet, *Dianam* hic exhiberi, per hæc symbola forsitan à Leucadiis cultam. Illa verò, ut venantium Præses, succincta esse aliàs solet, & ad cursum expedita; cui muneri vestis talaris non quadrat. Cervus ei proprius: fortè & hasta vel telum venabulum interim credi posset. Sed ut quid *Acrostilium* gestat, navium Insigne? quid illi cum spica? & maxime cum aquila? In omnibus tamen quatuor *Goltzii* Numis eadem dea eodem habitu adstat: Arista aliquando cum Cornucopiæ, signis alias fortunæ & fertilitatis, locum mutat: Aquila, quæ hic pilæ, in cæteris hastæ insidet, jam rectâ, jam spiris serpentinis volutata, quasi signa essent militaria Romana. Fateor, hanc caliginem perspicacioribus ingeniis, & quibus plenior sit *Leucatis* cognitio, discutiendam à me relinqui debere.



DIALOGUS VI.

De

Numis DYRRACHII, ATHENARUM, MACEDONIÆ Primæ, & BRUTTIORUM.

PUBLIUS.

Quanto magis egregia sunt, quæ ex Numis meis, non multum I. venustis aspectu, per te tamen indies addisco, Venerande Tulli, tantò avidius similia cupio, & verè à me, *quo plus sunt pota, plus sitiuntur aquæ*. Insolitò planè circulo includitur caput *Dianæ*, ut ex arcu & pharetra auguror, in Tabulæ tuæ II. Tab. II. Numo V. An mysterium hoc? an calatoris libido erat, ejusmodi orâ Num. V.

H

venu.

venustiori Numum hunc argenteum medium convestire? *TULLIUS*. Deditâ id operâ factum. *MACEDONIÆ* etenim *PRIMÆ* hic Numus est: cujus gentis *Symbolum* ferè *consuetum* fuisse *Chypeum cum Stellis*, quibûs crebriùs repetitis ora Numi tui concluditur, ex *Illustr. Spanhemio* disco. *Diana* rationem reddit *Nonnius*: siquidem *Macedones* deæ hujus præcipuo cultui semper dediti erant, utpotè venandi studio perpetuò innutriti. Hinc idem *Goltzii* doctus *Interpres* ex *Livio* simul atque *Plutarcho* notat, nocte illa ante pugnam internecinam ultimâ, quâ *Perseus*, postremus Rex Macedonum, à *Paulo Emilio*, Romano, devictus fuit, *Luna*, quæ cum *Diana* eadem est, deliquium notatum populo illi extremum indidisse luctum: ut adeò nil, nisi fletus & clamor apud eos in caltris insonuerit, usquedum *Phæbe* denuo è tenebris emergeret. Illa siquidem eclipsi occasum Regni sui, gentisque perniciem portendi, neque vanum, augurabantur. *Aversa* in parte quernæam intra coronam clava *Herculis* erigitur: quoniam nimirum Macedonum Reges, ut in Numo *Alexandri* jam memini, ab *Hercule* originem suam aut verè traxerunt, aut ad mentem *Illustr. Spanhemii*, saltem affectarunt, *Heraclides* omnes haberi cupientes. Fulmen inferiùs cubans cum clava conspirat: æquè enim *Herculem* indigitat, tanquam filium *Jovis*. Hanc *Macedoniæ* Regum jactantiam, præter *Constantinum Prophyrogenitum*, etiam *Cæsar Julianus* confirmat, alicubi inquires. Nam in *Macedonia habitasse ferunt Herculis nepotes, Temini filios, qui Argivorum regionem, quam hereditate acceperant, inter se partientes, atque invicem dissidentes, coloniâ missâ, omnem controversiam atque contentionem sustulerunt: tum occupatâ Macedonia, ac beata generis successione relicta, Reges ab Regibus deinceps, tanquam patrimonium aliquod, eam dignitatem accepere. Temini porrò filios istos ex Herodoto fuisse scribit Nonnius ternos numerò, Gavanem, Æropum, atque Perdiccam, eosque ab Argo in Illyricum profugos, & Macedoniam superiorem transgressos, in Urbe Lebæa mercenariam Regi operam locasse. Cum verò *Perdicca* panem duplò semper majorem ex furno sua sponte prodire Regina notasset: Rex eo cognito mercenarios dimisit, & mercedem suam postulantibus, Solem, inquit, habete, qui per caminum splendore suo in ædes illabitur. Ad quod *Perdiccas*: Accipimus, ô Rex! Quo dicto Solis radios gladiò suo circumscripsit, terque in sinum hausit, atque cum fociis fratribus abiit. Missi post eos milites, ut ferirent: at illi flumen transgressi in tuto erant, aqua repentè mirum in modum intumescente. *Temenida* ergò in aliam *Macedoniæ* partem conversi, arma ibi corripuere, & brevè *Macedoniam* omnem (sic enim erat in fatis) occuparunt, *Heraclida* itaque appellati sunt ab illis Macedonum Reges, cum ipsi*

Spanhem.
Tom. I. Diss.
VII. p. 385.

Nonn. ad
Goltz. Tom.
III. p. 124.

Constantin.
Porph. Them.
L. III.
Julianus Cæs.
Orat. II.

ipſi *Herculis* fuiſſent nepotes: Volebant quoque eorum in folio poſteri pelle *Herculis* induti idcirco frequenter in Numis ſignari. Neque inane fuit ſolum generis Inſigne, inſit *Spanhemius*, ſed ſingularis cuſuſdam virtutis atque præſtantia, ſi *Philoſtratum* audiamus. Tradit enim ille, *Ajace*m, adhuc infantem, leoninis illis *Herculis* exuviis involutum, ea in parte quàm mox invulnerabilem effectum eſſe. *PUBLIUS*. Euge bellæ Græcorum fabellæ! *TULLIUS*. Sit fides penès Authorem. Reſtat autem ex Numo tuo adhuc Legenda: quam, ut ampliùs exercitatus ſit, ex te iterum audiam, Publi. *PUBLIUS*. Sic lego: ΜΑΚΕΔΟΝΩΝ ΠΡΩΤΗΣ. *TULLIUS*. Id eſt: MACEDONIÆ PRIMÆ. Noſſe videlicet debes, Macedoniam, Regnum ampliſſimum, ſub *Philippo* præcipuè patre, & filio *Alexandro M.* ingentibùs terminis diſfuſam, poſtmòdum à Romanis, diu quidem ſeriùs, aceam occupaverant, in IV. partes tributam eſſe: quarum proinde prima atque præcipua, aliàs *Conſularis* etiam dicta, tuam hanc Monetam argenteam excudit.

Spanhem ubi ſuprà p. 387. Philoſtrat. in Heroic. pag. 693.

PUBLIUS. Nunc *Bubo* me pellicit, & riſum mihi ferè excuſſerat, quo VI. Numus tuus Tabulæ II. ſuperbit: cuſus ego plumbeum ſolummodo typum tuo favore poſſideo. *TULLIUS*. Caveſis, *Palladem* in te concites: ei enim *Athena*, quarum eſt hic Numus, & *Noctua* quoque ſacerrimæ erant. *Adverſa* eandem Divam cum galea, atque lorica, ſquammiſ denſata, tibi ob oculos ſiſtit, cuſus in pectore *Gorgonis* viperæ cubat: quam, *Servio* perhibente, ideò *Minerva* vel in pectore, aut in ægide ferè ſemper præſert, quia apud eam eſt omnis prudentia, quæ ignaros confundit atque imperitos, & quodammodo ſaxeos comprobât. *Averſa* Numi *Noctuam* ſtantiem oſtendit, cum Legenda: ΑΘΕΝΑΙΩΝ. i. e. *Athenarum*. Penès *Luna* comparet, & flos quidam ignotus, quorum duorum rationem nemo mihi percenſet. *Noctua* autem ideò ab Athenienſibus ſignata eſt undique, quoniam comes inculcata *Minervæ* dicitur *Ovidio*: quia nimirum noctis amans, viſu tum acutiſſimo pollet: quemadmodum & ſapientia ab Amatoribus ſuis noctu potiſſimùm quæritur, ſuòſque labores ad ſeram *Cleanthis* lampadem pertinaciter protrahit, uſquequo, quidquid eſt abditum, quidquid obſcurum, irremiſſa mentis acie clarè tandem pervideat, & ad fundum uſque pervadat. Ab hac ave *Atticæ* monetæ γλαῦκες, Latine *Noctua*, paſſim appellitabantur. Unde apud *Pauſaniam* ſervus quidam *Gylippi* familiari ſuo dicebat, multas ſub regulis cubare noctuas, ſeu multam ibi pecuniam à Domino ſuo abſconſam eſſe. *PUBLIUS*. Viſ, ut hic recenſeam *Noctuæ* fabulam, quæ ex *Meſamorphoſibus Naſonis* mihi occurrir. *TULLIUS*. Per me licet: aſt brevi-

II.
Tab. II.
Num. VI.

Servius
Æneid. VIII.

Pauſan. in
Lyſandro.

breviter. *PUBLIUS*. Commisceatur ille, cum *Ceres* à Jove filia suæ *Proserpine*, per *Plutonem* raptæ, reditum ab inferis hoc pacto impetrasset, si nihil ibi vel cibi, vel fructuum gustaret, visam eam esse, ac proditam ab *Ascalapho*, quod malum decerpserit. Cujus in poenam prodicionis, *Ceres* hominem istum, nimis quam oculatum, visuque perspicacem, in bubonem convertit, avem funestam, & tristium semper prænuntiam. Quare noctua apud Poëtas plerumque *stygia avis* compellatur, atque in auguriis pessimi ominis habita est. *TULLIUS*. Nempe & *Demofribenes*, cum eum ingratae Athenæ Urbe excedere jussissent, exclamavit, *O Pallas Urbium custos! cur tribus infestissimis bestiis delectaris, noctua, in serpente, atque hoc populo?* Nihilofecius tamen *Pericli*, Oratori pariter Atheniensi, optima quæque omnia attulit Bubo publice pro rostris dicenti: mox enim ut populus superiore è tabulato noctuam eidem ad dextram advolare conspexit, manibus (ut ajunt) ac pedibus illius in sententiam ivit. Si porro de *Athenis* ipsis verba facere oporteat, vereor, ne finem dicendi non inveniam. *PUBLIUS*. Tantam tu Urbem sicco pede pertranseas? *TULLIUS*. Ideò, quia tanta: sed non, quia est, verum pro dolor! quia fuit. Nunc enim *Odrysia* sub tyrannide vicus, verum exiguus, quæ Græciæ Metropolis erat. Memoriae *Aristides* prodidit, Græciam medium esse Orbis terrarum, Atticam verò medium Græciæ, & Atticæ centrum Athenas. Urbs hæc, quam Provinciam rectius dixisses (ex duodecim enim Oppidis eam constituit *Theseus*) *Joniam* primum, deinde *Atticam*, postea *Attica*, novissimè in *Palladis* honorem *Athena* compellata est. Reges habuit usque ad *Codrum*, eorum ultimum, qui, bello Peloponnesiaco furente, cum *Doriensibus* Athenas gravissimè infestantibus Oraculum ediceret, superiores se fore, nisi Regem Athenarum occiderent, amore civium & patriæ, sumtis centonibus, tanquam unus de grege, ante pugnam commissam hostes irritavit, atque occisus est. Quo comperto *Dorienses* arma posuerunt: *Athenienses* vero Regium honorem soli *Crodro* sacrum deinceps volentes, Archontas sibi constituere, primum quidem rerum summam perpetuò illis permittentes, deinde verò duntaxat in decennium. Tandem Macedoniæ Regibus parere debuerant, postremò Romanis: libertate tamen illis permissa. Legibus caruit hæc Civitas ad usque *Solonem*. Dignum est, quod audias de ea, *Velleii Paterculi* testimonium. Una (inquit) Urbs Attica pluribus annis eloquentia, quam universa Græcia, uberiusque floruit, adeò, ut corpora Gentis illius separata sint in alias civitates; ingenia verò solis Atheniensium muris clausa existimo. Neque ego magis miratus sum, quam neminem Argivum, Thebanum, Lacedæmonium Oratorem, aut dum vixit, auctoritate, aut post

mor-

*Plutarch. in
Pericle.*

*Aristid. in
Panathe-
naico.*

*Nonn. ad
Goltz. T. III.
P. 79.*

*Vell. Patere-
Libr. I.*

mortem memoriâ dignum existimatum. Meritò sanè *Palladi* sacræ fuêre *Athenæ*, quibûs Urbs ferè nulla suô maximè ævô aut bellô clarioribûs viris, aut majoribûs ingeniis floruit. Quanti heroës *Miltiades*, *Cimon*, *Timotheus*, *Themistocles*, *Ipbicrates*, *Conon*, *Alcibiades*, ut cæteros mittam? Quanta inter Doctos nomina *Demosthenes*, *Pericles*, *Thucydides*, *Menander*, *Euripides*, *Socrates*, *Solon*, *Æschylus*, *Anacreon*, aliiq̃ue quamplurimi? Nihilominus in tanto sapientum hujus Mundi Senatu in faciem Urbi oggerere compulsus est Gentium Doctor: *Viri Athenienses, per omnia superstitiosiores vos video.* Tanti nimirum refert, fontem Sapientiæ DEUM ignorare. Cæterum nihil tibi jam de *Arce*, nihil de Jovis Olympii & Minervæ templis, de Musæo, de Areopago, de Prytanæo, Lycæis, Academiis commemoro, quæ fusiùs apud *Nonnum* aliòsque, si placet, ipsè requiras.

PUBLIUS. Festinas, ut video, ad Numum VII. Argenteum illum III. & minutum, in quò sanè omninò nil capio. Quid namque hæc Vacca Tab. II. vitulum lactans portendat? Ecce deinde easdem omninò figuras, op- Num. VII. positâ tamen formâ, utraque Numi hujus facies sistit. **TULLIUS.** Postremam quæstionem primùm expediam. Est nimirum hic Numulus è numero, quos vocant *Incusorum*, præcipitis Monetarii proditor, qui laminâ priori sub modulo jam quantum ad *Adversam* partem formatâ, festinanter hanc ipsam superposuit, priusquam priorem extraxisset: quare necesse erat, ut Numus hic formam eandem *Adverse* bis reciperet, supra quidem ordine recto & expressâ à modulo, infra verò impressâ & ordine inverso à moneta jam ante formata. **PUBLIUS.** Chariorem jam mihi monetam hanc idcirco reddidisti, quoniam specimen est *Numi Incusi*. **TULLIUS.** Jam ad primam quæstionem sic habe. Numus hic tuus DURRACHIÆ Urbis est, quæ olim *Epidamnus* dicta, *Illyrici* pars erat, deinde *Macedoniæ* attributa, demum sub Constantinopolitanis Impp. nova *Epiri* metropolis effecta est: ad quam brevissimus ex Italia in Græciam trajectus est. Priusquam tamen hujus tibi monetæ rationem percenseam, ex Illustr. *Spanhemio* mihi monendus es de more & ratione *Coloniæ*.

Urbium Græcarum aliæ *Matres* erant, aliæ *Filiæ*, cùm aliæ ex aliis orientur: *filiarum* porrò summa erat atque perpetua quædam in *Matrem*, *Majorem*, sive *Antiquam Patriam*, aut *Metropolim* suam (quæ phrasès sunt Scriptorum) pietas atque religio. Qui namque Urbem aliquam exstruxêre, aut Coloniam eò deduxerunt, à liberis Parentum locò in lon-

ga deinde sæcula habiti sunt. Urbes *filia Matrum* suarum linguam, sacra, sacrorum ritus, festa, leges, magistratus, vestes, habitum, mores retinere: tutelares item *Metropoleon* suarum Deos, nomina eorum, simulacra, cultum, templorum formam. Frugum insuper primitias ad *Metropolim* mittere: retinere *Matris* Insignia cum in Numis tum in lapidibus: ut adeo ex ejusmodi monumentis, etsi ex historia non constet, tuto Urbis unius ab altera originem colligere liceat. Leges quoque ac Legumlatores *Colonia* accipere, vel verò petere ab *Antiqua patria sua* tenebantur, & si hujus Rectores decesserant, à *Coloniis* illico submissi sunt, qui funus curarent. Annum pariter vectigal *Metropoles* à *Coloniis* exigebant: bello aut calamitate urgente *Colonia Matribus* auxilia & suppetias ferre, aut ab iis vicissim postulare debebant: sed & Belliduces implorare. Singula hæc prolixè & eruditissimè more suo Numis & Scriptorum testimoniis passim stabilit atque evincit Illustr. *Spanhemius* hinc inde in *Dissertationibus suis*, quibus sanè ad Rem Numariam nihil præstantius vidimus.

V.

Quoniam itaque ex *Corcyra* olim *Colonia* deducta est *Dyrrachium*, duce *Phallio*, Corinthio, *Eratroclida* filio, qui genus suum ab Hercule deducebat, idcirco Urbs hæc ceu *filia*, *Corcyra Matris* suæ Insignia perpetuò in Numis suis retinuit, quæ licet denarius hic tuus, qui caret *Aversa*, non habeat, ego tamen in *Tabula* mea ex *Goltzio* pinxi, Aram nimirum illam, vel quidquid demum sit tabula quadrata, à nemine declarata, quem sciam. *Adversa* autem Vaccam sistit, quæ Vitulum lactat, in signum agri apud *Dyrrachium* fertilissimi atque compascui, quem incolæ industriè colerent: & quòd itidem *Corcyra* hoc Symbolò uteretur. Nomen

ΑΡΙΣΤΗΝ. i. e. ARISTON, vel Tribuni est *Dyrrachii*, juxta *Nonnium*, vel certè *Poleta*, seu civis cujusdam præcipui, qui publica autoritate mercimoniorum causâ ad Illyricos iret atque rediret: qualem unum è civibus suis probum atque prudentem *Dyrrachium*, teste *Plutarcho*, semper elegerat, ne, cum cives passim ad barbaros mercium causâ accederent, belli incentiva inde orirentur, cum aliunde *Dyrrachii*, nisi per Romanos stetitset, jam in eo erant, ut funditus ab Illyriis excinderentur. Ejusdem Nomen etiam in *Aversa* circum Tabulam repetitur, ita tamen, ut literæ supremæ ΔΥΡ. DYRRACHIUM. legenda sint: cæteræ circum divisa: ΑΡΙ ΣΤΗ ΝΟΞ: idem sonent, ac: ARISTONIS (subaudi) Moneta. *Laurea*, quam infra Vaccam confueris, tesseram reor victoriæ, ab *Aristone* aut in ludis, sive in acie de hostibus relata: *Frumenti spica*
vel

vel Regionis ubertatem, aut providentiam *Aristonis* in *Annona* procuranda innuere possit: quæ tamen hæcenus incerta.

Etsi porro *Dyrrachium*, filia esset *Corcyra*, ambæ tamen hæc Urbes hostiliter aliquando sese inter collisæ fuere: *Dyrrachii* enim à finitimis populis acriter infestati, & intestinis scissi dissensionibus, pro more *Coloniarum* supra recensito, à *Corcyraeis* subsidia quidem implorârunt, auditum tamen non sunt, neque adjuti. Quare *Corinthiis* sese tradentes, atque ab iis tutati, graviter hanc ob rem *Corcyraeos* sibi offensos sensere: quibus etiam, postquam *Corinthii* ab eis cæsi sunt, rursus se dedere debuerunt. Ita nulla lex tam æqua & sancta, quam pravorum licentia atque libido, vel ipsa vicissitudo temporum non aliquando convellat. Cætera *Dyrrachio* non modicum in historia nomen peperere res bello civili *Pompeium* inter & *Cæsarem* gestæ, & celebris victoria *Pompeii* in ejus confiniis relata, cui si institisset, ait *Nonnius*, actum sanè cum *Cæsare* fuisset.

VL

PUBLIUS. Finem te *Dyrrachio* imponere, & ad VIII. Tab. tuæ II. Numum pergere hora admonet, Venerande Tulli, cujus aliàs ab ore dulcissimè pendeo. **TULLIUS.** Inspice itaque *Æreum* hunc Numum tuum atque minutum non inconcinne factum: in cujus *Adversa* Caput *Jovis* laureatum comparet, & post cervicem fulmen. In *Aversa* homo nudus, galeatus tamen, pugnanti similis hastam intentat, clypeumque gerit, in quo fulmen denuò videas. *Legenda* est: *ΒΡΕΤΤΙΩΝ*. i. e. *BRETTOS*. Infra Φ. Græcum, seu PH. apponitur, incerti mihi nominis index. *BRUTTIORUM* nimirum hic Numus est, qui eam, quam nunc dicimus *Calabriam ulteriorem*, extremam *Siciliæ* oram in Septentrionali *Neapolis* parte habitabant. Eorum nomen, ut *Nonnius* memorat, varii à variis petunt. *Stephanus* quidem verosimillimè à *Brettone*, *Herculis* filio, ex *Baletia*, à quo *Brettiam* conditam docet. *Justinus* à muliere, *Bruttia* nomine, quæ *Dionysio*, *Siciliæ* Tyranno, contra *Lucanos* prædatores moventi, Castellum eorum prodiderit: cujus expugnati loco cum Rex Urbem erigeret, novi ejusdem incolæ ab hac se muliere *Bruttios* appellârunt. Alii hoc nomen dialecto indigenarum interpretantes, quasi *fugitivos Bruttios* existimant, quoniam à *Lucanorum* Majorum suorum communione recesserunt. Alii demum *Latio* idiomate *Bruttios* quasi *brutos* dictos volunt, cum ob nimiam atque indomitam planè ferociam, tum ob summam mentis atque ingenii stuporem,

VII.
Tab. II.
Num. VIII.

Nonn. ad
Goltz. Sic.
M. L. I.
pag. 282.

Non.

VIII.

Nomius autem *Stephano* subscribens, ipsum tuum *Bruttiorum* hunc Numum, non sine omni arte, ac proinde certè non à *brutis* percussum, in testem advocat: in quo Caput *Jovis*, à quo *Hercules* ex *Alcmena* genitus fingitur, indicio fulminis agnoscit: virum pugilem verò ipsum *Herculis* filium *Bretton*, ceu Urbis & populi Auctorem, esse existimat. Romani porro *Bruttios* aliquando *fœderatos* habuère: sed posteaquam ad *Hannibalem* defecissent, nec *socios* amplius, nec *militēs* eos dixere, iterum subactos, aut Magistratibus in provincias euntibus prære tantum, *apparitores* esse, & ministrare servorum vice demandarunt. Quin *Festo* *Bruttianorum* nomine *lictores* veniunt: quemadmodum & *Cato* dixit, quemdam à *Bruttianis*, i. e. *lictoribus*, *verberatum*. *PUBLIUS*. Difficile sanè est, in Numos ritè inquirere, quandoquidem ipsi veteris historiae Scriptores tantoperè inter se dissident. *TULLIUS*. Idcirco tamen languere minimè convenit magna Ingenia, quorum honestæ sciendi cupidini oleum opportunè affundit, quòd multa hucusque nobis, aut posteris plenè vestiganda supersint. Vestigandò namque etsi, quo quæris, non reperis, quod tamen non quærebas, invenies.



DIALOGUS VII.

De

Numis COSANORUM, & alio ROMANORUM.

PUBLIUS.

I.

UT video, Numorum meorum Græcorum suppellex oppidò curta jam defluit: lator tamen, auream eidem coronidem minuto hoc Numo sed solido imponi. *TULLIUS*. Multa hic Numus præclara hucusque ingenia fatigavit, quemadmodum amplissimè lego in *Gotha Numaria*, quibusdam in Urbium Græcarum, aliis *Familiarum* Romanarum in numero eundem reponentibûs. Ego verò rectissimè agam, si diversas, quæ de eo fervent, opiniones ordine te coram per-

Tab. II.
Num. IX.

Goth. Num.
p. 15. & seqq.

percenſeam, Numi utrinque forma, Urbisque COSANÆ recenſione præmiſſa. *Adverſa* hujus monetæ Aureæ (quam *Liebe* ſupralaudatæ *Gotha Numaria* diligentiffimus Editor ex *Goltzio* etiam argenteam dari commemorat) tres viros togatos exhibet velut in itinere conſtitutos: quorum primus atque poſtremus faſces conſulares ſecuri prominente ſuper humeros geſtare, ceu liſtores, & Virum medium Conſulem aliquem, ſive Magiſtratu quocunque fungentem, cum honore ſtipare videntur. Infra legitur: ΚΟΣΩΝ. i. e. COSA. *Averſa* Aquilam ſiſtit, quæ dextro ungue elato lauream, ſiniſtro ſceptrum complectitur. *Legenda* hic nulla. *Liebe* porrò in *Adverſa* ad oram Numi dextram addidit monogramma: BR. *Triſtanus* verò ante ipſum, monogrammatiſ hujus locò, pinxerat proram navis: Aſt Numus tuus, ut ipſe hiſce oculis uſurpas, nec proram, nec monogramma, immò nec tenuia quidem veſtigia cujuſcunque demùm figuræ oſtendit.

COSANÆ porrò Urbis notiſſimam ex *Clariff. Patino*, cum quo & II: *Goltzius* conſentit, exſcribo: COSSA (inquit *Plinius*) Colonia Volcienſium, (alii Volſinienſium legunt) à Populo Romano deducta eſt. *Hanc Urbem* *Virgilius* COSAS vocat, cum quo convenit Numi titulus: ΚΟΣΩΝ. Ad mare Etruſcum deducta eſt, ut ait *Vellejus*, *Cajo Fabio Dorſone*, *Cajo Claudio Canina Coſſ.* (i. e. Conſulibùs) Anno Urbis Condite CDXC. Aucta uerò *Lucio Furio Purpureone*, *Marco Claudio Marcello*, Coſſ. ut ait *Livius*, hoc eſt ſub Annum V. C. DLVII. Sita erat non longè à portu *Herculis*, qui etiam hodie nomen retinet. COSANOS recenſet *Livius* eos inter colonos, qui bellò *Punicò* in fide manſerunt.

Patin. in Famil. p. 149.
Goltz. Sicil. M. L. I. pag. 315.

Mox idem *Cl. Author*, omninò rursus ad ſenſum *Goltzii* primas duas ponit opiniones circa Numi hujus recenſionem, dum ſic pergit. *Ejus Coloniae deductionem aut instaurationem innuit IIIVirorum typus, quibus id muneris datum fuerit.* Ecce primam de hoc Numo ſententiā, qua percuffus eſſe creditur in memoriā aut primū in *Cosas* deductæ, aut poſtmodum adauctæ atque inſtauratæ à Romanis Colonia: ut adeò tres Viri iter agentes in *Adverſa* aut ipſos redhiberent Colonos immigrantes, vel magiſtratum iis deducendis deputatum. De *Averſa* ita proſequitur *Patinus*. Quod Aquilam ſpectat, qua ſiniſtro pede Sceptro innititur, dextro Coronam lauream attollit, ad JOVEM VICILINUM eſt referenda. *Livius* namque, dum ea prodigia recenſet, qua *Quinto Fabio*, *Maximi Filio*, & *Titio Sempronio* iterum Coſſ. (i. e. Conſulibus) nunciata fue-

III.

IV.

rant, ait: Arma, quæ in Jovis Vicilini templo in Agro Cosano posita fuerant, crepuisse, Anno videlicet Urbis Condita DXXXXVIII.

- IV. Alteram sententiam mox idem Cl. Author sic commemorat. *Alii addunt, ad calamitatem Agri COSANI referri posse (nimirum hunc Numum) qui cum à foricibus, ut refert Volaterranus, devastatus fuisset, nec colonos alere posset, ii sedibus suis excedere coacti sunt: quem discesum, vel potius reditum exhiberi putant. Aurò tamen dignam fuisse hanc foricum memoriam nemo Eruditorum sibi hodie persuadet, quam Rutilius Numancianus in Itinerario suo jam dudum irrisit.*
- V. Subnectit tertiam, & omninò abjiciendam putat, eorum videlicet, qui propterea hunc Numum in *Consularibus* ponunt, quod *Familia Junia* ferè similem excuderit: *cum inscriptione omni, quæ eum Junius addicat, penitus vacet; sola autem typi similitudo sufficere ad hoc ipsi non videatur, præsertim quum aliis argumentis verosimilioribus (qualia nimirum mox commemorata sunt) aliò traduci facile possit.*
- VI. Quartam *Trifani* sententiam lego in *Gothæ Numaria*, qui alio Numo *Nervæ* Imp. deceptus, in quo attrito, immò truncato, malè legerat: *COLonia. JVLia. COSSA.* rebatur, ab *Augusto* Imperatore *Cosas* *Coloniam* esse deductam, atque nomine suo adoptivo *Juliam* appellatam. Quare statuit, hunc Numum tuum *Cosanos* in honorem *Augusti* excudisse, ut gratum animum suum tanto Benefactori probarent. Medium proinde duos inter lectores, qui fasces gerunt *Consulares*, credit ipsum *Augustum* depingi, quasi litus petentem, ut rei gerendæ causâ classem conscendat, quam denotari inquit per proram navis ad dextram Numi partem conspicuam. Aquilam porro in *Aversa* expressisse *Cosanos* asserit, quasi cælò delapsam, sceptrumque, ac laurum apportantem, quo symbolo profiterentur, *Augustum* nonnisi cælestibus auspiciis imperium capeffivisse, à quibus & victoriæ, quibus illud sibi vindicaverat, profectæ sint.
- VII. Quinta demum ibi sententia Cl. *Harduini* describitur, qui, cum primùm *Trifanum* bona fide secutus esset, errore comperto, novam omnino Numi tui ideam apud se concepit, Orbique Erudito vulgavit. Nimirum: non posse hunc Numum ad Urbem Etruriæ pertinere, quam *Plinius COSSAM*, non *COSAM* scripsit: *Coloniæ* ab Romanis deductæ usum sermonis Græci non convenire: neque verosimile esse, oppiduli tam tenuis cives aurea atque argentea Numismata excudisse, & quidem in honorem *Augusti*, suo insuper nomine adjecto: tandem haud demum pateret,

tere, quid *Augusto*, quem cum duobus Viris securim gestantibus exprefsum esse & ipse tenet, cum Urbe COSA negotii fuerit. Ad *Syriam* itaque Provinciam potiùs hanc monetam revocandam decernit, quæ confueverit Numos suo nomine signare : & quoniam illa duplex est maritima & mediterranea, five Syria inferior, atque fuperior, idcirco viros duos cum securibus eam utramque designare: priorem quidem, cui propinqua, juxta *Triflanum*, est prora navis, maritimam, posteriorem verò mediterraneam. Secures ideò ab eis gestari, ut Syria gemina tantò luculentius per eos redhibeatur, Libani quippe monte præcincta, in quo proceriffimæ Cedri, à Syris dexterrimè cædi folitæ : cum jam *Salomon Hiram* Regi perferpferit : *Præcipe igitur, ut præcidant mibi fervi tui cedros de Libano: fcis enim, quomodo non eft in populo meo vir, qui noverit ligna cadere, ficut Sidonii.* Sanè cum ingenio hæc fingula Vir Clariffimus : quod tamen multò ampliùs oftendit in verbo: ΚΟΣΩΝ, quod negat unam vocem effe, fed fingularibùs atque initialibùs literis conftare, fic legendum :

III. Reg. V.
8. 6.

K.	O.	Σ.	ΩΝ.
Καῖςαρ	Ολην	Συρίαν	Ωνήσατο.
Cæfar	Opem	toti Syriæ	tulit.

In quo quidem multum commendat obfervatam Bucolici verfus formam, ut pes quartus cum Dactylo finiat, more *Theocriti* atque *Virgilii*. Quærenti porrò, quando *Cæfar Auguftus* hanc opem tulerit Syriæ? tum reponit, cum Parthos è provincia pepulit: Numulum nimirum Augufti alium, in quo legitur : ASIA RECEPTEA: de Syria intelligit, ac proinde per Aquilam, quæ laurum geftat, *Augufti* capiti imponendam, eam ipfam de *Parthis in Syria victoriam* innui affert. Simili autem formâ Aquilam in Numis Romani orbis ante *Augufti* ætatem & Æram Auguftanam alicubi fibi vifam diffitetur.

PUBLIUS. Si multas deinceps mihi uno eodemque de Numo hujusmodi moveris tricas, in proximo eft, ut effugare me velis: quomodo enim fuccumbere tam arduæ tamque lubricæ Numorum veftigationi tantulo cum ingenio meo non pertimefcam? **TULLIUS.** Maçte animo, Publi: Quis Eruditorum, veterum Numorum in gaza eruenda, aut veftiganda, Laconica Veterum Sapientia, caput devovebit? Non habent hæc

VIII.

artes quantumvis provectæ, ut æternæ sint veritatis: omnis scientia, quæcunque sub DEO est, perfecta non est. Regina Scientiarum Theosophia quantis contentionibus agitur? Rerum naturalium scientia quoties hæret, quoties impingit? Historia præprimis quàm difficiles, quàm implexæ sunt crises? *Livio obaudi, cujus sententiâ, ob tantum rerum, quæ retrò sunt, caliginem in rebus antiquis, si quæ verosimilia, pro veris accipienda sunt.* Animadvertite præterea, quânto magis novello Rei Numariæ tironi simplex quædam & trita Numorum expositio proffit, atque animos addat, ac grandia, omnisque plena quidem eruditionis, sed magnoperè critica Virosum summorum volumina. Certè, scribit alicubi Doctiss. *Jobertus*, si ii, quos tanquam primos in Numis vestigandis Magistros ex æquo suspicimus, dissideant tamen in multis, bonò omninò esse animò tironem oportet, cum & ipsi saxa inter & vada sæpiusculè hædere acciderit, dumque ipse non scit, quod nesciunt tanti. *PUBLIUS*. Componis fluctus curarum, quibûs jamjam percellebar: at modò ex te audire cupio, quam ex allatis circa hunc Numum meum sententiam ipse Eruditiss. *Gotha Numariæ* Editor arripiat.

Introd. V.
pag. 153.

- IX. *TULLIUS*. Primum soricum memoriam Agrum *Cofanum* depascentium hoc auro non commendari cum omnibus tenet. Deinde Coloniam ab *Augusto Cofas* deductam, & *Juliam* dictam hunc Numum non probare inde eruit, quòd *Trifanus*, hujus Author sententiæ, ut supra jam retuli, falsus sit in Numo *Nervæ* Imp. corrupto, in quo perpetam legerat: COL. JUL. COSSA. cum Numus inscribatur: COL. JUL. AUG. CASSANDRENsis. monente jam *Vaillantio*. Cl. postea *Harduino* plurima opponit. I. Niti eundem infirmo satis argumentò, Numum hunc *Augusti* ætate percussum esse debere, eò quòd Aquilam cum lauro exhibeat: cum tamen in tam multis Monarchæ hujus Numis ne unus quidem hætemus ejusmodi cum typo vel à *Goltzio*, aliisve vulgatus reperitur: contra verò non desint monetæ, in quibus Aquila duas inter lauros coronæ quernæ infistat, aut intra laurum mediâ compareat. Quinimò existeret Numum, hinc cum capite Jovis, & titulò: RUFUS. S. C. inde cum Aquila, quæ planè ad formam hanc sceptro infistat, & ungue altero lauream teneat cum *Legenda*: Q. POMPON. de quo tamen omninò liquidum non sit, ævò primum *Augusti* eundem produisse. II. Viros duos in hoc Numo non solum simplices atque vulgares gestare securus, sed distinctè in eo falces Romanos unacum securibus notari: unde consequitur, tutum exinde symbolum peti non posse singularis illius peritiæ apud Syros in lignis cadendis, præsertim cum moris non fuerit, in Numis Provincias per viros, benè autem per fœminas designare: quæ

quæ sculpi in numo hoc poterant, etsi mulierum non fuerint, ad ligna cædenda exire. Sed nec adducta Salomonis laus id evincit, Syros, quamvis lignorum cædendorum peritissimi ibidem dicantur, hac arte ita gloriatos esse, ut propterea nullo alio symbolo quam securibus se aptius designi arbitrentur. III. Vocis ΚΟΣΩΝ novam dissectionem, quasi singulæ literæ initiales tantum essent, fructum esse fecundissimi atque felici ingenii in *Harduino*: quod tamen ut à pari vel non multum inferiori ingenio æquè expectari posset, ita necessarium haud esse, quin potius hoc ipso abludere à vero, quod metrum construxerit, cum nemo hactenus in veteri aliquo Numo hemistichium repperit. IV. Conjici tantum, at minimè stabiliri, *Augustum* Parthos è Syria ejecisse: cum epigraphen illam: ASIA RECEPTA: Eruditi aliter longè intelligant.

Post *Harduinum Nonnii* (ut ait, cum tamen *Goltzius* ipse Historiæ suæ Siculæ Author sit) atque *Patini* sententias aggreditur: primum quidem cum utroque tenens, Numum hunc tuum rectè ad *Coloniam Cosanam* referri, neque ei ob stare, quæ *Harduinus* opponit: I. *Plinium*, *Strabonem* item, ac *Ptolomeum* COSSA numerò singulari, atque cum S. gemino scripsisse: II. existimandum non esse, cives oppidi tam tenuis monetas aurò argentòque excudisse: Usus sermonis Græci coloniae ab Romanis deductæ non convenire. Ad I. namque reponi posse *Virgilium*, qui COSAS scripsit cum uno S. & numero plurali *Æneid. L. X. v. 168.* Ad II. *Cosam* tam tenue oppidum fuisse haud videri, cum portum habuerit, de quo memoriæ proditum, *Domitianum* ibidem contra *Cæsarem* naves parasse. Ad III. Exempla non deesse, à *Vaillantio* studiosè collecta, quibus pateat, usum Græci sermonis Coloniarum in Numis non prorsus exulare. His deinde pro *Nonnio* ac *Patino* adsertis, postremò tamen ab utroque dissentit, ac negat, hoc Numo Colonos in *Cosam* immigrantes, aut magistratus eis deducendis constitutos designari, hoc ipso, quod viri illi dissimiles sint, primus & postremus cum fascibus, medius sine illis: ac quod præterea congruere minimè videatur, *Cossanorum* DuumVirum eadem omninò ratione exhiberi, qua olim à familia *Junia Brutus*, Urbis terrarum principis Consul designatus fuit, Aquilam deinde cum Sceptro & Corona multominus eidem convenire causatur: sed & ad *Jovem Vicilinum* ambigüe nimis pertrahi infit, quandoquidem ubi quidam apud *Livium* legunt, arma, quæ in *Jovis Vicilini templo in Agro COSANO posita fuerant*, crepuisse, alia habeant Manuscripta COMPSANO, *Gronovius* verò rursus ex aliis POMPTINO legendum existimet.

XI. Tandem se, omnibûs perpensis, verosimillimè conjicere putat, Numum hunc à *Cosanis* non equidem *Augusti* honoribus excusum esse, sed ut Reipublicæ Romanæ gratularentur ob libertatem suam post cædem *Julii Cæsaris* receptam: quem cum *Marcus Brutus* occiderit, *Cosanos* eodem typô uti voluisse, quo ipse *Brutus* memoriam *Lucii Junii Bruti*, a quo genus suum traxerat, quique Reges Roma expulit, ac primus Consul fuit, restituerat. Hic enim numum excudit, in cujus *Adversa* caput erat foemineum adscripto nomine: LIBERTAS. In *Aversa* verò idem Consul *L. Jun. Brutus* lictoribûs duobus stipatus incessit medius, sed præeunte insuper *Accenso*. Confirmandæ porrò huic suæ sententiæ addit, meritò suspicari licere, *Cosanos* fuisse *Brutorum* clientes: id saltem ferè liquidum esse, Urbem à parte illorum stetisse, qui libertatem propugnabant, cum, ut jam priùs allatum est, in portu eorum naves contra *Cæsarem* paratæ fuerint. Quid? quòd monograma BR, ex B. & R. contractum (quod equidem *Liebe* pinxit in Numo suo, in tuo deest) non obscurè *Cæsaris* occisorem *BRutum* indicet? Aquilam verò *Aversa* vel ad *Jovem Capitolinum*, aut ipsum *Imperium Romanum* pertinere arbitrat, cujus jam ab antiquo symbolum erat, cuique designatam per Sceptrum majestatem, per laurum gloriam victoriarum, nece tyranni restitutam esse *Cosani* sibi persuadebant. Hæc si ita se habeant, facilè contra *Patinum* conficitur, non malè prorsus illos sentire, qui hunc Numum *Familia Junia* accensent. Hactenus Eruditiss. *Liebe*.

XII. Tuum porrò non est, Optime Publi, neque meum te coram tirone, auditis Magistrorum sententiis, in re tam ardua pronuntiare. Id solum ex *Joberto*, occasione disjectæ ab *Harduino* vocis $\chi\omicron\varsigma\omicron\lambda\omicron\omicron$, hic apud te commemoro, sentire illum omnino, literas conjunctas non antè separandas atque pro initialibus habendas fore, priusquam liquidò pateat, unam vocem ex iis componi non posse. Idem pariter docet, Græcas Urbes, quibus jus monetæ cudentæ indultum est, Græcis eas literis signâsse, cum solum in Græcia valere debuerant, latinis, si in Imperio quoque Romano recipiendæ fuerint. Sæpè verò, præsertim à *Coloniis* usurpatum, ut *Adversa* latinè, *Aversa* cum nominibus Urbium græce inscriberetur: quod æquè à Clariss. *Harduini* sententia diversum est. Et ne in ullo tibi desim, quod in Numis morari te possit, quoniam de *Fascibus*, *Lictoribus*, *Accenso* hic mentio sæpius ingesta est, omnia breviter expono.

XIII. *Fasces* supremis apud Quirites Magistratibus per lictores præferebantur, erantque fasciculus duodecim baculorum colligatorum, è quibus
una

una securis prominuit. Ortum habuere, teste *Silio Italico*, ex *Hetruria*, quæ duodecim *Regulis* suberat, qui cum in annos singulos semel convenirent, unusquisque eorum longum sibi baculum cum securi præferri iussit, honoris ergo, ac potestatis. *Tarquinio Prisco* deinde Romanorum Rege *Hetruriam* occupante, eo præeunte mos hic ad Reges primum, deinde *Consules* transiit, ita tamen, ut duodecim bacilli uno vinculo colligarentur, & unam tantum securim, qua vitæ & necis arbitrium designaretur, exhiberent. *Valerius* porro *Publicola*, qui populo jus necis contulit, legem edidit, qua interdictum magistratibus, securim fascibus inferere, cum domi essent: ast verò in castris, vel acie morati *Consules* iisdem utebantur, quippe tunc vitæ rursus & mortis arbitri. *Consulibus* duodecim fasces prælatæ, alterno tamen ordine, eo videlicet mense, quo quisque rerum summam obtineret.

Lictores cives erant infimi ordinis, qui præbant Magistratibus, fasces ante se erectas ambabus manibus deferentes, easque submissionis causâ inclinantes, si *Prætor* verbi causâ *Consuli* obviaret. *Submovebant* deinde, id est, jubebant populum secedere, dicentes: *Date viam, Consul venit*: obaudire nolentes vi pellebant, fustigabant, vincebant. Tandem & *admonebant*, seu *animadvertēbant*, personas digniores, immò Magistratus minores corripiendò, si cedere, aut congruum impendere *Consulibus* honorem differebant, *Publicas* item pœnas, ac mortis quoque supplicia inferre reis ac condemnatis debebant. *Accensi* solis *Consulum*, aut in acie *Imperatorum* ministeriis deputati erant: indixere jus dicendum, imperarunt silentium: & eum *Consulem* præbant, qui tum fasces non habebat. Hæc ex *Acerra nova Philologica*. Jam tempus vocat, ut ad ultimum *Tabula* II. Numum convertamur, eumque *Æreum* minutum.

XIV.

Tab. II.
Num. X.

PUBLIUS. Satis in eo suspensum me tenet *Caput equinum*: vox deinde *Latia* barbaro fine terminata. *TULLIUS*. Pinxit hunc Numum *Goltzius Sicil. M. T. XVIII.*, ac sæpe etiam argenteum affabrè factum à se visum testatur, fictum tamen putat à *Monetario* quopiam sive antiquo, sive recentiore, veteris historiæ non ignaro, qui demonstrare adnitus est, Romanorum originem à Græcis petendam. Scribuntur namque primi incolæ *Latii Veteris*, ubi deinde *Roma* surrexit, *Siculi* fuisse, populus barbarus: qui per *Aborigines* sedibus suis expulsi, in *Sicaniam* navigarunt, suamque in potestatem redactam, à se *Siciliam* compellarunt. *Aborigines* porro, juxta *Dionys. Halicarnass.* sic dicti sunt à *montanis sedibus*, quas incoluerunt: orti verò erant ab *Oenotriis* Græcis, quorum Majores *Arcades* erant. Ad *Aborigines* in *Latio* se adjungere primum *Pelagii* ex

XV.

Thessa-

Theſſalia : deinde *Tyrrheni* : ruſum *Palantes* ex Palantia, Urbe Arcadiæ : poſtremò novæ *Arcadum* turmæ, duce Hercule, adventantes, quæ primùm cum eo ad evertendum *Ilium* ſeu *Trojam* accedentes, Urbe deſtructa, cum *Hercules* Arcadiam repeteret, partim labore tanti itineris territæ, partim ſeniò fractæ, in *Latio* conſedère. Hi omnes Græciæ populi, inter quos & multi *Trojan*i captivi, multo tempore ſeorſum habitabant, ac ſuis quique Magiſtratibus regebantur : ſucceſſu verò temporis in unam *Aboriginum* gentem coâluerunt. Cum deinde poſt multos alios Reges etiam *Herculis* filium, *Latinum* nomine, Regem haberent optimum, ab eodem omnes *Latini* compellati ſunt, ceſſante *Aboriginum* nomine : id quod contigit paulò antequam *Troja* ſub *Priamo* Rege à Græcis ſecundò everteretur. Hoc verò *Latino* regnante, *Aneas* Trojâ profugus in Laurentem agrum non longè à Tiberi appulit, ſedem cum ſuis fixit, cum *Latino* Rege fœdus percuiſſit, ejusque filiam *Laviniam* totius *Latii* hæredem conjugem duxit. Exiunde porrò, ſed ſtirpe primùm decimâ ſextâ, *Romulum* & *Remum*, Romæ Conditores prognatos ferunt.

XVI.

Quoniam itaque (ſi teneant hæc ſingula, eſſi multùm incerta) *Romani* à *Latinis*, *Latini* ab *Arcadibus* ortum traxère : idcirco Numuli hujus tui fictor in ejus *Adverſa* Minervæ caput galeatum expreſſit, ob fabulas *Arcadum*, quorum Dea tutelar ſis erat *Victoria*, filia *Palantis*, qui ex *Lycæone*, *Arcadum* Rege, natus fuit : poſtquam enim *Minerva* à *Palante* educata, & ideò *Pallas* dicta, cum filia ejus, ceu ſodale individua, diu vixiſſet, deam eam fecit, *Victoriam* appellavit, & *Arcadibus* colendam præcepit. *Averſa* equi caput præ ſe fert, tanquam ſchema feſtorum, quæ *Arcades* *Neptuno Hippio* ſive *Equeſtri* quotannis inſtituere, apud illos *Hipocratia*, apud Latinos *Conſualia* dicta. In *Legenda ROMANOC. C.* loco S. (quod ſæpiſſimè in Numis uluvenit) ſcriptum eſt, idémque eſt, ac *Numus Romanorum*. *PUBLIUS*. Quis non videat, commentis hic omnia ſuſque deque ſcatere? *TULLIUS*. Ego bona interim fide hæc ſingula ex *Goltzio* tibi recensui : è quibus, ſi rationem hujus Numi tui forſitan poſcenti rem ipſam, quæ ſubeſt, non edixeris, afferes tamen qualemcunque colorem.

Goltz Sicil.
mag. L. I.
pag. 2. 6. Sc.

XVII.

Atque hic finiunt Numi tui *Græci*, tenuiſſima ſanè ne vix quidem ſtil-la ex immenſo eorum cumulo, quos laudatiſſimus *Goltzius*, aliique in publica luce poſuere. Tu, lectiſſime Publi, inde ſpecimen cape, & ſine Regulis per exempla diſce, quo pacto Numi veteres ritè veſtigari deſiderent. Recurrendum ad *Hiſtoriam*, *Fabulam*, *Mythologiam*, revol-vendi veteres Rerum Græcarum ac Romanarum ſcriptores, attendendæ ſtirpes,

ſtirpes , exquirendaſ origines , computanda tempora , laborandum impigre , nunquam oſcitandum. Hæc dum ſtudioſè aguntur , pellitur ignorantia : ingenium acuitur , imbuitor memoria , iudicium ſolidatur : quibûs deinde adiumentis , ſi Numos ponere libeat , ad alias quasvis diſciplinâs longè feliciter acceditur. *PUBLIUS*. Teneo , quæ ſapientiffimè mones : quin & experior. Fontem itaque , unde bibo , etiam corono : tibi , inquam , Venerande Tulli , cum honore aſſurgo. Adde , obſecro , ad Familiarum quoque Romanarum pauculos Numos , quos teneo , erudita Commentaria tua. *TULLIUS*. Addam , ne dubita : totus enim te amo.



NUMI FAMILIARUM.

DIALOGUS VIII.

Monita prævia de Monetæ Æreæ ,
Argentæ , Aureæ apud Quirites pondere , pretio ,
forma : Item : de Prænominum , Nominum ,
& Cognominum apud Familias
diſcretionem.

TULLIUS.

Siquidem ad diſcendum quotidie promtior es , Optime Publi , en tibi I.
III. iterum Tabulas , XXX. Numis Familiarum Romanarum op-
pletas : quorum tu plures in Argento , vel Ære poſſides , reliquo-
rum ego typos libentiſſimè tibi conſero. Et in his quidem con-
templandis *Laconicam Quiritum Sapientiam* jam in parte auſpicabimur ,
tameſſi eandem in Numis præcipuè Imperatorum te coram veſtigare tibi
ſponſor exiſtam. Sed nempe cum Romana ſub Conſulibus vigeret Res-

*Pat. in prefat.
ad Famil.*

publica, jam Orbem Victor Romanus habebat, tantumque illa cum limitibus ferè immensis, tum famâ & gloriâ effloruit, ut *Divini illius Senis, Imperatoris Optimi* (AUGUSTI nimirum, ceu inquit Clar. *Patinus*) *tam vocum fuerit, quam præceptum, ne studerent posterì tantam ampliare ditionem, quibus unica hac gloria reliqua esset, paria conservandi.*

II. Dubiò verò vacat, non ullis perniciosibus alis Gloriam Quiritum in Orbem universum una ex Urbe egressam esse, quam Numorum ac Monetarum suarum subsidio. *Quippe* (veluti denuò mox laudatus egregius Scriptor) *tam brevibus formis, quales erant Monetæ, tanta per hominum oculos circumferebantur, ut magnum nihil esset, quod non hoc quasi præconiò celebraretur.* His Profectiones, Expeditiones, Victoriæ, Triumphi, Connubia, Liberi, Fœdera, Consecrationes, Dedicationes Templorum, Cæremoniæ Deorum, Decursiones, Amphitheatra, Deductiones Aquarum, Congiaria, Donativa, Ludi, Magistratus, Pontifices, ac quidquid demum domi, foris, pace, bello, magnificè actum est, continebantur: quorum ritè signandorum gratiâ tam sæpè divinus ille Senatus, cujus decretò atque consultò monetæ proculæ sunt, congregari solitus erat. His tubis gloria postera primorum illorum pastorum ibi quoque increbuit, ubi vultus eorum non visi sunt, arma non crepuerunt. *PUBLIUS.* Magnifice tu de Numis Venerande Tulli, attamen verissimè: quare mirari mihi jam subit, cum Moneta commerciis hominum dexterè commodumque instituendis præcipuè inventa sit, eam propterea præter spem fortè & opinionem Auctorum unâ fideiâ tantum etiam ad gloriam profecisse.

III. *TULLIUS.* Laconicæ id Sapientiæ suæ Quirites debuere, quæ, nisi pernôisset paucis multa complecti, exiles nimium Tabulæ Numi fuissent, in quas tanta tamque cumulata omnis generis præconia referrentur. Verumtamen seriùs id consilii cœpere Romani, more Artibus omnibus & hominum inventis solemnè, ut cum rudia initiò sint, succedentibus sibi temporibus, egregia tandem & maximè illustra fiant. Cum namque primùm ære uterentur, teste *Lipso*, rude illud erat, formarum referens nihil, nihil literarum, *pondere distinctum, non notâ.* Rex porrò *Servius Tullius* Æs primùm Romæ signare occipiens, tauri, arietis, vel porci formam in eodem expressit, ea forsitan de causa, quòd æs pecorum deinceps locum subire debebat, quæ hætenus cum mercibus commutata. Atque hinc nomen *Pecunia* ductum cum *Plinio* & *Varrone* multi existimant, quorum prior ita alicubi inquit: *Primus Servius Tullius*

*Lips. T. III.
de Re Mon.
net. c. 1.*

*Plin. XV/III.
3.*

lius signavit *as*, idque notâ pucundum: unde pecunia nominata est. Alter sublequitur: à pecudibus ipsa pecunia nominata est: nam omnis pecuniæ pecus fundamentum. Juxta Servium tamen atque Columellam pecuniæ & peculii nomen dudum ante æs audiebatur, referente primo: Omne patrimonium apud Antiquos peculium dicebatur, à pecoribus, in quibus eorum constabat universa substantia: unde etiam pecunia dicta est. Ad- dicit postremus: In rusticatione antiquissima est ratio pascendi, eademque quasiuosissima: propter quod nomina quoque pecunia & peculii tracta vi- dentur à pecore, quoniam id solum veteres possederunt. Abinde opinari licuit Eruditiss. Editori *Acerræ novæ Philologica*, ex quo sequentia multa excerpere libuit, pecus ipsum permutationi jam destinatum aliquando pecuniam dictum esse, illud verò, quod domesticis usibus servatum est, peculium.

Varro de Re Rust. II. 1.

Serv. ad Virg. gil. Ed. 1.

Columell. Prefat. ad L. VI.

Acerr. Philolog. P. I. f. 363.

PUBLIUS. Nullus mihi est Numus pecore signatus: areos tamen IV. duos in arcula mea possideo, qui caput facie gemina referunt, ac præ- rea ratis vel naviculæ proram. **TULLIUS.** Horum unum *Tabula VI.* depingam, quos itidem *Servius Tullius*, & post eum alii multi excudê- re, dictos *Ratitos*: atque originem nominis hujus ac formæ suâ apud te loco percensebo. Nunc de pondere primi æris apud Quirites signati me accipe. Æs solum & unicum longo tempore Romæ percussum est, siebânt- que initio *Asses librales*, libræ propensæ pondus habentes: qui postea *as grave* compellati, plaûstris advehi, & si magnò quidem número pendi debuerant, non numerari, sed staterâ explorari solebant.

Quoniam verò integri hujusmodi *Asses librales* quotidianis apud ple- bem negotiis, & expensis sæpè incommodi erant, *Servius Tullius* successor *Tarquinius Superbus* Regum Romanorum septimus & ultimus, quia eje- ctus, Monetas minores decrevit: quarum aliquæ *Semisses* erant, seu me- dii Asses, aliæ *Trientes* pars Assis tertia, *Quadrantes* item & *Sextantes*, partes Assis libralis quarta & sexta. Velim tamen, ut *As*, & *Assis* à te haud indiligenter discernantur: *Assis* namque recto casu acceptus semper erat Numus æreus: *As* porrò dicebatur res quælibet duodecim partibus dividi solita, sive *Libra* erat duodecim unciis constans, sive *Pes* geome- tricus duodecim numerans unguis, sive *Jugerum* duodecim areis discre- tum, sive *Hæreditas* duodecim portionibus dividenda. Hæ duodecim partes simul collectæ dicebantur *As*: una earum seorsim sumpta compel- lata est *Uncia*, ut dimidia *Semiuncia*. Duæ partes dicebantur *Sextans*, quasi sexta pars Assis, sexies etenim duo duodecim efficiunt: ita & tres

V.

partes *Quadrans*, quatuor partes *Triens* audiebant, quasi quarta pars *Assis*, & tertia. Quinque partes vocabantur *Quincunx*, quasi unciae quinque: Sex partes erant *Semissis*, seu As medium. Septem partes *Septuncem* aiebant, i. e. septem Uncias: octo partes *Bessim*, seu diminutionem ab *Asse*. Novem partes dictae sunt *Dodrans*, quia decrat quadrans ab *Asse* completo: decem partes *Dextans* compellatae sunt, ob defectum Sextantis. Undecim tandem partes *Deuncis* nomine veniebant, quod nil amplius præter *Unciam* ab *Asse* integro deforet. **PUBLIUS.** Digna hæc sanè animadversio est, quam oppidò notem, quò promitius veteres Rei Romanæ Scriptores deinceps assequi liceat. Quoties audi? *ex Asse hæres*: at verò, quid propriè sibi hoc velit, integrè nunquam pervadere licuit. **TULLIUS.** Idem hoc est, ac totius possessor hæreditatis, quemadmodum, qui dimidiam solum capiebat, dictus est *hæres ex semisse*; qui unam solummodo duodecim partium, *hæres ex uncia*; qui duas, *ex Sextante &c.* Sed hæc extra ordinem dicta: ad *Assem areum* redeamus.

VI. **PUBLIUS.** Cuperem certè *Assem*, ut supra aiebas, *libralem* conspiciere. **TULLIUS.** Exstant equidem in gaza veteri Principum, rari tamen sunt, quoniam Romæ brevi cessarunt. *Quirites* namque primò bellò Carthaginensi *Ære alieno* graviter oppressi, *Assis libralis* locò *Sextantarios* excudère, quorum quilibet duarum duntaxat *Unciarum* pondus referebat, cum *libralis* duodecim *Unciis* *Æris* constitisset. Bellò deinde tertio Carthaginensi *Asses Unciales* fiebant: donec tandem lege *Papiria* planè *semiunciales* evaderent. His porro ex *Assibus* tam parvis *Semisses*, *Sextantes*, *Quadrantes*, *Trientes*, partesque aliæ omninò minutæ, quales in manibus nostris nunc crebrò versantur, enatae sunt: quæ frequenter pretium suum aut numeris aut punctis eloquuntur, ut proinde A. *Assem*, S. *Semissem*, oo. *Sextantem*, ooo. *Quadrantem*, oooo. *Trientem* designent. Quoniam porro hæc Signa plebem de pretio admonère, putant aliqui, Numos exinde *Moneta* nomen indeptos esse. Jam porro de argenteis differamus.

VII. **PUBLIUS.** Hæret adhuc, quod *Dialog. II. Proæm.* monueras, *Argentum Romæ An. Urb. CDXXCIV.* Aurum verò An. Ur. *DXLVI.* signari coepisse. **TULLIUS.** Rectè tenes, ita etenim *Plinius*: *Argentum*, inquit, *signatum est An. Urb. CDXXCIV. Quinto. Ogulniò. Cajo. Fabio. Coss. i. e. Consulibus, quinque annis ante primum Bellum Punicum: & placuit Denarius pro X. Libris æris, Quinaris pro V. Sesteris pro* dipon-

dipondio & semisse. Tria itaque erant nomina Numis argenteis, *Denarius*, *Quinarius*, *Sestertius*. *Denarii* caput Romæ galeatum in Adversa referebant, additò numerò X. quòd Asses æreos X. valeret: Aversam Victoria obtinuit, bigis aut quadrigis invec̃ta. Hoc postremò à typo *Denarii* lapsu temporis *Victoriati*, *bigati*, vel *quadrigati* audierunt: subinde tamen Castor quoque & Pollux in eis signati sunt. Posteaquam verò ex assibus liberalibus Sextantarii facti sunt, *Denarius* XVI. assibùs æstimatus est, X. tamen notà nihilominùs retentà: Augustus autem Imperator iisdem XII. Assium valorem decrevit. *Quinarii* nota erat Q. vel numerus V. valebatque Asses V. librales, hisque imminutis, Asses VIII. tandem VI. *Sestertius*, quasi semitertius, assibùs duobùs, & medio librali primùm æstimatus est, deinde Assibùs minoribùs IV. postremò III. Nota *sestertii* erat: LLS. quæ Scriptorum licentià brevius tandem efferebatur per HS. Typus porro *Quinarii* & *Sestertii* idem erat, qui *Denarii*. At *Sestertius*, & *Sestertium* confundenda minimè sunt: *Sestertius* namque unicam monetam argenteam notabat, *Sestertium* mille, & si additum fuerat, *decies*, *vicies*, toties centena millia innuebat: ut aded cùm scriptum reperies: decies LLS. aut HS. legere te oporteat: *Decies centena millia Sestertium*.

PUBLIUS. Hic demum me iterum caligine liberas: quoties enim vel solus Cicero obscuras per sese ejusmodi notas, compendio & more Reipublicæ usus, suis in voluminibus repetit? TULLIUS. Omninò nosse hæc expedit, ac sanè jucundum est, tam facile discere: jam verò de Aurea etiam Moneta, quæ te moneam, habeo. Annò secundò post sexagesimum Argenti signati, etiam Aurum apud Quirites in peculii usum conversum est Cajo CLAUDIO NERONE, & Marco LIVIO SALINATORE II. Consulibùs: ac pretiosi hi Numi *Aurei* & *Solidi* dicebantur, quamquam postremum hoc nomen de Argentea quoque Moneta subinde acceptum. Constabat verò Aureus Numus Denariis argenteis XXV. & initiò quidem Victoriæ pariter cum biga sive quadriga referebat: sed paulò post in utroque metallo, immò & in ære, infinita typorum varietas successit, Deorum nimirum Dearumque imagines, Sacerdotia, Tempia, Magistratum ac Familiarum insignia, Victoriæ, Triumpho &c. quæ in principio Dialogi hujus recensui. Id verò unum apud omnes severissimè cautum erat, ne suo quispiam capite aliquando Numum signaret, ni certò certius capite ipse periclitari vellet: Tyrannidis namque & Regiæ potestatis affectatæ signum id visum erat, quod cane pejus & angue libera Respublica abhorruit. Primus omnium erat Jul. Cæsar, cui hoc à Senatu indultum.

IX. *PUBLIUS*. Egregia sanè sunt hæc tam multiplicia monita tua, Venerande Tulli, in quibus multos mihi prævenisse labores videris, ut in singulis postea Numis expeditior transeas. *TULLIUS*. Id equidem volui: atque idcirco sustine me de iis pariter paululum tecum differentem, ad quos Cura monetæ pertinuit. *Moneta* imprimis nomen, etsi Numis passim à nobis tribuatur, propriè tamen & primitus ad Officinam pertinuit, in qua illi excusi sunt: hæc verò in Templo *Junonis Moneta* erecta erat. Præpositi sunt huic Officinæ Triumviri, seu III. Viri, spectatæ probitatis & fidei, ad quos cura Monetæ in omni metallo excudendæ pertinuit: his sollicitè cavendum erat, ut Numi debito pondere atque integritate ex officina prodirent, pervigili præterea oculò intendendum omnem in fraudem, ac Monetam adulteram. Quandoque verò hanc in rem, ut Illustr. *Spanhemius* Numorum testimonio adstruit, etiam Quartum Viri constituti sunt, dicti subinde *Curatores*. Horum omnium cûra & munus sic ferè ipsis in Numis exprimitur: III VIR. A. A. A. F. F. i. e. *Triumvir Aere Argento Auro Flando Fertiundo*. (subaudi, constitutus) Vel aliter: III. A. P. F. i. e. *Triumvir Argento Publicè Flando*. Aut demum: III VIR. PR. FL. id est: *Quartumvir PRIMUS FLAVIT*. Sed & *Lentulus* quidam in Gente *Cornelia* laudatur: *CVRator X. Denariorum FLANDorum*. An porrò, ut existimat *Eruditiss. Ursinus*, etiam *Protriumvir* aliquando exstiterit, qui absente *Vriumviro* monetam curârit, admodum ambigit *Spanhemius* laudatus.

Spanhem.
Tom. II. Diff.
X p. 167.

X. Amplior porrò est *Controversia de Authoritate*, qua Numi percussi sunt, quam fusè in medium affert *Doctiss. Jobertus*, & cui ansam præbuère literæ S. C. legi solitæ: *Senatus Consulto*: quæ plerumque in æreis Numis occurrunt, in argenteis admodum rarò. Et ferè nemini quidem dubium est, literis hisce Auctoritatem Senatûs Numis adjectam esse: sed cujus tandem rei argumentò? id verò ambiguum. An ut moneta proba & æqua credatur? At verò probitatis, æquique ponderis testimonio amplius certè cùm argenteæ, tum aureæ monetæ eguerant: & cur in his S. C. adeò infrequenter adjicitur? An ut constet, monetam pro currente habendam? Sed redit argumentum, quoniam argenteæ aureæque monetæ, aquæ ac æreæ currebant. An ut notum fieret, Senatûs ipsum decrevisse, ut Imperator hoc illòve Aversæ partis symbolo vel elogio honoraretur? quippe cui hac ratione aut cultum peculiarem impendere, aut gratitudinis officium rependere Respublica voluit. Sed in omnibus ferè æreis Numis has literas videas, etsi nullum ibi exstet argumentum præcipui cujusdam in Rempublicam beneficii, & licèt Imperator omninò illaudabilis fuerit. Quod-

Jobert. In-
Aruct V.
pag. 123.

que

que rei caput est, raro admodum S. C. in Numis grandibus, quos vulgò *Medalliones* dicunt, reperies, qui tamen præcipui cultus & obsequii causâ citra dubium excusi fuêre. Superest ergò, ut dicas, auctoritatem flandorum Numorum Cæsares inter & Senatum ita discretam fuisse, ut Augusti quidem sibi jus monetæ pretiosæ solis reservârint, Senatui vilis duntaxat seu æreæ excudendæ facultatem reliquerint. Quod verò tandem hujus tuæ opinionis solidum adstrues fundamentum? pergit supra laudatus *Jobertus*. Numi certè id minimè probant: adest enim S. C. in argenteis quibusdam, in æreis pluribus deest. Deinde hac tua in opinione necessarium certè foret, ut Trium Viri Monetales Senatûs æri tantum se flando feriendo constitutos notâssent: sed in æreis quoque Numis legimus: *Triumvir Aere Argentò Auro Flando Feriendo*. Sic lis apud Rei Numariæ Magistros adhuc hodie pender, quam retulisse ut sufficit mihi, ita & tibi, optime Publi, audisse sufficiat: fructus erit, ne de literis istis interea tutò aliquid fidenterque nimis constituas. *PUBLIUS*. Obaudiam opportunissimo monito tuo, & quæ multa hodie mihi præclara edixeras, in animum meum haud segniter inducam: cujus tu specimèn, cum proximè ad Numos ipsos accesseris, hilariter capies.

Idem Illustr.
XI pag. 348.

TULLIUS. Timeo sanè, ne tuâ ego hodie patientiâ nimium abutar: XI. si tamen per te liceat, unum adhuc superest, quod remoram nobis sæpenumerò deinde injicere queat, Nominum videlicet cum apud Familias Romanas, tum ipsos apud Augustos multiplicitas in Numis: cujus ego tibi rationem in præsentî adhuc dialogo vel obiter rededere cupio ex Illustr. *Spanhemio*, qui eandem sanè latissimè, at more suo studiosissimè tractat. *PUBLIUS*. Onerabis quidem nonnihil hominem imbecillum: attamen, quod lubet, exequere. Si audita complecti non valeam, calamò excepta relegere licebit. *TULLIUS*. Primum itaque *Gentem*, *Familiam*, & *Stirpem* discerne: & per *Gentem* quidem omnes posteros accipe, qui ab uno summo quopiam Avo, ac veluti Protoparente, traduce semper sanguine, recto ordine descendebant. *Familia* ramus erat è stipite sine medio ad latus proximè excrescens: *Stirps* tandem Ramus Rami meritò appellari merebatur. Exemplo tibi veluti domestico esse poterit AUGUSTUS noster Invictissimus CAROLUS VI. qui *Gente* Habsburgicus, *Familia* Austriacus, *Stirpe* Græcensis est. Descendit etenim à RUDOLHO I. AUGUSTO Habsburgico: cujus Filius ALBERTUS I. deinde pariter AUGUSTUS, postquam à Parente Cæsare Austriam accepit, Domum seu *Familiam* Austriacam felicissimè inchoavit. Hæc porro postquam longa sibi serie amplissime

Spanh. T. II.
Diff. X.
p. 21. §
seqq.

plurimè successisset, novissime in tribus FERDINANDI I. *Augusti* Filiis totidem in *Stirpes* discreta est, cum MAXIMILIANUS II. Imp. Praegensem, CAROLUS, Styriae Dux, Graecensem, LEOPOLDUS, Comes Tyrolis, Oenipontanam Stirpem inciperet: quarum, prò dolor! nunc sola Graecensis in solo AUGUSTO CAROLO nostro perseverat. PUBLIUS. Bellum consilium tuum, Tulli Venerande, quòd domi meae potius exemplum repetas, quàm Romanis è gentibus, omninò mihi hucusque obscuris: hoc etenim pacto, quid *Gens*, qui *Familia* sit, atque *Stirps*, planè apud me in meridie ponis. Ad gemitum tamen tuum ob solum & unicum Surculum masculum Augustissimae unà Piissimaeque Domus Austriacae votum adjicio, ut faxit tandem Optimus Maximus DEUS, hunc Surculum denuò Stipitem fieri, compluribus ramis fecundum.

XII. *Gentium* porrò Romanarum, vel *Familiarum*, aut *Stirpium* plurium ejusdem *Gentis*, alia *Patritia* erat, alia *plebeia*: Romulus namque mox Urbis initio populum in patres & plebem discrevit. Utriusque suae erant praerogativae, praesertim cum plebs vi & importunitate à Senatu & Patribus extorsisset, ut Tribuni ex ea fierent: his postea Authoritate sua admodum prevalentibus, multi genere ac familia Patritii, dedita opera vel à plebeiis adoptari concupière, vel, dimissa patritia dignitate, spontè se plebi miscuerunt, ut hoc demum pacto Tribunitiae potestatis Candidati evadere possent. Ignorare hoc minimè debet, qui de Familiis Quiritium rectè aliquid decernere satagit.

XIII. Solebant verò Patritii, ac Nobiliores demum, tribus plerumque Nominibus uti, *Prænomine*, *Nomine*, *Cognomine* seu *Agnomine*. Id quod liquidum reddere potest vel sola Gordiani IV. Imp. Constitutio, dum in-

Leg IV. Cod. de testam. fit: Si *Nomine*, vel *Prænomine*, seu *Cognomine* aut *Agnomine* Testator erraverit, nec tamen de quo senserit, incertus sit, error hujusmodi nihil officit veritati. In his porrò communi equidem stilo Prænomen primò, Nomen mediò, Cognomen postremò poni locò consuevit,

XIV. *Prænomen* plerumque ab Avo aut Patre praecipuè nati majores retinuere: hinc Numi identidem inscribuntur: v. c. Marcus ANTONIUS *Marii Filius Lucius* CÆCILIUS *Lucii Filius Lucii Nepos*. Cajus OCTAVIUS *Caji F. Cai Nepos Caji Pronepos*. Subinde eadem Prænomina Genti uni aut Familiae ita peculiariter ex usu & libito fuere, ut nullo alio uti vellent: testis est Suetonius, ita de Gente Domitia Enobarborum effatus,

tus. *Ac ne prænomen quidem ulla, præterquam Cnæi & Lucii, usurpârunt, eâque ipsa notabili varietate modò continuantes unumquodque per ternas personas, modò alternantes per singulas.* Nihilofecius verò non rarò, quæ tam diu placuerant, *Prænomena tandem damnata sunt, postquam unus aut plures eorum, qui illa gesserant, flagitiosè se gessit.* Discimus hoc rursus è *Suetonio*, de Gente *Claudia* dicente: *Cùm prænominibus cognominibusque variis distingueretur, Lucii prænomen consensu repudiavit, postquam è duobus Gentilibus, eo præditis, alter latrocinii, cædis alter convictus est.* Mulieres autem unum duntaxat Nomen diu gessere, idque Gentis suæ: postea addita sunt maritorum nomina, scriptumque: *Livia Drusi, Agrippina Germanici*: item Patrum, ut *Faustina Pii*, id est *Antonini filia*. Postremò tandem fœminæ æquè ac Viri Prænomen, Nomen, & Cognomen sortitæ sunt, veluti *Salustia Barbina Orbiana: Marcia Otacilia Severa*.

Sueton. in Ner. c. 1.

Sueton. in Tib. c. 1.

Nomina vel propria erant, vel communia, vel utrumque simul, diversarum eadem in Gente Familiarum, aut Stirpium intuitu. Sic cum exempli causâ Gens *Cornelia* secta esset in Familias *Lentulorum, Dolabellarum, Merularum, Scipionum*, ac multò plures, Nomen *Scipionis* proprium erat Familiæ, sed commune omnium, qui de ea familia existerant. Sæpenumerò verò *Nomina propria* unius gentis ad aliam transiere per adoptionem: qualiter *Jul. Cesar Octavium* seu *Octavianum* in familiam *Noménque suum* adoptavit: unde factum, quòd in omnibus Numis *Octavii*, qui deinde, adeptò Imperiò, *Augustus* dici voluit, perpetuò legatur: CÆSAR DIVI (i. e. *Julii Cesaris*) FILIUS; nunquam verò *Octavius*. Quæ res adoptionis ignaros vel immemores plurimùm confundere solet.

XV.

Cognomina tandem vel à certa corporis aut partis ejusdem affectione peti solebant, quemadmodum *Ciceronis* Gener dictus est *Crassipes* à pedum crassitie, *Naso* à narium magnitudine; vel à forma & mensura corporis, unde *Pulcher, Celsus, Longus*: vel à muneribus vilibus, à quibus deinde ad claritatem transitum est, unde *Caprarius, Figulus, Vespillo*: vel à successu negotiorum, unde *Cicero* à ciceribus, *Lentulus* à lentibus, *Fabius* à fabis optimè satis: vel à moribus, unde *Lepidus, Frugi*: vel ab animalibus feliciter educatis, unde *Capella, Lupus, Taurus, Vitulus*: vel à virtutibus, itemque vitiis, unde *Pius, Felix*: vel à gentibus devictis, unde *Germanicus, Parthicus*.

XVI.

XVII. Singula hæc præterire non debent te, Optime Publi, si tuo aliquando Marte ad Numorum dextram cognitionem vestigationemque accedere velis: & quantum quidem ad hoc possint monita ista, immò opus sint, vel in pauculis tuis Numulis mox tibi liquidum fiet. *PUBLIUS*. Hoc certe Dialogo oppidò multa tu collegisti ac plura, quam subito capere queam: dabo attamen operam, ut in singula penetrem: tu modò forsitan sæpius hallucinantem solita tua benignitate iterum iterumque sustenta.



DIALOGUS IX.

De

Numis Manii Acilii, & Caii
Allii Balæ.

TULLIUS.

I. **P**orrige jam *Tabulam III.* ac primum ejusdem Numum, quem tu
Tab. III. minutum & argenteum possides, inspicere: ab *Alpha* namque, i.
Num. I. e. à *Gente Acilia*, quam multi perperam *Atiliam* scripsere, merito auspicamur. *Adversa*, ut vides, caput fœmineum, si Superis placet, Divinum jam est, Deæ nimirum SALUTIS, quemadmodum docet *Legenda*. *Laurus*, qua cingitur, commune ferè Numinum apud idololatrias exstitit ornamentum; quamquam *Festus* hic insuper notet, Deos valetudinis causâ cultos laurò incinctos fuisse, quoniam arbor est plurium medicaminum. *Salutis* nomen Romanis placuit, cum aliàs hæc *Laurus*. Dea apud Græcos *Hygiea* audiret, *Aesculapii* filia, *Hygiæ* seu *Hyginii* soror, ab ægris una cum patre & fratre, sanitatis aut conservandæ aut *Ovid. Fastor.* reparandæ gratiâ, non indiligenter implorata, canente *Ovidio*:
III. v. 800.

Janus adorandus, cùmque hoc, Concordia mitis,
Et Romana SALUS, Arâque Pacis erit.

Adversa

Aversa Numi eandem Deam iterum exhibet, aut certe *Valetudinem* non multum ab ea diversam, quæ integro corpore adstat, capite rursùm lauréato, dextrâ serpentem ad se conversum gestans, sinistrô cubitô colum-næ innixa. Serpens filiæ cum patre communis videtur. *Æsculapius* etenim *Glaucum* quempiam ægrotum aliquando sanare coactus, cum secretò in cubili cum baculo deambulans cogitaret secum quid ageret, ab adrepente ad se serpente herbam recepit, cujus usu æger convaluit. Quare *Æsculapius*, divinos postea honores consecutus, serpentem in tutelam recepit. *Demsterus* nihilominus tres alias serpentis causas cum apud *Æsculapium*, tum apud *Salutem* deam recenset: Imò ut animal vigilantissimum medicum quémque summæ illius commoneat vigilantia, quæ ægris debetur. 2dò, quia venenata licet hæc bestia ad multa tamen pharmaca & remedia egregiè valet. 3tiò. quia ægri, malò morbòque depulso, cœu serpentes pelle veteri exuta, in novam veluti transeunt juventutem. Columna, cui *Salus* innuitur, firmitatis, & constantis apud ægros incolumitatis, per Deam salutarem impendendæ, symbolum & augurium est.

II.

Jul. Hyginus
in Ophiucho
apud Pati-
num de fam.
pag. 3.

Demst. Pa-
ral. ad Rosin.
Antiq. Rom.
L. L. c. 13.

PUBLIUS. Dexterrimè hæc à Quiritibus ficta sunt: sed, obsecro, quid ænigmatum *Legenda* recondit, quæ tametsi Latine exarata sit, plus tamen ferè quàm Græca me remoratur, nec enim vel primam vel ultimam literam capio. *TULLIUS*. Contractæ sunt geminæ, dumque duæ literam unam efficiunt, vicissim una duabus æquivalet. Primam componunt M. & V. postremam T. simul Vque constituunt: quo scribendi compendio persæpè usi sunt Quirites, veluti hoc pariter in Numo IIIVIR. contractum est. Et Prænomena quidem ferè semper simplici litera constant: ut adedò C. locò *Cajus*, P. locò *Publius*, L. pro *Lucius* scribatur. M. porrò nudè appositum *Marcum* designat: sin verò cum V. contractum sit, ut hoc tuo in Numo, vel punctum supra sibi appositum habeat, hæc ferè ratione: M' tum verò non *Marcum*, sed *Manium* legas. Sic itaque integra habet hujus Numi *Legenda*: M'anius. *ACILIUS*. III. *TriumVIR*, *VALETVudo*, seu *Valetudini* (subaudi) constitutus.

III.

PUBLIUS. Esto jam, sine offensione hæc legero, aqua tamen ad singula propè verba nihilominus hæret. *TULLIUS*. Faciam, ut potero, te singula pervadere. *Manius* Prænomen est, notante tamen Clar. *Patino*, vix unquam apud *Livium* integrè scriptum, transcribentium utique ignaviâ, quòd ferè semper M sine puncto superiore vel V literæ dimidia virgula annexa, *Marcum* potiùs quàm *Manium* indicet. *ACILIUS* Proprium

IV.

Partin. in
Fam. p. 3.

Gentis Romanæ est nomen, *Plebeix* quidem, sed longè illustrissimæ, quæ cum florente Republica, tum ipsis sub Augustis, pluribûs Consulatibûs inclita fuit. Quatuor eam Familiis discretam *Patinus* memorat; *Aciliorum* enim alii *Balbi*, alii *Glabriones*, *Pisones* alii, alii *Iustini* appellati sunt: *Anton. Augustinus* etiam *Aviolas* addit. *Manius Acilius Glabrio* primus *Gentis* hujus *Curulem Magistratum* obtinuit, qui jam *Consul*, *Antiocho*, *Syriæ Rege*, ad *Thermopolim Thessaliæ* à se ad usque internecionem deleta, & *Ætolis* superatis, *Romæ triumphavit*: ubi *Templum* quoque *Pietatis* erexit, ac *Patri suo* statuam auro nitentem collocavit. *Nepos* ejusdem celebrem edidit *Legem Aciliam de pecuniis repetundis*, ad quam *Cicero* in *Verrem* declamans toties provocat. *Aciliorum* quidam *Cajus* nomine, miles *Jul. Cæsaris*, cum ad *Massiliam* cum *Pompeio* decertaret, summæ edidit fortitudinis specimen: hostilem namque navem dextrâprehendens, eâ amputatâ, clypeo, quem lævâ gerebat, hostium facies verberans, omnes fugavit, & nave potitus est. Sub *Domitiano* deinde *Imp. Consulatum* gessit *M. Acilius Glabrio*, qui fide *CHRISTI* suscepta, *Martyrii palmam* sustulerat. Alius ejusdem nominis, cum *Commodo Imp. Consul*, ab *Helvio Pertinace* *Augusto* elogium tulit summi inter omnes *Patricii*, qui *Mundi totius imperium* mereretur.

Valer. Max.
L. III. c. 2.
§. 22.

Anton. Aug.
Episc.
Herdens. de
Fam. Rom.

V. De præsentī porrò *Manio Acilio*, cujus est *Numus tuus*, an è *Balbis* vel *Glarionibus*, aut cujus demum intra hanc gentem familiæ fuerit, deque *Triumviratu* ejus nihil certi pronunciant *Viri docti*, immò magnopere dissentiunt. *Onuphrius* namque & *Vaillant* legi debere contendunt: *III VIR VALETUDINIS* (subaudi tuendæ) *Patinus* mavult: *Triumvir Valetudinarius*: quasi verò hic *Acilius* in *Urbe Roma*, quæ, teste *Galeno*, pesti potenter obnoxia erat, constitutus fuisset, vel ut curam gereret mali hujus præcavendi, vel ut nosocomium ipsum, seu *Valetudinarium*, in quo ægri decubuerē, curaret. Utrūque verò *Illustr. Spanhemio* displicet, juxta quem legendum: *Triumvir Valetudo*, aut quod idem est, in *Gotha Numaria*, *Valetudini* constitutus. Putat namque, *Acilium* hunc inter cæteros *Triumviros adium reficiendarum* curam adeptum esse, ut ædem *Valetudini* *Deæ* in monte *Aventino* exstructam fartam testamque servaret: quemadmodum *Cajo Junio Bubulco* *Censori* commissum est, ut ædem *Salutis* *Deæ* instauraret, teste *Livio*.

Onuphrius,
et Vaillant
de Num.
Fam.

Span. T. II.
Diff. X. p. 15.

Goth. Num.
c. VI. p. 229.

Liv. IV. 25.

VI. Si porrò ulterius quæsieris, quamobrem *Gens Acilia*, ut videre est in *Iconibus Patini*, in *Numis* suis plerumque *Æsculapium*, *Salutem*, aut *Valetudinem* excuderit? reponit *Clariss. Patinus*, quia *Acilii* nomen suum à græ-

à græca voce ἀνέτοιμαί, quod idem est, ac *medeor*, traxisse videntur, & ideo Medica Numina præ cæteris coluisse. Verumtamen denuò refragatur Illustr. *Spanhemius* contendens, hac in sententia gentem hanc non *Aciliam*, sed *Acesiam* dici oportuisse, quemadmodum Medicum Phryges ἀνέτοιον, Athenæ ἀνέτορα dixere, & Æschylus medicamina ἀνέσματα appellat. Potius itaque egregio *Morellio* subscribit, qui ex Plinio commemorat, Archagato Medico, An. Urb. DXXXV. è Peloponneso Romam venienti, Jus Quiritium datum fuisse, & *Tabernam* collatam esse, ex *composito Acilio ob id publicè ereptam*. Atque hoc laudatis Authoribus multò veriùs causa ansaque videtur, cur *Acilii* Medica Numina in Monetis suis excuderint, ut nimirum hoc pacto gloriam sibi accerserent Medici primi suum in agrum admissi, salutisquæ Populo Romano aliqua ratione procuratæ. Incredibile etenim gloriæ studium Quirites perpetuò invasit, nomen suum posteris cum honore transcribendi: quapropter minimâ causâ vel umbrâ contenti, res gloriosissimas publicis de se monumentis jactârunt.

Morell.
Epist. de Fam.
Fam.
Plin. L.
XXIX. c. 1.

PUBLIUS. Mirum sanè mihi est ex te audire, quantum sibi negotiù hodie Viri Eruditi facessant, ut Numos plenius exponant: quorum tamen etiam perfecta cognitio tantum certè fructum parturire minime videtur, quantum non modò laborem, sed & sudorem exposcit. *TULLIUS*. Idcirco liberalia studia non tam ex Utili quàm Honesto metienda sunt. Quisquis exporrectò est ingeniò, dulcissimam certè capit voluptatem, si, quod cæteri post multas vigilias ignorant, ipse felicior aliquando reperiat. Virorum hoc est, qui otium suum jugibus in laboribus ponunt: hi cum Libros perpetuò versent, etiam dum à gravibus negotiis vacant, animum eleganter remittunt, non jocis, epulis, ludis, sed Rerum Romanarum, Græcarum, aliarumque eruditùs relectionibùs: in quibus quandoque præter spem suam & opinionem dubio quodam, quod animum hucusque diutissimè suspenderat, jucundè expediuntur. Mox verò ut sapiunt ipsi, & alios sapere volunt, quibuscum fortunam hanc suam citra invidiam, vel eruditùs colloquiùs, vel epistolarum officiò, vel publicis lucubrationibùs, faciunt communem. Mirum etiam hic ad rem facit, si, quæ quotidie legimus, digna animadversione, dextere in adversaria referamus, sive quod idem est, calamo succincto excerpamus: hoc est, quod Eruditos sustentat, quod divites facit. *PUBLIUS*. Utilissima doces profectò, dum horas omnes collocare utiliter mones: nescio tamen, an multis ad palatum. Etiamnum si viveret, *Seneca* quereretur, quod olim cum gemitu: *De re omnium pretiosissima* (nimirum de tempore) *luditur*. *TULLIUS*. Ut quisque aleam jactit, sua

VII.

Senec. Epist.
IX. 7.

sua cubat fortuna: stertant, quos vulgus delectat. Adspirat laboribus Numen, & sedulum juvenem jucunda senectus coronat.

VIII. *PUBLIUS*. An libet tibi, ad alterum adhuc Numum Tabulæ hujus
Tab. III. hodie progredi, cujus tuâ benevolentia Typum possideo? *TULLIUS*.
Num. X. Progrediar: at brevi me ab eodem expediam. Caput *Adversa*, quod
 crinibus est eleganter revinctis, partim tamen fluentibus, fastigiolò insu-
 per impositò, collique gemmeo torque, *Junonis* esse lego in *Gorba Nu-*
Goth. Num.
c. VI. p. 214. *maria*. *Aversa* refert *Dianam Luciferam*, sive *Junonem* denuò *Lucinam*,
 idem *Quiritibus* idolum, bigâ cervorum investam, cum tæda accensâ:
 infra recubat spica. In *Antica* legis: *BALA*. & infra Caput *Junonis* ap-
 paret litera *C*. *Postica* inscribitur: *Cai*. *ALLI*.



IX. Hic itaque Numus *Aelia* gentis est, licet *Allia* in Numo scribatur, alii
 etiam *Ailiam* dicant. Erat illa Plebeia, valde tamen illustis, ac Consu-
 laribus Viris aliisque quamplurimis summis magistratibus celebris: Fami-
 lias complexa est *Patorum*, *Catorum*, *Tuberonum*, *Ligurum*, *Lamiarum*.
Ursin Patin.
Ant. August.
de Fam. Ex *Aeliis* ortum habuere *Titus Aelius Antonius Pius*, & ante eum
Publius Aelius Hadrianus, Impp. Item *Lucius Aelius*, Cæsar, & *Lucius*
Aelius Aurelius Commodus Verus, Augustus. Sed & Juris Consultos
 plures protulit *Gens Aelia*, quorum princeps erat *Sextus Aelius Catus*,
 qui Jus civile condidit, dictum ab eo *Aelianum*, quo sibi *Cati* h. e. *Sa-*
pientis cognomen multa cum laude acquisivit, quod postea apud familiam,
 suam in Nomen proprium transiit.

X. *Junonem* porrò *Aeli* iterum iterumque in Numis excudere, ut adeò
Morellius hanc eandem monetam, cujus nos typum inspicimus, septies
 decies ediderit, semper quidem sibi similem, at nihilominus in aliquo sem-
 per etiam dissimilem: cum locò literæ *C*. sub capite Deæ variæ aliæ lite-
 ræ, & spicæ frumentariæ locò, varia alia symbola occurrant. Coluisse *Ju-*
nonem sub nomine *Lucina*, seu lucem dispensantis, ideò creduntur, quòd
Aelius Petrus cognomen suum à vitio quodam oculorum traxisse perhibea-
 tur. Unde & asserit *Vaillant*, Numi facie *Dianam luciferam* cum face
 una aut geminis editam esse, quoniam hæc dea apud deliras illas gentes
 eodem Numine cum *Junone Lucina* est culta. Fidem facere queunt *Tertul-*
Tertull. de
Anima c. 89. *lianus*, atque *Eusebius Pampbilus*, dum prior quidem insit: *In partu Lucina*
& Diana ejulatur: quasi diceret, mulieres idololatrias, cum partus dolori-
 bus angerentur, supplici ejulatu *Junonem Lucinam*, & *Dianam* implorasse.
Euseb. de
Præp. Evan
gel. III. 3. Alter verò hunc in modum causam subdit: *Partui Virgo Diana* (alio
 nomine etiam *Luna*) præst, quòd novilunio vis quædam insit, quæ asserat
 pariendi

pariendi facultatem. Ego porrò hic apud *Junonem*, atque *Dianam*, cui cervi ab antiquo sacri fuere, non moror, plura de iis dicturus, cum ex professo in Numis Religionem Quiritum scrutabimur.

Interim de *Cajo Allio*, cui insuper Numus *Bala* cognomen attribuit, tuti nihil, quod statuant, celebres Antiquarii hactenus habent, cum nullam ejusdem memoriam scriptores veteres faciant. Conjicere quidem aliqui voluere ex litera C. sub capite *Junonis*, & spica sub cervis, *Curatorem frumentorum* fuisse *Allium*, cujusmodi omni tempore Romæ existere, quoniam plebs publico ex ærario sustentanda erat. Ast *Liebe* in sæpè laudata *Gottha* sua *Numaria* hanc opinionem facillè rejicit: siquidem, quod jam supra notatum, nec litera C. neque spica in cæteris huic similibus Numis compareat, sed sub capite Junonis jam F. jam E. jam H. jam R. &c. sub cervis modò rana, modò pharetra, modò gryphus, modò cicada & quamplurimæ aliæ notæ compareant: quæ varietas vix demum aliud aliquid quam diversos monetarios innuere queat, qui tam dissimilibus signis sunt usi, XI.

Cognomen deinde BALA (si tamen *Allio* tributum sit, & non potius alium quemdam suis è collegis designet) rursus suspicatur antefatus *Morrellius*, aut *Balari* legendum, aut verò à voce *Balarus* derivatum, quæ *Corfi* exules, teste *Pausania*, appellârunt: unde eruere liceat, *Cajum* hunc *Allium* forsitan aliquando exiliò multatum, & in *Corficam* insulam relegatum, postea verò Senatûs Consultò revocatum esse, vel si non ipsum, alium quempiam Gentis suæ. Attamen donec fortiora suppetant argumenta, non nisi trepidè in hanc sententiam itur. *Liebe* porrò ad *Balborum*, *Blesorumque* cognomina respicit, à vitio linguæ petita, eodemque ex fonte *Bala* cognomen profluere potuisse existimat, tanquam à *balante lingua*: sed & hoc sine teste æquè infirmum. Ast satis jam conjecimus cum Viris doctis, Optime Publi, tempori sententiam reservemus. PUBLIUS. Multo cum honore tot elegantia Virorum magnorum acumina suspicio: tibi verò, Venerande Tulli, plurimum utique debeo, quod eosdem apud me tanta cum ubertate, ac fide commemorares. XII.



DIALOGUS X.

De

Numis C. Antistii Veteris, & M.
Antonii Triumviri.

TULLIUS.

I. **P**osteaquam ad *Octavium Cæsarem Augustum*, Rerum omnium atque Reipublicæ Romanæ summâ rediit, qui sapientiâ atque solertiâ sua (verba Flori sunt) perculsum undique & perturbatum ordinavit imperii corpus, quod ita haud dubiè nunquam coire, aut consentire potuisset, nisi unius Præsidis nutu, velut anima & mente, regeretur: Triumviri Monetales non jam sola Deorum Dearumque, vel illustrium Avorum suorum, verum & Cæsarum tum actu imperantium capita, nemine jam prohibente, frequenter in Numis excudère. **PUBLIUS**, *Tab. III.* Novi, quorsum hæc loqueris: quoniam nimirum *III. Tabula* tuæ *III. Num.* *III.* mus, cujus mihi typum exactum porrexeras, vultum Augusti sistere videtur. **TULLIUS**. Omni te dubio eximat *Legenda* circa caput nudum nulloque omnino ornatu, hunc in modum adposita. **IMPERATOR CÆSAR AUGUSTUS TRIBUNITIA POTESTATE**. **PUBLIUS**. Non planè hos titulos capio. **TULLIUS**. Ast ego alienam in messem hic falcem non mitto. Sustineas velim, mi Publi, usquequo tecum Laconicam Quiritum Sapientiam in titulis Imperatorum vestigem, ubi vultus Augustorum per aliquot Sæcula, una cum elogiis ac nominibus eorundem, ordine, serieque perpetua depromam.

II. **PUBLIUS**. Ægrè admodum hanc à me patientiam impetras: sed quoniam tibi sic libet, de *Aversa* me doce. **TULLIUS**. Elegans admodum est, nec inerudita. Basin vides, cui, capite laureato, togatus stollatusque desuper adstat Apollo, dextrâ tenens pateram, qua usi sunt sacerdotes, cum sacrificiis sacros liquores affunderent, & quæ proprium divinitatis symbolum, in omnium propè Deorum Dearumque manibus versatur. Sinistrò brachiò citharam suam gestat: comminiscitur namque

Aristi-

Aristides, Minervam, cùm tibiæ, liræ, cytharæque ludos invenerit, cytharam quidem Apollini, Mercurio liram, tibiam denique uni Musarum dono dedisse. *Servius* verò, Virgilit Commentator, cùm Apollo idem, qui Sol, sit, cytharæ ejus mythologicam rationem hīs verbis assignat: *Lyra simulacbro ejus additur, ut nobis cælestis harmoniæ imaginem monstret.* Haud paulò aliter *Suidas* infit: *Apollinis simulacrum fingunt, cytharam manibùs tenens, quasi Sol sit harmonia Univerſi.* A dextris ad pedes Dei Aonii, sive Præſidis Musarum, ara fumat accensa, sacrificiū testis, ejus honoribus acti. Supra & infra basin nomen Dei describitur: APOLLINI. ACTIO.

Aristid. Orat. in Minerv.

Serv. ad Virg. Elog. IV. v. 66.

Suid. v. Apollo.

PUBLIUS. Quid, obsecro, sibi *Actius* velit? **TULLIUS.** Unusquisque Deorum varia olim nomina tulit plerumque à locis, in quibus præcipue cultus est. *Actium* porro Promontorium erat in *Epiro* insula, quo in loco, teste *Sirabone*, ab antiquo Apollo est cultus. Posteaquam verò *Octavius Cæsar*, dictus postea *Augustus*, classe ibidem navali CCCC. & amplius navium M. *Antonium* Triumvirum æmulum penitus contrivisset, in tantæ victoriæ gratam æternamque memoriam, primum quidem *Apollini Actio*, eodem in loco certaminis, aram è lapide posuit, thúsque adolevit: mox deinde *Nicopolim* Urbem excitavit, ac Ludos Actios Apollinares, singulis hætenus triennii factos, quintò quoque annò, ast multò solemniùs, agi præcepit, & musica, & gymnade, seu luctatorum congressu, & equestri certamine constitutis, referente *Suetonio*.

Strabo in Lex. Pitisc. voce: Apollo.

Sueton. in Aug. c. 18.

PUBLIUS. An peculiare forsitan beneficium Cæsar Victor tum Apollini debuit. **TULLIUS.** Certè hos tantos honores nullo suo merito minime tulit Apollo fide Poëtarum: canit namque *Virgilius* de auxiliaribus *Antonii*, pugnantis tam infeliciter, copiis:

Virgil VIII Æneid. v. 704.

Actius hæc cernens arcum tendebat Apollo,
Desuper omnis eo terrore Ægyptus, & Indi,
Omnis Arabs, omnes vertebant terga Sabæi.

Amplius aliquid audet mentiri *Propertius*, canens & ipse:

Propert. L. IV. Eleg. VI. v. 67.

Actius hinc traxit Phœbus monumenta, quòd ejus
Una decem vicit missa sagitta rates.

Alia quamplurima de Apolline figmenta, quæ tamen moribus proficiant, alibi commodiùs afferam.

V. **PUBLIUS.** Restat adhuc, ut video, superior Numi *Legenda*, ni fallor, sic habens: **Cajus ANTISTIVS** III. Trium. VIR. **TULLIUS.** Nimirum Monetalis, hujusque Numi percussor: quem proinde *Genti Antestia*, sive *Antistia*, quoniam utrumque in veteribus Lapidibus legitur, attribuas. Fuit illa Plebeia, sed à multis Consularibus Viris & Sacerdotiis cum apud Latinos, tum Græcos Scriptores oppidò commendata. Familias habuit *Rheginorum*, & *Veterum*: Originem suam repetiit ab *Antistio Patrone*, juxta *Liebe*, qui, fidem faciente *Dionysio Halicarnassensi*, Vir erat inter *Gabinos*, seu *Sabinos*, cum quibus Populus Romanus fœdus percusserat, nobilissimus. Noster verò *Cajus Antistius* An. Urb. DCCCXXII, Consul ex Trium Viro unacum Cæsare Kal. Jul. Crasso susceptus est: utque Augusti Collegæ tam insignem Victoriâ redderet immortalem, Aram *Apollini Actio* ab eo positam argentò signavit, quem admodum *Patinus* testatur.

Goth. Num.
c. VI. p. 215.
Dionys. Ha-
lic. Antiquit.
L. IV. p. 255.

Patrin. in
Famil. p. 20.

VI. **PUBLIUS.** Gratus mihi hic typus est Apollinis causâ: totus interim aveo, Typum alterum ex te intelligere Numi cujusdam mediæ magnitudinis, quem in *Tabula* tua III. quarto loco miris certè imaginibûs depinxisti. **TULLIUS.** Uberiùs nonnihil de eodem me differere oportet, quoniam *Gentis Antonia* est, & omnibus fastis descriptum *Marcum Antonium*, qui post *Jul. Cæsaris* cædem *Triumvir* cum *Octavio* & *Lepido* erat, venustissimè redhibet. Et *Antonia* quidem Gens gemina erat, *Patritia* una, quæ nomen *Merendarum* assumsit, brevè extincta, neque multum in historia commendata: Altera Plebeia & diuturna fuit, nullo ferè cognomine, sed summa semper autoritate: cujus posteris supremum equestrium exercituum imperium semel & iterum collatum, sex Consulatus concessi, Censoria dignitas semel indulta, tertium denique *Triumph* gloria decreta fuit.

Ursin. apud
Ratin. p. 21.

VII. Maximi porrò in hac Gente sua citra dubium nominis erat, cujus mox memini, *Marcus Antonius*, *M. Antonii*, *Cretici* appellati, & *Julia*, quæ de domo *Jul. Cæsaris* erat, filius: qui, dum *Cæsaris Dictatoris* heres esse secundus (loquor cum *Floro Romano*) prælatus sibi *Octavium furens*, inexpabile contra adoptionem acerrimi juvenis bellum suscepit. Sed & *M. T. Ciceroni* tamdiu infestus erat, usquequo, permittente quidem *Octavio*, capite eum privasset: ansam & odium præbuit mors *Cornelii Lentuli*, quem *Julia*, mater *Antonii*, à morte primi mariti conjugem duxerat,

Flor. L. IV.
cap. 4.

rat, & quem *Cicero* Consul, tanquam assecclam *Catiline* è medio sustulit. Conflatum est à tribus internecinum Reipublicæ bellum, cùm *M. Lepidum* divitiarum cupiditas, *Antonium* vindictæ flamma adversus eos, qui se oderant, *Octavium* verò dolor de *Jul. Cæsaris* patris iniqua & inulta cæde accenderet.

Et *M. Antonius* quidem initiò, cruentum mox interfecti *Cæsaris* sudarium è sinu protrahens, ipsemet Senatum publica in concione adversum occisores in ultionem excitaverat: deinde verò Monarchicæ, quam concupierat, potestatis, argumenta nec pauca, nec obscura præbens, ut hostis damnatus à Senatu est, atque contra eum *Octavius* cum exercitu missus: qui privatus quidem contra Consulem, sed virtute plurima apud omnes spectabilis, tantò libentiùs in bellum processit, quod *Antonius* & Reipublicæ hostis esset, & suus. Gemini Consules *Pansa* & *Hirtius*, quibus propositum erat, *Antonium* Italiâ pellere, *Mutina* cum eo congressi succubere, & insuper occisi sunt ambo. *Octavii* verò virtutem ampliùs cùm suspicerent *Antonius* ac *Lepidus*, in foedus eundem adsciverunt: quod & pacti sunt, Triumviratu inter eos constituto, cujus tyrannide, cùm unusquisque alteri conniveret, Respublica ad extremum deducta est, Senatorum plurimi occisi, ac quadraginta supra centum publicè proscripti sunt.

VIII.

Arma deinde *Antonius* cum *Octavio* conjungens, *Cassium* & *Brutum*, *Cæsaris* sicarios, cæcidit: sed mox elanguens in Asiam se contulit, & ibi totum ferè & genio & voluptati tribuens, *Cleopatra* Regina adulteris amoribus indulsit. Parum id certe Triumviro Reipublicæ constituendæ tanto in turbine rerum convenerat: quare inter cæteros *Octavius* quoque Collegæ ingnaviam detestatus, rursus cum eo collisus est. Verumtamen *Antonius* bellum contra *Octavium*, ne è sinu *Cleopatræ* dimoveretur, *Fulvia* conjugii suæ diu gerendum reliquit: postremò novam cum adversario pacem inivit, qua facta est inter Triumviros imperii divisio, *Lepido* Africa, *Antonio* Oriens, Occidens porrò *Octavio* cecidit. Huic foederi fidem nuptiæ *Antonii* cum *Octavia*, sorore *Octavii*, conciliare debuerant. Mox tamen repullulavit discordia: & *Lepidus* quidem ab *Octavio* maximè oppressus est: cùm *Antonio* eundem ad tempus *Octavia* reconciliavit.

IX.

Quoniam verò ineluctabili fatorum ordine fieri debuerat, ut è cineribus Reipublicæ Monarchia consurgeret, imperaret unus *Octavius*, sublatus

X.

porrò in altum *Antonius* rueret lapsu graviore: sponte in prius salutem in servitute quæsit. Facta namque per conjugem *Octatiam* cum *Octavio* transactione, iterum in Asiam, atque ad *Cleopatram* accessit, postposita Uxore & Liberis, atque Amasiæ suæ, prolibusque ex ea creatis, plurimas imperii provincias, nimiam profectò sui fiduciâ, transcripsit. Vehementer hæc res Populum pariter, & Senatum commovit, tantoque amplius *Antonio* obfuit, cum is insuper cum Parthis, quia inconsultò festinanterque, etiam infelicissimè confligit, triginta propè suorum millibus cum in acie, tum in itinere multatus. Nihilominus ignominiam tantam factu suo, & superbia superavit: quippe turpissimâ à Parthis fugâ elapsus, *Antiochiæ* nihilominus ceu Victor triumphavit, à *Cleopatra* sua, eidem occurrente, solemni gratulantium studio exceptus, & in dulcem iterum sinum admissus.

- XI. Argumento hæc omnia opportunissimo erant perpetuis *Octavii*, nec iniustis contra *Antonum* apud Rempublicam querelis: tandem bellum decretum, & ad *Actium*, in *Epiro* insula maritimò eoque acerrimò præliò *Antonius* à victore *Octavio* plenè contritus est. Fugit equidem cum *Cleopatra*, sed utrisque jam nullâ spes alia super, nisi gratia Victoris: hæc cum supplicibus ab *Octavio* post tot ac tantas irritationes negaretur, commori decrevere, quibus vivere simul haud amplius licuit. *Antonius* itaque ventrem sibi gladiò strinxit: *Cleopatra* venis suis serpentes admovit. Atque hoc demum pacto *Octavius Caesar* solus superstes, & formidabilis omnibus, nemine equidem prohibere auso, Augusti apud Romanos Imperii, suffocatâ Reipublicâ, Conditor evasit. Evénit tum ferè, quod

Flor. L. IV.
c. 3.

Florus ajebat: nimirum *M. Antonio*, & *Publio Dolabella* Consulibus, Imperium jam ad *Cæsares* transferente fortuna, varius & multiplex motus civitatis fuit: utque in annua cæli conversione fieri solet, ut mota sidera tonent, ac suos flexus tempestate significant: sic in Romanæ dominationis, id est, humani generis conversione, penitus intremuit, omnique genere discriminum, civilibus, terrestribus, navalibus bellis omne imperii corpus agitatum est.

- XII. *PUBLIUS*. Nunquam tantò compendiò agonem Reipublicæ Romanæ percepi: nunc porrò utique Numum in typo suo lustrabimus? *TULLIUS*. Omnino: vides in ejus *Adversa* sertum grande, ex hedera, & vitibus compositum? quo id symbolo depictum existimas? Certè ejusmodi supra in Numo Græco *Mithridatis* jam videras. *PUBLIUS*. Sin benè recolo, *Liberi Patris*, sive *Bacchi* insigne est. *TULLIUS*. Rectè

ais:

ais: *Dionysium* namque, sive *Lycum*, quæ totidem *Bacchi* sunt nomina, vini cultum, usumque admodum promovisse comminiscuntur: quare ejus idola vitibus coronârunt. Addiderunt & hederam, quam herbam temulentis nonnihil saltem mederi, & capitis vinô gravati vertiginem temperare credebant. Intra hujusmodi verò sertum caput *Antonii*, hederâ aliâ cinctum, pingere libuit Numi authoribus: quoniam, cum fata vellent, ut saculo suo fax, turbo, procella, scopulus, & pestis evaderet, voluptatibus torum se tradidit, quibus cæteras non parùm egregias animi sui dotes turpiter vicit & obscuravit, eò dementiæ progressus, ut, priusquam in patriam bellum decerneret, in Deos ipsos injurius, *Liberum* se *Patrem* Vall. Patere. L. II. c. 82. palam profiteretur, ac hederis redimitus, aureâ fulgens coronâ, thyrsum tenens, cothurnisque succinctus, sublimi in curru, faustas inter velut bacchantium acclamationes *Alexandriæ* invehctus sit, teste *Velleio Paterculo*.

PUBLIUS. Quis bacillus recurvus sub capite *Antonii* recubat? XIII.
TULLIUS. *Lituum* Romani dixere, eoque usi sunt *Augures* veluti Scepтрô, cum ex Avium volatu omnia captaturi, cæta cœli spatia designare vellent, in quæ plebem avium visendarum causâ intendere oportuit. Ab hoc *Lituo* *Pedi* Episcopalis figuram deinceps in Ecclesia desumptam esse multi sibi persuadent. Cæterum hoc symbolo colligere licet, *Antonium* Augurem fuisse: qui insuper, testibus *Dione Cassio*, & *Suetoniô*, *Julii Cæsaris Flamen Dialis* erat, etiam dum Cæsar adhuc viveret: jam enim tum Jovis cognomentum ei palam imposuerunt, Templumque Clementiæ paulô post interficiendo dedicârunt. Attamen, superstite *Julio*, inauguratus in Flaminem non fuit *Antonius*: eo occiso, vel motu invidiæ, vel ut stulti hominis suspicionem effugeret, quemadmodum *Cicero* in eundem declamaverat, noluit inaugurari. Erant autem *Flamines* sacerdotes, Diis peculiariibus colendis publicè constituti, à quibus & nomen traxere. Romulus *Flaminem Dialem* Jovi, Marti *Martialem* decrevit: *Quirinalis* deinde ipsi est datus, cum *Quirinus* à consecratione appellaretur. Lapsu temporum XV. *Flamines* facti, nisi & plures, quorum princeps semper *Dialis* fuerat: præcipua, qua à profanis distincti sunt, vestis pileus fuit è lana linoque contextus, qui supra tenue in acumen desierat, *Quiritibus* *Tutulus* dictus: hoc deposito mox *Flamines* esse cessârunt.

Sueton. in Jul. c. 74. Dio Cass. L. XLIV.

Cicero Philipp. II.

Acerr. novæ Philolog. P. I. p. 647. Sc.

PUBLIUS. Restaret *Legenda* circa *Antonii* caput; sed verba dimidia me plurimum remorantur. XIV.
TULLIUS. Sic illa habet: Marcus ANTONIUS. IMPERATOR. COS. i. e. Consul. DESIGNATUS, ITERUM. ET.

ET. TERTIUM. *PUBLIUS.* Annè Imperatorum in numero *Antonius* collocandus? *TULLIUS.* Verbum IMPERATOR. non de Regio, seu Monarchico, sed Exercituum imperio accipere debes: quæ porro circa hanc vocem monenda essent, alibi rectius doceberis. *PUBLIUS.* COS. pro Consul. & COSS. pro Consules scribi solitum jam aliàs dixisti: ast DESIGNATUS ecur additur? deinde ITERUM ET TERTIUM quorsum dicitur? *TULLIUS.* Consulum Magistratus non plusquam annum integrum durabat, sæpius tamen repeti poterat: quod si semel factum, scriptum est: COS. ITERUM, seu altera vice; si bis, dictum est Consul III. tertium, si ter, Consul IV. quartum &c. Dum quis verò delatum sibi Consulatum adire quacunque de causa, vel nequirit, vel noluit, scribebat: COSUL. DESIGNATUS. Porro *M. Antonius* primum gessit Consulatum una cum *Jul. Cæsare* An. Urb. DCCIX, in cujus interfecti locum ipse sibi *Publium Dobellam* Collegam suffecit. Consul iterum factus est A. U. DCCXIX. ubi tamen se sponte hoc magistratu abdicavit. Consul tertium designatus est An. Urb. DCCXXII. quia tamen paulò post hostis Reipublicæ declaratus est, hunc Consulatum non inivit.

XV. *PUBLIUS.* Omnis mihi Numi *Adversa* jam liquet: ast *Aversa* tantò obscurior est. Quale enim hoc parvulum foeminæ caput, crinibus eleganter revinctum? quæ cista, super quam eminet? Serpentes gemini, utroque ex latere multo se gyro in altum torquentes, quid monstri sunt? Demum addita *Legenda*: IIIVIR. R. P. C. quid innuit? *PUBLIUS.* Breviter expediam singula. Verba sic lege: III. Trium VIR, seu unus è Collegio trium Virorum, *Rei Publicæ Constituendæ*, sive summo, communi tamen imperiò administrandæ constitutus. Collegas porro *Antonii* hoc in Triumviratu fuisse *Lepidum*, & *Octavium Cæsarem*, jam ex compendio historiæ audisti. *PUBLIUS.* An fortean foeminæ parvulum caput *Cleopatram* sistit? *TULLIUS.* Dexterrimo Apolline uteris; hæc ipsa est, *Antonii* salax *Amasia*, cui vir tantus voluptate victus, non dubitaverat, superbum ei elogium, aurò argentòque signatum, tribuere: REGINA. REGUM FILIORUM. REGUM. (subaudi: Mater) *CLEOPATRA.* Reginam autem eam ipse *Antonius* fecit, quemadmodum & filios Reges, cum Imperii provincias, Phœniciam, Cœlesyriam, Cyprum, magnasque Ciliciæ, Judææ, & Arabiæ partes, velut suas, utrisque distribueret.

U. sin. apud
Patin p. 23.

XVI. *PUBLIUS.* Serpentum & cistæ nulla omninò mihi ratio occurrit. *TULLIUS.* Erat autem Numi hujus percussoribus sine dubio maxima: cum

cùm enim *Antonius* libidinem suam , & Cleopatra imperium suum maximè in Asia exercerent, ubi & Numus excusus, adesse in eo debebant serpentes *Asiæ* geminæ, *majoris* atque *minoris*, antiqua in Monetis veteribus symbola, immò & *genii* tutelares locorum. Adducit Illustr. *Spanhemius* hujus sententiæ testem *Servium*, dum alicubi in *Virgilium* ait: *Spanh. T. I. Quia nullus locus sine genio est, qui per anguem plerùmque ostenditur. Diff. IV. p. 221.* Addit deinde ex *Philone Bybliensi* apud *Esebium* patere, quòd *Ægyptii* imprimis, qui & ipsi *Asiæ* populus fuère, eam semper de serpentibus atque draconibus foverint opinionem, ut divini aliquid illorum naturæ attribuerent: quare cùm *Boni genii*, tum *mali* apud eosdem audiebant. *Serv. ad Virg. Æneid. V.*

Quoniam præterea Numi *Adversa* hedera & vitibus coronavit *Antonium*, **XVII.** ceu *Liberum Patrem*, reliqua *Bacchi* Symbola *Aversa* adjecit. Spectant porrò serpentes, sive cùm *cistam*, seu corbem, aut cophinum stipant, vel si ex eodem prosiliant, ad *Orgia* sive *Bacchi* solemnia: quibuscum *Antonius*, novus suomet deliriò *Dionysus*, ubique in Græcia, Asiâque, assentantium studiò exceptus est. *Bacchantes* namque viri & fœminæ, ad ludos *Liberi* concurrentes, ut mente omninò se captos, ac metu cujuslibet mali solutos (quod vini liberaliter hausti beneficium est) ostenderent, circum serpentem, bestiam homini tam aliàs & invisam & noxiam, jucundè saltare, teste *Euripide*, quin etiam coronare se anguibûs venenò exutis solebant, canente *Horatio*: *Nodò coercet viperinò Bistonidum sine fraude crines.* *Cretenses* porrò, ut *Orgiorum* se inventores probarent, serpentes *cistæ* inclusos, *Bacchi* honoribus abditis sacrisque in locis passim servabant: unde & *cista* sacrosanctum, prò pudor! mysterium capis. *Euripid. apud Pittsc. voce: Bacchana-lia. Horat. Odar. II. 11. Læc. Pittisci.*

PUBLIUS. Multis in hoc Numo exponendo tibi verbis fuerat opus, **XVIII.** qui tamen nunc omninò tuâ benevolentia mihi liquidus est. Video sanè jam affatim, & typos Numorum prodesse discipulo: pro quibus proinde tam multis te maximè amo. Amplius sanè aliquid habent elata ejusmodi plasmata præ sculptis duntaxat imaginibus, cùm multò magis fidelia sint, situmque & habitum figurarum longè exactiùs ob oculos ponant. **TULLIUS.** Nihil ferè bonis in typis desideres, quàm, quod speciem metalli pondusque non exhibeant: è quorum intuitu, an genuinus, an fictus sit Numus, plurimum solet periculum fieri. Est namque æri præcipuè veteri color quidam, soliditas item, & gravitas, quæ nostro hodie esse non solet. Cæterum de hoc Numo adhuc monere te debeo, quod lego in *Catalogo Numorum Gotha impresso Anno 1715.* ibidemque venalium, dictam esse hanc monetam, teste *Livio*, à *cista Cistophoram*. *Catal. Goth. p. 9. Liv. Dec. IV. L. 7. ram.*

Goth. Num.
c. VI, p. 219.

ram. Porrò diligentissimus *Liebe* in *Gorba* sua *Numaria* persuasum esse dicit Eruditis, eandem non alibi, quàm in *Cilicia Antonii* honoribus excusam fuisse.



DIALOGUS XI.

De

Numo gemino T. Carisii, Trium Viri
Monetalis.

PUBLIUS.

I. **S**I qua Veritas, cui omnes naturâ afficimur, sciendi proritat cupidinem, ea certè est *Laconica* Numorum Sapiencia. Usque adeò jucundissimis tuis dialogis, quibus & Numos ipsos adjicis, animus meus à te delibutus est, ut jam ferè inter ea, quæ Genio dare apud me æquum est, tempûsque, & muneris ratio sinunt, nihil doctissimo huic rerum tam diversissimarum compendio præferam. Spem mihi non modicam hodie iterum faciunt Tabulæ tuæ III. Numi V. & VI., apud me tuo munere typici, varia denuò eruditissima ex te, Tulli Venerande, liberaliter addiscendi. *TULLIUS*. Dabo operam, ne tua te opinio fallat. Unius Triumviri Monetalis geminam lustrabimus monetam, quarum neutra te vacuum sine omni profectu dimittet.

II. *PUBLIUS*. Amabo te, ecur in Numo hoc V., *Adversa*, penès *Tab. III.* Caput foemineum, crinibûs succinctis, cui collum monile exornat, & *Num. V.* summa humeri sindon obvelat, nomen: MONETA: disertè adscribitur? Quid tandem opus erat, argentum signatum, per se omnibus notum, suo insuper nomine onerare? *TULLIUS*. Monetam signatam utique noverant omnes: ast non *Junonem Monetam*, cujus vultus tuos hic oculos subit. *PUBLIUS*. Ejusmodi nomen Jovis Sorori & Conjugi, Reginae Deorum, quæ, obsecro, tandem Quiritum Religio imposuit?
TUL-

TULLIUS. Non Religio erat, sed superstitio: quæ, quantum a vero defiscit, tantum semper incerta est. *Cicero prior hoc refert commentum. Cum non multo ante captam à Gallis Senonibus Urbem terra motus factus esset, ferunt vocem exstitisse è Junonis templo, quod erat in arce, ut de sue plena fieret procuratio (i. e. ut porci immolatione Quirites iratos sibi deos conciliarent) Quocirca Juno illa appellata Moneta à monendo. In aliam verò sententiam rectius fortè abiit Suidas Grammaticus, inquit: Cum Romani pecuniâ indigerent in bello contra Pyrrhum, & Tarentinos, Junonem orârunt: quæ illos admonuit, si iustitiæ armis uterentur, pecuniam eis non defuturam. Quod cum rectè eis contigisset, Monetam Junonem venerati sunt, fuitque rei illius signum Numisma, cui Moneta inscriptum, ejusque in templo servatum. Utra jam causa sit certior, nemo facile definiat: sæpè interim Ciceronem nostri Scriptores, collatis aliorum sententiis, de non ritè investigatis, aut acceptis Deorum originibus reprehendunt. Id tamen extra dubium ponit hic Numus, Monetam Quiritibus cultam esse.*

Cicero de Divin. L. I. c. 45.

Suid. Lexic. voce: Moneta.

PUBLIUS. An verò etiam fabros fuligine sordidos Romani dignos habuere, quorum incudem, forcipem, malleum ære & argento signarent: quæ singula in *Aversa* Numi parte conspicio? **TULLIUS.** Rectè equidem vidisti, arbitraris verò non bene: haud etenim fabrum, sed Triumvirum Monetalem suppellex hæc denotat, teste *Ursino*. Durius certè olim cudendæ monetæ fuerat labor, ac nostris jam esse temporibus solet: quod enim torcular iconicum proprio suo nunc pondere facit, mallei operâ veteres perficere oportuit. Canit hac de re *Lucanus*:

III.

Ursin. apud Patin. de fam. p. 67.

Lucan. L. VI. 402.

Primus Thessalicæ rector telluris Iconus

In formam calidæ percussit pondera massæ:

Fudit & argentum flammis, aurumque monetâ

Fregit, & immensis coxit fornacibus æra.

Hæc liquanda erant & igne coquenda, tum in lamellas concidenda, fundenda modulò, typariò iconicòque plasmanda, postremò tandem & gravi, & verè artifice malleo absolvenda. Tum demum, ut *Prudentius* cecinit: *Cæsar agnovit suum Numisma numis inditum: Tunc concisum argentum in titulos, faciesque minutas fuit: qui Juvenalis est lepor: & juxta quem alibi Lance beata Dacicus, aut scriptò radiat Germanicus aurò. Sic Forma Publica, puta, Moneta enata est, usibus certè & negotiis hominum*

Robert. Instruct. VIII. p. 244. Prudent. II. 95.

Juvenal. Sat. VI. 104. & XIV. 271.

*Cicero pro Q.
Rosc.*

*Solin c. 53.
Plin. VI. 22.*

adeò prompta & expedita, ut divinum verè inventum haberi queat. Sæpe namque, ut habet *Cicero*, cæterarum rerum pretia jacent: cum econtra Numi in tanta vultuum Augustorum, quibûs signantur, diversitate, modò pondere ex æquo convenient, pretio sint semper æquali. Atque hoc erat, quod barbaros summè admiratos esse, cum aquid captivos Quirites plurium Cæsarum Numos viderent, *Solinus* & *Plinius* scribunt, in tantum quidem, ut ultrò Legatos Romam submitterent, fœdusque deposcerent.

IV. *PUBLIUS*. Usu nos inter hæc ferè vilescunt, neque satis summa etiam beneficia, DEI auspiciò in nos collata, pensamus. Sed edic jam, obsecro, quæ vitta, aut pileus qualis laurò incinctus, supra incudem compareat? *TULLIUS*. Divinus est, fabrorum omnium Primicerio, *Vulcano* Deo, tributus, cui Triumviri Monetales quotidiana propè Sacra edidère: & vittâ sanè opus habebat, cum armos robustos vi tota malleo librando intenderet, ne impexi intonsique crines frontem & lumina impedirent. *PUBLIUS*. Sertum porrò grandè, laureum ut videtur, cujus symbolo adest? *TULLIUS*. Id verò summam demum & Numo, & Triumviro Monetali gloriam accerfet: namque victoriæ à se relatæ est index, auspice tamen non *Vulcano*, sed *Marte*. *PUBLIUS*. Nihil sanè horum brevissimum ejus nomen: *Titus*. *CARISIUS*. prodit. *TULLIUS*. Sed *Dio*, ac *Florus*: extra quos deinde nemo aliàs scriptorum *Geniis Carisiæ* meminit, si *Ursino* credamus.

*V.
Florus Lib.
III. c. ult.*

Duo nimirum fuère *Carisii*, *Titus*, & *Publius*, *Ursino* fratres existimati, & ambo Legati, cum Cæsar Augustus contra *Asturas*, & *Cantabros* procederet, in *Hispania* rebelles. Rem *Florus* de *Tito* enarret. *Astures*, inquit, per idem tempus ingenti agmine à montibus suis descenderint, nec, ut barbari, timère sumtus impares: sed positis castris apud *Asturam* flumen, trifariam diviso agmine, tria simul Romanorum castra aggredi parabant. Fuisset & anceps, & cruentum, & ultimum muina clade certamen, tunc tam fortibus, tam subito, tam cum consilio venientibus, nisi *Trigacini* prodidissent: à quibus præmonitus *T. Carisius*, cum exercitu adveniens oppressit consilia: sic tamen quoque non incruento certamine. Reliquias fusi (hostilis) exercitus validissimi civitas *Lancia* excepit: ubi adeò certatum est, ut, cum in captam urbem faces poscerentur (à Romanis nimirum militibus, eam vindictæ causâ igni succendere cupientibus) agrè Dux impetraverit veniam, ut *Victoriæ Romanæ* stans potius,

potius, quàm incensa, esset monumentum. PUBLIUS. Habeo jam & Lauri, & Numi totius liquidam rationem.

TULLIUS. Abstrusior videri merito possit ejusdem T. Caristi Numus alter, æquè apud te typicus, & in *Tabula tertia* VI. Difficile namque est de capitibus, præsertim mulierum, symbolo omni ac titulo remoto, tutò conjicere, nisi eadem ex usu & consuetudine nota sint, quemadmodum vultus Augustorum, Augustarumque crebrius occurrentium. Vides in Numi *Adversa* Caput elegans fœminæ, cæsarie decore revincta, multoque gemmarum & fasciarum ordine subligata. Pingunt hoc equidem *Ursinus* & *Parinus*: quod tamen vel quale sit, omnino dissimulant. Non ita Illustr. *Spanhemius*, qui fœminam non aliam hic depictam pronuntiat, quàm *Sibyllam Phrygiam*, hancque sententiam suam etiam *Clar. Vaillant*, novissimo *Fulvii Ursini* de Famil. Roman. post *Parinum* recensori, probatam esse plurimum sibi gratulatur.

Patin. de
Fam. p. 62.
Spanh. T. I.
Diff. V. p. 264.
Vaillant No-
tis ad Gent.
Caris. T. I.
pag. 233.

Nititur autem *Spanhemius* potissimum Authoritate *Phlegontis Tralliani*, qui erat libertus Hadriani Imp. scripsitque cum ejus Historiam, tum de Ludis Olympicis, itémque de Mirabilibus & Longævis: ex quo *Stephanus Byzantius*, Grammaticus Græcus Sæculi V. hujusmodi testimonium adfert. Hinc *Gergubica fatidica Sibylla*, quæ, uti & *Sphinx*, in *Gergitiorum numismate impressa est*, ut tradit *Phlegon in prima Olympiade*, *Tegyris* autem in Troade erat, & Troas in Phrygia.

VII.
Phleg. Tral-
lian. Olymp. I.
Stephan By-
zant. Diæt.
Geograph. in
voce:
Tegyris.

PUBLIUS. Ergò forsitan *Sphinx* est monstrum illud fœmineo-leoninum, quod in Numi hujus *Aversa*, alis insuper præditum confidet? TULLIUS. Id apud omnes in confesso, nec quisquam facile reperitur, qui inficiari velit, quin, ut *Legenda* habet *Titus. CARISIVS. III VIR.* videlicet *Monetalis*, hanc bestiam Augusti Imp. gratiâ in Numo suo signârit: de quo fatur *Suetonius*, cujus *Vitas XII. primorum Cæsarum* habemus, eundem in diplomatibus, libellisque, & epistolis signandis initiò *Sphinge* usum esse, mox imagine *M. Alexandri*, postremò & sua. Adstipulatur & *Dio*, qui Romanam historiam græcè conscripsit, dum inquit: *Sigillum*, quo tum maximè utebatur (puta Augustus) duplex paraverat, *Sphinge* in utroque eadem insculpta: nam seriùs cœpit suam imaginem in eo incidere.

VIII.
Sueton. in
Aug.
Dio Cass. L.
LI.

Ex his omnibus colligere licet, *Carisium* ad veteris *Gergitiorum* Numi ideam utramque *Monetæ* hujus suæ faciem, hinc cum *Sibylla*, inde cum *Sphinge* composuisse: in quo sanè à mente *Augusti*, *Sphingis* signaculo utentis,

utentis, haud recessisse existimari possit, cum *Sibylla* pariter, atque *Sphinx*, rerum reconditarum & mysterio parium aptissima symbola sint. Haud verò ambigo, arcanam administrandi, imò & vindicandi, atque fundandi tanti Imperii prudentiam, qua excelluit Augustus, dignam eidem omnino visam esse, quam mire implexa & intricatissima *Sphingis* imagine obseraret, non nisi à peritissimo quodam Politicæ Oedipo referendam. Quamquam & id Illustr. *Spanhemio*, dexterrimo conjectori, faciliè dandum esse putem, Fortitudinis quoque & Industriæ typo Augustum *Sphinge* signasse, quarum symbolum eandem fuisse *Plutarchus*, *S. Clemens Alexandrinus*, atque *Synesius* statuunt.

Plutarch.
Schediasma.
Bruta ratione
uti. p. 988.
S. Clem. Alex.
Strom. L. V.
pag. 567.
Synes. de
Regno. p. 7.

X.

PUBLIUS. Rem sanè gratissimam feceris mihi, Venerande Tulli, si & de *Sibylla*, & de *Sphinge*, paulò plura ac veriora me doceas: de utraque enim in Scriptis Eruditorum sermo non infrequens recurrit. *TULLIUS*. Ardua postulas, optime Publi: unde etenim de *Sibyllis* vera tibi depromam, de quarum ne numero quidem aut patria duo veterum Scriptorum consentiunt? Siquidem tamen hæc serio postules, præterquam quod volui, tribuam tibi: sustine interea, erit namque, ut, postquam Tabulas Numerorum huic nostræ Exercitationi Procemiali destinatas explanavero, de *Sibyllis* peculiari Dialogo Appendice te erudiam. Longius enim, ac par sit, à via hic excederemus. *PUBLIUS*. Vehementer hoc tuo promisso jam gaudeo, quandoquidem fidem tuam ubique tam egregie liberas. *TULLIUS*. Interea tamen id solum commemoro, Illustr.

Spanh. T. I.
Diff. V.
pag. 246.

Socrat. apud
Scholasten.
Enripid.
Phaniss.
v. 45.

Spanhemium duas duntaxat *Sibyllas*, non plures, cum *Martino Capella* agnoscere, *Gergithiam* nempe, seu *Phrygiam*, in hoc Numo *Carisii* signatam, ac præterea *Erythream*, quæ fortè cum *Cumana* eadem sit. Mox vero *Sphingem* ipsam vatis aut *Sibylla* nomine venisse docet ex Græco *Euripidis* Interprete, qui verba *Socratis* affert de *Sphinge* Thebana, *Vatem* illam fuisse indigenam, obscura proferentem oracula: atque id ipsum deinde de *Chiorum Sphinge* pariter statui posse subinfert. *PUBLIUS*. Vereor sanè, si *Sphinger* quoque in *Sibyllas* tam faciliè transeant, ne acris, quam mox commemorâras, de numero *Sibyllarum* contentio, ac tanta Scriptorum dissensio difficilè admodum componi queat. *TULLIUS*. Viderint, quibus de hoc disceptare vacaverit: ego ad *Sphingem* convertor.

XI. Triforme hoc monstrum *Ausonius* Poëta his versibus, omnino quale est *Auson. n. 3.* in Numo, commemorat:

Terruit Aoniam volucris, Leo, Virgo, triformis
Sphinx, volucris pennis, pedibus leo, fronte puella.

Scopulo

Scopulo hanc bestiam apud Thebas infedisse, & transeuntibus proposuisse anigmata, quique eadem solvere nequirent, unguibus lacerasse, fabula omnibus nota est. Patò tamen finxere statutum, ut *Sphinx* moreretur, quamprimum abstrusam ejusdem sapientiam quisquam evolvere nòset: quæ fors *Oedipo* obtigit. Hic namque animal à *Sphinge* sibi propositum, manè quadrupes, meridie bipes, vespèri tripes, scite de homine exposuit, qui, dum infans est, manibus ac pedibus repit, adultus bipes ambulat, senex scipionem in pedum debiliū suppetias advocat. Si relecto *Sphingis* sophismate, illa irarum ac tædii plena, è sua se rupe præcipientem dedit.

Esti porrò mendaciis referta hic omnia, ut adeò passim, qui res antiquas excutiant, monstrum hoc ad Ægyptiorum logographos damnant: Illustr. tamen *Spanhemius* omninò tuetur, veras quoque *Sphinges* de genere simiarum existere, quamquam in ea describenda haud omnes *Oedipi* sint. Primum itaque te verum à fabula discernere, & *Sphingi* volucres alas, nonnisi Græcorum mendaciis genitas, præcidere jubet. Deinde verò non solum *Agatarchidis* apud *Photium*, *Diodori* item, *Strabonis*, ac *Plinii* autoritatibus, verum etiam & multò magis recentiori cuidam & oculato testi *Philostorgio* credere cupit: qui, Cappadox genere, Sæculò V. imperante Theodosio juniore, Ecclesiasticæ Historiæ compendium edidit, homo quidem Arianus. Hic publici juris novissimè factus à *Jac. Gotbofredo*, Juris-Consulito Clarissimo, hæc de *Sphinge* verba, è græco in latinum traducta, recensuit. Sed & *Sphinx simia genus est* (id quod conspiciatur scribo) *cujus quidem reliquum corpus hirsutum est, ut aliarum simiarum, pectus verò ad collum ipsum usque glabram, mammas muliebres habet; rubrà quadam tenuique, quæ milio similis est, papulâ totum corpus, qua nudatum est, in orbem percurrente, multumque decoris & gratiæ colori, qui in medio humano similis est, conciliante: facies verò rotunda plusculum est, & in muliebrem vergit.* Adjicit porrò in sequentibus, fabulæ licentiâ è vera hac Simia atque *Sphinge* hujusmodi monstrum enatum, quod omnium propè hominum fidem repelleret. Cum namque ex Ægypto Thebas deferri *Sphingem* aliquando contingeret, Græci, quos quæcunque minima de causa quilibet fingendi nulla prorsus religio incescit, ob motus celeritatem, alas ei tribuerunt, muliebre caput pectusque ob formæ nonnullam similitudinem, leonis corpus propter innatam feritatem; sermonem deinde illius, qui obscurò quopiam sonò ad humanum aliquomodo accedit, cum non intelligerent, ad anigmata detorsere.

*Philostorg.
Hist. Ecclesi.
L. II. c. 15*

XIII.

Esto itaque *Sphinx* Græca & alata non immeritò incredibilibus cæteris accensenda sit, non item *Sphinx* Ægyptia : utramque porrò inter cætera veneranda Antiquitatis monumenta etiam Numi frequentius exhibent. Symbolo namque Fortitudinis & Industriæ, quod supra jam monui, deputabatur : præterea verò & involutam Oraculis, fabulis, ænigmatibus, allegoriis sapientiam denotabat. Idcirco perhibente *S. Clemente Alexandrino*, Ægyptii præsertim antè templa *Sphinges* apposûere, quòd doctrina de DEO ænigmatica esset, atque obscura. Qui & idem Eruditissimus Patrum celebrem illam *Prodic* Chii de virtute ac vitio fabulâ involutis tractationem inter illustria ænigmatum & allegoriarum exempla recenset, quibus veritatem sacris Literis contentam Græci barbarique frequenter oculuere, eorumque in numero *Sphinges* locò non ultimò ponit. Certè cum *Chius* insula præ cæteris omnibus eximiè se jactaret, quòd verum fabularum & allegoriarum parentem *Homerum* genuisset, perpetuò in Numis suis, hinc vatem suum mox laudatum, inde *Sphingem* excudit, aptissimam mysticæ, qua eminuit *Homerus*, sapientiæ præconem. Verè hoc pacto, at misère contigit, quod conqueritur Apostolus, ut, cum cognovissent DEUM, non sicut DEUM glorificaverint, non prædicaverint publice : sed ænigmatibus eum involventes, evanuerunt in cogitationibus suis, & ideo obscuratum est cor insipiens eorum.

*S. Clem.
Alex. Stro-
mat V. p.
561*

Rom. I. 21.

XIV.

*Reusch. ad
Gemm.
Eberm. f. 9.*

Hactenus cum Illustr. *Spanhemio* hariolari de *Sphinge* collibuit : nunc porrò cum Eruditiss. *Reuschio Gemmarum Ebermayrianarum* novissimo juxta & diligentissimo enarratore. Is animadvertens, in Galea Minervæ *Sphingem* quoque à veteribus unacum Faunis & Satyris exprimi solitam (quod neque *Spanhemius* omninò dissimulat) opportunè insuper notat, non deesse Authores, qui *Sphingem* scientiæ simul, & ignorantia typum statuerint. Sapientiæ symbolum eam disertè asserit Illustr. *Franc. Baco*, Lib. Bar. de *Verulamio*, Angliæ quondam Cancellarius, fortunæ deinde invidiâ dejectus, omnigena clarus eruditione, cujus mentem omninò cum eo consentiens egregiè explicat *Joan. Goropius Becanus*, Medicus Parisiensis, qui sic effatur : Dum veterum Theologia facièm pulchrarum modestarumque Virginum *Sphingi* tribuit, & reliquum corpus addidit leoninum, unguibus tamen contractis, & ad nocendum minimè explicatis, castitatem sapientia sanctitatemque Virgineam addidit, sed eam, qua, si laderetur, robur & celeritatem leoninam ad vindictam haberet.

*Franc. Baco
de Verulam.
de sapient.
veter. c. 28.
Joan. Gorop.
Becan. Orig.
antuerp. L.
II p. 145.*

XV.

PUBLIUS. Si Virgo est Sapientia, quomodo Leo? si mitis est & casta, quomodo vindictam meditatur? *TULLIUS*. Sancta quidem est,

&

& mansucta ad omnes, virginisque more blandientis omnem indomitum hominis affectum suaviter mitigat. Si porrò eam læseris, pondere te opprimit veritatis, quæ Solis occidui instar quotidie illustrior surgit, ac liberat omnes, qui eam sectantur, & possident. Leonis in modum irrugit sapiens adversum stultitiam: non frangitur metu, non quatitur minis, non damnis, non injuriis à vero abducitur. Porrò veritatem, quæ premi quidem, non opprimi potest, ea rerum misera tempestate, dum Sol necdum *oriretur ex alto*, cum lumine fidei Mundus careret, *noxque* idolatriæ *in cursu suo adhuc medium iter perageret*, quis alius, nisi Poëtæ veteres, Comici illi ac Tragici in Scenam deduxêre? Hinc Fauni, Satyri, Sphinges, foris aliud, aliud intus referentes, Palladis galeam ornârunt, tanquam veritas larvâ mendacii interim convestita, usquedum *Omnipotens sermo de regalibus sedibus veniens* Mundo palàm loqueretur.

Tu specimen hujus, Optime Publi, hîc cape ex uno *Philemone*, Damonis filio, Comico Græco, in Cilicia Pompejopoli oriundo aut ipsi Syracusis: qui cum apud neminem veritatem dissimulâset, plurimorum in se odia concitavit. Hujus fragmentum admodum nobile exstat apud *Henric. Stephanum* cæteras inter industriè à se collectas Comicorum Græcorum sententias, Græcum quidem, prout ex Autographo hauserat, sed & Latine transpositum & insuper prolixum, cujus ego posteriores duntaxat hîc versus recenséo:

XVI.

Te namque cernit, adstat qui tibi DEUS,
 Qui iusta facta, non iniqua amplectitur,
 Et comparare quemque vitæ commoda
 Suo labore, terram arandô, non vetat.
 Cole æquitatem, victimam gratam DEO.
 Magisque corde, quàm chlamyde sis splendidus.
 Non ad tonitruï fugeris unquam sonum,
 Si nullius sis conscius tibi mali.

PUBLIUS. Amplius certè aliquid à Christiano nemo desideret, præterquam ut, quod ore eloquitur, etiam opere strenuè atque fideliter compleat.

TULLIUS. Ignorantiæ autem typum fuisse *Sphingem* apud aliquos, refert *Cebes*, Philosophus Thebanus, in Dialogo, quem *Tabulam* inscripsit, parique.

XVII.

*Philem. apud
 Henr. Ste-
 phani p. 377.*

Cicero l. 23.
Partit. Orat.

S. Chrysost.
Homil. 48. in
Act. Apost.

parique in numero cum Faunis & Satyris collocatam esse in galea Minervæ, ut hoc pacto sapientia vera virtutes fucatas publico duceret in triumpho. Quamplurima namque quotidiana vitæ inter homines vitia virtutum nomine venditari sat superque Cicero agnovit: cujus ex mente *Prudentiam malitia, & Temperantiam immanitas in voluptatibus aspernandis, & Magnitudinem animi superbia in animis extollendis, & despicientia in contemnendis honoribus, & Liberalitatem effusio, & Fortitudinem audacia imitatur, & Patientiam duritia immanis, & Justitiam acerbitas, & Religionem superstitio, & Lenitatem mollitia animi, & Verecundiam timiditas, & illam disputandi Prudentiam concertatio captatioque verborum, & Oratoriam vim inanis quedam profluentia loquendi.* Hæc Tullii verba tanti habuit Orator aureus Antiochenus, ut in eadem prolixè alicubi commentaretur. Vide sis hic *Sphingem* inanem, quæ virginem, volucrem, leonem, cum nihil horum sit, turpiter mentitur: Ignorantiam ergò æquè ac sapientiam notat. **PUBLIUS.** O dives Laconicæ Quiritum Sapientiæ vena & scatebra Numulus unicus! quanta exinde documenta tu eruisti sanè salubria: confide, non indocili locutus es.



DIALOGUS XII.

De

Numis L. Cottæ, & L. Cestii ac
C. Norbani.

TULLIUS.

I.
Tab. III.
Num. VII.

Utcunque in luce ponere hæcenus licuit Numos anteriores: sed Numum VII. atque VIII. Tabulæ III. ad quos rectus jam ordo vertit, ipsi Magistri mei, quos mihi inspicere licet, obscuros sibi fatentur. **PUBLIUS.** Ni vanus me ludat Apollo, Numi VII. *Adversa* Vulcanum barbatum sistit ad usque scapulas: quod mihi cum vitæ illius suadet laurò incita, qualem supra priore in Numo T. *Carisi* notam Vulcani dixisti, tum forceps atra à tergo adsignata, obscuro

rum

rum fabrorum sceptrum, *TULLIUS*. Benè hartiolaris : sic namque jocatur *Arrianus* : *Ne Vulcanum quidem præclarum fabrum judices, nisi pileolum capiti ejus impositum videas.* Principiò verò animadvertas velim, à *Gyrardo* ex *Cicerone* quatuor Vulcanos enumeratos esse, horumque primum cœlò natum, cultumque Athenis, quod pater Apollinis sit creditus : è Nilo exortum alterum, quem Opam aut sui, custodem olim Ægyptii dixère : tertium Junone sola sinèque patre genitum, vulgatum Lemniorum Patrem : postremum tandem filium Mænalii. Nobis de tertio misis cæteris nonnullus hic sermo erit, quem interim hoc Numo depictum reor.

Arrian. ad Enchirid. Epictet. L. IV. c. 8. Gyrard. Syn- tagm. Deor. L. XIII. p. 413.

PUBLIUS. Fecunda sanè vatum lascivia, qui, ceu Minervam sine II. matre de solo Jovis cerebro exisse sinxerant, sic pariter Vulcanum Junonis solius filium, & sine patre commenti sunt. *TULLIUS*. Quid illi difficile ingenio, cui, quidquid demum libet, licet? Sunt tamen, quæ in utraque prole, si apud Mythologos inquiras, latitant mysteria. Teste etenim *Phornutio*, veteres cerebrum sedem prudentiæ omnis, & Sapien-
tiæ gubernatricis existimabant : cum proinde Jupiter omnipotens, eorum deliriò, orbi toti per Sapientiam moderaretur, Minervam Artium omnium Præsidem *Deam Capitam*, i. e. solo Jovis cerebro genitam confinxere. Ne porro Junoni Reginæ hoc pacto injurii essent, illi quoque filium sine patre Vulcanum tribuerunt, siquidem ignis æthereus, fulgura æque ac fulmina, non aliunde, nisi ex ætheris vastissimo sinu, mediante tonitru, subito cum fragore erumpunt. Juno porro quid aliud nisi æther, Vulcanus quid nisi ignis antiquis est visus? *PUBLIUS*. Non injucunda sunt ista, nec sine acumine : sed quamobrem Lemnium patrem Vulcanum dixisti?

Phornut. Myth. c. 10. apud Pitisc. voce : Minerva.

TULLIUS. Nullibi legisti, Vulcanum ut maximè deformem Junonis III. filium, à Jove irato, cœlò præcipitatum, inque terras dejectum esse? *PUBLIUS*. Nimirum, ut fulmen nubibus excussum trementem terram concutit. *TULLIUS*. Sic lapsus in terram suam Lemnii, & jam effracto crure claudum Vulcanum parvulum levarunt pie, & educarunt. Adultus sub Æthnæ montis profunda specu Cyclopibus est junctus, suamque Jovi industriam tum maximè probavit, cum ei contra Gygantum terribiles assultus trifidula flumina cudiisset. Tum factus est ignipotens, Præsque fabrorum constitutus, eumque Lemnii patrium abinde Deum adlegerunt. Ne verò crudò duntaxat ferrò eundem fabricasse autumes, *Homero* teste, Vulcanus Achilli galeam fecit fortem, temporibus aptatam,

Homer. Iliad. 8. 57.

Hygin. Poët.
Astronom.
L. II, c. 5.

pulchram, variegatam, *supraque auream cristam posuit, qua ut stella lucebat*: sed & circum *jube aurea* vibrabant. Recenset quoque Hyginus, eundem & Ariadnæ quoque *stellantem ex auro gemmisque Indicis coronam* malleo artifice parasse. Quin ipsum audi, cum Venus conjunx, pro filio Ænea plurimum & anxie sollicita, sic eum affata esset:

Ergò eadem supplex venio, & sanctum mihi numen
Arma rogo Genitrix nato:

Virg. Æneid. Marone:
VIII.

dilectæ conthorali suæ hunc in modum liberalissimè annuentem, conscio

Quidquid in arte mea possum promittere curæ,
Quod fieri ferrò, liquidòvé potestur electrò,
Quantum ignes, animæque valent, absiste precandò
Viribùs indubitare tuis.

Qualiter deinde fidem apud conjugem liberârit, sic Poëta prosequitur,
Id. ibid. multis equidem interjectis, loquens de Ænea:

Ille Deæ donis, & tanto lætus honore
Expleri nequit, atque oculos per singula volvit,
Miraturque, interque manus & brachia versat
Terribilem cristis galeam, flammisque vomentem &c.
Tum læveis ocreas, electrò auròque recocto,
Hastamque, & clypei non enarrabile textum,
Illic res Italas, Romanorumque triumphos
Haud vatum ignarus venturique inscius ævi
Fecerat ignipotens &c.

IV. **PUBLIUS.** Oppidò tu mihi Vulcanum commendas: nec miror, eundem Quiritibus in cætero Deorum numero haud postremum fuisse, cum tanti utique fabri, fortissimis armis tot Æneas triumphos messuerit, Urbisque, Orbis totius postea Dominæ, fundamina hoc demum chalybe jecerit. Ast verò stella post caput ejus, & litera B. ante eum posita quid innuere volunt? **TULLIUS.** Ipsi hic mihi Oedipus deest: quemadmodum &

si quaeras, quid Aquila *Averse* suo sibi cum fulmine velit. Stellam quod attinet, præcunte eam pinxi *Patino*, quamquam typus tuus, quem à me habes, obscuram omninò habeat notam, quam æquè X. literam numeralem credere possis, denarii signum. Sin libet, donec certiora tibi quis suggerat, cum causam non possis, colorem petittum è fabula reponere quærenti, dicque stellam *Veneris* esse, Aquilam *Jovis*, hacque ratione hoc in Numo merita *Vulcani* gemino symbolo celebrari, quæ ille cum apud *Jovem* posuit, fulmen ei cudendò, cujus Aquila ministra est, tum apud *Romam*, *Veneris* interventu arma *Æneæ* à *Turno* insuperabilia fabricandò. B. litera *Brontis* nomen tibi interim innuere possit, quod erat uni *Cyclopi*, hic fortè *Vulcano* ipsi adpositum. Hæc tamen, credas nolim, me ex animo loqui: in ænigmate equidem *Oedipum* esse omnibus licet, uni tantum contingit.

PUBLIUS. Superfunt utraque in facie Numi laurea, ut arbitror, ferta, & *Legenda* obscura: L. COT, **TULLIUS.** Postremam apud *Patinum* sub pedibus Aquilæ plenior lego: *Lucius*. **COTTA.** Ast geminæ lauri rationem ægrè disquiro: quamquam mos in Numis Familiarum passim obtineat, ut laurò coronati, eorum, à quibus, vel pro quibus cusi sunt, relatas aliquando victorias celebrent. *Cottarum* familia ad Gentem *Aureliam* pertinet, quam *Anton. Augustinus* prius à Sole *Auseliæ* dictam, origine *Sabinam*, plebeiam præterea, & tribus cognominibus, *Cottarum*, *Orestarum*, & *Scaurorum*, distinctam percenset. *Cotta* ab An. Urb. D. ad usque DCC. septem Consulatus functi scribuntur, duoque ex illis Censores, Magister Equitum unus fuit, unus triumphum egit, alteri decretus est. Primus *Cajus Cotta* Consulatum iterum inijt cum *Publio Servilio Gemino*; solus verò de *Pœnis*, & *Siculis* triumphavit An. Urb. DI. Alteri *Cajo Aurelio Cotta*, itidem Consuli cum *Lucio Octavio*, Triumphus decretus fuit: at verò ex cicatrice rescissa ante paratam sibi gloriam fati concessit. Illustr. *Spanhemius* insuper *Marcum Aurelium Cottam* commemorat Virum æquè Consularem, à quo *Heraclea*, *Ponti* Urbs nobilissima capta atque direpta sit, *Pontici* cognomine eidem eapropter à Senatu decreto. Hic tamen infelicior cæteris, paulò post de nimia direptionis crudelitate accusatus, exilium ægrè evasit, Senatorii verò Ordinis Insignia perdidit. *Lucius* porro *Cotta* in Numo descriptus Consul factus est cum L. Manlio Torquato, An. Urb. DCLXXXVIII. postea Censor effectus. Lauros hic Numo suo intulisse, immò & *Vulcanum* mihi videtur ob triumphum de *Siculis*, quem C. Cotta, Consulum familiæ suæ primus, ut audieras, egit. *Vulcani* namque præcipua sanè

Ant. August.
de Famil.
apud Patin.
p. 328.

Spanh. T. II.
Diff. X. p.
16.

officina erat *Æthna*, Siciliæ mons, jugiter sulphur & flammæ eructans: unde facile mihi persuadeo, Lemnium patrem, sed & Siculum Deum in hac moneta Victoriæ testem aditare. An ex tripode loquar, viderit deum, qui volet,

VI. *PUBLIUS*. Quàm verò lepida est Numi VIII. *Adversa*? quam bel-
Tab. III. le elephantinum caput curva cum proboscide vultum Virginis alioquin non
Num. VIII. inelegantis adornat? *TULLIUS*. Hoc unum *Ursinus* me docet, sic
Ursin. apud Africam in Numis depingi; qualem & redhibet alia apud eundem *Quin-*
Pat p. 71. ti Metelli Gentis Cæciliæ moneta: unde & *Claudianus* Poëta sic alicubi
Ibid. 50 p. cecinit:
Claud. L. II
de Laud. Sti-
licon. v. 256.

Tum spicis, & dente comas insignis eburno,
 Et calido rubicunda die sic Africa fatur.

Calidissima namque Africæ Regio est, propter nimios Syrii furores magna sui parte deserta, simulque ferarum, & elephantum, quorum dentes eburnei, feracissima. Quid porro *Cestio*, cujus præsens est denarius, negotii cum Africa intervenerit, ignorat *Ursinus* sæpè laudatus. Commemorat deinde hunc Numum & *Gotha Numaria*, eumque in *Thesauro Fridericiano* aureum existerè prædicat: verumtamen nec pingit eundem, nec quidquam illius exponit. *PUBLIUS*. Facile equidem mihi persuadeo, tam remotam à nobis Quiritum historiam, tot sæculorum interea præterlap-
Goth. Num. forum injuriis vexatam, ex integro restitui à nemine posse. *TULLIUS*.
G. II. p. 28. Oportet certè, ut ampliora deinceps monumenta in lucem eruantur, si res Romanas apud nos integras velit fortuna. *Aversa* hujus Numi haud paulò clariora demonstrat: refert namque Sellam curulem, non nisi supremis Magistratibus, Consulibus nempe, Prætoribus, Ædilibus equestribus primùm; tandem & plebeis Dictatori, Pontifici Maximo concessam. Reclinis illa non erat, pedi quadruplici in forma X. literæ innixa, hoc pacto, ut explicari facile, ac iterum complicari posset. Pedes aut ex toto eburnei erant, aut ebore calati, sæpè & aurò fulgentes, formamque animalem referebant. Quoniam verò hæc Sella curruī frequenter imposita fuit, inde ei Curulis nomen accessit.

VII. *PUBLIUS*. An nomina supra & infra Sellam curulem descripta, nimirum *Cajus*. *CESTIUS*. & *Cajus*. *NORBANUS*. unius, an diversæ familiæ nomina credam? *TULLIUS*. Sunt utique diversæ, & *Cestia* quidem Gens legitur inter familias Romanas plebeias; *Norbana*, si rectè doceat

doceat Eruditiss. *Liebe*, haud alia, quàm Gens *Junia* fuit: quæ cum amplissima esset, lapsu temporis cognomen *Norbanorum* in locum nominis gentilis successit, *Junia* appellatione ferè intereunte. **PUBLIUS.** Quid porro penès Sellam à dextris quidem literæ S. C. ad lævam PR. conjunctæ, nullòque punctò divisæ designant? **TULLIUS.** S. C. legendum: *Senatus. Consulto.* (subaudi Numus percussus) PR. *Prætores* legendum, unde constat, quo pacto *Cestius* atque *Norbanus* Sellam curulem meruerint. Galea demum Sellæ imposita suspicionem mihi ingerit, vel *Cestium*, vel *Norbanum*, aut fortean utrumque, Legatos aliquando in Africa fuisse, quod idem est, ac supremos Legionis cujusdam Præfectos: quæ fortè & causa esse queat Africæ in *Adversa* signatæ. Nisi omninò vel uter eorum, vel ambo in Africam, quæ extra Proconsularem, in qua erat Carthago, quinque alias adhuc in provincias tributa est, missi sint, ibique Praturam, & militare quoque Imperium exercuerint. Quemadmodum & Illustr. *Spanhemius* arguit de Numo cujusdam cætera ignoti *E. Furiæ Brocchi*, in quo Cereris caput in *Adversa*, Sella curulis in *Aversa* comparet, eundem ad aliquam provinciam frugibus feracem, Africam nimirum, vel Siciliam Prætorio munere regendam dimissum fuisse. Cæterum de *C. Norbano* perhibet insuper *Liebe*, eundem An. Urb. vel DCLXIII. aut DCLXII. Ædilem existisse, ac tertio postmodum annum *Cestio* Prætorem.

*Spanh. T. III.
Diss. p. 111.*

PUBLIUS. Amarem te plurimum, Venerande Tulli, si de Ædilibus, atque Prætoribus nonnulla hoc loco disserere velles: quorum utrorumque tam frequens apud Scriptores Romanos mentio incidit. **TULLIUS.** Breviter tibi faciam satis. Ædiles ab Ædibus dicti sunt: qui demum, & quamobrem fuerint, discere ex *Ciccone* ita scribente: *Sunt Ædiles Curatores Urbis, Annonæ, Ludorumque: illisque (i. e. illis) ad honoris amplioris gradum is primus ascensus est.* Assumpti sunt primum ex plebe, cum ex eadem Tribuni fieri inciperent An. Urb. CCLX. quorum postremorum illi veluti Scribæ constituti sunt. Præcipuè curam ludorum, quibus Populus recreari jugiter voluit, gessere: qui cum suis sumtibus fieri, magnificè præterea, ac sæpe triduanè esse debebant, grave admodum Ædilibus plebeis accidit suo munere fungi. Mox ergò nobilium quidam juvenum sese ad ludos faciendos obtulere: quod cum eximie præstarent, & ipsi Ædiles dicti sunt, & quidem Curules, quoniam sanguinis Patritii erant, moxque plebeis prælati sunt. Serius quidem Ædiles annonam distribuere cœperant, non ante nimirum, ac Scipio ex Africa magna parte occupata quamplurima frumenta Romam unacum oleo transmitteret,

*Cicero de
Leg. I. III.
c. 3.*

*Acerra novæ
Philolog. P. I.
pag. 426. 56.*

Liv. Lib.
XXXI. c. 4.
§ 50.

teste *Livio*. Ex tunc verò triplicis generis *Ædiles* fuere, *Plebei*, *Curules*, *Cereales*, à Cerere nimirum, seu annona compellati. *Curulium* potissimum erant *Ludi*: *Plebei* (quamquam & ceteri hoc facitabant) curaverunt ædes Deorum ac Tempia, Domosque publicas Urbis, sive struendæ illæ forent, sive conservandæ, aut instaurandæ: fora munda servabant, ac merces venales, ut bonæ essent, sine fraude venderentur, pretiôque non nimio, attendebant, litesque cum vendentium, tum ementium caverunt. Balneorum, quorum ingens Romæ copia & usus, Domuum quoque publicarum, potui, lusu, voluptatibus destinatarum, jus exercuere: viæ ut integræ, utque liberæ essent transeuntibus, observabant: dabant edicta nonnulla civibus, lites dirimebant, corripuerunt inobedientes. Ludis porrò faciendis plerumque exhausti sunt, quales erant *Circenses*, *Scenici*, *Gladiatorii*, *Venationes*, navalia subinde prælia, temporaria *Theatra*, *Scenarum apparatus*, peregrinorum & remotissimis è terris accersitorum animalium exhibitiones, usque adeò sumptuosi, ut, *Spanh T. II.* annotante *Illustr. Spanhemio*, temporibus Augusti ob imparem censum *Diff X p. 150.* *Senatores* *Ædilitatem* petere nollent, atque non rarò adacti sint, qui *Quæstores*, aut *Tribuni plebis* fuerunt, ut *Ædilitatem* susciperent, ac *Oppio* cuidam plebs stipem contulerit ad sumtus Ludorum sustinendos, teste *Dione*. Postremò Augustus Imp. omnium Ludorum curam, *Ædilibus* ademtam, in *Prætores* transtulit, stipe plebis eis decreta, nimiâque sumtuum profusione inhibita.

IX. *Prætores* *Ædilibus* multò potiores, seriùs tamen coepere: quamquam *Festus* alicubi dicat: *Initio Prætores erant, qui nunc Consules*: &, teste *Plinio*, *Consules* in *Lege XII. Tabularum* etiam *Prætores* appellati sunt. *Causa creandi Prætoris* erat, (id quod accidit An. Urb. CCCLXXXVII.) tum, quòd *Consules* sæpè numero bellorum causâ ab Urbe abesse contigerit: tum etiam, quòd *Patritiorum* auctoritas atque potentia haud parum imminuta videretur, postquam *Plebis* importunitate *Consulum* alter plebeius evaserat. Quare, ne, *Consule* absente, *Urbis* judicia negligerentur, alioque ut eminaendi genere *Patricius Ordo* plebem antecelleret, *Prætor Urbanus* ex *Ordine Equestri*, adjecta eidem auctoritate & potestate maxima, creatus est. Non longè tamen post instante denuò *Plebe*, etiam *Prætor plebanus*, *peregrinus* dictus, *Urbano* & *equestri* sociatus est, præ quo tamen *Urbanus* præeminuit. Ut verò *Quirites* *Provincias* externas plures obtinuere, unicuique earum suos quoque *Prætores* constituerunt: qui jam plures, jam pauciores erant numero. Sub *Augusto* sedecim existere: quorum tamen deinde quatuor ipse iterum abrogavit. *Tiberius* Imp.

Acerr. Phil.
P. I. p. 706.
Etc.

Imp. referente Tacito, & ipse Candidatos Præture duodecim nominavit, Tacit. L. I. Annal. c. 14. numerum ab Augusto traditum, & hortante Senatu, ut augetet, jurejurando obstrinxit, se non excessurum. Nihilominus eum sponte postea jurijurando suo contraxisse Dio commemorat. Valentiniani porro & Martiani Impp. edictò tres tantum Urbis Prætores decreti sunt: cui exiguo numero cæteri Impp. perpetuò ferè acquieverunt. Dio L. I. VII. L. II. Cod. de Offic. Prætor.

Quantæ porro exstiterint Authoritatis, vel ex eo liquet, quodd *Ciceronis* testimonio ob muneris præcellentiam, quemadmodum Consulares, ita & Prætoris familiæ præ cæteris Equestribus peculiariter censerentur. *Hic Familiâ Consulari est, inquit ille, iste Prætoriâ: reliquos video esse ex Equestri loco.* Prætores Collegæ Consulum dici meruerunt, splendidos pariter Fasces adepti, præsertim cum alias ad provincias administrandas mitterentur, minori tamen, quàm Consules, numero: his enim duodecim, Prætoribus sex tantum fasces præferri solebant. An verò & securibus gloriati sint, multum disputat Illustr. *Spanhemius*, nec non de usu & numero Fascium. Tibi, Publi lectissime, nōsse sufficiat, Prætorum fuisse, causas civiles discutere, vicem gerere Consulum absentium, eorumque locò etiam Senatum convocare. Cicero pro Plancio c. 6. Spanh. T. II. Dissert. X. p. 104. &c. Habebant edicendi, supplendi, corrigendique juris potestatem: quam exercuere vel dandò, Judices nimirum, Arbitros, & Jurium subinde violatorum recuperatores: aut dicendò, dies decretorios, jus ac sententias: sive demum addicendò libertatem, hæreditatem, possessionem, bona. Jura dubia interpretabantur, depravata in integrum restituebant. Ab Augusto, ut supra jam dictum, Ludorum faciendorum curam accepere, alias verò ludos Circenses direxerunt, eorumque inchoandorum signum, *missâ mappâ*, i. e. projectò in altum strophilò, festivum acclamante omni populo dede-

PUBLIUS. Ingens est Romanæ rei plenius pernoscendæ voluptas, sed & utilitas, immò & necessitas multò maxima apud omnes eos, quicunque solidam curant rei veteris eruditionem: quo pacto namque, qui hæc ignorat, Scriptores veteres, phrasi Urbis perpetuò loquentes, dexterè assequi poterit? Incidi nuper in locum *Suetonii* de Nerone, qui sic habebat: *Univerforum oculis in Circo maximo se præbuit, aliquo liberto mittente mappam.* Quod verò ille, ut primùm ex te didici, de signo ludorum inchoandorum per *mappam missam*, seu strophium projectum, edito dixit, ego de mensa magna per libertum instrata lepidus accipiebam. Illud porro *Ovidii* assequi omninò non poteram: Sueton. in Nerone.

Con-


Ovid. de
Pont. L. II.
El. V. v. 18.

Conspicuum signis cum petit altus ebur.

Nunc verò à te paulò superiùs de Sella curuli instructus faciliè intelligo, Synecdochen Nasonis, qui partem pro toto accipiens, pedes eburneos, aut ebore saltem cælatos pro Sella ipsi curuli accipere voluit: quin ne pedes quidem dixit, sed ebur, causam materiale[m] effectus ipsius loco substituens. Altus verò addidit, ad officii vel Ædilis vel Prætorii, aut omninò Consularis, cui Sella curulis indulta erat, sublimitatem innuendam. *TULLIUS.* Gnaviter & acutè, ut video, verba premis, sensumque assequeris: perge, quo cœpisti, pede, & inter multos Sodales tuos magnus eris Apollo. Frustra certè Latii sermonis quærit facultatem apud aureæ etiam ætatis Scriptores, quotusquisque in verba eorum propè singula penetrare non studet. Canit alicubi *Ovidius* de diebus nefastis, & fastis:

Ille nefastus erit, per quem tria verba silentur:
Fastus erit, per quem lege licebit agi.

Hæc tu, optime Publi, quomodo exponis? *PUBLIUS.* Tria ego verba existimo illa, quæ tu supra de Prætoris exposueras, inquit, eum jus suum exercuisse *dandò*, *dicendò*, *addicendò*: ut adeò dies *nefasti* forent, in quibus Prætor in jus vocare, aut ad lege agendum accerere neminem potuit; illi econtra *fasti*, in quibus fas erat, Prætoris implorare, ab eoque, vel ut Judicem daret liti dirimendæ, vel ut sententiam ipse diceret, vel ut addiceret bona, postulare. *TULLIUS.* Eximiè prorsus: quòd si verò nihil horum agnovisses, quis quæso apud te lepor elegantissimo huic carmini foret? Apolline itaque prorsus irato est natus, qui rem antiquam ex asse vestigare fastidit. Sapere in his velle cuique liberum est: sed eruditum se arbitrari, immò jactare, cum nihil sapiat horum, verè insolens est.



DIALOGUS XIII.

De

Numis C. Clovii, & Lentuli
Marcellini.

PUBLIUS.

QUoties hucusque tam dulci me tuò colloquiò beâsti, Venerande Tulli, divitem me rerum variarum non poenitenda cognitione reddideras : tantùmque abest, aut animum tuum à suggerenda mihi uberrima doctrina, aut meum à maxima discendi contentione refugere, ut potius te Pallas in dies singulos disertum magis, me animis & auribus præstet attentio-rem. Totus, ecce, jam denud ardeo, ultimos *Tabula sua III.* Numos pervadere, curiosò non minus ac cæteros, ut arbitror, oculò dignos. Semper in Numis novi aliquid oculos pascit, ingenium allicit : ubiquè Illas quædam in nuce concluditur, quæ, dum perfractò dexterè cortice evolvitur, multimoda varietate suavissimè animum afficit. *TULLIUS.* Habent hoc Numi præ libris elogium, quòd, dum animum excitant, etiam oculos recreent, quos scripta plerùmque fatigant : tantùmque elegans moneta historiam, quantum acta præ oculis Comœdia scriptos dialogos, superat. Sapientia, quæ symbolis involvitur, doctè tandem evoluta non secus, ac matrem multo cum dolore in lucem edita proles, lætificat. Dulce est, aliorum ingenio frui ; aut suò proficere, assequi antiqua, nova eniti longè jucundissimum.

PUBLIUS. Agedum itaque, Numique IX. quem æreum ac me-
dium teneo, *Adversam* mihi rursus, ut soles, ubertim expone. Quæ *Tab. III.*
mulier ibi alata, crinibus eleganter religata se sistit ? *TULLIUS.* An *Num. IX.*
hec dum ex alis alitem noscis ? Si masculum volucrem cernis, Mercurium
reputa : dum feminam, crede Victoriâ. *PUBLIUS.* Sic lapsus non
parum me pudet : quo etenim pacto suas consecuta sit alas Victoriâ, jam
mihi *Dialogo III.*, ubi de Numis *Demetrii*, haud obscurè edixeras.

P

TUL-

TULLIUS. Crebrò deinde tuis in Numis Victoria alas expandet, ut adeò nullo eam negotiò noscas. Sed nonnè Victorem etiam cupis? consule *Legendam*. **PUBLIUS.** Sic habet, ni lubricum denuò fixerim pedem: **CÆSAR.** *Dictator.* **TERTIUM.** **TULLIUS.** Optime singula: quem porrò *Cæsarem* laudari hic putas? **PUBLIUS.** Divum utique *Julium*: neque enim, quem iste in nomen genúsque suum adoptaverat, *Octavium Cæsarem Augustum* aliquando Dictatorem fuisse abs te hactenus inaudii. **TULLIUS.** Optimè sapis: mearum verò partium erit, quid rei, quid nominis *Dictator*, hoc apud te loco minimè dissimulare.

III. Quo is tempore cœperit Romæ, tutò edicere Scriptorum non finit contentio: munere interim ferè regio erat. Ortum eidem Lex Valerii *Poblicolæ* Consulis dedit, qui plebis in gratiam Magistratibus *Secures* è Fascibus, atque adeò jus vitæ & necis subduxit, liberumque omnibus in periculo capitis versantibus fecit, à Consulibus ad Populum provocare, hujusque sententiâ se contra Magistratum tueri. Quoniam proinde jus summum vagari perpetuò non posset, & fluctuare, sed uni tandem competere debebat, natus est *Dictator*. Hunc talem eligere solitum erat, quoties Consules ab Urbe abesse contigerat, ut Comitia interim dirigeret: vel si Consulum alteruter pertinaciùs obniteretur Senatui, ut sua eundem autoritate ad officium redigeret: præterea cùm instantibus ludis deficeret Prætor, ut eis præsideret: aut quæstionum exercendarum causâ, cùm de bello vel pace acriùs consultaretur: maximè verò rei gerendæ causâ, cùm belli aleam Consulibus committere tutum non esset, ut apud Exercitus imperium cum virtute & animo gereret. E re certè *Quiritum* id plurimum erat, bella Dictatoribus gerere, non Consulibus: hi etenim postremi, quia diuturniores fuère officiò, moram frequenter ex mora, suò utique commodò, nectebant: illi verò, muneris sui brevitate restricti, aleam quàm optimè juxta atque citissimè jacere unicè contendunt.

IV. *Dictatorem* porrò, si jure negotium ageretur, Consul dicebat, i. e. **Liv. L. IX.** nominabat, & hoc quidem, *Livio* teste, *certis*, seu bonis dextrisque *auspiciis*, nocte silente, & clara voce, ut Romani per omnia superstitionissimi fuère: huic deinde & ipse, qui creaverat, ac cæteri omnes Magistratus, Patritii, & Plebes, obaudire ceu Regi debebant. Ne tamen supremo hoc munere abuteretur quisquam, semestri tantum illud gerebat: Urbe, vel saltem Italiâ excedere eidem interdictum, ut ne res
Rei-

*Acerr. nov.
Philol. & p.
160.*

38.

Reipublicæ noxias moliri posset: equum insuper conscendere, atque Exercitus equestres ducere prohibitus est, quod Magistro Equitum Dictatoris Collegæ decretum. *Sulla* verò, & *Jul. Cæsar* Dictaturâ non è lege, sed arbitrio usi sunt, eo quidem tempore, quo magistratus hic Romæ jam ferè exoleverat: uterque enim perpetuum sibi hoc munus vi summa arrogaverat. Et *Cæsar* quidem *Dictatorem primum* fieri se voluit An. Urb. DCCIV. more solito semestrem: iterum, & annuus dici debuit An. Urb. DCCV. tertium, & in decennium An. Urb. DCCVII. Ultimò tandem perpetuusque evasit An. Urb. DCCVIII. quemadmodum annos ejusdem *Goltzius* subduxit. Exinde Nomen, munusque Dictatoris à *Sulla* & *Cæsare* usque adeò præter morem legemque gestum, quotquot amabant Rempublicam, execrabantur.

*Goltz. Part.
Fast. vit
Cæs. subnexa.*

PUBLIUS. Jam porrò, si libet, *Aversam* intueamur, in qua Palladem mihi videre videor: id enim galea suadet & thorax, & in ægide anguibus horrens *Medusa*, draco insuper ante pedes *Minervæ* fastu ingenti se tollens, ac *Palladi* sacer. **TULLIUS.** Ex tripode loqueris: cur verò arma, quæ humeris gestat, dissimulas? **PUBLIUS.** Ad ea etenim hæreo. **TULLIUS.** Tropæum illa sunt, seu spolia nuper ex hoste relata, ut novæ cujusdam victoriæ, à *Cæsare* nuper obtentæ, dilucidam vadem *Minerva* se sistat. Latius porrò de Tropæo differere alterius loci erit: tu *Legendam* recense. **PUBLIUS.** Neque hic quidem audeo. **TULLIUS.** Sic eam accipito: *Caji. CLOVII. PRÆFECTI.* (subaudi *Moneta.*) Gens *Clovio*, incertum, Plebeianæ fuerit, an *Patricia*: ejus tamen veteribus in lapidibus frequentem esse memoriam *Ursinus* commemorat. De *C. Clovio* verò hic laudato id demum constat, *Puteolanum* eum, & *Equitem Romanum ornatissimum* à *Cicero* ne appellatum. *Catalogus* præterea *Gothanus* de eo ex *Dione* animadvertit, *Cæsari* primum eundem in *Gallia* operam suam addixisse: postea cum ille in *Hispaniam* contra liberos *Pompeii* procederet, inter sex Urbis *Præfectos* Romæ constitutos cooptatum esse: qui proinde relata ab hostibus in *Hispania* *Cæsaris* victoriam æternæ posterorum memoriæ, suæque non minùs gloriæ consecravit.

*Ursin. apud
Pat. de fama
p. 76.
Cic. Orat. pro
Q. rosc.
Catal. Go-
than. p. 14.
Dio Cass. L.
XLIII.*

PUBLIUS. Eccur non magis libuit *Clovio*, ipsius *Cæsaris* caput, quàm *Victoriæ* pingere? Cur tropæum hostile *Pallas* magis, quàm ipse *Victor* in humeris gestat? **TULLIUS.** Debuit ambitio religione velari: sed & gloriæ erat multò amplioris, propitias & auspices Deas jactare. Sed lego ex oculis tuis, quid aveas: *Urbis Præfectus* quis fuerit, ex me nunc audire, ut verè antiquæ rei curiosissimus es, totus anhelas.

Tacit. Annal.
L. VI. c. 11.

PUBLIUS. Animum certè apud me ex integro pervides. **TULLIUS.** Primum itaque *Tacitum* audi dicentem. *Profectis domò Regibùs, ne Urbs sine imperio foret, in tempus deligebatur, qui jus redderet: duratque simulacrum, quoties ob ferias Latinas proficiscitur, qui Consulare munus usurpat.* **PUBLIUS.** Obscura sanè sunt ista, &, quid me iis docere velis, haud equidem capio. **TULLIUS.** Plana ea redamus.

Liv. L. I.
c. 59.

VII. Primum quidem liquet hoc teste, *Præfectum Urbis* jam ipsis sub Regibus cœpisse, ideòque eundem ad tempus electum fuisse, ut Urbis imperium teneret, jus diceret, & Consulis munus perageret. Clarius ista *Livius* edicit, dum inquit: *Tarquinius in castra profectus, imperium in Urbe Lucretio, Præfecto Urbis, jam antè à se instituto, reliquit.* Exactis porrò regibùs, Consulis tum imperantis absentiam, velut ante Regis, Urbis Præfectus supplebat, usquequo Prætoris officium ceperat: tum namque hic Imperium exercuit, nullusque Urbi Præfectus amplius assignatus est, præterquam solo illo quatrduò, quo ferias Latinas Consul omnisque Magistratus in monte Albano actitabat. Hoc Sacrum quotannis mense Januario editum, *Latiare* vel *Latiiale* aliàs dictum, *Jovis Latialis* taurò fiebat, tot in frustra secatò, quot fœderis sanciendo causâ aderant Urbium Latinarum Legati: unicuique namque eorum portio sua tributa est, atque hoc pacto, hacque Sacri comunione fœdus consecrabant, festumque ipsum abinde *Sacramentum fœderis* audiit. Has porrò ad *Ferias Latinas*, aiebat *Tacitus* suprâ, quoties profectus est Consul, & solemnî processione Magistratus omnis, *simulacrum* seu Umbra Præfecti durabat, qui tum equestri ex juventute delectus, per quatrduum festi solo nomine clâruit, autoritate potestâteque omni in Prætorem translata.

Acerr. Philol.
P. I. à p. 421.

VIII. Sub *Julio* verò *Casare* antiqua *Præfecti Urbis* auctoritas velut è pulvere suscitata est: cum namque in Pompeium hostiliter moveret, & Consules vel metu, vel odio *Julii* Urbe excessissent, compulsus est *Lepidum* Urbis Præfectum creare, sex eidem, vel ut alii volunt, octo minoribùs Præfectis eidem adjunctis, quorum cum operâ tum consiliò adjuvaretur. Ex horum tu numero fuisse *Cloviu* puta. Placuit id munus etiam *Augusto*, sub quo *Urbis Præfecti* perpetui facti, omnem in hoc Magistratu, ni crimine exciderint, vitam insumfere. At posteris denuò temporibùs in singulos annos alius Urbi Præfectus est datus. Ad curam ejus pertinit, civiles causas quascunque peragere, ludos ordinare, nimia cambiorum

biorum foenora inhibere, servos cum dominis componere, à curatoribus pupillorum rationes exposcere, Urbis quieti, paci, atque tranquillitati consulere, nocturnas grassationes, & diurnos plebis seditiosæ concursus dispellere: quam omnem ille potestatem summa tantæque auctoritate, cui nemo refragari posset, non in Urbe modò, sed & in omni Italia exercebat. Fascibus quoque, sella curuli, cæterisque supremi magistratus insignibus usos fuisse *Præfectos Urbis* Illustr. Spanhemius animadvertit: qui & idem ex *Ulpiano* asserit, disertâ *Severæ* Imp. epistolâ ad eos omnium omnino criminum tam in Urbe, quàm tota Italia cognitionem delatam esse: tandem à *Floriano* Imp. insuper statutum, ut omnium Potestatum ac Dignitatum provocatio, sive appellationes ab eis susciperentur.

Spanh. T. II.
Diss. X. pag.
113, 119.

PUBLIUS. Quantæ non artes Reipublicæ ritè constituendæ? quantis non curis fortuna tentatur? quanta non hominum, rerum, ac temporum vicissitudo? Commonefaciunt horum omnium Numi, in quibus rectè exponendis tempora sanè, ut video, quàm optimè distinguenda sunt. Eant jam Rei Numariæ mastyges, remque omnem, cum Numi curiosius versantur, quisquiliis agi calumnientur: mihi verò omnino jam exploratum est, duce veteri Quiritum moneta erudite curata, intima Historiæ, Mythologiæ, atque Politicæ adyta referari, ad quorum conspectum Rerum Antiquarum incuriosi ne eminùs quidem admittuntur. Numi ingenium acuant, intellectum erudiunt, iudicium firmant, memoriam figunt, prudentiam pariunt, utilem sibi, utilem cæteris, sobrium amatorem suum efficiunt. Verumtamen, Venerande Tulli, de X. & ultimo *Tabule III.* Numo quid hodie facimus?

Tab. III.
Num. X.

TULLIUS. Breviter eum expedire adhuc hodie licebit. *Adversam* ejus, ut minimè ambigo, pen se satis intelliges. **PUBLIUS.** Jovem in ea adstare existimo, quoniam nudus est Vir, laureatus atque barbatus, qui dextrâ extantâ fulmen trifidum, lævâ Aquilam suam secum deportat. **TULLIUS.** Is demum ipsissimus est. An verò & *Legendam* hinc inde dispersam, literis insuper nonnullis contractis exaratam, colligere poteris? **PUBLIUS.** Valde equidem vereor. **TULLIUS.** Sic igitur redde: **LENTIULUS.** **MAR.** *Marcellinus.* **CONSUL.** seu *Lentuli Marcellini Consulis.* Integrum illius nomen, ut describit *Ursinus*, fuerat: **CNEUS.** **LENTULUS.** **CORNELIUS.** **MARCELLINUS.** Consulatum gessit cum *Lucio Marcio Philippo* An. Urb. DCXCVII. Ortus erat è *Claudia* Gentis Familia, quæ dicta est *Marcellinorum*: deinde in

Ursin. apud
Patin. de
Fam. p. 374.

Corneliam Gentem multò amplissimam atque celeberrimam adoptatus, *Cornelii* nomen assumsit.

- XI. *PUBLIUS*. Quam verò rationem messoriæ falcis juxta Jovem conspicuæ reddit? *TULLIUS*. *Aversa* ad typum eandem referas velim, in qua medio capiti humano tria conjungi crura animadvertis, cum quibus alterno ordine tres pariter spicæ fœcundæ se jactant. *PUBLIUS*. Lepidissimus sanè ordo struendi, & verè hieroglyphicus, cujus mysterium nullo pacto, etsi maximè cuperem, pervadere potui. *TULLIUS*. Hoc videlicet typo, ut Historiæ Siculæ sedulus conditor *Goltzius* insit, *Sicania* veteri nomine, hujate *Sicilia*, ab antiquis non incongruè depicta est: quæ mari Mediterraneo undique circumfusa, tribus, ut ajunt, Promontoriis, quasi totidem pedibus, in fluctus excurrit, abinde *Trinacria* Græcis, Latinis olim *Triquetra* appellata. Quemadmodum namque Mediterraneum mare jam Asiæ, jam Africæ, jam Europæ classes ferre consuevit: ita *Sicilia* in omnes has partes protensa, communis quidam omnium navigantium atque percommodus portus evasit, sua insuper fertilitate aptissima, quæ commodum habitantibus domicilium præbeat.

Goltz. Sicil.
magn. p. I.
Sc.

- XII. *PUBLIUS*. Quam verò tandem ob causam *Lentulus Marcellus*, Vir Consularis, *Siciliam* ære suo signavit? *TULLIUS*. Fecit id more *Claudia*, è qua ortus est, Gentis. Syracusas namque, celeberrimam olim *Sicilia* Urbem, primò omnium è Romanis cepit *Marcus Marcellus Claudius*, quinquies Consul: qui primum de Gallis Insubribus, & Germanis triumphavit An. Urb. DXXXI. Iterum deinde, & tertium de Syracusais An. Urb. DXLII. teste *Livio*. Ita autem expugnavit Syracusas, ut, arduus licèt Victor, & trienniò fermè artibus Archimedis industriâ suâ frustratus, victis tamen parceret, Urbemque incolumem relinqueret. Quapropter, ut fidem *Cicero* facit, Syracusani *Marcellos* postea *Sicilia* Patronos passim prædicabant, quin & *Festa Marcella* quotannis eorum honoribus ediderunt. Insit itaque laudatus Orator Romanus, ac si Numi hujus rationem ex condicto reddere vellet: Scit *Cajus Marcellus*, & *Cneus Lentulus Marcellinus*, quorum fide atque presidio *Siculi* maximè utuntur, quòd omninò *Marcellorum* nomini tota illa Provincia adjuncta sit.

Cicero O. IV.
& V. in Ver-
rem.

- XIII. *PUBLIUS*. Jam de falce & spicis, quod quæram, non superest: facile namque hæc symbola de Siciliæ fertilitate, quam supra edixeras, explico, *TULLIUS*. Non sibi solum, sed & aliis fœcundissima illa Provin-

Provincia fuit, utpote quam *Cato* optimo sanè jure *Plebis Romana Nutricem*, & *Reipublica Cellam Penariam* prædicavit. *PUBLIUS*. An porro etiam Jovis in *Adversa* signatiratio quæpiam tibi occurrit? *TULLIUS*. Hunc ut monetæ suæ inferret *Marcellinus*, reor interim, gloria fecit, quam & sibi & genti suæ supralaudatus *Marcus Marcellus* asseruit, & *Nepos* Familiæ suæ, traduce fama Numorum, omne in ævum apud omnes stabilire contendit. Etenim *Marcellus* primum de barbaris, ut antè audieras, Romæ agens triumphum, *Spolia* insuper *Opima*, quæ phrasîs *Quiritum*, *Jovi Feretrio* dedicavit. *PUBLIUS*. Oro te, rem clariùs mihi edissere. *TULLIUS*. Semper quidem & ab omnibus victoribus hostium spolia maximi habita, & vel in tropæis constructa, vel in triumpho prælata, vel demum domi magnificè suspensa sunt: sola tamen *optima spolia* tanti à Quiritibus habita fuere, ut ea Triumphator ipse humeris suis, cum quadrigis inveheretur, deferret, & Capitolium subintrans, iisdem Jovem oneraret. Quæ porro fuerint illa, ex *Livio* percipe scribente: *Ea ritè opima Spolia habentur, quæ Dux Duci detraxit: nec Ducem novimus, nisi cujus auspiciò bellum geritur.* Lex itaque erat eorum, ut Dux Exercitus princeps & summus, non ab alio missus Imperatore, Ducem pariter summum hostilis exercitus per se ipsum aggredere-
Liv. I. lib. IV. c. 20.


tur, & commissâ cum eo pugna superato, arma detraheret: quæ fortuna post *Romulum*, qui hac ratione *Acronem*, Cæcinenfium Regem, expilavit, florente quidem Republica nemini contigit, præterquam *Cornelio Cossò*, Lartem *Tolumnium*, seu *Volumnium*, *Vejentium* Regem, sic opprimenti, deinde *Marco Marcello* *Viridomarum*, Gallorum *Insubrium* tyrannum, deprædanti, ut apud *Illustr. Spanhemium* lego.

PUBLIUS. Nunc demum diserte me docuisti: verumtamen gratia tua, & summa in differendo liberalitas prope impudentem me facit. Videsis namque, etsi diuturnus jam hodie sit dialogus noster, adhuc tamen aliquid reliquum est, de quo optimum in me animum tuum cum fiducia implorem. Mentionem nempe supra ingesseras, *Marcum Marcellum*, cum *Syraculas* obsideret, trienniò propè artibus *Archimedis* industriâ suâ frustratum: quæ, obsecro, hæ artes fuere? & quis *Archimedes*? cujus nomen percelebre haud infrequenter his auribus hausi. *TULLIUS*. Placeat ardor, quem affers discendi, ac sanè meretur, quem ultrò libenterque restinguam. *Archimedes* Civis erat *Syracusanus*, Mathesi tam insatiabilem operam navans, ut ne potius quidem cibusque ei supra esset, ad quem tandem capiendum ægre, & vix demum importunò domesticorum imperiò adigi poterat. Machinas admirabiles struxit, ac inter eas globum
Spanh. T. II. Diss. X. p. 224.

XIV.

(Goltz. Sicil.
Magna p. 52.)

aliquando crystallinum, intra quem siderum coelestium annui cursus motusque pulcherrimè comparerent. Quondam balneò usus, ibidem fabri aurarii fraudem diuturna tandem speculatione assecutus, qui regiam coronam aurò minimò fabricàrat, tantum inde gavìsus est, ut nudus domum repetens, fora interim omnia perpetuo clamore compleret: *Inveni, inveni. Marco Marcello*, Consule Romano, & Belli Punici Imperatore, Syraculas maximà cum fortuna adoriente, Urbem suam hanc patriam *Archimedes* tam variis propugnaculis, machinisque ita munivit, ut *Marcellus* nihil omnino tormentis missilibus, catapultisque proficere valens, victum se ejusdem ingenio candidè profiteri minimè erubesceret: cessans proinde hostili ab oppugnatione, arctissima duntaxat navium obsidione Urbem in littore incingeret. Sed & tum *Archimedes* prætoria navim illius machinarum hydraulicarum ope supra fluctus levavit, reliquam classem Romanam causticis vitris, quæ solem refringere solent, succendit. Urbe tandem nihiloscius capta, in tuguriolo tuo quietissimus ad tabulas sedit *Archimedes*, id unum militem obsecrans, qui stricto in eum gladiò irruebat, quisque esset cum furore quæsierat, ne lineas suas turbare vellet. Amulum verò barbarumque animal ad Minervam obsurdit, brutoque furore tantum artis prodigium in frustra concidit, artificem ipsò per medium secto. Immanè quantum mors adeò indigna doluit *Marcello* Victori Romano, qui disertè aliàs mandaverat militibus, ut *Archimede* servarent: palàm proinde testatus est, plus se de jactura illius, ac de captis gaudere Syraculis, tristari. *PUBLIUS*. Non te poeniteat, Venerande Tulli, quam mihi in percensendo *Archimede* locaveras, operæ: acria ille studiis meis calcaria subdet. Verumtamen iniquissimum tanti artificis fatum nec detestari, neque lugere desistam.



DIA.

DIALOGUS XIV.

De

Numis M. Herennii, L. Hostilii,
& D. Silani.

TULLIUS.

Tandem ad *Quartam* gradum facimus *Tabellam*, cujus apud te I. plures sunt Numi, quàm Typi. *PUBLIUS*. I. eorum mi- *Tab. IV.*
 nutus argenteum quidem simulat: sed rupta hinc inde tenuis ar- *Num. I.*
 genti lamina, aut folium potiùs, æs latitans subtus perspicuè
 prodit. *TULLIUS*. Hujusmodi Numos vulgò *Suberatos* dicunt, sunt-
 que occulti cujusdam nefastique percussoris sacrilegus quidam abortus,
 turpis lucri gratiâ, in fraudem dolumque Reipublicæ, ad ideam veræ
 probatæque monetæ conficti. Velim tamen, Doctiss. credas *Joberto*, *Jobert In-*
 asserenti, *Suberatos* Numos præ cæteris integris magis indubitatæ esse *struct. II. p.*
Antiquitatis, cum operæ pretium minimè fuisset, adulterare monetas tum *29. & VII.*
non currentes: immò & raritatis, siquidem decretò Senatûs, cumpri-
 mùm fraus æris animadversa est, spurii hi Numi usu plebis interdicti,
 atque ad ærarium postulati, moduli verò consimiles currentium quoque
 monetarum publicis in officinis in frustra contriti sunt, ut amplior impo-
 storibus fallendi occasio deinceps præcluderetur.

PUBLIUS. An Dea apud Quirites PIETAS fuit, quod Nomen in II.
Adversa penès caput scæmineum lego? Ego verò semper hætenus mihi
 persuaferam, ipsum potiùs cultum, qui DEO Sanctisque impenditur,
pietatem appellari. *TULLIUS*. Romani in Græci vocabuli *εὐσεβεία*
 locum *Pietas* dixerunt, hocque nomine, æquè ac Græci, teste *Illust.*
Spanhemio, promiscuè usi sunt, sive cultum hominis in DEUM, sive *Spanh. T. II.*
 erga Parentes, Majores, Cognatos Agnatosque observantiam innuere *Diss. XII.*
 vellent. Quemadmodum verò cæteris Virtutibus, ita & *Pietati* aras ac *p. 434.*
 templa struxerunt, multisque sive de Diis, sive de homine peculiariter
 sibi conjuncto benè merentibus, *Piorum* nomen indiderunt: quinimò

Q

disertè

Dio Cass. L.
XLVIII.

disertè id referente *Dione*, *Lucius Antonius*, qui *Marci Antonii Triumviri* frater erat germanus, passim & undique non *Pius*, sed *Pietas* dicebatur, propterea, quòd perturbatissimam fratris causam strenuè, ut poterat, vindicare adniteretur. In hac porrò moneta *Æneæ Pietas* in scenam prodit.

III.

PUBLIUS. *Æneæ* ain? jam etiam Numi *Aversam* nullò negotiò assequor. Nunquid non illa eundem sistit *Teucrum* heroem, ut patrem *Anchisen*, humeris suis impositum, *Trojæ* incendio subducit?

Liv. L. I. c. 2.

TULLIUS. Apprimè, *Publi*, hoc est: Patrem Deum *Indigetem* hic vides, etenim *Livius* ait. *Situs est Æneas, quemcumque eum dici jus fasque est, super Numicum flumen: illum Jovem Indigetem appellant.*

Tibull. L. II.
5.

Cecinit insuper Tibullus:

Illic sanctus eris, quum te veneranda Numidi
Unda DEUM cœlo miserit Indigetem.

Fest. apud
Pitisc. voce:
Æneas.

Sed & Templum *Æneæ* à *Julo* filio constructum esse *Festus* enarrat, cujus hæc erat *Inscriptio*: PATRI. DEO. INDIGETI. QUI. NUMICI. AMNIS. UNDA. TEMPERAT. *PUBLIUS*. Quæso te, quid nominis *Indiges*? propriumne, an commune? *TULLIUS*. Audi de nunc *Festum*. *Div Indigetes*, inquit, *sunt, quorum nomina vocare non licet. Nec enim efferebantur in vulgum eorum nomina*, subjungit *Pitiscus*, *quorum in tutela Urbs Roma esse credebatur, ne ab hostibus possent evocari.* *PUBLIUS*. Cæca superstitio: quasi verò non antè audiret DEUS, ac nomine suo, hominum more, invocetur.

IV.

TULLIUS. Cupis verò & causam, qua de *Marcus HERENNIUS*, (sic enim *Legendam* accipito) *Pietatem Æneæ Virumque ipsum* argentò suò signârît? *PUBLIUS*. Omnino. *TULLIUS*. Haud alia superest modò, præterquam, quòd *Gens Herennia Plebeia, Balbarum, Gallorumque familiis juxta Urfinum distincta, ambitu multis Gentibus Romanis communi, originem quoque suam ad Æneam referre contendit.* Hoc namque parente *Urbs ipsa gloriabatur, & præcipuè Gens Julia*, cujus posterì peculiariter *Æneide dicti, teste Illustr. Spanhemio*: unde & *Ausonius Poëta Neronem*, in quo *Gens Julia seu Cesarum turpiter detecit, ultimum Æneidum fuisse* inquit, dum cecinit:

Ursin. apud
Patin. p. 110.

Spanh. T. II.
Diff. X. p. 15.
Auson. de
XII. Cesar.
Carm. VI.

Æneidum generis qui sextus & ultimus hæres.

Hic

Hic porrò *M. Herennius*, cujus verſamur monetam, Conſul fuiſſe creditur *Urſino* An. Urb. DCCXX. cætera ipſius ſerè ignorantur. Eruditiff. *Liebe* in *Theſauro Fridericiano* Numum exhibet *Æreum* medium, in quo *C. Urmius*, & *M. Herennius* *II Viri Quinquennales* notantur, cujuſmodi, animadvertente *Illuſtr. Spanhemio* mox laudato, cùm Romæ, tum in Italia, cæteriſque *Coloniis* ac *Municipiis*, quinto quoque anno ad *Cenſum* in populo agendum ſunt delecti, permagna immò & *Curuli* muneris Auctoritate. An autem hæc pariter *Dignitas* tuum hunc ad *Herennium* attinuerit, minimè liquet.

Goth. Num. Cap. XII. p. 404.
Spanh. T. II. Diſſ. X. p. 102.

PUBLIUS. Duo iterum *Typici*, qui ſequuntur, *Numi*, mirabili- **V.**
bùs planè ſunt formis: quale namque in *Numo II.* caput eſt *Viri*, ut **Tab. IV.**
apparet, extremè conſternati, paventisque, capillis ſtan- **Num. II.**
tibus præ timore? An fortè fulmen propinquum, quod in ſcutò expreſſum, uſque ad- **ſ. III.**
eò terribiliter intonuit? Deinde in *Numo III.* quæ *foemina* crinibus paſſis
adeò ſollicitè, mærentique, fortè & ſlenti ſimillima, proſpici- quodnam ei
inſectum à tergo adſignatum? **TULLIUS.** Utrumque hunc *Numum*,
vix à typis tuis in aliquo diſſimilem *Urſinus* quoque apud *Patinum* depin- *Urſi apud Patin. p. 129.*
git, aitque, amicorum ſuorum quopiam conjectore, lepida hic *Numina*
prodire, & in priore quidem *Numo* *Pavorem*, *Pallorem* in poſteriori de-
pictum ſibi videri: ut hoc pacto *Lucius* **HOSTILIUS SASERNA**, quem
Legenda utrobique deſcribit, generi ſuo gloriam à *Tullo* *Hoſtilio*, tertio
Romanorum Rege, accerferet. Hic etenim *Rex* bello natus, & inter *Qui-*
rites ſuos militarem omnem diſciplinam conſtituens, ſuperatis primùm
Albanis, deinde cum *Vejentibus* & *Fidenatibus* pugnans ancipiti Marte,
ſocios quidem ex ſœdere *Albanos* habuit, aſt infideles, quippe qui cùm
pugnare in *Fidenates* debuerant, *Romanis* *Vejentes* adorientibus, in par-
tem ſeceſſere. Non poterant non ſic deſerti, fugamque ab *Albanis* fieri
rati, pavere & pallere *Romani*: quare *Tullus* iniquam ſortem majori ani-
mò eludens, & metum intra ſe cogens, ut etiam militibus eum exime-
ret, alta voce exclamavit: Ego juſſi, ut abſcederent *Albani*. Interea
verò, teſte *Livio*, in re trepida, ut plenus ſuperſtitionibus aliàs fuit, *Liv. L. I. c. 7.*
Pavori atque *Pallori* quaſi diis, *Templa*, & *Salios*, qui feſta ludosque
agerent, ſubitò vovit, *Victor*que deinceps inſtituit. Quam lepidam Re-
ligionem ita irridet *Lactantius*, inquiens: *Pavorem*, *Pallorem*que *Tul-* *Lactant. L. I. c. 20.*
lus Hoſtilius figuravit, & coluit. Quid de hoc dicam, niſi dignum fuiſ-
ſe, qui ſemper deos ſuos, ſicut optari ſolet, præſentes haberet, i. e. ſemper
nimirum paveret atque palleret. Aliter hunc *Tyrannum* exhibet *Divus*
Auguſtinus alicubi arguens: *Hoſtilius* certè *Rex* deos & ipſe movos, *S. Auguſt. de Civit. DEI*
apud Pitife,

Pavorem atque Pallorem, propitiandos non introduceret, si Felicitatem deam nosceret, & coleret.

VI. Insectum quod dixeras post Caput *Palloris* depictum, figuram nempe simlaci propè similem, insectum non est, sed *Lituis militaris*, monente
 Goth. Num. Eruditiss. Liebe, adeoque Tubarum militarium ex genere. Canit nam-
 C. II. p. 40.
 Horat. L. I. que Horatius :
 Od. I. v. 23.

Multos castra juvant, & Lituo Tubæ
 Permistus sonitus.

Acro in iura. Quæ in verba *Acro* Scholiaſtes ſic commentatur : *Litui acutus eſt ſonus, Tube gravis, hocque diſtare inter utrumque cognovi, quod Lituis Equitum ſit, atque incurvus, Tuba verò Peditum & directæ.* Parma quoque penes caput *Pavoris*, in qua fulmen depictum, militaris eſt: ut adeò gemina hæc ſymbola commodum innuant, in re trepida belli utrūque ridiculum Numen *Tullo* Rege parente in lucem editum eſſe. *PUBLIUS.* Amabò te, *Tulli Venerande*, hæc talia ſuſpicari quis poſſet, quem veteris cura Eruditionis non fatigat? *TULLIUS.* Tantum videlicet diſtant doctus & Amuſus : qui quærit, invenit. Quam verò jucundum, quàm pulchrum id eſt, ſubſecivâ indultiâ tot ænigmatum Oedipum fieri!

VII. *PUBLIUS.* Reſtant *Averſæ* utriusque Numi nunc partes. Bigas video incitatas in Numo II. geminamque figuram, unam, quæ currum agit unacum ſtagello, ut puto, fœmineam: virilem alteram galeatam cum clypeo, quæ telum intorquet. *TULLIUS.* Pugnâ feliciter actâ triumphatur: quod etſi de *Tullo Hoſilio* non legam, credi tamen poteſt, bigas certe in victoriæ ſignum diſtare, cum *Urfinus* apud *Patinum* alium quoque *L. Hoſilii* Numum depingat, qui in *Adverſa* caput victoriæ, in *Averſa* eam ipſam iterum refert alatam, cumque Tropæo & Spoliis incedentem referendam ad triumphos, ut ait, quos *Tullus Hoſilius*, Vejentibus ac Fidenatibus ſuperatis, Albâ dirutâ egit. Quamquam ipſum *Pavorem* recentem tum deum nudum ſtare in curru tenere pariter poſſis, qui cum retrò, nimirum ad hoſtes, converſus ſit, eiſdem intortò telò terrorem incutiat: aurigam ſupplet forſitan *Pallor*, fœmineo capite in altero Numo expreſſus, qui certè in fœminis crebrior eſt, earumque præſtantiore cate-roquin in forma citius atque in viris notatur.

VIII.

PUBLIUS. Commodè satis arguere mihi videris: àst verò III. in Numi *Aversa* quod idolum mirabile? **TULLIUS.** *Dianam* esse *Ephesiam* mammæ multæ, ac *Cervus*, quem cornu prehendit, dubitare non sîunt: causam deæ hujus signatæ putat *Ursinus* sæpè multumque laudatus, quòd *C. Hostilius* Provinciam forsitan *Asiæ*, in qua tantoperè hæc colebatur *Diana*, ut Prætor regendam obtinuerit. Multis de *Diana* differendum hic foret: sed alibi rectius fiet. Superest, ut de *Gente Hostilia* tria faciam verba. Eam ab *Hosto* quopiam *Hostilio* Medullinò cœpisse credi interim ait denuò *Ursinus*, qui, regnante Romulo, civitate donatus, seu Civis Romanus effectus sit. Familias habuit *Tulliam* ac *Maninorum* juxta *Tabulas Capitollinas*: juxta *Livium* porrò *Tabularum* pariter & *Catonum*: *Varro* autem etiam *Sasernas*, patrem ac filium commemorat, asseritque ambos de Agricultura scripsisse. *L. Hostilium* in Numis hiscè signatum illum demum fuisse iterum *Ursinus* existimat, de quo *Hirtius* scribit, eum à *Cæsare* Lepti cum præsidio relictum. Plura de eo haud constant.

Liv. Lib. XXV II.
Varro de Re Rust.

Hirt. de Bell. Afric. L. V.

PUBLIUS. Rursum *SALUS* dea (hanc enim in Numo IV. Typico *Adverse* laudat *Legenda*) spectandam nobis se offert, eleganti cuidam & præcipuo cum labore constructæ coronæ inclusa. *Aversa* porrò Triumphò mihi illustribus videtur: siquidem in biga stantem cerno Victoriâ, quæ laurum juxta ac palmam jucunda præferat. Sin ita, de Victore sive Triumphatore nonnihil ambiguis hæreo: in *Legenda* namque *ROMA* primùm describitur, deinde *D.* (**TULLIUS.** *Decius* aut *Decimus* lege.) **PUBLIUS.** *Decimus*, inquam, *SILANUS. Lucii. Filius.* **TULLIUS.** *Roma* additur, ut vel locus, in quo Numus signatus, aut ubi triumphatum, innotescat. *Lucius* autem *Silanus* ex illusterrima *Gente Junia* erat, quam supra jam monui ita amplam latamque fuisse, ut posterius ejus, omisso nomine Gentili, suis duntaxat cognominibus uterentur. Attamen *Gentis Junia* sanguinem non traxit, sed in eandem duntaxat adoptatus fuit à *E. Junio*, cujus filium eum dicit moneta, cum aliàs *Titum Torquatum* patrem habuisset. Prætor erat Provincie cujusdam *Macedonicæ* (*Goltzius* eum *Proprætorem* vocat, putans & de Lusitanis triumphasse) fatò tamen satis miserò fuit: etenim de eo *Elivius* refert. Cùm *Macedonum* Legati conquestum venissent de *Junio Sicano* Prætorè, quòd acceptis pecuniis Provinciam spoliasset, & Senatus de querelis eorum villet cognoscere, *T. Manlius Torquatus*, *Silani* pater, petiit impetravitque, ut sibi hujusmodi cognitio mandaretur. Domi deinde causâ cognitâ (mirò utique *Æquitatis* exemplò, quod tantopere extollit *Cicero*) filium condemnavit, ab-

IX.

Tab. IV.

Num. IV.

Goltz. Con-
sid. Tab.
CI IX.
Liv. L. LIV.

Cicero L. I.
de Finib.

dicavitque, ac ne funeri quidem ejus, cum suspendiō vitam finisset, interfuit, sedensque domi potestatem consultantibus ex instituto fecit.

- X. *PUBLIUS.* Splendida sanè *Silani* hujus fortuna, quæ cum prius Romam triumphantem ei ad obsequium stitisset, in apice gloriæ tandem patibulum statuit. Sic illa pullos suos tollit in altum, ut lapsu graviore ruant. *TULLIUS.* Nunc porro de *Salutis* imagine, & de Corona, quæ illa incingitur, mihi erudiendus es breviter. Caput *Salutis*, monet *Ursinus*, esse à *Silano* expressum ob memoriam *G. Junii Bubulci Bruti*, qui ejus Deæ Ædem, quam voverat, Censor postea factus, locavit, & cum esset Dictator, consecravit. Corona ex Torque illo conflata est, à quo *Manliis* cognomen *Torquatorum* adhæsit. Cum namque An. Urb. CCCXCII. Galli se Romanis opponerent, utrisque ad pontem Anienis castra jam metantibus, miles quidam Gallus corporis & roboris immensi in ponte consistens, quempiam Romanorum singulare certamen depoposcit. Pugnam, ceteris non audentibus, ipso in ponte suscepit *Titus Manlius Lucii*. Filius, vicitque, prostrato demum hosti in gloriæ tesseram Torquem detrahens, quem collo suo circumdans ad suos reversus est. Tum


*Ursin. apud
Patin p. 141.*

*Liv. L VII.
p. m. 196.*

(*Livius* inquit) *Romani* alacres ab statione obviam militi suo progressi, laudantes gratulantesque ad Dictatorem perducunt. Inter carmina propemodum incondita quadam militariter joculantes, Torquati cognomen auditum, celebratum deinde posteris etiam, familiæque honori fuit: Dictator coronam auream addidit donum, mirti que pro concione eam pugnam laudibus extulit.

- XI. *PUBLIUS.* Erudisti me sanè eleganter, jamque mihi plus nimio liquidum est, quam nihil unquam dissimulârint *Quirites*, quod ad *Gloriam Gentis suæ* pertinuit. Id verò demum quàm lepidè, quàm misèrè & indignè, *Silani* patibulum probat. Melius utique sapuit Poëta, qui cecinit:

Nam genus, & proavos, & quæ non fecimus ipsi,
Haud ea nostra puto.



DIALOGUS XV.

De

Numis L. Æmilii Bucæ, C Licinii

Macri: L. Livinei Reguli: L. Lucretii Trio-

nis: P. Lurii Agrippæ: & M.

Mæcili Tulli.

TULLIUS.

S Ex hodie tecum Numos, adeoque omnem *Tabulam IV.* expedire I. constitui, quoniam, quæ in eis spectanda occurrunt, partim ex *Tab. IV.* prioribus tibi jam nota, partim hujus fori non sunt, partim mysteriis carent. *PUBLIUS.* Numi *V. Adversa* dubiò caret, *Cæsarem* namque *Julium* laureatum ibi fisti satis innuit *Legenda: Cajo. CÆSARI. DICTatori. PERPETUO.* Supra namque, quid rei Dictator, & quomodo supremam hanc dignitatem perpetuam sibi, seu per omnem vitam concedi vi summa effecerit *Julius*, liquidò docuisti. Verumtamen *Aversa* tantò mihi difficilior est, in qua & symbola multa, & pleræque mihi ignota densantur. *TULLIUS.* Unum omnia *Cæsarem* spectant: etenim *Lucius. BUCA.* hic descriptus, cujus alii Numi nomen quoque Gentile *ÆMILIUS*, & Officium, *IIIIVIR. i. e. Quariumvir* Monetalis adjiciunt, *Julio*, cum adeptâ Dictaturâ perpetuâ summum jam apicem teneret, Imperium felix faustumque his symbolis acclamavit, simulque ea omnia innuit, quæ *Cæsar* Oratione ad Senatum, ut *Dio* refert, *Reipublicæ* se præstiturum tam largè adpromiserat. *Dio Cass. L. XLIV.*

Sphæra itaque, seu Globus, quem hodie *Pomum* dicimus, supremò II. locò se librans, symbolum est Monarchiæ à *Julio* fundatæ, & Imperium Orbis Terrarum designat. Decussatim, seu crucis in modum sibi impositi *Fasces*, atque *Caduceus*, Mercurii aliàs sceptrum, *Justitiam* spondent, & *Pacem*: ideo namque *Fasces* addita erat *Securis*, ut jus vitæ necisque sanetè populis dandum innueret: *Caduceus* verò commune fuit Legatorum, *Pacis* componendæ causâ submissorum, symbolum ac sceptrum,

ptum, cujus alibi causas latius tibi exponam. *Manus conjunctæ à dextris Concordiam* augurantur, unice fere in Reipublica consecrandam: omne etenim Regnum in se divisum desolabitur. *Securis* tandem infimò locò cubans, & *Sacerdotii index* (hac namque Pontifices victimam cædebant) sanctam *Religionis* curam pollicetur, qua sine nec Dii propitii forent, nec virtus, jus, fasque à civibus curaretur. Ita equidem de hoc Numo sentio, atque consentio cum Eruditiss. *Ursino*.

*Ursin. apud
Patin. de fam.
mil. p. 128.*

III.

PUBLIUS. Cùm *Casarem Julium* hæc moneta, cujus ego duntaxat typum à te habeo, facie sua anteriori referat, cur eandem Consularibus Numis accensēs? **TULLIUS.** Commodum sciscitaris: animadvertere porro te velim, ejusmodi monetæ, in quibus diversi laudantur, diversimodè collocari posse in gazophylaciis veteribus: unde præsens quoque Numus, si *Julii* caput suprâ posueris, rectè in *Julia* gente statuatur; sin verò partem *Aversam* oculis primò objicias, ritè quoque in Gente *Æmilia*, è qua erat *L. Buca*, jacebit. Gens porro *Æmilia* Patricia clarissima fuit, teste *Anton. Augustino*, jam inde ab ipsis initiis Libertatis Reipublicæ Romanæ ad usque Augusti tempora, multisque Viris domi militiaeque illustrissimis oppidò floruit: toties namque Pontificatu Maximo, Dictatura, Triumpho, Principatu Senatûs, Censoria, Consulari, Tribunitia Potestate, Magisterio Equitum, Triumviratu Reipublicæ constituendæ, & nullis non horum subseclis claruit, ut paucas alias gentes Romanas sibi suppare haberet. Plurimas numerabat Familias, *Mamercinorum, Barbularum, Paullorum, Paporum, Lepidorum, Regillorum, Scaurorum, Bucarum*, aliorumque quamplurium. De *L. Buca*, Numi præsentis editore, hoc demum liquet, Monetæ curandæ eum præfectum fuisse, primùm quidem cum Collegis duobus, ut esset Triumvir, more Reipublicæ consueto. At verò *Jul. Caesar*, ut omnibus tantò amplius liqueret, undique se rerum potiri, perhibente *Suetonio*, & *Senatum* supplevit, *Patricios* adlegit, *Prætorum, Ædilium, Quæstorum, minorum etiam Magistratuum* (in quibus Monetarii quoque fuere) *numerum ampliavit*: ut adeò tum temporis *C. Flaminius, L. Æmilius Buca, L. Mussidius Longus, & C. Vibius Varus*, uno eodemque tempore simul *Quartumviri Monetales* exstiterint. *Augustus* verò rursus Triumviros constituit.

*Anton. Augustin.
apud Patin. de
famil. in Append.
p. 317.*

*Sueton. in
Jul. c. 41.*

IV. **PUBLIUS.** Quis, obsecro, juvenis Deus in Num VI. apud me ar-
Tab. IV. gentei atque minuti *Adversa* fulmen, ut reor, trifidum emittit?
Num. VI. **TULLIUS.** Rectius videre te velim: sagittas namque, non fulmen in-
torquet,

torquet. Nomen ei VEIOVIS : lis tamen inter veteres , an *Jovis* , an *Apollinis* fuerit simulacrum. *Ovidius* equidem juvenem eum & imberbum , parvumque veluti *Jovem* depingit , dum cantat : *Ovid Fastor. L. III v. 45.*

Nunc vocor ad nomen : vegrandia farra coloni,
Qua malè creverunt , vescàque parva putant.
Vis ea si verbi est , cur non ego Vejovis ædem
Ædem non magni suspicer esse Jovis ?

Vescum itaque idem innuere ait , ac parvum , atque abinde *vegrandia* dici , quæ malè , i. e. haud satis , creverunt : arguit deinde , *Vejovem* pariter esse non magnum , seu parvum Jovem. Sed in aliam prorsus sententiam abit veterum rerum curiosus indagator A. seu *Aulus Gellius* , quem alii *Agellium* dicunt. Ait enim : *Simulacrum Dei Vejovis* — — — *sagittas tenet , quæ sunt videlicet parata ad nocendum , quapropter eum plerique Apollinem dixerunt : immolatur illi ritu humano caprâ , ejusque animalis figmentum juxta simulacrum stat.* *Aul. Gell. Noct. Atticæ. L. V. c. 12.*

PUBLIUS. Cur verò dubium hoc Numen *Lucius*. *LICINIUS*. *V. Lucii Filius*. *MACER*. quem in *Aversa Legenda* laudari video , argentò suò signavit ? *TULLIUS*. *Ursinus* hunc Numum pingens causam omninò dissimulat , eo quidem in loco : verumtamen alibi multos incertos redhibens Numos , in quibus Dii Deæque variè comparent , certum asserit , ejusmodi monetas , ni ratio altera certa certi constet idoli , credi debere excusas , vel cùm templa dedicata , aut Ludi Deorum exhibiti fuêre. *PUBLIUS*. In *Aversa* nunquid *Pallas* agit quadrigas , galeata cum clypeo , & telum intorquens ? & quo demum id pacto ? *TULLIUS*. Incerta mihi omnia : existimo tamen , & hoc typo Ludos *Apollinis* notari : quamquam & *Vejovis* ira & *Palladis* in hostes esse potuerit à *Licio* provocata , quemadmodum *Horatius* legitur obsecrâsse , ut sagittas suas , ob interfectum *Pythium Draconem* venenò tabidas , *Apollo* in barbaras gentes converteret , dum cecinit : *Ursin. apud Patin. p. 152. § 303.*
Horat. L. L. Od. 21.

Hic bellum lacrymosum , hic miseram famem ,
Pestemque à populo , & Principe Cæsare , in
Persas atque Britannos
Vestra motus aget prece.

R

Certe

*Plutarch. in
Ciceron.*

Certe *Licinius* iste, si rectè conjecerit *Ursinus*, nec potestate caruit, nec hostibùs: ad eum namque pertinere non dubitat, quod *Plutarchus* commemorat his verbis. *Licinius Macer*, pater *Licinii Calvi Poëta*, & *Prator*, cum de pecuniis repetundis accusaretur apud *Ciceronem*, sub ipsam *Judicum sententiam*, suâ fretus potentia, & amicorum præsidiò, domum abiit, caput totondit, summaque veste pura tanquam victor in forum revertit. Cum verò ex *Crasso*, qui ei in vestibulo domus occurrerat, intellexisset, damnat: in se esse, domi statim accubuit, ac præ tristitia, vel fortean & ira, subito decessit. Sive ergò ad *Ludos Apollinis* referre libeat hunc *Numum*, sive ad vindictam, iussragabijur *Plutarchus*. *Ludos* namque curavit forsitan *Licinius*, cum *Pratorum* in numero ponatur, ad quos *Ludorum* curam, *Ædilibus* exemptam, *Augustum* transtulisse jam supra te monueram. Ast opinari hic solum licet, non item tutò quidpiam statuere. Gens porrò *Licinia* & Antiquitate Generis, & rebus gestis plebeiarum omnium facillè princeps fuisse ab *Anton. Augustino* perhibetur: cujus quatuor erant præcipuæ ac *Consulares* familiæ *Calvorum*, *Crassorum*, *Lucullorum*, & *Muranarum*: claruere tamen in ea etiam *Vari*, *Geta*, *Nerva*, *Stolones*, & *Maeri*.

*Ant. August.
apud Patin.
p. 385.*

VI. *PUBLIUS*. Caput *Adversa* in Numo VII., apud me typico, omni *Tab. VI.* omninò caret notâ, qua illud, cujusnam tandem sit, discernere liceat. *Num. VII.* *Aversa* verò non planè mihi incognita est, cum *Sellam Curulem*, illustrem majorum Magistratuum indicem, redhibeat: sex porrò hastæ, quæ eam utrinque circumstant, tantò mihi obscuriores sunt. *TULLIUS*. *Fasces*, non hastas, arbitrari debueras, qui Magistratibus certò præferri numerò solebant. *PUBLIUS*. *Fasces* utique ex vi nominis pluribus è virgis, seu bacillis colligatis constabant: ast verò in moneta simplices duntaxat hastæ, quasi globulis sectæ, comparent. *TULLIUS*. *Angusta Numuli* tam parvi ora non permiserat, ut calator tot fascibus densam suam adderet molem: quare signum pro re tandem suslinuit; aliis e contra in Numis, ubi fasces crassiores, bini tantum pro senis, aut etiam bisseis appositum sunt, animadvertente *Eruditiſſ. Liebe*.

*Goth. Num.
Cap. VI. p.
231.*

VII. In *Adversa* porrò *Lucius*. *LIVINEIUS*. *REGULUS*, ut habet *Legenda*, non suum, quod minimè licuisset, sed Patris jam demortui caput expressit, fidem faciente iterum *Ursino*. Ipse verò, teste *Dione*, *Triumvir* erat monetæ cudendæ cum *Silenna* & *Pulchro*, imperante *Augusto*: verumtamen ab eodem motus munere, in ipsa *Curia* veste lacerata corpus denudavit, enumeratisque militis suis cicatrices ostendit. Postea vel

*Ursin. apud
Pat. p. 156.
Dio Cass. L.
III.*

vel Ædilis, vel Prætor factus, Ludos fecit gladiatorios, sub quibus ipsis cum atrox seditio ac cædes Nucerinis inter Pompejanosque colonos exorta esset, ipse *Livineius* harum turbarum reus, cum cæteris illius maliautoribus exiliò mulctatus esse à *Tacito* describitur.

Tact. l. XIX.

VIII.

Tab. IV.

Num. VIII.

PUBLIUS. An fallor? an Numi VIII. apud me argentei atque minauti *Adversa* Neptuni caput præ se fert? Tridentem namque, quem penè conspicio, ei Sceptrum fuisse, & maritimi symbolum imperii haud ignoro. *TULLIUS.* Egregiè sententiam dicis: ast verò de Numeris supra appositis, nimirum XXXI. quid hariolaris? *PUBLIUS.* Davus hæc sum, non Oedipus, Tulli Venerande. *TULLIUS.* Et me ferè Apollo destituit. Lego namque in *Gotha Numaria*, cum in Numis Consularibus admodum frequenter occurrant ejusmodi literæ numerales, plures Antiquariorum, præcipuè verò Clarissimum *Vaillant*, mira ingenii sollicitudine adlaborasse, ut earum penetrarent mysteria, easque vel annorum certorum notas Chronologicas, vel rerum indices statuerent. Peculiariter quoque de hoc Numo tuo asseruisse Virum celeberrimum mox laudatum, notas numerales XXXI. numerum navium Carthagenensium denotare, quas Æmilius Bellò Punico II., cum Rege Antiocho gesto, ad Lilybæum Promontorium Siciliæ, oppræsserit. Quòd si hæc *Vaillantii* perstaret sententia, consequi videretur, vel ipsum Æmilium è Gente *Lucretia* fuisse, vel quempiam *Lucretiorum* huic pugnæ navali Quiritum strenuè interfuisse: in cujus proinde Rei memoriam *Lucius*. *LCRETIVS.* TIRO, qui hoc in Numo signatur, caput Neptuni una, altera parte Delphinum expresserit. Quoniam verò *Vaillantium* ipsum inspicere mihi non licuit, nullumque in Gente *Lucretia* Æmilium reperio, quod certò tibi edicam, hactenus non habeo. Præterea *Livius* hanc pugnam navalem ad Lilybæum describens, septem duntaxat naves ait ab Æmilio circumventas, non unam & triginta, reliquam verò classẽ Pœnorum fugatam.

Goth. Num. C. VI. p. 277.

Liv. lib. XXI. p. m. 316.

Libentius proinde in sententiam Eruditiss. *Liehe* concederem, affirmantis, ejusmodi in Numis Consularibus literas numerales, notas potiùs & calculos esse matricum, seu modulorum, aut typiariorum, quas Monetarii apposuerunt, ut inter tam multos modulos, quemcunque demum vellet, faciliùs arriperent, aut scirent, quot demum ejusdem moduli Numos percussissent. Cui ut fidem faciat, unum eundemque Calpurniæ Gentis Numum quater depingit: in quorum primo XVII. in altero XX. in tertio XXXVII. in quarto tandem & postremo CXX. clarissimè legas. Hanc si opinionem accipere libeat de numero XXXI. tuo in Numulo,

IX.

*Ursin. apud
Ratin p. 160.*

*Hygin. in
Delph.*

*Robert In-
struct IX.
pag. 28.*

amplecti quoque licebit id, quod de capite *Neptuni*, ac præcipuè de *Delphino*, cui insidet *Cupido*, conjecerat *Ursinus*; his nimirum imaginibus vix alia de causâ usum esse *Lucretium*, quàm ut *Casari* adularetur, Gentisque *Julia* originem à *Venere*, matre *Ænea*, quam è spuma maris natam comminiscuntur, demonstraret. *Delphinus* namque, *civis aquoreus*, teste *Hygino*, *Neptuno gratissimus*, perpetuum ferè maris est symbolum: cui si *Genius* infideat, unum è Diis marinis, vel *Melicertam*, vel *Palamonem*, vel *Portunum* intelligi vult *Dodicius*, *Robertus*. An verò æquorea hæc Numina alas gestârint, nullibi comperi: hic reor, *Delphino* *Cupidinem* insidere cum sæpe laudato *Ursino*, qui eundem omninò typum etiam sistit in *Numi Cordii Rusi*, aitque insuper, & in aliis reperiri.

*Liv. L. II.
p. m. 35.*

X. *PUBLIUS*. Ausimne hic pariter ex te sciscitari, an de hac Gente illa etiam *Lucretia* fuerit, quam tanta castimonie laude jactârunt *Quirites*? *TULLIUS*. Utique fuit, cui *Sextus Tarquinius*, filius *Tarquinius Superbi*, ultimi *Romanorum* Regis, vim intulit, nec strictò quidem pugione ad scelus adigendæ, nisi *Sextus* præter mortem æternam quoque infamiam eidem intentâset, comminatus, positurum se illam unacum mancipio pariter occiso eodem in lecto, ut omnes adulteram eam repèrent ac crederent. Hoc metu oppressa, convocatis deinde patre, marito, & propinquis, vindictam poposcit, ac præter omnium opinionem subito fatalem cultrum intra viscera sua adegit, laudanda castimonie amore, sed nece, quam ultrò sibi conscivit, damnanda. Hoc interim Regii Principis flagitium *L. Junio Bruto* anam suppeditavit, Regem ipsum *Tarquinius* urbe expellendi, ac diu jam concupitam *Reipublicæ* libertatem adferendi. Hac deinde florente Gens *Lucretia* summis muneribus atque magistratibus perpetuò inclita fuit.

XI.
Tab. IV.
Num. IX.
& X.

PUBLIUS. In multis hæcenus, quæ rem Numariam concernunt, liberaliter à te institutus, sin per te stare, postremis in *Numis Tabula* tuæ IV. perlubenter diligentie meæ periculum facerem: ac plurimum sanè gratarer mihi, si solus eos assequer, quoniam cæteris faciliores mihi videntur. *TULLIUS*. Agedum fac: facies autem voluptate mea multò maxima. *PUBLIUS*. *Adversa* utriusque monetæ Capite eodem *Cæsaris Augusti* decora est, quemadmodum docet par in ambabus *Legenda*: *CÆSAR*. *AUGUSTUS*. *PONTIFEX MAXIMUS*. *TRIBUNICIA*. *POTESTATE*. in *Numo IX*. victoria parva retrò adstans *Capiti Augusti*, quod in X. nudum est, laurum circumdat, ut recentibus eum palmis, fortè *Actiacis*, de hoste relatis illustrem designet. *Aversa* ubique medias habet literas trabales S. C. unde liqueat, has monetas *Senatus Consulto* &

& autoritate excusas. *Legenda* duos Triumviros Monetales sub Augusto constitutos describunt: lego namque in Numo IX. ni mea me vehementer fallat opinio; *Publius. LURIUS. AGRIPPA. HIR. Auro. Argent. Aere. Flandò. Feriundò.* In Numo deinde X. solum variat nomen: *Marcus. MÆCILIUS. TULLUS*, cætera monetæ priori per omnia consonant.

TULLIUS. Egregiè sanè, Optime Publi, ad unguem singula: proinde industriæ tuæ vadem certissimum tute ipse subiilli. *PUBLIUS.* Haud tamen etsi rectè legerim, exponere omnia nôssẽ: fugit me hactenus Pontificis Maximi dignitas, ac præterea Tribunitia Potestas tota me latet. *TULLIUS.* Utramque sequenti in Exercitatione, ubi Laciniam Quiritum Sapientiam in Titulis Imperatorum vestigabimus, plenius addisces. Ambos porrò hos Numos etiam *Ursinus* apud *Patinum* depingit, sed neque de *P. Lurio* quidquam, neque de *M. Macilio* in medium affert: nisi quòd *Marcum* aliquem *Lurium* referat ex *Tacito, Dione, Vellejo*, fuisse Sardinia Præfectum, cui in pugna Actiaca dextrum cornu navium Julianarum fuerit commissum: Item: *Maciliam* Gentem origine *Albanam* fuisse, sed per *Tullum Hostilium Regem* civitate Romana cum cæteris Albanensibus donatam, atque in Patricium Ordinem relata.

*Ursin. apud
Patin. pag.
161. & 162.*



DIALOGUS XVI.

De

Numis C. Marii Capitonis : &
C. Memmii.

TULLIUS.

I. **T**Antò equidem deinceps in te erudiendo breviori mihi esse licebit, quantò plures Monetas versabimus : neque enim omnia in omnibus Numis tam nova sunt semper atque peregrina, ut non eadem sapenúmero, aut non valde dissimilia occurrant. Fore non longè post reor, ut ego tibi de his differenti auscultem magis, quàm tu mihi: siquidem animò in rem Numariam optimè comparatò, & desiderio amplissimò es. Verumtamen quoties poposcerit res, ut uberior apud te sim, neque te, puto, neque me quantalibet moræ poeniteat. Tu sic de me statuas velim, & esse, ac fore me tibi, qualem se Lucilio suo Romanus Sapiens adpromisit. *Cupio nimirum (ut plenè mihi verba Viri summi assumam) omnia in te transfundere, & in hoc gaudeo aliquid discere, ut te doceam: nec me ulla res delectabit, licet eximia sit & salutaris, quam mihi uni sciturus sim. Si cum hac exceptione mihi detur Sapientia, ut illam inclusam teneam, nec enunciem, rejiciam. Nullius boni sine socio jucunda possessio est: immò nullum est bonum, quod commune non sit.*

II. **PUBLIUS.** Venerande Tulli, quàm fors non læva me tibi discipulum tradidit: primum est mihi decernere, quàm oppidò mei causâ Cleanthis ad lampadem sedeas, ut tot mihi lumina in tantis Numorum tenebris cottidie accendas: Mihi porro olei parum est domi: omne verò quod est, affluet certè, ut meâ industriâ diligentiam tuam enutriam. Tabula tua V. ad quam hodie accedimus, Numis sane curiosissimis constat: quorum licet pleròsque vel argenteos vel æreos teneam, vitio tamen ætatis propè singuli non modicum scatent, ut agrè profectò eosdem ita demum, quemadmodum tu, discernere valuissem. **TULLIUS.** Nimirum hoc pacto quærenda est veterum in Numis Sapientia, ut, cum obsoleta sunt æra,

ac

ac majori sui parte exesa, quemadmodum sapissimè solet, celebres ad-
eas Scriptores, quibus integra ea versandi fors propitia obtigit. For-
tunæ est certè, probas integrasque monetas indipisci, & hoc beatum
est: eximie verò industriæ, exesas multa vestigatione in integrum denuò
restituere, quod actò sanè labore jucundissimum est.

PUBLIUS. Numus I. Tabulæ hujus insolitum planè marginem habet, III.
undique incisum, ac veluti perpetuis dentibus rigentem: quæ isthæc apud *Tab. V.*
veteres fingendi ratio fuerat? **TULLIUS.** Nimirum *Serratus* est hic *Num. I.*
Numus argenteus atque minutus, cui undique incidendo monetæ spurie
ac *Subarata* ansam dedere. Supra te docuisse jam memini, scelestæ fal-
sariorum fraude quamplurimos Numos prodiisse, superficie argenteos,
corpore æreos, immò & ferreos: consilium itaque cœperunt Quirites, *Robert. In-*
monetas publicas non amplius margine integro, sed undique per ferram *strucl. V II p.*
inciso, excudendi, ut adeò per ipsa hæc vulnera Numi totius integritas *238.*
prospiceret. Ast ne sic quidem dolus omnis abscessit: fuere namque,
qui, majoribus præsertim in Numis, massam æream non modò laminâ
velarent argenteâ, sed argenteò circulo includerent, quem deinde pariter
omni ex parte incidêrunt, ut nemini tandem, nisi monetâ prorsus con-
fractâ, fraus iniqua pateret.

Hæc itaque tantâ malitiâ, cui nunquam cavere satis poterant Quirites, IV.
ceteros populos & præcipuè Germanos, Sæculò potissimùm VII. atque
deinceps adegit, ut crassitie omni seclusâ monetas suas quàm subtilissimas
efficerent, in latum solummodo extensas, literis & imaginibus plenissimis,
quos Numos à bractea *Bracteatos* dicere placuit. Verumtamen folium
argenti aurive tam tenue par minimè fuit usui quotidiano, tempori-
que ferendo, cum nimis quàm citò tot inter & manus, & loculos atter-
eretur. Quare rursus crassiores monetæ sunt cœptæ, *Grossique* appellatæ
à crassitie, mediocri tamen: *Grossus* namque à *crassus* deductum est.
Redeamus in viam, è qua, *Numo Serrato* abducente, nonnihil ex-
cessimus.

PUBLIUS. Si risum tenueris, cum forsitan halluciner, caput cœmi- V.
neum Numi hujus in *Adversa*, eleganter revinctum, lauròque decorum,
Junonis dicerem: avem namque, quæ adstat, pavonem interpretor.
TULLIUS. Rectè ais: quamquam enim Clariss. *Patinus* hunc Numum *Patin. de*
depingens, quod, nescio, volucris collum, aut aliud signum incurvum in- *Fam. p. 171,*
certum ac rude Deæ affinxerit, tuus attamen Numulus pavonem clarissimè
sistit. Quoniam porro *Junonis* nomine veteribus Luna est culta, quam
veluti

Tab. V.
Num. I.

Robert. In-
strucl. V II p.
238.

Joan. Christ.
Olearius
Isag. ad Ga-
zophylac.
Bracteator.
pag. 22.
Hoffm. Clavi
Monet. Ger-
man. cap. III.
pag. 122.

V.

Patin. de
Fam. p. 171,

Varro de Re
Rust. L. III.
c. 6.

veluti Reginam integer stellarum exercitus stipat : simulacro Deæ hujus pavonem addidère, quòd caudâ explicatâ tot speculis suis totidem sidera redhibere sit visus. Varro de hac volucre ait : *Huic natura forma è volucris palmam dedit, cælumque coloribûs, & speculis astra emulari.* Sed Principem hanc unacum pulcherrimo satellite suo plenius contemplabimur, ubi proprium de Deabus sermonem condixerimus.

VI. **PUBLIUS.** In *Aversa* deinde vir iste boves suos quò agit?

Aversa nōv.
Phil. P. II.
pag. 202. Sc.

PUBLIUS. Nimirum in *Coloniam* : at verò in quam demum, incertum. Nulla re *Populus Romanus*, exigua primùm pastorum manus, adeò increvit, quàm *Coloniis*, *Municipiis*, *Præfecturis*, ac postremò *Provinciis* suis. *Romulus* namque, ac cæteri *Reges*, deinde & *Respublica*, cum populum vicerunt, vix unquam funditus eundem exscindebant : sed cum arma jam posuissent, partem ejusdem *Romæ* traduxerunt, partem alteram patriis in agris relinquebant, tot novis colonis ex *Urbe* submissis, quot demum terræ frugali colendæ sufficere poterant. His porro locis ita institutis libertas permissa, & *Colonia* nomen impositum à *colendo*, vel *incolendo*. Quoniam verò dum agri exercentur, bobus maximè utimur, *Colonia* in *Numis* boum imagine frequenter expressa est, tum maximè, cum *Coloni* è plebe *Romana* selecti sunt : sin verò è militibus veteranis atque emeritis, *Monetarii* eam in rem indicandam signis militaribus æra signarunt. Quamquam & alia boum in *Numis* *Coloniarum* sit ratio : sive etenim *Coloni* cives essent, aut milites, cum factâ jam turmâ consisterent mox abituri, lustrari prius debebant antiquâ *Quiritum* superstitione, ut *Deos propitios* haberent : quod ut fieret, boves plerumque circum agmen semel iterumque sunt ducti, *Jovi* postea, aut alteri idolo immolati. Mox verò ut *Colonorum* exercitus cum ducibus suis & signis ad locum ipsum, in quem destinati erant, pertigère, per omnia rursus *Coloniæ* futuræ jugera boves aratrum trahere in gyrum debebant : neque obvii quilibet, sed album duntaxat bovem vaccæ pariter albæ jungi oportuit, quemadmodum cecinit *Ovidius* :

Ovid. Fastor.
IV. v. 824.

Alba jugum niveo cum bove vacca tulit.

Hæc interim obiter de *Coloniis* dicta tibi sufficiant : quoniam namque in *Numis* tuis aliquot etiam *Coloniarum* monetas contuitus sum, cogito eas post *Numos Imperatorum* *Appendicis* locò peculiari tecum *Dissertatione* expendere, ubi & de *Municipiis*, *Præfecturis*, atque *Provinciis*, nonnulla tibi suggerere licebit.

PUB-

PUBLIUS. *Legendam Numi hujus quomodo colligam?* **TULLIUS.** VII. *Aversa* Prænomen, Noménque ejus, cujus est moneta, recenset, dum legis: *Caji. MARII. Caji. Filii.* *Adversa* Cognomen quoque **CAPITONIS**, superaddit. Litteræ **CXXX.** utraque in Numi facie numerales sunt, & indices moduli utriusque, si Erudit. *Liebe* sententiæ, superiori *Dialogo* relatæ, insistamus. Qua in opinione vehementer me confirmat *Clar. Morellus*, qui apud laudatum *Liebe* in *Gotha Num.* animadvertit, sæpè aliàs errasse Monetarios, *Adversa* per incuriam indebitam *Aversam* jungentes, ut adèò Nummi occurrant, utraque sui facie genuini, qui tamen falsò diversas familias referant. Hujusmodi specimen exhibet *Gotha Numaria*, dum monetam depingit, quæ in *Adversa* Caput Apollinis sistit laureatum, cum titulo: **C. Egnatulejus**: in *Aversa* porrò Deam Salutem cum Angue, inque columna reclinem cum *Legenda: Manius Acilius.* Quod verò operis monetilibus publicis, id etiam falsariis accidit. Quare credibile est, providisse Triumviros Monetales, ut matrices seu moduli utriusque partis æqualibûs numeris signarentur, quibus conspectis citra operosam literarum & imaginum contemplationem, quos jungi oportuit, moduli promptè tutòque arriperentur. Sic de numeris interea tibi statuere licebit, esto, hæc etiam sententia omni difficultate non careat.

*Liebe in
Goth. Num.
C. VI. p. 229.*

PUBLIUS. At *C. Marius* demùm quis fuit? **TULLIUS.** VIII. Liqueat ferè ex omnibus cæteris ejusdem Numis, *Protriumvirum* eum sub Augusto fuisse, existimante *Ursino*, & quidem, ut addit *Patinus*, *Protriumvirum Colonia deducende.* Priusquam namque *Quirites* emitterent Coloniam, tres Viros, in hoc munus jam antea delectos, eum in locum submisère, qui & situm ejus terramque explorarent, & spatia agrorum Colonis venturis tribuenda dimetirentur: horum Triumvirorum quempiam si mori, aut quavis denique de causa abesse contigerit, aut impediri, *Protriumvir* substitutus est, qui nempe pro *Triumviro* absente id munus perficeret. Hoc pacto *Pro-Consul* quoque, *Pro-questor*, *Pro-prætor* appellatus est. Id verò minimè pronunciat *Ursinus*, an *C. Marius* per boves in Numo vel novam quampiam Coloniam emissam ab Augusto designârît, an verò vetustam illam in *Vagiennis*, quam *Eporadium* dixère, & quam *Vellejus* deductam dicit *An. Urb. DCLIII.* cum sextum Consul esset *C. Marius*, ejusdem *Marii*, quem Numus notat, aut *Proavus*, aut *Abavus*.

*Ursin. apud
Patin. p. 275.*

PUBLIUS. Ad Numum jam II. si libet, accedamus, & ipsum argenteum ac minimum, sed prope omnium, quos teneo, pulcherrimum & integerrimum. Capite ornatur in *Adversa* non parum venerando, in cujus barba cincinni promissi pulcro ordine dependent, & quod venusta laurea exornat. At, quodnam sit illud, minime intelligo. **TULLIUS.** Appositum

IX.
*Tab. V.
Num. II.*

Florus L. I.
c. 1.

ad dextram nomen : QUIREINUS: quod idem, ac *Quirinus*, an *Romulum* te ignorare finit? *Florum* de Rege hoc auscultat. *His ita ordinatis* (inquit) *repente cum concionem haberet, ante Urbem apud Capræ paludem è conspectu ablatum est.* *Discerptum aliqui à senatu putant ob asperius ingenium: sed oborta tempestas, solisque defectio consecrationis speciem præbuit.* Cui mox *Julius Proculus fidem fecit, visum à se Romulum affirmans angustiore forma, quàm fuisset: mandare præterea, ut se pro Numine acciperent.* *Quirinum in cælo vocari placitum Diis, ut Gentium imperiò Roma potiretur.*

X. Nomen hoc è diphtera Jovis indubiè extractum est, qui jam olim, mentiente *Virgilio*, Veneri de filio *Ænea* sollicitæ inter cætera Viri fata hoc etiam prædixerat: *Remo cum fratre QVIRINVS Jura dabunt.* Nihiloscìus tamen nominis hujus Etymologiam ab hominibus quærit, atque *Quirinum* vel à *quiri*. i. e. hasta seu telo, vel à *Quiritibus*, vel à *Curibus* devictis profectum esse comminiscitur *Ovidius*, dum cantat.

Virg. Æn. I.
295.

Proxima lux vacua est: at tertia dicta QUIRINO:

Qui tenet hoc nomen, *Romulus* ante fuit.

Sive quoddam hasta *Quiris* prisceis est dicta Sabinis,

Bellicus à telo venit, in astra Deus:

Sive suum Regi nomen posuere *Quirites*:

Seu quia Romanis junxerat ille *Cures*.

Ovid. Fast.
II, 475.

Ad lævamcapitis legis: *Caji. MEMMI. Caji. Filii.* Erat is ex gente *Memmia*, quæ cum ortam se jactaret à comite *Æneæ Mnesteo* (canit namque *Virgilius*:

Virg. Æn.
V, 117.

Mox *Italus Mnestheus*, genus à quo nomine *MEMMI*.)

idcirco *Quirinum*, ipsius ab *Æneæ* stirpe progenitum, in *Numo* suo signavit, ut sibi & Generi suo vetustissimæ originis gloriam æternum asse-
reret.

XI.

PUBLIUS. Non minus peregrinus & hospes sum in *Adversa*: latet me sanè omninò, quam videam sedere matronam velatam, cum face, & spicis, serpentibus, ni fallor, invecctam. *TULLIUS.* Ne te longius differam, *Cerere*m vides, quo nomine *Terram* coluere, illam nimirum *Deam*, de qua prædicat *Ovidius*:

Ovid. Me-
tam. V.
v. 341.

Prima *CERES* uncò glebam dimovit aratrò:

Prima dedit fruges, alimentaque mitia terris:

Prima dedit leges,

PUBLIVS. Jam de *spicis* nihil ampliùs dubito, symbolis utique frugalitatis, quæ Matrem legetum liquidò demonstrant: sed & de *face* occurrat, eam Deæ huic *Cereri* ideò fortassè additam, quòd eâ accensâ, cum filiam *Proserpinam*, sibi à *Plutone* raptam, undique quæreret, uteretur. *Serpentum* porrò causam adhuc ignoro. *TULLIVS*. Monendus mihi hìc es, aliter Numum tuum à Clar. *Patinò* depingi: levior námque apud eum foemina sellæ simplici insidet, quæ dextrâ colum, sinistrâ spicas duas cum papavere gestat. Tuo verò, ut vides, in Numulo, Matrona assidet velata, & gravis, in curru, spicas duas dextrâ, sinistra *facem* elatam clarissimè præ se ferens. *Patinum* porrò etiam Clar. *Vaillantium* fermè secutum esse, lego in *Goth. Numaria*: non tamen *Morellium*, qui *facem* pariter, non *colum* in manu *Cerere*s agnoscit. Parva nimirum in Numis Symbola majori sui parte atteruntur facillè, & Viros doctos certos esse tutosque Oedipos non semper sinunt.

*Patin. de
fam. p. 172.*

*Goth. Num.
C. II. p. 42.*

Nunc de serpentibus ne ultra ambigas, *Ovidium* iterum audi. Canit XII.
ille de *Cerere*, filiam quærente:

- - - - - frænatos curribus *angues*

*Ovid. Fast.
IV. 495.*

Junxit, & æquoreas sicca pererrat aquas.

Unde facem habeat, *Cicero* certiorum te reddit, iniquiens: *Proserpinam* quum investigare & conquirere *Ceres* vellet, dicitur inflammâsse tadas iis ignibus, qui ex *Etnæ* vertice erumpunt: quas cum sibi ipsi præferret, orbem continuò, peragrâsse terrarum. Sed amplius aliquid mentiri rursus audet *Ovidius*, subdens:

*Cicer. in Verr.
IV. 48.*

- - - - - immensum est erratas dicere terras,

*Ovid. Fast.
IV. 573.*

Præteritus *Cereri* nullus in orbe locus,

Errat & in coelo.

PUBLIVS. Facile jam etiam animus mihi præfagit, quamobrem *C.* XIII.
Memmius hanc Deam argentò suò radiare voluerit: Ludos nempè eundem *Cereri* fecisse disco ex *Legenda*: *Cajus MEMMIUS. ÆDILIS. CERCIALIA. PREIMUS. FECIT.* *TULLIVS*. Gnaviter legisti, placetque, nec ad *ÆDILIS*, neque ad *CERCIALIA*. nec tandem ad *PREIMUS*. te hæsisse. *Ædilium* fuisse, ut Ludos ederent, jam dudum dixi: deinde *Cercialia* Quirites per compendium ajebant, subaudientes Ludicra, aut Festa, vel Sacra: *Preimus* pro *Primus* dicere mos erat veterum, quemadmodum & in *Adversa* legisti *Quireinus*, non *Quirinus*. Verumtamen in hoc te decipis, quòd *C.* hunc *Memmium Ædilem* hìc descriptum eundem putes, cum eo, quem laudat *Adversa*, qui hunc Numum cudit. *Triumvir* erat,

U. fin. apud
Pat. p. 173.

qui hanc signavit Monetam, ut perhibet *Ursinus*, & gloriæ duntaxat, Genti suæ sibi que adstruendæ causâ, Majorum Avorumque quempiam laudare voluit à Ludis Cereris, quos *primus* fecerat. Cum namque tanta esset Quiritum vanitas, & arrogantia, ut nullam honoris umbram ac gloriæ dissimulare vellent, quin eam publicè jactarent, id planè ab iis prætereundum nunquam fuit, si quis Majorum quidquam Fastis dignum *Primus* vel edidit, vel fecit: quod plurimis exemplis Ill. Spanhemius pro more suo diffusè adstruit,

Spanh. T. II.
Diss. X. p. 97.

XIV.

Nolim attamen credas, hunc *C. Memmium Aedilem*, quicumque fuerit, Ludos Cereris Romæ ita *Primum* fecisse, quasi antea acti non fuerint. Restituit potius Ludos aliquamdiu intermissos, quàm instituit: etenim teste *Ludovico Vive*, doctissimo Commentatore Librorum *S. Augusti. de Civitate DEI*, longè profectò ante *Memmium* hæc Cereri festa fiebant. *Livius* namque disertè refert, cum *Terentius* cladem *L. Æmilii* ab *Hannibale* acceptam Romam ad Senatum perscripsisset, *sacrum anniversarium Cereris intermissum esse: quia nec lugentibus id facere est fas, nec ulla in illa tempestate matrona expers luctus fuerat*. Idem porro scriptor denuò percenset Anno decimo sexto Belli Punico II. *Dictatorem* (*Servilium Geminum*) & *Magistrum Equitum* (*Ælium Pætum*) *Cereales ludos ex senatus consulto fecisse*.

Vives in L.
VII de Civit.
DEI c. 20.

Liv. L. XXII
p. m. 349.

Id. L. XXX.
p. m. 563.

XV.

Ipsos ad Ludos quod attinet, celebrabant eos Matronæ vestibûs albis indutæ, luctum Cereris ob raptam *Proserpinam*, ejusque cum face peregrinationem repræsentantes, ut filiam inveniret. Romani Sacra eadem vestibûs pariter togisque candidis induti inspectabant, siquidem iis observatum, ut tunc Diis gratum esse censerent, si à lætis, neque funere pollutis celebrarentur. Sed & in sacris hisce ante noctem epulatus est nemo, à vino & Venere omnes abstinuere: interque præcipua fuerat, ut Sacris initiatos calidâ abluerent primum, quod castitati prodesse sibi persuasere. Polluti & immundi à Cereris templo arcebantur voce præconis: si porro impurum quemquam accessisse patuit, capite mulcebatur. In Circo factos esse hos Ludos prodit *Ovidius*, canit enim:

Alexand. ab
Alexandro
Genial. Dier.
L. VII c. 8.

Ovid. Fastor.
N. 391.

Circus erat pompâ celeberrimus, Deorum,

Primæque ventosis palma petetur equis,

Hic Cereris Ludi.

Scalig. Poet.
L. I. 32.

Animadvertit tamen *Scaliger*, alios fuisse *Circenses* Ludos, alios *Cereales*: hi namque postremi, ut ex *Kalendario Romano* edisci ait, pridie Id. April. initium habebant, octiduo durantes, ita quidem, ut *primus Cerealiū dies mox pompâ Circensi succederet*.

Cate-

Cæterum hæc Sacra Romani à Græcis petebant, ut notat Grævius in-
 quiens: *A Cerere, raptam Proserpinam accensis in Ætna facibus queren-*
te, Ethnici deduxerunt rationem instituti, quo in supplicationibus accen-
sis facibus longâ pompâ Deorum ad templa adierunt. Ritus ille magna
pars sacrorum Eleusiniorum (en! Græcorum) fuit: qualicet omnium myste-
riorum occultissima summò obtegerentur silentiò, id tamen inter cætera
emanavit, in iis & gestatas præcipuè, & jactatas faces fuisse. Psyche
enim Cererem sic propitiat apud Apulejum: Per ego te frugiferam tuam
dextram istam deprecor: per currum rapacem, & terram tenacem: & il-
luminarum Proserpina nuptiarum demeacula (quia nimirum in supplicatio-
ne faces sine lumine erant) & luminosarum familie inventionum remeac-
ula (quod à sacris redeuntes ob gaudia filix per matrem inventæ exarserint
faculae,

XVI.
 Græv. Thes.
 Antiquit.
 Rom. T. XII.
 p. 997.

Apulej. Me-
 tam. VI.
 p. 174.

PUBLIUS. Miror ego tuam hodie de Cerere facundiam: ast, ne quid
 verum dissimulem, vereor valdè, ne multis haud dignæ videantur hæ fabu-
 læ, in quibus ingenium nostrum teramus. **TULLIUS.** Profectò indignæ
 sunt, si nil præter fabulas quæramus: cum verò plenè sapere volueris,
 multa ex his petere, quæ disciplinæ sint tibi, licebit. Frange nucem, abji-
 ce corticem mendaciorum, nucleum mythologicum gusta: Cereris Sacra
 ad Mensam, in qua jugiter sedes, Dominicam traduc. Nonnè tunc te
 vestium candor, faces ardentes, suppliciò capitis statuta castitas, prævia so-
 brietas, arcana Sacrorum Cerealium mysteria erudient probè, quinimò con-
 fundent? Neque dubio vacat sacrosanctam Ecclesiam nostram quampluri-
 mos ritus, rejecta superstitione, atque sacrilegis ethnicorum deliriis, ve-
 ram ad Religionem, atque Divinum in cultum transulisse. Nonnè & nos
 Cererem nostram Divinam, Panem Angelorum, solemini cum supplicatio-
 ne, albis cum vestibus, ardentia inter lumina deferimus? nonne cum gau-
 dio & tripudio, cum cymbalis & tubis benesonantibus? Nòsse itaque re-
 rum origines, & longius subinde vestigare Viri cordati, quibus ratio &
 prudentia domi sunt, minimè absonum jactant. At quibus, Simiæ more,
 sua ruditas & ignorantia placent, illi strepunt, illi furunt, illi oleum & ope-
 ram perdi rerum antiquarum vestigatione plenèis buccis, totisque animis vo-
 ciferantur.

XVII.

PUBLIUS. Parce, Tulli venerande, ego hanc bilem si tibi. Hanc op-
 portunam reor discendi rationem, si tirones subinde à Magistris in speciem
 diffideant, quo uberius doceantur. Hoc etenim pacto discunt & ipsi, cum
 fortè occasio tulerit, mastigibus artium salubri subinde helleborò medicari.
 Unum proinde ut adhuc des mihi, neque succenseas, etiam atque etiam te
 & vehementissimè oro. Erunt fortasse nonnulli, qui dicant, lepidam esse,

XVIII.

quàm è fabulis petimus, esto ad id valeant, morum disciplinam: domi nobis, qui lumine fidei illustramur, eandem multò luculentius, uberius, atque præstantius esse, qui Codices sacros, qui Patres, qui Vitæ sanctioris Magistros affatim habemus: Soli facem accendi, aquam mari affundi, cum à ridiculis Pœnis, & deliris Quiritibus Religionis præcepta repetimus.

XIX. **TULLIUS.** Non ego tibi indignor, sed contra hostes Antiquitatis te munio. Cum in Musæo tuo sedulus confides, & mortuis auscultas, Libris puto, qui sine temporis furto, sine ambitu, sine mollitie, sine scurrilitate, levitatèque, quam recondunt, sapientiam eloquuntur tibi: dolet hosti antiquo Generis humani, quod eruditæ intentum lectioni, surdum reperiat suas ad incantationes, neque videat cum sociis intemperantem, discolum, ridiculum, lascivum, detrahentem, aut somnò fœtidò computrescentem. Idcirco doctorum in te concitat senatum, qui terribilibus te argumentis profanum, incurium religionis, delirum cum veteribus incusent. Sed sine ista, Publi optime: quid nisi larvæ sunt, prætereaque nihil? Profanum, crede mihi, non lectio reddit, sed finis & actio: ut adeò non male Grynæus olim ad Lectorem perscripserit: *Bonorum sacra omnia studia sunt: Æquè enim commodis & incommodis, ut vita, sic & vita imago historia constat, cujus magna pars fabula. In usu porrò vita sita vita prudentia est.* Si deinde religionis incuria sit, post ea, quæ DEI sunt, fideliter acta horas reliquas doctò fallere otio, quæ, obsecro, eorum religio, qui subséciva & benè multa tempora jucundè levitèrque cum sociis transigunt?

XX.

Psalm. 18.

Delirum postremò minimè est, si is, qui cum Apostolo sapientibus & insipientibus debitorem se scit, nox fiat, ut ad mentem Regii vatis nocti indicet scientiam. Quanti hodie sunt, qui Moysen, qui Prophetas non audiunt? qui non obediunt Evangelio? Horum noctem obscuram ut penetres, nox certè fias, necesse est. Viros Ninivitas cum eis in judicio statuas: dic, inquam, & doce, & apud Ægyptios, & apud Græcos, & apud Romanos religionem fuisse perpetuam: omnes, cum bonis egerent, supplicasse diis suis, cum flagella malorum plagasque dolerent, cœlum placasse. Sic armabis remordentem conscientiam, sic ejus flagella apud duros & incredulos tandem cum sensu sævire efficies. Dixerunt etenim impii: *Non est DEUS*: & quando demum apud hujusmodi verbò DEI proficies? Hi, cùm spiritui resistent, quomodo Ecclesiam audient? quomodo scholarum placita, & dogmata concedent? sanè apud hos tales Timori Domini via per fabulas & historias commodius sternenda videtur, nisi talis sis, ut per signa & prodigia possis. Parum aliqui reputant, se DEO, quem non vident, non obsequi: ast contra torrentem hominum, quos vident, eosdem ire cùm docueris, & videbunt stultitiam suam, & palpabunt,

Est

Grynæus
Epist. ad
Lectorem de
utilit. legen-
de Hist.

Esto autem, cum talibus tibi agendum non esse, inspicere, obsecro, nobilem hac nostra ætate juventutem: Vide Viros, qui ad clavum Reipublicæ sedent: Iultra eorundem, quas splendide instruunt, Bibliothecas. Quid demum reperiēs, nisi insatiabilem pruritus vetera pernoscenti? Quam itaque ille non desipit, qui hos inter Medicum aget prudentem, & graviter morbidis, amara & invisa per se pharmaca, iis ipsis in cibis, quos unice appetunt, propinat. Doctores hodie rerum antiquarum sunt multi: sed non omnes Patres: ut quisque ipsemet sapit, eloquitur. Cui venenum regnat in venis, quid nisi toxica cæteris afflat? O utinam multi, qui sancta sunt charitate, religione pura, ea scriberent cum charitate non ficta & sancta, quæ nisi exhibueris hodie mundo, à veritate quidem averfabitur, ad fabulas verò, aliorum illitas venenò, convertetur.

PUBLIUS. Copiosè, me hercle, graviterque, atque religiosissimè differis: nec quod reponam tibi, opportunius habeo, nisi ut candidè profitear, nunc demum me assequi, quod in Religiosissimo Scriptore *Jac. Pontano* è S. J. non parva cum admiratione nuper admodum legeram. Cum enim studium suum, quod ad literas elegantiores, & procurandam in adolescentibus latinæ dictionis puritatem adpulerat, tueretur, sic quoque inter alia inquit. *Atque ut eò libentiùs huic oneri succederem, fecit perpetua mea in hanc nobilissimam partem studiorum inclinatio, quam florere ac celebrari etiam atque etiam, vehementerque cupio: Cum & ad usus vitæ plurimos, & ad res difficillimas atque gravissimas, ad Ecclesiam denique Catholicam cobonestandam, contraque vesanos hereticorum furores tutandam, non leve in ea momentum inesse nulla ratione dubitandum sit. Quòd si tantum valeat puritas dictionis, quæ minimæ pars est antiquitatis, quid ipsa veterum poterit Mythologia è pulveribus vindicata, quæ multò amplius à quamplurimis flagitatur? Ego proinde dictis tuis, Auspice*

DEO, quàm qui maximè, quàm qui diligentissimè, obaudiam.

XXI.

XXII.

*Pontan.
Progymn.
Latinit.
Volum. I.
in Prefat.*



DIA-

DIALOGUS XVII.

De

Numis T. Minutii Augurini, Q. Minutii, & L. Mussidii Longi.

TULLIUS.

I.
Tab. V.
Num. III.

Fluctuans propè de studii nostri æquitate animus tuus, optime Publi, cum sine superioris Dialogi ad ea tecum differenda me transtulit, quorum causâ hos nostros sermones mutuo conferre non cœpimus. Nunc itaque Numos cæteros, quos habes, familiarum alacrius jam persequamur. *PUBLIUS*, Argenteus hic Numulus III. *Tabula* tuæ V. cum marginem suum supra potissimum temporis injuriæ cesserit, talis certè, qualem tu depinxisti, mihi minimè videri poterat. *Adversa* equidem Caput fœmineum in Galea alata, cæsarie decore defluente, margaritis circum collum lucentibus, satis integrè sistit cum titulo: ROMA: quam porro referat Deam, ignoro. *TULLIUS*, Hujusmodi Caput, quale tuis in Numis sæpius deinceps intueberis, *Romanam* ipsam designat: quæ, quoniam à *Romulo*, *Martis* filio, mediis in Armis instituta est, armata plerumque in Monetis depingitur, sive capite, sive corpore toto compareat. Galeæ ejusdem perpetua ob bella jugesque triumphos ferè semper *Ala Victoria* affingitur. Magnificè de Armorum ejusdem potentia *Ovidius*:

Ovid, Fast. I.

Roma tuum nomen terris fatale regendis.

- - ipsa suas Roma timebat opes.

Idem porro Matri ac Patriæ suæ, Orbis ac Gentium Dominæ, invidenda sanè cæteris omnibus Urbibus, at non aded immerita elogia ita alibi tribuit:

Gentibus est aliis tellus data limite certo:

Romanæ spatium est Urbis, & orbis idem.

Juppiter arce sua cum totum spectet in orbem,

Nil nisi Romanum, quod tueatur, habet.

PUBLIUS. *Aversam* multis sanè imaginibus refertam, Legendâ penè ~~omni abolitâ~~, nisi quod extrema literarum puncta circumstant, colligere mihi

mihi tantum non impossibile foret. Conspicua quidem superest columna, virique adstantes: imaginis verò super Colossium, hastæ insuper ac parmæ non nisi postrema supersunt vestigia: spicas verò clarissimè cerno. At quid portendant hæc omnia, me penitus latet. *TULLIUS*. Omnis Numi hujus cognitio ab historia pendet. Primum itaque *Legendam* picto ex Numo sic restituas velim: *Titi. MINUCII. Caji. Filii. AUGURINI*. Nunc porrò Gentis *Minucia* historiam ex *Livio* potissimum accipe. Eam initiò *Patritiam* fuisse, sed *C. Minucium* ex eadem omnium primò ad *Plebem* liberè transisse, posita nimirum seu abdicata *Patricia* dignitate, ut hac ratione *Tribunus Plebis*, quorum deni solummodò esse debebant, extra ordinem videlicet undecimus fieret, idque An. Urb. CCCXXIII. equidem *Plinius* narrat: cui attamen *Livius* manifestè refragari videtur. *Sequentia* tamen de *C. Minucio* testatur.

Plin.
L. XXXIV.
c. 5.
Livius L. IV.
p. m. 16.
II.

Cùm An. Urb. CCCXIII. ob cariam annonæ *Populi* seditio oboriretur, & *Patres* plebem desidem in agris scilicet colendis, contrà *Tribuni Plebis* *Consulum* negligentiam in frumento procurando arguerent: instante plebe, ac *Senatu* non adversante, *Præfectus Annonæ* constitutus est *C. Minucius*. Eo verò in magistratu melior erat ad custodiam libertatis (insit *Livius*) quàm ad curationem ministerii sui: quamquam postremò *Annona* quoque levata haud immeritam & gratiam & gloriam tulit. Libertatis porrò *Custos* effectus est, cùm *Spurii Melii* affectatam tyrannidem prodidit. Hic namque *Equestri* ex ordine, & illis temporibùs prædives, rem utilem pessimò exemplò, pejore consilio est aggressus: dum ingentem frumentorum copiam, pecuniis suis antea corrogatam, eo fine liberaliter populo largitus est, ut ejus favore *Consulatum* capefferet: quin immò & de regno adipiscendo consilia agitavit. Delatus verò ob frequentes apud eum *Populi* conventus per *C. Minucium*, à *Dictatore* mox in *judicium* postulatus, cùmque se sistere noller, à *Magistro Equitum* interemtus est. Inspectabat hanc *populus* cædem, eamque ægerrimè ferre nova jamjam seditione coeperat: sed hanc *C. Minucius*, prædicante id denuò *Plinio*, brevi composuit. Quare tam benè merentem *Minucium* *Senatus* quidem ob proditam *Melii* tyrannidem, non *bove aurato*, ut equidem, sed corrupte, apud *Livium* legitur, verùm *bove & arvo* (quemadmodum locum istum à *Gronovio* corrigi lego in *Gotha Numaria*) donavit. *Populus* verò eidem ob levatam *Annonam*, & quòd tribus in nundinis frumenta à *Melio* relicta ad *assem* redegerit, stipe in id conlata extra *Portam Trigeminam* statuam posuit: *Plinius* ait columnam.

Goth. Numaria. C. VI.
p. 233.

Nunc nullò negotiò tibi *Numum* expono, quem *T. Minucius Augurinus* eo consilio excudit, ut in eo decora *C. Minucii* memoriæ restitueret,

IV.

T

unàque

Ursin. apud
Patin. p.
179.

unâque & suam, & gentis omnis *Minucia* gloriam vulgaret: moneta namque eundem præfectus erat, teste *Ursino*. Columna itaque cum imposita statua, quam *C. Minucio* Populus posuit, medium tenet: spicæ, quas infra exurgere conspicias, Præfectum Annonæ designant: Vir togatus à dextris, manibus deferens panes à se populo distributos, lævoque pede elato globum calcans, *Spurium Melium* notat, qui in fraudem Reipublicæ ac libertatis, conciliatio sibi per largitiones populò, tyrannidem, sive Regium affectavit imperium, cujus symbolum est globus. Virum ad lævam *Ursinus* existimat *Marcum Minucium Efestum*, qui primus è plebe Augur hac è gente effectus est An. Urb. CDLIII. *Livio* iterum perhibente: ejus rei indicium vides lituum, seu baculum recurvum, quo Augures usi. Nisi fortè alius adhuc fuerit è gente *Minucia*, Auguratus officio tam dexterè functus, ut exinde cognomen *Augurini* eidem totique familiæ suæ adhæserit: quemadmodum *Marcus* à Censura egregiè gesta *Censorinus* in Fastis est compellatus. Nomen: ROMA, quod supra penes statuam legis, eandem inibi, non alibi *C. Minucio* positam testatur.

V.

Tab. V.
Num. IV.

PUBLIUS. Pulcherrimè hunc Numum ex historia enarrasti, quæ multam mihi voluptatem attulerat. Ast, quem nunc teneo, quantum hujus *Tabula* Numum subæratum, atque minutum, in fabula potius mihi requirendus videtur: ad eandem tamen gentem *Minuciam* eum referre deberi *Legenda* me ignorare non finit, quæ habet: *Quinti. MINUCII.*

Ursin. apud
Patin. p.
180.

TULLIUS. Pertinet omninò: dubitat tamen sæpè laudatus *Ursinus*, an *Quinto Minucio Cati filio Cati Nepotæ, Ruso* cognomine, tribuendus sit, qui Ædilis plebis fuit An. Urb. DLIII & Consul cum *Cornelio Certhego* An. DLVI. atque de Liguribus & Bojis in Monte Albano triumphum egit: an verò *Quinto Minucio Q. F. Ruso*, qui Dux in Asia fuit contra *Mithridatem* An. Urb. DCLIII. teste *Appiano*. Nos ad imagines trans-eamus. *Adversa Roma* caput galeatum alatuniquè sistit, quale moneta anterior *PUBLIUS*. Sed Crux ad lævam apposita sibi quid velit? *TULLIUS*. Non Crucem, sed literam X. numeralem existima, Denarii notam, unde discas, hanc monetam subæratam, quæ argenteam mentiebat, denos æris, seu asses valuisse.

VI.

PUBLIUS. Equites nudos, juvenes, pileatosque *Aversa* quos credam? *TULLIUS*. Par nobile vides Deorum, quibus *Castoris & Pollucis* sunt nomina: atque hi frequenter admodum in Numis Familiarum occurrunt. Eorum Genesim alia & alia fabula ridiculam reddit. Cum namque vatum omnium mendaciis asseratur, *Jovem* in cygnum transformatum, *Ledam*, *Tyndari* Regis Spartani uxorem adamasse: alii volunt, eam, simul è marito gravidam, uno partu hos gemellos enixam esse, &

Casto-

Castorem quidem immortalem, cum e *Jove* natus esset, mortalem verò *Pollucem*, utpote *Tyndari* filium. *Tertullianus* econtra asserit, creditum fuisse, eos ovò ororinò exclusos, dum inquit; *Ovæ honori Castoris & Pollucis adscribunt, qui illos ovò editos de Cygno Jove credendò non erubescunt.* Utcunque vero prodierint, tam summa inter eos fuisse animorum conjunctio fingebatur, ut *Castor* immortalitatem suam fratri *Polluci* communem faceret, atque adeo alternis vel annis, vel diebùs, apud Superos alter, alter apud Inferos moraretur; quam in rem canit *Virgilius*:

Tertull. de Spectac. c. VIII.

Si fratrem Pollux alterna morte redemit,

Itque reditque viam toties.

In terris cum essent, equis unus domandis, alter cæstibùs, seu Pugilum luctâ delectabatur; qua in exercitatione cum more patriæ, *Laconum* nempe, pileis uterentur, cum iisdem quoque pinguntur, idcirco *Fratres pileati à Catullo* appellati. Summam porrò ob concordiam alteri mendacio ansam præbuere, *Zodiaco* nimirum eosdem insertos, ibidem signum *Geminorum* constituere, quemadmodum nugatur *Horatius*:

VII.

Hinc clara Gemini Signa Tyndaridæ micant.

Quod ut innuant, duæ in Numulo tuo stellæ amborum suprà capita micant: quæ si, fervente maris tempestate comparerent, ac veluti carbasis insiderent, bono omine à navigantibus acceptæ sunt, qui se tunc, *Castoris & Pollucis* Numine præsentis pereundi, periculo jactabant exemptos. Auctor est *Catullus* his versibus:

Ac velut in nigro jactatis turbine nautis

Lenius adspirans aura secunda venit;

Jam prece Pollucis jam Castoris implorata.

Catull. L. XVIII. 63.

Romanis Tutelaria fuere Numina, *Soteres* dicti, i. e. *Servatores*: quo id meritò suò, sic *Florus* enarrat. Latinis Regum Romæ expulso- rum suscipientibus, utroque à Populo Romano videlicet atque Latino, ad Regillum lacum diu vario atque ancipiti Marte pugnatum est, tantæque atrocitas fuit prælii, ut interfuisse spectatores Deos fama tradiderit duos in equis candidis: *Castorem & Pollucem* nemo dubitavit. Itaque & Imperator (*Posthumius* videlicet Dictator) eos veneratus est, nactusque victoriam templa promisit, & reddidit sane quasi comilitonibus Diis stipendium. Hoc totum verò excogitatum esse à *Posthumio*, ut exercitum suum tantò ampliùs ad pugnam animaret, è *Cicerone* animadvertit

VIII.

Flor. L. I. c. 41.

Joan. Camert. ad Flor. b. l. Dionys. Halic. L. VI. p. 352. Lexic. Pittisc. voce: Castor.

Frontinus, quemadmodum ad hunc *Flori* locum annotat *Joan. Camertes*. Sed impudentius aliquid insuper comminiscitur *Dionysius*: eâdem videlicet pugnae vesperâ visos Romae duos juvenes, qui equos sudore diffuentes in lacu Juturnae juxta Vestae templum abluerint, & ante omnes milites urbi nuntium victoriae tulerint. Quare *Castoris & Pollucis* templum è vestigio Romae exstructum est: quod sequiori ævò primum *L. Metellus*, iterum deinde *Tiberius Imp.* restituit, ac dedicavit. Veteribus porro in lapidibus *Castor & Pollux* non rarò *Dii magni* appellantur: quoniam implorati à parentibus pro salute liberorum ægrotantium, vitæ gratiam eisdem fecisse iterum iterumque credebantur.

IX.

Tab. V. Num V.

PUBLIUS. Quid mirum, tam felices tot Numinibus Quirites fuisse? Sed si dextra mihi sonuerit tibia, cum Numi V. typum arripio, foetidam quam nescio Deam tantum non naribus praesentio. *Adversa* quidem speciosa est, caputque foeminae, *Cynthiae* adinstar, radiis undique pandit illustre: *Aversa* porro, cum cetera omnia nullus intelligam solò nomine haud integro: *CLOACIN*. olidum aliquid mihi praesagit. *TULLIUS*. Adverte sis animò: venustissimam liquidem audies ex *Lactantio* fabellam: *Cloacina* (scribit ille) simulacrum in cloaca maxima repertum *Tatius consecravit, & quia, cuius esset effigies, ignorabat, ex loco illi nomen imposuit.* *PUBLIUS*. Belle cum Diis agitur, è cloaca ad aram. *Cloacina* itaque nomen, nec aliud, speciosae huic Deae? *TULLIUS*. Immo aliud: *Veneris* insuper. *PUBLIUS*. Probè cubat dea tam munda in loco mundissimo. *TULLIUS*. Tu tamen jam patere, ut lumen affundam. Simulacrum audisti in cloaca maxima repertum, idolum fortean venustum scitè & affabrè fictum: huic, non quia *Venerem* sisteret (cujus namque effigies foret, ignoratum) sed quia pulchrum erat, *Veneris* nomen, & quidem *Cloacina* adhæsit. Nonnè & nos rei perbellae atque amoenae multas inesse veneres jactamus? *PUBLIUS*. Probè te capio.

X.

Isidor. L. VIII. c. 6.

Dionys. L. III. p. 100.

TULLIUS. Cloacae deinde nomen abhorruisse Quirites tantum adest, ut potius inter magnifica omnia amplissimae urbis & ditissima loca cloacas primo propemodum locò connumerarent. Herculem sanè ad *Augiae* stabulum fordibus suis mundanda urbs tanta poposcit, de qua fari non addubitavit *Isidorus*: *Roma sola urbs, cetera oppida.* Montibus illa undique incincta, in tanta populorum frequentia, tot plateis vitisque amplissimis trita, immensam quotidie colluviem subiit. *Dionysium*, obsecro, audi. *Mibi sanè (inquit) tria magnificentissima videntur, ex quibus maximè apparet amplitudo Romani Imperii, aqueductus videlicet, via frata, & haec Cloaca, reputanti non solum utilitatem operum, verum etiam impensarum magnitudinem: quam vel hinc licet conjicere, quòd,*

ut affirmat C. Aquilius, neglectas aliquando cloacas, quæ aquas non transmitterent, censores mille talentis, (hoc est, sexcentis aureorum millibus) purgandas locaverint. Cui ampliorem ut fidem adhibeas, ex *Vitruvio*, quænam fuerint cloacæ, ac cui demum usui, quàm brevissimè, te instituiam. Fossæ erant subterraneæ, sive pontes, fornicesque concamerati, ingentis latitudinis & longitudinis, deducti subter medias urbis vias, & universas earum moles, ac pondera domuum, palatiorum, templorum, circum, amphitheatrorum sustinentes, præterea verò, quidquid demum in iisdem sordium, sive humorum erat, siccantes subito atque purgantes. Has super cloacas ac fornices earum urbe tota viæ publicæ quodammodo pensiles erant, eaque septem veluti amnes, torrentium instar rapidorum, subter urbem undique decurrentes, quidquid immunda redderet fora, momentò in Tiberim intulère. Præbuerunt præterea ignibûs subinde furentibûs & grassante incendio, aquarum vim maximam, & si terram moveri contigerit, quod Romæ certè non infrequens est, furenti in terræ visceribus solo fornices isti sub urbe perpetui maxima sui firmitate plurimo urbis ac civium bono obnitebantur.

Vitruv. ap. Pitisc. Lex. antiq. Rom. voce: Cloaca.

PUBLIUS. Miranda admodum dicis, ac propè in eo est, ut *Veneri Cloacina* radios suos non tantum opinione mea non demam, sed augeam. **TULLIUS.** Nihil quidem Cloacarum præstantia ad *Venerem*, quæ inde solùm *Cloacina* meruit nomen, quòd in *Cloaca* maxima, ut audisti, inventa sit: quamquam non desint, qui *Cluacinam*, non *Cloacinam* dici debere contendant, *Plinium* sequentes, apud quem legunt: *Ita traditur, myrtheâ verbenâ* (i. e. fronde) *Romanos, Sabinosque, cum propter raptas virgines dimicare voluissent, depositis armis purgatos in eo loco, qui nunc signa VENERIS CLUACINÆ habet. Cluere enim antiqui purgare dicebant.* Quam certè sententiam multùm confirmat, sustinetque *Chronologiæ* ratio: neque etenim *Titus Tatius*, Sabinorum Rex, sub quo Virginum raptarum causa bellum Sabinos inter Romanosque jam proximè ardens subitâ concordia restinctum est, idolum incertum in *Cloaca* maxima reperire potuerit, quod suprà *Lactantius* aiebat, quoniam *Cloacæ* primùm sub *Tarquinio Prisco*, longè itaque post *Tatium*, Romæ fieri cœpisse vel ex *Livio* constat. Præstantissimus proinde *Ursinus* mediam reperit viam, cui videtur, gemina Romæ *Veneris Cloacina* signa fuisse. *Cluacina* à cluendo, seu purgatione Romanorum & Sabinorum dictæ, solus meminit *Plinius*: at *Cloacinam* à *Cloaca* appellatam, præter supra allatum *D. Lactantium*, SS. quoque *Cyprianus* & *Augustinus*, *Varro* item atque *Arnobius* diserte adstruunt.

XI.

Plin. L. XV. c. 29.

Ursin. apud Pat. p. 184.

XII.

Appositè porro omninò in hanc rem quadrat locus ille, & jocus *Plauti* Comici perantiqui, dum inquit:

Plaut. in
Curcul. AB.
IV. Scen. I.
v. 10.

Qui perjurum hominem vult convenire, mitto in Comitium:

Qui mendacem & gloriosum, apud Cloacinæ sacrum.

Tertull. de
Pall. c. IV.
p. 50.

Quibus postremis *Plauti* verbis insignem fœneratur lucem *Tertullianus* alicubi inquit: *Quòd si jam tunc locorum Diogenes de dolio latraret, non cœnulentis pedibùs (ut tori Platonici sciunt) sed omninò totum Empedoclem in adyta Cloacinarum detulisset: ut qui se calitem delirârat, sorores priùs suas, dehinc homines Deus saluaret.* PUBLIUS. Non minùs ego obscurum reor *Tertullianum*, quàm *Plautum*. TULLIUS.

Spanhem. T.
II. Diff. X.
p. 191.

Haud diffiteor; attamen cum III. *Spanhemio* incomparabilem tibi Commentatorem doctiss. *Salmasium* adduco, qui obscuris *Tertulliani* scriptis de *Pallio* notas peregregias adjecit, atque hunc locum, ejusdem, non parva alias caligine scatentem, ita ferè exponit.

XIII.

Salmas. in
Not. ad Ter-
tull. L. de
Pall. c. IV.

Diogenes olim, cum *Platonis* fastum retundere vellet, stratum, seu torum ejusdem cœnulentis pedibùs suis calcavit cum dicto: *Calco fastum Platonis*. Quòd si verò *Empedoclis* etiàm ætate vixisset, ejusque fastum, quo se deum a civibus suis Agrigentinis haberi voluit, è dolio suo, quod inhabitabat *Diogenes*, vidisset; profectò, inquit *Tertullianus*, totum *Empedoclem in cloacinarum adyta*, h. e. in cloacas præcipitem dedisset; quamobrem? ut nimirum, quoniam se calitem esse delirârat, sorores priùs suas, *Cloacinas deas* seu *Veneres*, putribus undique sordibus tectidas tabidasque, pari cœno immerfus saluaret, deinde sic undique comtus ornatùsque primùm ad homines procederet, colendus ab iis ut deus, quibus liberet stercora adorare. Homine nimirum semetipsum laudante atque extollente nihil undique putidius est; talis porro cùm esset *Empedocles*, idcirco eidem *Tertullianus* *Cloacinas* deas veluti sorores attribuit. Pari sensu etiam *Plautus* suprà, mendacem & gloriosum hominem non alibi, quam apud *Cloacinæ sacrum*, seu statuam *Veneris Cloacina* conveniri volebat.

XIV.

Lexic. Eru-
dit. Lipsiens.

Benè tamen ipsi quoque *Salmasio* cessit, viro doctarum Crisum, Philologiæ, Linguæque Græcæ utique peritissimo, se à *Diogene* conspectum non esse, tum præsertim, cùm in regia aliquando Bibliotheca Parisiensis cum summis viris *Gaulminio*, *Mausacòque* versaretur. Illis enim fiducia studiorum suorum dicentibùs, confitere se, quòd si docta omnis Euròpa eruditione contendere vellet, triadem suam palmæ securam fore: *Et vos, inquebat non sine fastu Salmasius, cateris accedite, solus ego omnibus* vobis

vobis suffecero. Erat nimirum Crisi in omnes asperrima, quosque reprehenderat aliorum errores, eosdem inhumanissime atque inclementissime habuit, certò certius à *Plauto* ad *Cloacinæ* sacrum conveniendus. Ceterum ut puer decennis jam græcis ac latinis versibus egregie valuît: annò ætatis XV. *Florum* edidit: quamplurima præstantissima orbi erudito scripta reliquit: à *Christina*, Sueciæ Regina, tanti habitus, ut ei aliquando frigenti focum ipsamet succenderit. Conjugem ejus admodum ambitionis docti illius temporis per jocum *Junonem Salmasianam* suis in epistolis appellavêre.

PUBLIUS. Quò te hodie vertit *Calliope*, *Tulli* venerande? Egregie à te adducta hæc singula: ast eccur **LUCIUS.** **MUSSIDIUS LONGVS,** qui in *Numo* describitur, *Venerem* signârit *Cloacinam*, necdum hætenus edixisti, neque cæteras imagines exposuisti. **TULLIUS.** *Ursini* Celebrissima sententiâ est, hunc *Mussidium* gentis suæ vetustissimam originem à *Sabinis* hoc pacto prædicare voluisse: *Venerem* namque istam *Tatius* *Sabinorum* Rex reperit atque dedicavit. Et quoniam hoc simulacrum in *Foro Comitiorum* colebatur: idcirco in *Aversa* expressit *cancellos*, quibus locus *Comitiorum* incinctus erat, adjectâ à dextris scalâ, portâque, per quam ad *Comitia* vocati sunt intromissi. Ibidem namque convocatis seu *Tribubus*, seu *Curiis*, sive *Centuriis Populi*, eligebantur Magistratus, vel *Plebiscita* edebantur, sive de Bello aut de Pace consilia agitabantur, hoc pacto, ut, quorum id fuerat, suffragia sua in urnas immitterent: id quod in *Numo* geminas personas togatas actu agere vides. *Cloacin*, infra adscribitur, quoniam hoc forum *Comitiale* propè *Cloacas* erat, ubi & *Venus Cloacina* colebatur. **PUBLIUS.** Nullus profectò in his eram: navem namque hic demum me intueri arbitrabar. Nunc porrò mihi superest nihil, quàm ut abs te interrogem, quis fuerit iste *E. Mussidius Longus*? **TULLIUS.** Nihil præterea de eo mihi liquet, quàm quòd *Ursino* Præfectus monetæ cudendæ sub *Augusto* fuisse videatur.

XV.



DIA-

DIALOGUS XVIII.

De

Numis L. Papii Celsi , & P. Petronii
Turpiliani.

PUBLIUS.

I.

Tab. V.
Num. V.

EN tibi *Serratum* denuò Numum minutum argenteum , atque attritum , singulas tamen imaginum species , quas in *Tabula* tua V. sextò locò pinxisti , commodum adhuc referentem. Quid porrò lepidum magis capite humano-caprino *Adverse* ? fortean divinum sit, nominè ejus in tabella pone descripto: PAPI. TULLIUS. Deam, non Deum , crede , nempe *Junonem Sospitam* , quam alii *Sispitam* dicendam contendunt, *Festum* sequentes , dum inquit: *Sispitem Junonem* , quam vulgò *Sospitam* appellant, antiqui usurpabant, cum ea vox ex græco videatur sumpta, quod est Ὠσπεία. Idolum hoc primò coluit locò *Lanuvium* sive *Lanivium* Italiæ urbs in agro *Laurente*: quocirca *Ovidius* ipsam *Junonem* sic loquentem inducit :

Fest. in Lex.
Pitisc.

Ovid. Fast.
VI.

Et populus Laurens , Laniviumque meum.

Ursin. apud
Pat. p. 197.

Notat verò hoc de *Lanivio* præstantissimus *Ursinus* hunc Numulum tuum pingens , atque exponens , sæpe apud scriptores *Lavinium* pro *Lanivium* legi , insigni errore scribarum , ac utriusque urbis historiam & facta ineptissimè confundi.

II.

Pigh. Annal.
Rom. L. XI.
P. 197.

Cic. pro mu-
rana c. 41.

Idem de Nat.
Deor. L. I.
c. 29.

Porro sacra *Junonis Sospita* , ut *Pighius* recenset , à Numa Pompilio Rege Romæ instituta fuere ritu Aboriginum antiquissimo, quo *Lanuvii* superstitionissime colebatur : Consules præterea imperium suum ab ejus sacris benè beatèque inchoare consueverunt, quemadmodum liquet è verbis *Ciceronis* , ita pro *Muræna* declamantis : Nolite à sacris patriis *Junonis Sospita* , cui omnes Consules facere necesse est , domesticum & suum consulem potissimum avellere. Idem Consularis Orator formam quoque idoli alibi hoc pacto enuntiat. Fingebatur cum pelle caprina, cum hasta, cum scutulo, cum calceolis repandis. Caprâ eidem immolabatur, ut, cum *Sospita* esset , i. e. fausta cuncta & felicia redderet , animalis foedissimi.

diffimi, si qua essent omina sinistra, averteret: Capram namque foetoris, ac lasciviae, morbiq[ue] item comitialis causa, cui hoc pecus frequenter obnoxium, nec comedere, neque tangere, immò ne nominare quidem veteres aliàs voluere, teste *Plutarcho*.

Cùm verò Bellò Punicò II. ante cladem C. Flamini Cos. per Hannibalem eidem illatam, crebra portenta tristitia præcederent, scribit *Livius*, Decemvirorum monitu multa Diis sacra decreta fuisse, atque inter hæc, ut *Junoni etiam Sospita Lanuvii majoribus hostiis sacrificaretur*. Idem deinde scriptor alibi recenset, cùm Cl. Marcellus Consul fieret, eodem anno præter alia prodigia signa quoque *Lanuvii ad Junonis Sospita* (supple: ædem) cruore manasse, lapidibusque circa id templum pluisset, eumque ob imbrem novendiale, ut affolet, sacrum fuisse. Sacra autem *Junonis Sospita* primâ Februarii fiebant, quo mense, quoniam ultimus erat anni, Quiritum superstitione contentiosissima fuit in sui à delictis expiatione: quam in rem sic *Ovidius* cecinit:

Februa Romani dixere Pamina patres.

PUBLIUS. At cujus rei demum gratiâ argentum *Lucii PAPI*, quemadmodum lego in *Aversa*, propitiâ hanc Deam capriferam refert? *TULLIUS*. Ut videlicet gentem suam *Papiam* oriundam fuisse *Lanuvio* prædicaret, adeoque antiquissimam: cui proinde, animadvertente III. *Spanhemio*, omninò quadraret, quod de Milone cecinerat *Silius*:

Lanuvio generate, inquit, quem Sispita Juno
Dat nobis.

PUBLIUS. Invitâ itaque Minervâ supra conjeceram, nomen *PAPI*, post caput *Junonis* parvula in tabella expressum, quale hoc foret idolum, forsitan eloqui. *TULLIUS*. Totò profectò cœlo aberrasti, cùm Dei nomen non sit, sed *Legem* innuat *Papiam*, quam C. *Papius* Tribunus plebis An. Urb. DCLXXXVIII. L. Cotta, & L. Torquato Cos. tulerat, ne quis *Peregrinus in urbe esset*: quam æquam haud fuisse testimoniò liquet *Ciceronis* inquitentis: *Malè etiam* (ab his videlicet statutum) qui peregrinos Urbibus prohibent, eosque exterminant, ut *Pennus* apud Patres noster, *PAPIVS* nuper. Laconicè interim hic *Papius*, solam tabulam, cui Lex inscripta, pingens, Tribunitiam Avi sui potestatem innuit, simulque ab eo & sibi & genti suæ gloriam conscivit: summo etenim apud veteres honor datum est, Legem proprio nomine inscriptam promulgasse. Optimè id tibi conjicere licet è verbis illis Oratoris aurei Antiocheni, dicentis in simili argumento: *Habebunt nepotes, ac nepotum filii, quod sciscitantibus referant, quòd ille scilicet præclaram illam legem primus tulerit*.

Plutarch.
Quæst. Ro-
man. 109.

III.

Liv. L.
XXIII. p.
m. 323.

Idem L.
XXIII. p.
m. 369.

Acerr. nov.
Phil. P. II.
p. 891.

Ovid. Fast.
III. 135.

IV.

Spanh. T. II.
Diff. X.
p. 14.
Sil. L. XIII.
v. 364.

Cic. de Offic.
L. III.

S. Chrysost.
Hom. XLIX.

Eno Cass. L.
XXXVII &
XXXVIII.

lerit. Inde erat, quòd Cato in odium *Casaris* legum ab eo latarum cognomen, videlicet *Juliarum*, juxta quas tum judicia fiebant, in Prætura suppresserit, referente *Dione*: qui jam ante quoque narraverat, *Mesello* infestos Senatores legi ab eo latæ nomen *Mesellia* detrahare molitos esse.

V.

PUBLIUS. Quæ porro *Aversam* bestia occupat alata, rostròque, & unguibûs minax? *TULLIUS*. Gryphem existima, Græcorum præsertim in Numis identidem obvium: quod quidem monstrum, ut apud diligentissimum omnis rei Numariæ vestigatorem, Ill. *Spanbemi* lego, *Plinius* fabulæ tribuit, inquit: *Pegasas equino capite volucres, & Gryphas aurita aduncitate rostri, fabulosos reor, illos in Scythia, hos in Æthiopia, Ctesias* econtra cum pluribus aliis, qui ad Euphraten Gryphos à se inspectos tradunt, veras hujusmodi bestias omninò agnoscit, atque, *Aves* eas esse *quadrupes*, *lupi magnitudine, cruribus & unguibus leoninis, pen- nis in pectore rubris, reliquo corpore nigris*. Adstipulari eidem & *Servius* videtur, ad illud *Virgilii*: *Jungentur jam Gryphes equis*: subscribens: *Gryphes Hyperboreis nascuntur in montibus, omni parte leones, alis verò & facie aquilis similes, equis vehementer infesti, Apollini autem consecrati*. Mediam hîc inire viam videntur, qui cum *Benjamin*o Rabbino *magnas Aquilas Gryphes dictas* existimant, minimè tamen *quadrirures*, sive *quadrupes*. Quare & *Æschylus* Poëta Tragicus, qui aliàs *Aquilas veloces Jovis canes*, semper nimirum eidem adstantes appellat, *aduncis* quoque *rostris præditos mutos Jovis canes Gryphas cavere pariter* præcepit.

Spanh. T. I.
Diff. V. p.
270.
Plin. L. X.
c. 49.
Ctes. in In-
dic c. XII.

Serv. ad
Verg. Eclog.
VIII. v. 27.

Rabbi Ben-
jamin. in
Deuter.
c. XIV.
Æschyl. in
Prometh.
Act. V. v. 802.

VI.

Utcunque se res cum Gryphibus habeat, doctissimè è Numis *Spanbemi* interim adstruit, Gryphas *quadrirures & Jovi, & Apollini & Nemesti* tribui solere. Ecce autem suo in Numo *L. Papius* Gryphem expresserit, nec laudatus Ill. Vir, neque *Ursinus*, *Patinus*ve, neque *Liebe* in *Gottha Numaria* edicit, qui tamen omnes hanc monetam depingunt: postremus id solum animadvertit, hunc Numulum à præstantissimo *Morrellio* in opere suo MS. de familiis Romanis, quod in Thesauro *Fridericiano* servatur, quinquagies quater in aliquo saltem à se ipso diversum depingi. Sententiâ quidem *Clar. Vaillantii* Gryphs in hoc Numo *Ludos Apollinares* designare putatur: id tamen haud probat Ill. *Spanbemi*, eò quòd *Junoni Sospita* nihil prorsus cum *Ludis* istis commune videatur. Noli ergò, ut, tacente tanto Eruditorum senatu, improvidam ego aleam intempestivus conjector coram te jaciam: omnibus siquidem convenit Eruditis, profundos veteris sapientiæ recessus quibusvis doctorum vigiliis magna tamen, immò maxima sui parte inaccessos manere. Sub Gryphe quod vasculum tripes impositò globulò affixat, non minus reconditum: fortè tripodem liceat arbitrari *Apollini sacrum*, si tamen bestia ipsa alata hoc Numen portenderet.

Gotth. Num.
c. II. p. 34.

Spanh. T. II.
Diff. X. p. 13*

PUB.

PUBLIUS. Quis verò Numi VII. tuo munere apud me typici sensus, VII.
ab eodem, ut lego, **Lucio PAPIO, CELSO** excusi? In *Adversa* petasus Tab. V.
alatus, atque Caduceus *Mercurium* palam eloquuntur: *Aversa*, ni fallor, Num. VII.
lyram *Apollinis* reddit, aut vaccæ, aut tauri è cornibus fictam. **TULLIUS.**
Non te fallit *Mercurius*: eidem tamen ut lyram, non verò Apollini, tribuas,
postulat *Ursinus*. Quò verò utrúmque pertineat in hoc Numo, eodem
fatente, in tanta *Antiquisatis* ignoratione ne suspicari quidem licet. *Ly-* *Ursin. apud*
ram interim *Mercurii*, & *Apollinis* *Cisbaram* distingui oportere monet *Pi-* *Patin p. 199.*
riscus, qui de lyra ex Homero sequentia adducit. *Mercurius* *sectos* *cala-* *Homer. in*
mos per oras *testa* *supine* *trahit*, quibus *tergum* *bubulum* *tanquam* *oper-* *Mercur.*
culum *adglutinavit*, ita ut *calami* *ipsi* *corio* *pro fulcro* *essent*. Brevibus *apud Pith.*
his verbis erudiare oportet, ut lyram, quæ villas bubulas præfert, *Mer-* *voce: Lyra.*
curii, non *Apollinis*, dicas. De cornibus porro fila stipantibus Pollux ti-
bi audiendus, cum inquit: *Arundinem* *hypolyrium* *nominârunt*, quòd olim *Pollux in*
lyris *cornuum* *locò* *apposita* *sit*. **PUBLIUS.** Paucis multa hoc de Numo *Onomast. L.*
me docuisti, quamquam de *Mercurio* nihil: quem, ut opinor, ad Deos *IV. c. 9.*
cæteros differs. **TULLIUS.** Iterum deorum hic nuncius iterúmque cæ-
teris in Exercitationibus nostris occurret.

PUBLIUS. Typum itaque Numi VIII. arripio, cujus *Adversa* vultu VIII.
& nomine prædicat *Augustum*: At verò *Aversa* alata, & monstro simili- Tab. V.
ma Tibicen unde domo? **TULLIUS.** Ipsa quoque *Augusti* præconem Na. VIII.
se fessit. Cum namque *Publius*, **PETRONIUS. TURPILIANUS** in Nu-
mo descriptus Triumvir fuerit sub *Augusto*, existimat *Ursinus*, eundem *Ursin apud*
Neapolim, ab eodem Monarcha instauratam, innuere atque memoriæ *Patin. p. 209.*
prodere voluisse, & ideò *Parthenopen*, unam *Sirennum* ac fortè præcipuam,
ari suo intulisse: quoniam *Cumani* in illo propemodum litore, ubi nunc
Neapolis sita est, coloniâ à se emissâ Urbem exstruentes, & *Parthenopes* cor-
pus ibidem condentes, Civitatem ipsam *Parthenopen* appellâvere. Ut ve-
rò, testò *Goltzio*, filia matrem colonorum frequentia ob nimiam agri fer- *Goltz. Sicil.*
tilitatem superare occœperat, *Cumani* veriti, sedes suas hoc pacto omnino *Mag. p. 209.*
deferendas, *Parthenopen* iterum diruerunt. Vix tamen jacuit Urbs, terri-
bilis lues *Cumanos* invasit: contra quam ab Apolline opem flagitantes,
iussi sunt ab eodem, dirutam civitatem condere denuo. Ergò iterum Ur-
bem erexere, eidem à novitate *Neapolis* nomen indentes, priori verò *Par-*
thenopis appellatione solis Poëtis relicta: qua inter cæteros usus est simi-
liter *Virgilius*, dum *Georgica* sua ita concluderet:

Illo Vergilium me tempore dulcis alebat
Parthenope, studiis florentem ignobilis oçi,

V 2

Carmi-

Virgil Ge-
org. IV.
in fine.

Carmina qui lusi Pastorum, audâxque juventâ
Tytire, te patulæ cecini sub tegmine fagi.

Spanb. T. I.
Diff. V. p.
251.

Neapolim porro per Sirenen à Petronio hoc suo in Numo indicari pariter Ill. Spanhemius consentit; ex quo de Sirenibus nonnulla bono tuo excerpto.

IX.

Eurip. in Helen. Act. V.
v. 166.
Ovid Metam. V. 553.

Dixit illas Euripides in Comiciis suis *Alas ferentes juvenes virgines*: & Ovidius easdem veluti allocutus, ita infir:

Pluma pedesque Avium, cum Virginis ora geratis,

Aldrovandus quoque in Ornithologia fusè de Sirenibus agit, reprehensus tamen à Spanhemio, quòd easdem superiori corpore aves, inferiori Virgines à Grammaticis Græcis describi perperam omninò asseveret: immò ne fabulosis quidem accenseat, sed earum vestigia superioribûs annis Neapolitanis in oris deprehensa confingat, faciliiori, ac par erat, fide nescio quibus adhibita. Sunt autem Sirenes citra dubium solius fabulæ partus, quæ comminiscitur, easdem Junonis hortatu dulcedine cantûs cum Musis contendere aulas: quemadmodum eleganter Ausonius cecinit:

Auson. Epyll. XI.
v. 21.

Tres volucres, tres semideæ, tres semipuellæ
Ter tribus ad palmam iussæ certare Camænis
Ore, manu, flatu, buxo, fide, voce canentes.

Pausan. L. IX.
Steph. Byz.
Suid. voce:
Ἀτρεπες

Vicere in palæstra Musæ, ac proinde Æmulas suas Sirenes in Semi-volucres converterunt: vel, ut Pausanias somniat, iratæ jam ante volucris pennas suas evulserunt, è quibus triumphales sibi coronas texuere. Stephanus econtra Byzantius, atque Suidas malunt (quando enim mendacia ritè sibi constarent?) Sirenes ipsas, cum Camænis succumberent, præ dolore pennas suas sibi extraxisse, seque in mare ultrò præcipites dedisse. Quamquam denuò alii non Musarum, sed Ulyssis causâ, sic in se ipsas delævisse Sirenes mentiantur: cum namque Ulysses cum sociis Græciæ, patriam suam repetere volens, immensis in mari periculis agigaretur, ad Siculum quoque fretum delatus, ne à Sirenium dolo cantu ad eos pertraheretur scopulos, in quibus pereundum foret, sociis quidem suis aures cerâ obturâsse scribitur, se ipsum verò ad malum navis arctissimè alligari præcepit.

X.

Non minùs verò, ac Aldrovandus, Pictores nostri à vero aberrare dicuntur Ill. Spanhemio, qui Sirenes ceu semi-pisces depingunt, eûm semi-volucres à veteribus omnes scribantur: quemadmodum & Numus tuus Parebomen Sirenium principem cum aquilæ pedibus expressit. Virgines porro, quæ in pisces desinunt, Nereides sunt Deæ marinæ, minimè verò Sirenes. Meritò præterea mirandum eidem celeberrimo Viro videtur cum Bochar-

60, cur LXX. Interpretes varia Testamenti Veteris loca, ubi legitur de animalibus, quæ in desertis proculque à mari diffitis locis, silvis tesquisque commorantur, atque Hebræo idiomate *Dracones* sonant, ac *Struthiones*, per Græcam nihilominus vocem *Σειρῆνες*, i. e. *Sirenes* reddere voluerim: cujus equidem rei causa forsitan esse potuerit, quòd, cùm *Sirenes* ab Hebræa vel *Phœnicia* voce *Sir*, i. e. *Canticum* eis dictæ viderentur, lugubrem earum cantum esse existimârint, cujusmodi *Draconum* etiam est, & *Struthionum*, quos proinde *Sirenes*, quasi *lugubrè canentes* appellârint. Verumtamen vatum omnium ore *Sirenium* cantus suavissimus dicitur: qui, si quando *lugubris*, *luctuosus*, *perniciosus* dicatur, mærorem vocis non indicat, sed luctum & perniciem eorum, qui suavis Sirenium vocibus malè illecti ad interitum ducebantur. Liquidum omnino id reddit hoc unum Claudiani epigramma sanè venustissimum heroicis versibus exaratum hunc ferè in modum:

Dulce malum pelago Siren, volucrèsque puellæ
 Scylleos inter fremitus, avidàmque Charybdim
 Musica saxa fretis habitabant dulcia monstra,
 Blanda pericla maris, terror quoque gratus in undis.
 Delatis licèt huc incumberet aura carinis,
 Implessentque sinus venti, de puppe furentes,
 Figebat vox una ratem, nec tendere certum
 Delectabat iter reditus, odiùmque juvabat,
 Nec dolor ullus erat, mortem dabat ipsa voluptas.

Claudian.
 in Epigram.

Ut porrò Mythologi his tantis è fabulis utile illud, quod cum Dulci XI.
miscere Poëtæ sibi solemne jaclabant, eruerent, quidam eorum dixere, per *Sirenes* intelligendos fore scopulos quosdam, in quos, ubi mare angustissimum erat, illisi fluctus cum suavitate quadam resonuerint, sonique peregrini curiositate illectos navitas ad se pertraxerint: quò cum pertingerent, procellarum impetu quantocypus sunt absorpti. Melius tamen mihi *Servius* conijcere videtur, dum inquit: *Sirenes secundùm fabulam tres in parte virgines fuerunt, in parte volucres, Acheloi fluminis & Calliopes Musæ filia: harum una voce, altera tibiis, alia lyrâ canebat. Secundùm veritatem fuere meretrices, quæ quoniam transeuntes ad egestatem traduxere, iisdem naufragia inferre sunt sicta. Suffragatur eidem egregiè Fulgentius subscribens: Sirenes volatiles, & inde ostentant gallinæcos pedes, quia libidinis adfectus omnia, quæ habet, dispergit. PUBLIUS. Sirenium, obsecro, quæ nomina fuere? TULLIUS. Qui tres solummodo Sirenes latentur, Parthenopen*

Serv. ad
 Virgil. Aeneid. V. v.
 864.

Fulgent.
 Mythol.
 L. I.

unam, alteram *Lisim*, *Leucasiam* tertiam appellant. Notante tamen III. *Spanhemio*, non defuere ex veteribus, quod *Procli* autoritate edicit, qui octo *Sirenes* fuisse contenderunt. Verumtamen mittamus jam tandem has fabulas, & ad residuos duos *Familiarum*, ac V. hujus *Tabula Numos* convertamur.



DIALOGUS XIX.

De

Numis L. Surdini, & L. Valerii Flacci.

PUBLIUS.

I. **N**UMUS IX, apud me *Aereus* medius haud multum nos morabitur: in *Aversa* namque grande intra sertum laureum hanc duntaxat habet Legendam: AUGUSTUS. TRIBUNITIA. POTESTATE. *Aversa* circa literas trabales S. C. Triumvirum Monetalem ita describit: *Lucius. SUDINUS IIIVIR. Auro. Argentó. Aere. Flando. Feriundo. TULLIUS.* Recte equidem singula: verumtamen in *Adversa* dicere Legendam non debueras, sed *Inscriptionem*, ad mentem Doctiss. *Joberti*. Ea etenim verba, quæ circum extimam Numi oram sunt posita, *Legenda* appellantur: ast, quæ omisso capite, aliisque imaginibus mediam Monetæ aream implent, *Inscriptio* audiunt inter Eruditos. *Laureum* porro *sertum* otiosum haud credas: recentem namque *Augusti* Victoriæ tum, cum excuderetur moneta, relatam indigitat. *Tribunitiam Potestatem*, quæ jam in *Tab. III. Num. III.* occurrerat, tunc equidem ad proximam nostram de *Numis Impp. um* Exercitationem distuli: sed quoniam facile animus meus mihi prælagit, quantum jam nunc eandem per noscere cupias, pauca saltem de eadem quam mox tibi suggeram. **PUBLIUS.** Immensum de hac tua in me benevolentia gaudeo: nostri nimirum: *Bis dat, qui citò dat.*

II. **TULLIUS.** De tribunitia Potestate omnium primum audias *Florum* ita conquerentem. *Seditionum omnium causam Tribunitia Potestas excitavit, qua specie quidem Plebis juvanda, cujus in auxilium comparata est, re tamen Dominationem sibi aquirens, studium populi & favorem agrariis, frumentariis, judiciariis legibus aucupabatur. Inerat omnibus species Equi-*

Æquitatis. - - - Sed hæc ipsa in perniciem redibant, & misera Respublica in exitum suum marcescerat &c. Nomen porro *Tribunorum* à *Tribubus* ortum, quarum principes, cum domi versarentur, *Tribuni* citra additum audiebant, cum *Populus* ad bella procederet, *Tribuni* militum sunt compellati. Et *Romulus* quidem principiò *populum* suum in *Patres*, & *Plebem* discrete: *Patribus* verò *authoritate* sua variè abutis *Plebs* tandem commota, cum contra *Æquos* arma verti debuerant, *Consules* cum *Patriciis* deserens, superato fluvio *Aniene*, montem obsedit: nec antè ad obsequium redigi poterat, quàm à *Patribus* obtineret, ut sua è sorte Magistratus quospiam eligere posset. Hac sibi facultate pertinaciùs vindicata, tres, quæ tum erant, *Populi* *Tribus*, duos sibi *Tribunos*, quos *Plebs* dixere, elegerunt. Fidem horum tibi *Cicero* faciat. Tanta igitur (inquit) in illis virtus fuit, ut anno *XVII. post Reges exactos* propter nimiam dominationem potentium *leges Sacras* sibi constituerent, duos *Tribunos* crearent, montem illum trans *Anienem*, qui hodie *Mons sacer* nominatur, in quo armati confederant, æterna memoria causâ consecrarent.

Posteaquam verò *Populus* quinque in *Curias* tributus fuit, totidem sibi *Tribunos Plebis* creabant: donec eorum numerus ad *denos* usque excrevit. Hos tamen è *plebe* semper quidem esse oportebat: nihilo secius verò *Senatus* variis artibus non adeo longè post effecit, ut *Plebs* *Consulares* duos adoptaret. Deinde plures è *Patriciis* ea solummodò de causâ ad *plebem* transire, ut hoc Magistratu potiri possent: ultimò tandem lege etiam lata *Tribunus Plebis* esse nemo amplius poterat, nisi qui senatoria priùs dignitate claruerit. Litem veterum, an *Tribuni Plebis* veri Magistratus nomine venire debeant, hic minimè dirimo: veriùs interim id negare alii, quàm alii affirmare *Eruditiss. Profecutori Acerra novæ Philologica* videntur.

Præcipuum eorum munus fuerat, ut *intercederent*, sive contradicerent *Senatus Consultis*, quibus iura utilitatésque *plebejorum* violari viderentur. Quod equidem ab iis fieri non debebat, nisi *Senatus Reipublicæ* bono liquidò contraxisset: alii boni *Tribuni* affectibus suis, aut muneribus in diversa variè acti, jus fasque tantò securius audaciùsque prætergressi sunt, quantò certius noverant, *Plebis* se contentiosissimò stùdiò crebrisque seditionibus oppidò sustentandos. Cui parum etiam oberat, *Intercessionem* fieri haud potuisse, usquequo illa, quæ agitabatur, quæstio, pluribus à privatis, expensis libratísque utriusque causæ momentis, exploraretur. Qui intercesserat *Tribunus*, id unum dicebat: Veto: quod cum factum esset, vim suam omnem omnia *Senatus Consulta* citra dubium perdidere. Satis insuper erat, vel unum e *Tribunis* verasse, etsi novem ceteri à parte *Senatus* unanimi sententiâ stetitissent. Rursum eapropter ad *Ciceronem* provo-

Tribuni quam

Cicer. L. I.
in Acer. no-
va Philol.
P. II p. 159.

III.

23.

Cicer. Orat.
ad Quirīt.
post redit.
C. V.

co, ut rem tantò penitiùs inspicias : hic de eo Senatus Consulto, quo ipse ab exilio revocandus erat, ita ad Quirites præter cætera inquebat : *Atque eo die confecta res esset* (ut videlicet ego revocarer) *nisi is Trib. pleb.* (Attilius Gavianus) *quem ego maximis beneficiis* *Quæstorem Consul ornaveram, cum & cunctus Ordo* (Senatorius nimirum) *& multi eum summi Viri orarent, & Cneus Oppius socer optimus Vir ad pedes ejus flens jaceret, noctem sibi ad deliberandum postulasset.*

V. Cùm proinde tam summa esset *Tribunorum* potestas, nocte nulla, immò ne diem integrum eisdem licuit ab Urbe abesse: non rarò vel portâ Civitatis egredi non audebant. Fores verò eorum patere omnibus jugiter debuere, à quibus ne miserrimos quidem aut vilissimos arcere licebat. Ipsi *Tribuni Sacrosancti* erant, quos verbò factòve offendere neque Consulibus, neque Pontifici Maximo, minùs cæteris omnibus indultum. Munus eorum annuum erat, quod interea dum gererent, nisi omninò à justitia recesserint, plebis favoribus, cujus commoda à *Tribunis* tantopere pendebant, haud difficulter nitentantur, fruebanturque : ac tanta erat apud omnes eorundem opinio, & metus, ut nemo nullus cum eis contendere auderet. Unde mox, ut captivorum quispiam *Tribunum* imploravit, aut ei traditus, aut liber dimissus est : immò cùm Consules aliquando denos militum custodiâ eximere nolent, ipsi in Custodiam plebis importunitate sunt detrusi.

VI. Convocare populum semper eisdem licebat, coram quo sibi invisos ita detulere, ut spe omni populari exciderent: nonnunquam Senatum quoque ciere non verebantur. Rogationes eorum, Plebiscita, ac Leges, quantum Populo favebant, tantum plerumque Patribus ac Senatui derogabant. Tandem Sulla Dictator, cùm jam res eò devenisset, teste Livio, ut *datus sub jugum Tribunitia Potestatis Consulatus fuerit*, eorum auctoritatem plurimum imminuit, legumque ferendarum facultatem eisdem ademit. Illo autem decedente Consules novi M. Crassus, atque Cn. Pompejus, ut Plebi faverent, *Tribunos* ejus in integrum ferè restituerunt: usquequo tandem sub Augustis nomine propè solo duntaxat gauderent, muneris porrò rationem haud aliter quàm è voto Principum, Rempublicam omnem convellentium, exigere deberent. Dicendum jam foret, quo pacto ipsi Augusti *Tribunitiam* gesserint *Potestatem*, quantumque à *Tribunis* ipsis differrent: sed hoc demum alteri loco reservo.

Liv. L. IV.
c. 26.

VII. PUBLIUS. Jucundissima mihi narrasti, & tantò quidem gratiora, quanto fabulâ historia præstat. TULLIUS. Eruditus ut sis, & fabulam, & historiam sedulò discas oportet: quarum quælibet utramque in re Numaria paginam implet. PUBLIUS. De Lucio verò Sudino nihil, quod commemorares, celebre restat? TULLIUS. Nullus eorum, quos mihi consulere

fulere licuit, *Sudinum* aliquem prodit, & ne apud Clar. quidem *Patinum* Patin. de
Rom. p. 186.
Numum hunc tuum offendi : qui tamen in Gente *Navia* duos redhibet
æreos Numos, unum cum capite Augusti, alterum cum corona non laurea,
sed quænea, ac verbis : *Augustus Tribunus. Potest.* In *Aversa* verò unius
circa S. C. legitur : L. *Surdinus* &c. in altero deinde Numo : L. *Navius*
Surdinus III Vir A. A. A. F. F. Haud immeritò itaque suspicor, Numum
tuum adulterum, in quo fraudulentus cælator per ignaviam suam, lauream
coronam pro quænea, & *Sudinus* locò *Surdinus* æri ficto insculpsit. Ru-
dior certè est Moneta & omnis ejusdem forma, quàm ut elegantissimæ ar-
ti *Quiritum* sub *Augusto* florentissimæ congruere possit. Genti autem *Na-*
væ non minimam gloriam addidit, ex eadem unum primorum *Tribuno-*
rum Plebis An. Urb. CCLX. assumptum fuisse, cum primum hanc Plebs
potestatem à Patribus extorsit, quemadmodum præstantissimus *Ursinus* ex Liv. L. XIX.
Livio asseverat.

PUBLIUS. Restat itaque, ut cum X. Numi apud me minuti & subæ- XIII.
rati expositione & *Tabulam* tuam V. & omnem apud me *Consularium*, ut Tab. V.
ajunt, monetarum numerum exiguum absolvas. In *Adversa Victorie* Ca- Num. X.
put nitere ex ala conjicio : Stellæ tamen appositæ causam ignoro. Nu-
dum autem in *Aversa* Virum, cum hasta transversa, atque tropæo, galea-
tum, *Martem* ni credam, quem dicam, non habeo : spica ad lævam excre-
scens *Ædilem* fortè, curamque *Annonæ* designat : ad dextram quid pinxeris,
omniñò me fugit, in meo siquidem Numo rupta argenti lamina nihil con-
jicere sinit. *Lucii. VALERII. FLACCI. TVLLIUS*. Satis hæc com-
modè assequeris : Stellæ causa penès caput *Victoria* me pariter latet, nisi ve-
riùs *Denarii* nota quàm stella esse debuerat.

Dextrum *Martis* pedem Celeberrimus *Ursinus* armatum sive tectum IX.
observat, alterum nudum, quamquam id in imagine *Patini* non pateat, *Ursin. apud*
tuò verò in Numo rupta lamina colligere vetet. More pictum id putat Patin. p.
Pelasgo, *Ætoli* siquidem soliti erant, quemadmodum *Macrobius* ex *Euri-* 284.
pide asserit, ut uno tantum pede calceato, altero nudo in bella procede-
rent : quod pariter *Hernicos Agnanos* à *Pelasgis* oriundos fecisse fidem Macrob. L.
Virgilius facere conabatur, dum inter cætera caneret : V. Saturnal.

c. 18.

- - - - non illis omnibus arma,
Non clypei, currusve sonant : pars spicula gestat
Bina manu, fulvosque lupi de pelle galeros
Tegmen habent capiti : vestigia nuda sinistri
Instituere pedis, crudus tegit altera pero,

Virgil. A-
neid. VII.
v. 686.

X

Ut

Cic. in Phil.
app.

Cic. Orat.
pro L. Flac.

Ut proinde L. Valer. Flaccus gentem suam *Valeriam à Sabinis* oriundam innueret, quorum majores pariter *Pelasgi* fuere, *Martem*, ait *Frinius*, nudo quidem uno, pede altero tecto depinxit. Ipsiùs verò *Martis* ab eo signati ratio fuerat, quòd *Flamen* esset *Martialis*, quemadmodum de eo *Cicero* in *Philippicis* prodidit. *PUBLIUS*. Quererem te de officio *Flaminis*, nisi id jam *Dial. IX. in Num. M. Anton. Triumv.* edixisses. *TULLIUS*. Ad ea si reflectis, pictum utique etiam à me signum ponè dextrum pedem ignorare non debueras: *Pileus* enim est, sive *Tutulus*, aut *Apex*, quo *Flamines* tegebantur. *Spicam* rectè de *Ædilitio Flacci* munere exposuisti: quoniam rursus *Ciceronis* testimonio discere licet, eundem *Ædilem* fuisse. Ceterum idem hic L. Val. Flaccus in Consulatu quoque An. Urb. DCXXIII. P. *Crassi* collega fuisse in *Fastis* describitur. *PUBLIUS*. Multorum jam Consulum Numos inspeximus, nunquam tamen supremi hujus, ut arbitror, in Republica libera muneris vel tenuem ex te notitiam prælibavi: oro itaque te atque obsecro, ut vel hodie de *Consulibus* nonnulla quoque mihi pro more tuo breviter atque eruditè aperias.

X.

Flor. L. I.
6. 2.

TULLIUS. Ordinem quidem dicendorum, quem apud memet statueram, precibus tuis antevertis: sed quoniam ferrum, dum calet, cudentum, & cum quis maxime cupit, liberalissimè docendus est, æquissimis tuis his vobis libentissimè deferam. Optime porro de *Consulibus* rursus ex *Floro* præfabor, referente: Igitur *Bruto*, *Collatinoque ducibus* & *authoribus*, quibus ultionem sui moriens *Matrona* (nimirum *Lucretia* à *Sexto*, Regis *Tarquini Superbi* filio, vitata) mandaverat, Pop. Romanus ad vindicandum libertatis ac pudicitie decus, quodam quasi instinctu deorum incitatus, Regem (*Tarquinius*) repenti destituit, bona diripit, agrumque *Marti* suo consecrat (Rege jam fugâ elapso An. Urb. 244. veterum quidem calculò, recentiorum verò computo forsan meliore An. Urb. 261.) Imperium in eosdem libertatis suæ vindices transfert, mutato tamen iudice & nomine. Quippe ex perpetuo (regimine) annuum placuit, ex singulari duplex (duo etenim Consules creati) ne potestas solitudine vel mora corrumperetur: Consulesque appellavit pro Regibus, ut consulere se civibus suis debere meminissent. Habes hic & occasionem Consulum, & originem, ac nominis rationem, & munus, & tempus, quique illud primum gessere.

Nihil *Bruto Collatinoque* deerat regiae Excellentiae, præterquam *Toga* regia picta, perpetuitas, nepotumque successio. Veruntamen *Collatinus* gradu suo tam sublimi subito exciderat, nullâ aliâ culpâ suâ, quàm quòd genere, nominèque regio esset: qui verò eidem suffectus fuit *Vale-*

rius

rius Publicola, edita à se gemina lege Consulum potestati mox plurimum obfuit, per quem soli Populo eisdem eligendi fiebat facultas, utque contra Consulum decreta atque Senatus Consulta unusquisque Populum implorare citra ullum fortunæ capitisque periculum posset. Hac lege Consules nullum jam civem Romanum supplicio capitis, aut corporis, mulctâque pecuniæ citra Populi consensum afficere poterant, atque adeo *vita & necis* domi perdiderant : quare idem Publicola pariter prolibuit, ne fasces Consulibus intra urbem prælati prominentibûs aliquando securibûs, ceu gladiis iustitiæ vindicantis, horrerent. Cùm deinde, ut supra audiêras, Tribuni Plebis quoque constituerentur, Consulibus etiam Jus belli & pacis ademptum, aut plurimum saltem imminutum est : quoties namque Tribunis assentiri non libuit, quidquid foret decretum, *vetabant*. Posteaquam An. Urb. CCCII. *Decemviri* legibus ferendis assumti essent, omni ad illos potestate delata, cum cæteris omnibus Magistratibus etiam Consules aliquot annis esse omninò cessarunt. Tandem Populo iterum rebellî, & An. Urb. CCCCLXVII. in Janiculum secedente, Dictator Quint. Hortensius Legum etiam potestatem, quæ penès Consules erat, haud parùm infregerat, dum Plebiscitis, seu Populi ordinationibus, parrem cum Consulum legibus auctoritatem firmitatèque decrevit.

Nequaquam tamen propterea existimes velim, parvam Consulum dignitatem auctoritatèque fuisse : Capita nihilominus erant Reipublicæ, quibus subditus fuerat omnis Magistratus solos præter Tribunos plebis. Cùm populo assentiente decrevisset Senatus : *Dent operam Consules, ne quid Respublica detrimenti capiat* : tum illi liberam obtinebant, potestatem, exercitum parandi, bellum gerendi, omnibûs modis coercendi socios atque cives, domi militiæque summè imperandi : quarum tamen omnium rerum sine populi jussu nullum Consulibus jus erat, teste *Sallustio*. Invigilabant provinciis omnibus, poterantque postulare in iudicium, inhibere, plectere : litteras omnes exterorum ad eos dirigi oportuit : decreta Senatus & Populi ipsi exequabantur : convocabant Senatum, in eoque referebant primum, qua de re foret agendum : rogabant deinde sententias præcipuorum, quæ si diversæ forent, cæteros in eam, in quam vellent, ire sententiam, seu secum sentienti accedere jubebant : unde facile, cujusnam opinionis potiora essent suffragia, apparuit. Hoc comperto edebant Senatus Consulta, quæ, nisi refragaretur Tribunus Plebis, omninò inviolabilia fuere : postremò Senatum dimiserunt. Præterea cives in comitia vocabant : Ludos Circenses incredibili sumtu instruebant : intendebant viis publicis, & aquæductibus. Imperium alternis mensibûs gerebant, & quo quisque imperabat tempore, Fasces duodecim sibi præferri videbat :

Dionys. L.
V. p. 292.
Liv. L. II.
c. 8.

Acerr. nov.
Phil. P. II.
p. 835.

Liv. L. III.
c. 33.

Pompon. L.
2. §. 8. ff.
de Orig.
jur.

XII.

Sallust. in
Bello Catil-
linæ.

menſe altero accenſus eum præceſſit, liſtores ſequebantur. Utebantur Sella Curuli, Togâ prætextâ, quæ nimirum purpureis eſſet ſimbrîis, immò & pictâ, quæ tota ſilis purpureis intexebatur: Sceptrò quoque eburnò, cui aquilâ infederat: pedes etiam calceis aurò micantibùs induerunt.

XIII.

Designari porrò Conſules ſolebant, die tamen auſpicato, quinto menſe, priuſquam Magiſtratum hunc ſuum inire debebant: quod ſaltem ab An. Urb. DXCVIII. Calend. Jan. fiebat. Tum magiſtratus omnes, cognati, neceſſarii, atque clientes gratulationis officium novo Conſuli impendebant, eumque ſolemni proceſſione per principes Urbis vias in Capitoliũ deduxere, ipſo pecunias in populum per famulos ſpargente. Antè Jovem Capitoliũ gemini boves felices victimæ cadebant, Urbique ac Conſuli omina felicia lætis vocibùs edebantur: Deinde Palatinas in ædes Conſul ſe contulit, Senatu coram adſidente, ad quem & gratias & monita dixit. His à ſolemniis Calendis Jan. ea celebritas, quam & apud nos obtinent, acceſſit.

XIV.

Id porrò, dum de Conſulibus nobis ſermo, præcipuè ferè tibi animadvertendum, Jul. Cæſarem, ut omnium ſibi animos ampliùs conciliaret, multò pluribus adipiſcendæ conſularis dignitatis copiam aperuiſſe, dum ſtatuere, ut, qui cum menſe tantum imperium gererent, non annò, ut priùs, integrò: quibus munere ſuo deſunctis, ſecundos, immò & tertios eodem anno ſubrogari fecit. Qui porrò primi erant, *ordinarii*, qui ſecundi, aut tertii, *ſuffecti* apellati ſunt. Quoniam verò anni per Conſulatus computari ſolebant, non poterat non pluribus Chronologiæ erroribus viam inſternere, eodem anno plures eſſe Conſules ſuffectos: quibus ut caverent Quirites, aliquo quidem tempore ſoli Conſules ordinarii in Faſtis deſcripti ſunt: paulò poſt verò & ſuffecti quoque eundem ſibi honorem vendicaverunt. Conſtantine M. tandem annuum denuò Conſulatum reſtituit: cæteros verò, quibus favere voluerat, *Conſulares eſſe decrevit*: quemadmodum & ordinarii Conſulatus munere annò integro functi, jam ante Conſulares audiebant, ut peculiari eoſdem hoc nomine à cæteris Senatorii ordinis præcipuâ quadam eminentiâ diſcretos, unusquisque revereretur.

XV.

PUBLIUS. Ipſum me tibi, Tulli venerande, iterum iterumque deſeo, pro tam diſfuſa XXX. Numorum Conſularium illuſtratione, in qua ſanè innumera mihi Laconicæ Quiritum ſapientiæ myſteria liquidò aperuiſti: ingentem mihi profeſſò ſpem facis eximiæ cujuſdam eruditionis, ſi & deinceps quoque pari Dialogorum ubertate, quæ propoſueras, omnia peramanter exequaris.

DIA.

DIALOGUS XX.

De

Numis, Ratito, Victoriato, aliisque
Urbis æternæ originem referentibus.

TULLIUS.

EXpositis hætenus Familiarum peculiarium Numis fidem meam integre apud te liberaturus, eos etiam tecum expendere debes, qui communes ac pervulgati omni propemodum tempore inter Quirites fuere. En itaque tibi, lectissime Publi, *Tabulam VI.* denis iterum Numis conspicuam: quorum tu quinos hætenus possides, alios totidem ego tibi typicos confero. Repete porrò memoriâ, quæ *Dial. VII.* tibi monita prævia de monetæ æræ, argenteæ, aureæ apud Quirites origine, pondere, pretio & forma uberius ingessi. **PUBLIUS.** Memini omnino, optime Tulli, spondidisse te mihi ibidem, fore, ut *Numi Ratiti* & nomen, & formam hac *Tabula VI.* percenseas. Sed & teneo adhuc, Regem *Servium Tullum* æs omnium primò Romæ signasse formâ pecorum impressâ, unde creditur nomen *pecunia* fluxisse: *Asses* deinde primò *librales* fuisse, donec *Semisses*, *Trientes*, *Quadrantes*, *Sextantes* successerint, his notis discreti: *Assis. Semissis. 000. Sextans. 000. quadriens. 0000. triens.* **TULLIUS.** Bellè reminisceris: mitte cætera, ut nova, quæ hodie meditor, apud te paulò uberius pandam.

Et *Servium* quidem *Tullum* Romæ æs primò signasse nemo facile dissitebitur: veruntamen ante eum quis alibi fuerit peculii auctor, innumeri ad ravim usque contendunt. Docet certè Illustr. *Spanhemius*, non desse, qui velint, jam ante diluviū tempora vel *Cainum*, vel *Tubalcain* monetæ reperisse: alios verò à diluvio sive *Magogum*, sive *Tharam*, aut filium ejusdem *Abramum* æris signati auspicem statuere. Pars Græcis faventes, nunc *Itono* Thessalo, Deucalionis filio, nunc *Erichtonio* Atheniensi, nunc *Theseo*, nunc *Demodica* Cumææ hanc laudem vindicant: pars Lydiis obsequentes, aut *Xenophanem*, aut *Phidonem* Argivum parentem monetæ tuentur. Nonnulli porrò pluribûs ante *Phidonem* seculis æris jam signati apud *Phanices* ulum defendunt, cùm aliæ contra post Pa-

I.

II.

Spanhem. T.
I. Diff. I.
P. 9.

lamedis primum tempora eundem invaluisse perhibeant. In tanta certè sententiarum varietate tantum non impossibile sit, certò aliquid tutòque statuere: sed neque ad Numorum cognitionem, & Laonicam præprimis veterum sapientiam pernoscendam ullum in hac controversia momentum esse positum arbitror. Demus itaque interea *Athenaeo*, in Italia saltem æs primum ab *Jano* signatum, dum *Draconis* Corcyraei verba, in quæ & ipse jurare videtur, ita perscribit. *Janum fama est bifrontem fuisse, altera facie posteriori, anteriori altera: Janum flumen, Janumque montem ab eo fuisse denominatum, quod in eo monte habitaverit. Coronas illum recepisse, navigia, rates, numum æneum ab illo signatum: qua de causa civitates in Græcia multa, in Italia item & Sicilia monetam cudunt, impressa bicipiti facie, & ex altera parte vel navigio, vel corona.*

III.

Tab. VI.
Num. I.

PUBLIUS. Capiò, quorsum hæc afferas, nimirum ut Numum hujus Tabulæ tuæ primum illustres, quem ego æreum medium teneo: in cujus proinde *Adversa* Janum bicipitem agnosco, puppim navis in *Aversa*. *TULLIUS.* Ita est: attamen quidam vultum unum duntaxat *Jano*, *Saturno* alterum tribuunt, *Tertulliano* deferentes, qui retulit, Saturnum Deum, olim ab *Jano* hospitio receptum, gratitudinis ergò eidem præter alia æris quoque signandi modum usumque exposuisse. Atque hinc etiam *Ovidius* cecinit:

Tertull.
Apologet.
c. 10.

Ovid. Fast.
l. 117.

At bona posteritas puppim signavit in ære,
Hospitis adventum testificata Dei.

PUBLIUS. Est mihi & alius Numus cum puppi consimili in *Aversa*, cujus tamen caput in *Adversa* bifrons non est. *TULLIUS.* Illud tu alterius esse utrius, vel *Jani* crede, vel *Saturni*. In hoc verò Numo animadvertas præterea velim nomen: *ROMA*: quod supra navim adscribitur, ac quaterna illa puncta infra expressa. *PUBLIUS.* Adverto, & non jam te hic *Oedipò* egeo: etenim *Urbis* nomen hunc Numum *Romæ*, non alibi cusum eloquitur. Puncta hanc monetam *trientem*, sive tertiam *Assis* partem fuisse mihi liquidum reddunt. Jam quippe à te supra edoctus sum, addita fuisse hæc signa, ut populum de pretio admonerent: quamobrem nomen *Moneta* enatum esse velut à *monendo* aliqui volunt. *Trientem* porrò punctis quatuor denotari inde sequitur, quoniam *Assis* duodecim partibus constabat: quatuor porrò semel ac iterum geminata duodecimum demum numerum pariunt. *TULLIUS.* Ex *Assis* sapiis, *Publi* lectissime, & nihil jam causæ est, cur diutius hunc Numum versemur parum venustum, nisi ut te moneam, à puppi navis, seu *rari* eundem *Ratiti* nomen olim sortitum. Quamquam & alia de causa hæc appellatio quadrantibus indita sit, post-

postquam nempe, qui rate Tiberim transire petebant, quadrantem, ceu solitum naulum, navarcho pendere debuere. Scribit etenim *Varro: Merces dicitur à merendo & are: hinc vectura, quas solvebant hi, qui ratibus transibant, quadrans ratitus.* Jani fabellas alteri de Diis Deabusque Quiritum Exercitationi reservo: nunc porrò quàm mox ad Numum II. Tabulæ hujus apud te argenteum transeo.

*Varro de
Leg. IV. 7.*

PUBLIUS. Nimirum is *Denarius* est, Martiæ *Roma* ornato, galeatòque, ac alato in *Adversa* capite fulgens: quem denos aris ex primæva saltem institutione valuisse X. litera numeralis apposita me ignorare non finit. **TULLIUS.** Alio tamen etiam nomine olim hæc erat moneta, ab *Aversa* imagine defumto: in qua *Victoriam* vides alatam, coronatam laurò, quæ celeri cursu bigas agit, velut ad metam, & dextrâ elatâ palmam præse fert. *Victoria* namque dicebatur, teste *Plinio*, qui inquit: *Victoriatas qui nunc appellatur, lege Clodia percussus est.* - - - *Est autem signatus victoriâ, & inde nomen.* Item porrò jam antè agebat: *Nota argenti fuere bigæ atque quadrigæ: atque inde bigati, quadrigatique.* Quinimo haud infrequenter Romani *argentum bigatum* simpliciter enunciabant, cum *denarios* innuere vellent, quemadmodum alicubi *Livius* scripsit: *Tulit in triumpho argenti bigati septuaginta novem millia:* i. e. denarios totidem.

*IV.
Tabula VI.
Num. II.*

*Plin.
XXXIII. 3.*

Id. XXX. 3.

*Liv. XXV.
12.*

PUBLIUS. Ecur autem Quiritibus denarios suos placuit victoriâ signare? **TULLIUS.** Quia semper in armis stare *Roma* debebat, & victoriæ de hostibus reportatæ famâ quotidie propè inclauit. Vult tamen III. *Spanhemius*, ejusmodi Numorum typum, maximè, dum nomine omni percipientis, ut sæpè fit, carent, Apollinæ ad Ludos referri non incongruè posse. Tum verò bigis aut quadrigis plerumque vir quidam, seu pugil incertus cum flagro, quo incitet equos, insistit, ille nimirum quisunque, qui in palæstra decurrebat: quòd si nihilominus victoria ibi compareat, eum innuet, qui cæteris Antagonistis palmam præripuit.

*Spanhem.
T. II. D. X.
P. 134.*

PUBLIUS. Ausimne Ludorum Apollinarium à te originem modumque reposcere? **TULLIUS.** Dicam brevissimè. Constituti sunt hi Ludi à Senatu An. U. C. DXLII. reperto carmine Martii Poëtæ, quo vaticinabatur, Quirites hostibus suis superiores futuros, si annuos Apollini ludos voverent, Græcòque eidem ritu sacra facerent, prout *Livius* perhibet. Quos cum facturus esset Prætor in Circo Maximo, *Macrobius* inquit, *edixit, ut populus per eos ludos stipem Apollini, quantum commodum esset, conferret: factos deinde populus coronatus spectabat, matrona supplicaverunt, vulgò apertis januis in propatulo epulati sunt, celebrèque dies omni caeremoniarum genere fuit.* Hostiæ tum erant bos auratus, capræque duæ albæ auratæ: cursus equorum fiebat, dum bigas alii, alii quadrigas, non

*V,

Liv. XXV.
12.
Macrob.
Saturn. I.
12.*

nulli

nulli unicum equum, *Celestem* dictum, velociter ad metam agebant. Quamquam autem non pauci rituum antiquorum vestigatores existimarent, hos Ludos Romæ sæviente aliquando lue pestifera susceptos: omnibus tamen apertè refragatur *Macrobius*, subdens: *Hæc est origo Ludorum Apollinarium, Victoria, non valetudinis causâ votorum.* **PUBLIUS.** Sic nempe omni in Numulo mysterii quidpiam latet. Lupa verò, quam oculo præcurrente in sequentibus aliquot Tabulæ hujus tuæ Numis conspicio, neminem puto puerum fugit. **TULLIUS.** Aliter Eruditi, aliter de Lupa pueri sentiunt.

VI.

Tab. VI.
Num. III.

Patin. Impp.
P. 2.

PUBLIUS. Agedum itaque, venerande Tulli, de III. Numo quid me doceas, edic. **TULLIUS.** *Adversa* caput armatum quale suspicaris? **PUBLIUS.** *Romæ* illud esse non suspicor, sed scire me puto, cum legam: **URBS ROMA.** **TULLIUS.** Tecum equidem consentiunt multi: verumtamen *Clar. Patinus* animadvertit, aliquibus etiam videri, *Genium* potius *Urbis* æternæ, vel verò *Constantini M. Imp.* hoc capite sisti: ab hoc etenim Monarchæ hujusmodi Numos frequenter ait excusos, ut modò *Romæ*, modò *Constantinopolis* æternam memoriam honorificè consecraret. **PUBLIUS.** Nunquam igitur, ut video, tutum est tironi, per sese de Numis conjicere: tutius longè stabit Majorum authoritati. **TULLIUS.** Sic habeas, quoties Numos versaris, perpetuò velim. Lupam etiam priùs contemnere visus es: ediscere ergò, quam ea ob causam toties in Numis excusa sit? **PUBLIUS.** Ut videlicet primi Urbis conditores suis jugiter incunabulis celebrarentur. *Romulus* namque & *Remus*, quos hi populi sub lupa ludentes designant, odio & ambitione *Amulii*, Regis *Albani*, ab uberibus *Rheæ Sylvie* matris avulsi, atque morti insuper præsentem in ripa fluminis expositi, periissent, nisi rapax bellua, lupa inquam, vagitu parvulorum excita, hominibûs urbanior juxta ac mitior lacte suo eos pavisset. **TULLIUS.** Sic equidem hisce de geminis fama olim pervagata est, cum adhuc fabulis omnia passim miscerentur: resque ea illis præcipuè plurimum arrisit, qui duriores fuere Quiritibus, hancque dominam orbis gentem acriori subinde stilo laceessere ambiebant. In quibus meritò commemorandum reor *Joannem Sarisberiensem*, Episcopum & Scriptorem Anglicum celeberrimum, qui sic apud *Demsterum* alicubi loquitur. *Lupi efficaciam non negabit, quisquis Romanorum genus lupino lacte non ambigit educatum: unde plerumque quod in iis dulcius est, adhuc lupinum saporem retinet. Primi profectò eorum fidem, quam à matre lupa didicerant, sibi invicem servaverunt.*

Joan. Sarisberiens.
apud Demsterum Corp.
Artiq. Rom.
L. I. c. I.
P. m. 7.

VII.

Doctioribus verò jam dudum ferè convênit, lupæ nomine fœminam prostitutam, *Fausuli* Regii pastoris adulteram conjugem, *Larentiam* dictam, accipi

accipi debere, cujus ab uberibus hi parvuli, matris è sinu abacti, pepend-
runt. Quirites autem sua consecrare volentes primordia, cum meretri-
cem ære ac marmore effingere pueret, Lupam substituerunt, quoniam
hoc nomine foemina prostituta honestius nonnihil efferebantur. Id quod
D. Lactantio te credere velim, ita scribenti. *Lupa Romuli nutrix honori-
bus est affecta divinis: quod ferrem (i. e. perstringerem minus) si animal
ipsum fuisset, cujus figuram gerit. Auctor est Livius, Larentia esse simu-
lacrum, & quidem non corporis sed mentis & morum. Fuit enim Faustu-
li uxor, & propter vulgati corporis vitiatem lupa inter pastores, id est,
meretrix nuncupata est. Exemplum scilicet Atheniensium in ea figuranda
Romani secuti sunt: apud quos meretrix quadam, nomine Leana, cum
tyrannum occidisset, quia nefas erat simulacrum constitui meretricis, in
templo animalis illius effigiem posuerunt, cujus nomen gerebat. Itaque ut
illi monumentum ex nomine, sic isti ex professione fecerunt.*

D. Lactant.
l. 20.

Hoc porrò Lupæ simulacrum gemellos lactantis in Capitolii porticu
stabat propè aulam, &, ut Cicerò refert, fulmine aliquando tactum est,
atque ex parte lædebatur. Sed & Marrianus testatur, hodie adhuc in Ca-
pitolio sanctiore, ab omni jam veterum impuritate ac superstitione purga-
to, adhuc tamen imaginem æneam deauratam hujus parvulorum nutricis
spectari, fulminis plagâ in cruce lupæ conspicuâ. Cum proinde velut Insi-
gnis sui locò Roma hanc lupam publicè statueret, toties ea in Numis, quæ
Romam denotarent, excusa est. PUBLIUS. Admodum hæc mihi pla-
cent: sed & de stella gemina supra lupam coruscante quid sentiam?
TULLIUS. Vel Castorem illæ & Pollucem, tutelaria pariter Romæ deli-
ræ Numina, signant: vel, quod veriùs reputo, divinos honores Romulo
ac Remo tributos. PUBLIUS. Literas deinde infra descriptas quomodo
legam? TULLIUS. Loci te commonent, hæc ubi moneta signata est, Si-
scia nimirum, celebris quondam superioris Pannoniæ Urbis, nunc pagi exi-
gui, Sisacum vel Siseck nuncupati, propè Albanum montem, ubi moneta
cudebatur, teste Pancirolo. Sic igitur leges: Percussa SISCIA.

VIII.
Cicer. in
Catilin.
III. 8.
Marrian.
Topograph.
Urb. Rom.
II. 9.

PUBLIUS. Ad Numum modo IV. convertamur, in cujus Adversa
idem ferè caput, quod prius, occurrit, sed legenda illustrior, nimirum:
INVICTA ROMA. TULLIUS. Planè hic prædicatur, quod postea Num. IV,
cecinit vates:

Panciroll.
Notit. Dign.
Imp. Occid.
c. 35.

Orbem jam totum Victor Romanus habebat,
Quà mare, qua terræ, qua sidus currit utrumque,
Ne satius erat.

PUBLIUS. *Aversa* geminam aquilam sistit, quas inter arbor excrescit, lauri certè speciem redhibens. *TULLIUS.* Nempe regia volucris simul & Martia, quippe quæ Jovi quoque fulmen ministrat, Populum orbis Dominum docuit, in culmine signorum suorum Legionarium imposita, atque aurea tota. Gemina est, ut Orbis utriusque Orientis pariter & Occidentis imperium innuat. In arbore *Patinus*, qui eundem hunc Numum depingit, non laurum, sed *Ficum Ruminalem* agnoscit. *PUBLIUS.* Hæc verò quid rei, quid nominis est? *TULLIUS.* Arbor erat, seu ficus eo in loco excrescens, ubi *Remus Romulusque* infantes expositi fuere juxta *Livium*, sive quo eos *Tiberis* exundans detulerat, si *Varronem* audiamus. *Ruminalis* cur dicta sit, ita *Plinius* docet. *Colitur ficus arbor, in foro ipsa ac comitio Romano nata, sacra fulguribus ibi conditis, magis que ob memoriam ejus, quæ nutritrix fuit Romuli ac Remi conditoris, dicta Ruminalis: quoniam sub ea inventa est lupa infantibus præbens rumen: ita vocabant mammam.* Maxima sanè reverentiâ hanc arborem coluere Romani, perinde ac Samii viticem illam, sub qua Junonem editam perhibuere, quàmque proinde in Deæ hujus templo multis sæculis custodierunt. Perhibet certè *Tacitus*, ficum hanc, quæ super octingentos quadraginta annos *Remi Romuli que infantiam* (i. e. simulacrum eorum lactentium subter eam collocatum) contexerat, tandem mortuis ramalibus & arescente trunco deminutam, prodigii loco habitam esse.

X. *PUBLIUS.* Pulcherrimè me de hac arbore erudiisti. Perge, obsecro, ad Numum etiam V. in cujus *Aversa* parte, ut habet legenda, *Marcus Aurelius. ANTONINUS. AUGUSTUS PIUS.* spectandum se offert, vultu barbato laureatòque in dextram converso. *Aversa* porrò Lupam iterum cum gemellis lactantibus reddit, atq. sub fornice quopiam vel arcu, de quo quid portendat, haud satis mihi constat. *TULLIUS.* Nimirum, ut video jam doctus es, nihil in Numis quantumvis exile sine cura præterire: id quod eximie laudo. Non sanè otiosus est hic fornix: ostium etenim specus illius seu antri designat, quod *fici Ruminali* vicinum erat, & sub quo Lupa gemellis ubera sua admovisse perhibetur, ac cui nomen *Lupercal* inditum fuit. Hac in spelunca Romani omnium primò simulacrum Lupæ & infantum posuere, de quo canit *Ovidius*:

Ovid. Fast.
II, 521.

Illà (i. e. *Lupa*) loco nomen fecit: locus ipse *Lupercal*:
Magna dati nutritrix præmia lactis habet.

PUBLIUS. Novum rursus mysterium, de quo minime cogitaveram. Cur porrò *M. Aurelius* hunc typum vultui suo opposuit? *TULL.* Facile mihi persuadeo, hunc Numum tuum æreum ac medium non à *Cæsare*, sed Urbe qua-

quapiam, sive Colonia signatum, ejusque nomen supra fornicem descriptum fuisse existimo, literis modò omnibùs vetustate exesis. Neque apud alium quemquam hanc monetam sive pictam, sive descriptam offendi, unde legendam abolitam restituere licuisset. Opportunè tamen hic tibi suggerere libet monitum præstantiss. *Hardovini*, quod lego apud doctiss. *Jobertum*: Eas nimirum Urbes, in quas Coloniam Quirites immisère, si *Jus Romanum* consecutæ, ac civitate donatæ fuerint, ita, ut civibus earum licuerit ad subsellia & Magistratus Urbis ipsius æternæ adspirare, frequenter suis in Numis *Lupam* cum geminis expressisse, ceu proprium Civium Romanorum insigne. Cæteris verò id minimè licuit, quæ *Jure Latii* solum gaudebant, ut omnes Italiæ Urbes: hoc siquidem civibus suis id tantum consecutæ sunt, ut liberi forent à tributis atque oneribus, possentque sub Legionibus Romanis stipendia mereri: cives verò *Romani* habiti non sunt.

PUBLIUS. Porro Numus apud me argenteus, & notà *denarii*, ac capite Romæ galeato alatoque in *Adversa* rursus insignitus, *Aversam* reddidit cæteris omnibùs elegantior, parem prioribus juxta & imparem. *TULLIUS*. Cùm primum hanc intuerer *Aversam*, videre in ea mihi videbar Romam fœminæ habitu, galeatam, super scuta gemina ficu Ruminali assidentem, quæ quasi hilâris, & exultans ponè adstantem *Lupam* cum Gemellis, & supra in aère utrinque advolantem picam, atque adedò conditorum suorum prodigiosa incunabula contempleretur. Etenim & picas loquaces fingunt, mirabili obsequiò Romulo Remoque infantibus pascum attulisse. Sic canit *Ovidius*:

Lacte quis infantes nescit crevisse ferino,
Et picum expositis sæpè tulisse cibum?

Ovid.
Fast. III.

Verumtamen *Ursinus* hunc eundem Numum tuum inter incertos pingens apud *Patinum*, hoc solo discrimine, quòd arborem omittat, Faustulum pastorem regium hic sedere asserit, qui Remum cum Romulo, *Lupæ* ubera sugentes in ripa fluminis offendens, misericordiâ motus sustulit, atque *Larentiæ* uxori suæ educandos extradidit. Hanc ut opinionem stabiliat, probetque, hunc Numulum à *Sexto Pompejo Fostlo* excutum, ad alium ejusdem Numum provocat, jam aliàs in gente *Pompeja* p. 222. à se pictum: ubi *Lupa* cum gemellis medium occupat, stans autem ficu *Ruminalem*, adstante post eam pastore, non jam fœmina galeata, cum legenda: SEX. POM. FOSTLUS. Ego verò haud parùm sanè miror, quomodo ambo doctissimi Viri *Patinus* æquè ac *Ursinus*, sub Galea, & heroum super umbones ignavum pastorculum quærant? Nequeo autem eorum in sententiam concedere, usquequo gravibùs eam rationibus stabiliant. Velim

proinde te interea, lectissime Publi, Romam hic suis de primordiis lætantem, securè contemplari : hoc etenim & situ & habitu illa deinceps sæpè tibi occurret, cùm posterioribus in Exercitationibus *Aversas* Numorum Imperatoriorum scrutabimur. *PUBLIUS*. A te, nè dubites, stabo, quem elegisse magistrum hætenus pœnituit nunquam : multa & egregia Dialogi hujus documenta rursus gratissimo animo hausi, calamo fido excepi, memori mente tenebo.



DIALOGUS XXI.

De

Numis Deæ Romæ, Sacri Senatus,
& Populi.

TULLIUS.

I. **Q**Uatuor hodie Numos postremos Tabulæ meæ VI. expediemus, eosque denuò Græcos : quos aliis Atticis suprà junxissem, nisi aut Romæ honores spectarent, aut de iisdem differendi saltem plurimam copiam facerent. Nullum horum in ære tu possides, typicos ego tibi contuli omnes : quales illos *Cl. Patinus* initiò Numorum suorum Imperialium æreorum mediū & infimū moduli pingit. Eorum primus, sed Tabulæ hujus septimus, in *Adversa* Romæ vultum iterum sistit, scapulis tamen veste contextis, capite quoque non jam galeato, sed turres sibi impositas gestante, ad modum *Cybeles* Deæ, sive *Terra*, quæ ædes omnes sustentat : hoc etenim cultu Urbes ac Provinciæ ferè semper in Numis exhibentur. Tu, optime Publi, ne Grajæ tibi literæ excidant, *legendam* Atticam recense. *PUBLIUS*. Nĩ fallor, legendum : ΘΕΑ ΡΩΜΗ, *TULLIUS*. Dexterè omninò : idem verò hoc sonat, ac : DE A ROMA. *Aversa* porrò Deam *Isidem* exhibet stantem, bysso tenui velatam, alatam insuper, ut dextrâ elatâ *perpendicularum*, sive regulam plumbeam gestat, qua media Architecti muri cujusdam vel turris recluditūdem explorant : sinistrâ demissâ *sistrum* tenet, consuetum in Deæ hujus sacrificiis veluti cymbalum, quo Popæ illius concrepare solebant. *Legenda* populum prodit, à quo in *Roma* honorem hæc moneta excusa est. *PUBLIUS*. An rectè lego : ΣΥΝΝΑ-

ΔΕΩΝ

ΔΕΩΝ? *TULLIUS.* Rectè : quasi dicas: *SYNNADA.* sive *Synnas.* *BUBLIUS.* Quòd si & literæ me fefellissent, in his omnibus peregrinus fuisssem & hospes : nihil etenim aliàs hìc imaginum, rerumque intelligo. *TULLIUS.* Exponam, quæ hujus sunt instituti : ad Deos quæ attinent, alibi exactiùs commemoranda præstolabers.

PUBLIUS. Nisi apud te ferulam merear, sciscitari libet omnium primò, an Numus hic *Deam Romam* disertè prædicans, idolum aliquod cultu divino affectum, cui nomen *Roma* esset, designet, an porrò *Quiritum Rem-* publicam laudet? *TULLIUS.* Hanc postremam ipsissimam. Nunquam audisti ex *Martiale* : *Terrarum Dea gentiumque Roma?* Nec animum fubeunt tuum illa *Claudiani* de Urbe præconia : *ô Numem amicum!* - - - *ô Diva potens!* Nimirum, velut ad hunc Numum infit *Cl. Patinus*, Gentium Deam ille exhibet, *qua ut nihil potentius, sic superbius nihil.* Refert *D. Joannes* Apostolus suis in Visionibus, bestiam illam terribilem septem capitibus suis inscriptum gessisse nomen blasphemie : quod *SS. Hieronymus* & *Prosper* de nomine *Urbis æterna* accipiunt, quo se pariter olim *Roma* superba jactabat. Forsitan autem non incongruè etiam sentit *III. Spanhemius*, dum existimat, æquè per nomen blasphemie nomen *Dea* Romæ tributum intelligi posse, maximè cum ipsius Evangelistæ temporibus *Roma* tanquam *Dea* in omnibus *Asiæ Urbibus* jactaretur, *Urbis* autem *æternæ* elogium longè post eum primum increbuerit. Parum verò fuisset sacrilegis illis, *Romam* duntaxat *Deam* appellasse, haud alio quàm assentandi studiò : nisi & *Templa* eidem, & aras struxissent, & publica sacra, decretis ad hoc *Flaminibus*, seu sacerdotibus fecissent. Apud *Tacitum* quippe lego, *Smyrnaeos* aliquando non parum jactasse, quòd primi templum *Urbis Romæ* statuerint, *M. Porcio* Consule, magnis jam quidem *Populi Romani* rebus, nondum tamen ad summum elatis, stante adhuc *Punica Urbe* (videlicet *Carthagine*) & validis per *Asiam* Regibus. Sed & *Livius* ait : *Alabandenses* templum *Urbis Romæ* refecisse, ludosque anniversarios ei *Divæ* instituisse : prout benè hæc *Livii* verba allegat *III. Spanhemius* ex *L. XLIII. in Epist. III. ad Morellium*, quas *Eruditiss. Liebe* in fine *Gothæ* suæ *Numariæ* annexuit : cum contrà de *Præstant. Namismat. Tom. I. Diff. III. p. 138.* pro ludos anniversarios scribatur laudes anniversarias, & *Liber XLII. Livii* notetur.

Synnada porrò sive *Synnas* *Cl. Patino* Urbs *Phrygiæ Pacatianæ* dicitur, & inde nomen, quasi *Synodus*, eidem accepisse videtur, quòd conventus esset quindecim populorum, perhibente *Theodoreto*. Atque hos omnes populos *Romæ assentatos* hunc Numum cudisse idem *Patins* suspicatur, nisi fortè ipsi *Romæ* templum aliquod dedicaverint, eamque ut *Deam* sint venerati.

II.

Martial.
XII. Epigr.
8.

Claudian.
Consul.
Prob. &
Olyb.
Patin. Impp.

P. 3.
Apoc. XIII.

Spanh. T. I.
Diff. III.
p. 138.

Tacit. An-
nal. IV. 56.

Liv. XLIII.
6.

Spanhem.
ubi supra.
Liebe Goth.
Num.
p. 524.

III.

Patin. Impp.
p. 3.

Theodoret.
Histor. Ec-
cles. L. IV.
c. 8.

Dempsterus in Corp. antiquit. Roman. Patalipom. ad cap. XXII.

Patin. Imp. p. 16.

Servius ad Virgil. Æneid. VIII. v. 696.

IV.

Tab. VI. Num VIII.

Spanhem. I. I. Diff. III. p. 140.

Cicero pro domo.

Id. de Off. I. 2.

nerati. De *Iside* alibi tecum uberius disseram, Publi optime : hic commemorâsse sufficiat, Ægyptiam fuisse Deam, à Græcis deinde receptam, aliquamdiu etiam à Romanis. Nominibûs pluribûs efferebatur, jam Luna, jam Diana, jam Terra compellata, omniumque & nutrix & mater credebatur. Hinc *Sistrum* gerebat, seu circulum universitatis indicem, quatuor chordis transversis discretum, tanquam notis totidem elementorum, quibûs omnia corpora constant. Quoniam verò Ægypti omnis propè fecunditas pendet à Nili exundatione, fraude diaboli factum est, ut statis temporibûs *sistrum Isidis*, appensis quibusdam tintinnabulis, ultrò concreparet, Ægyptiis Nili fluxum atque refluxum prænuncians. Inde & *perpendicularum* huic idolo tributum, si *Patinum* audiamus, quòd veluti Deæ hujus tutelaris nutu aquæ fecundantes ita providè librarentur, ut nec parcè nimis, neque immodicè inundarent. *Servius* tamen sinistra *Isidis* perpendiculari locò situlam inferit, dum inquit : *Isis est genius Ægypti, qui per sistri motum quod gerit in dextra, Nili accessus significat & recessus : per situlam, quam sinistra retinet, ostendit fluentiam omnium lacunarum.*

PUBLIUS. Diu in hoc Numo versatus es, & digna scitu mihi enuntiasti, venerande Tulli : unde fit, ut tantò avidius semper te deinceps disserentem excipere gestiam. *TULLIUS.* Ad octavum itaque Numum pergamus, in cujus *Adverso* viri juvenis caput intueris : ponè apem, aut vespam, quæ in typico visitur Numo, à me tibi tradito, sed à *Patino* omiſsa est : cujus proinde nullam scio rationem, nisi peculiare Urbis sit signum. Circum legitur : *ΙΕΡΑ ΤΥΝΚΑΗΤΟC* i. e. *SACER SENATUS*. *Aversa* foeminam redhibet stantem, quam puto Felicitatis : quæ sinistra quidem brachio geminum gestat Cornucopiæ, ubertatis maximæ signum : dextrâ extensâ gubernaculum seu remum, una cum tribus papaverum capitibus tenet, omnia sive fertilitatis, sive auræ salubris, sive copiae papaverum ibi excreſcentium, quæ in Medica maxime valent. *Legenda est : ΙΕΡΑΠΟΛΕΙΤΩΝ.* *HIERAPOLITANORUM* (subaudi) moneta. *PUBLIUS.* Ergò ad Senatum pariter Deæ Romæ Augusta (si superis placet) Sanctitas derivata est? *TULLIUS.* Quinimmo : id quod more suo & amplissimè & eruditissimè adstruit Ill. *Spanhemius*, reddita ratione, ob quam nonnihil saltem congruere videbatur amplissimo Ordini *sancti* appellatio, quoniam cieri cogique, præterquam in Templo, & loco per augures consecrato, non potuit. Neque mirandum esse cuiquam ait, si quidquid demum poterant cultûs, *Romano Senatui* Populi, Urbes, immò & Reges detulerint. Eundem enim *Cicero* jam *summum Populi Romani, populorumque omnium, ac Regum Consilium* appellavit : jam *Regum, Populorum, Nationum portum & refugium* dixit : jam pendere ab eo Imperium disertè professus est, in-

quiens :

quiens: *Quæ*, (videlicet Senatus auctoritas) *nisi gravis erit apud socios, & exterarum nationes, ubi erit Imperii nomen & dignitas.*

Hinc est, quod meliores Imperatores Senatus auctoritati eximie semper consuluerint: etenim & de Nerone quoque adseverat *Tacitus*, eum initio principatus, qui toto quinquennio primo optimus erat, serio providisse, ut teneat antiqua omnia Senatus, Consulum tribunalibus Italia, & publicæ provinciæ adfisterent, illi Patrum aditum præberent. Sed & de Traiano, Hadriano, Antonino Pio, Pertinace, Alexandro Severo, aliisque concorditer tradunt *Plinius*, *Spartianus*, *Capitolinus*, *Lampridius*, vitæ eorundem Scriptores, eosdem Senatui summa omnia detulisse. Maxime verò de Tacito Imp. testatur *Vopiscus*, ab eodem, cum ad Imperium ab amplissimo ordine esset evectus, decretum: *Mitterentur literæ ad omnes provincias, ut scirent omnes socii, omnesque nationes, in antiquum statum rediisse Rempublicam, & Senatum principes legere, immò ipsum principem factum: leges à Senatu petendas, Senatui supplicaturos, pacem ac bella Senatus auctoritate tractanda.*

Cum itaque gentium propè omnium salus, causæ, commoda à Senatu penderent: idcirco Atticæ Urbes nulli parcebant elogio, ut eundem sibi demerentur. Legitur in Numis earum non modò, velut in præfenti, ΙΕΡΑ ΣΙΝΚΑΗΤΟΥ i. e. Sacri Senatus, sed & ΘΕΟΥ ΣΙΝΚΑΗΤΟΥ, sive Dei Senatus præconium. Quomodo & Prusias Rex, perhibente *Polybio*, in limine Curiae salutabat Senatum Deos Soteres, i. e. Servatores: & *Themistius* aiebat alicubi: *Et Senatus forum Deorum.* Neque etiam Poetæ commitebant, quin in hoc laudum genere profusissimi essent. Habet namque *Horatius*: *Patrum sancto Concilio.* *Juvenalis*: *Vel sacri in parte Senatus esse velis.* *Claudianus*: *Et quales memini, turba verenda, Deos.* Quare & ipse quoque *Tertullianus* habet in Inscriptione *Apologetici* sui, seu libri pro defensione Christianorum adversus gentes scripti: *Sacroque Senatui.* Animadvertendum verò hic cum Ill. *Spanhemio*, Numos Græcorum Sacro Senatui inscriptos non omnes continuò, ac passim sine discrimine Romanum ad Magistratum referendos esse. Ad hujus etenim exemplum Atticæ Urbes, maxime Smyrnæi, *Bulen* etiam suam, i. e. Curiam sive Consilium, Sacri appellatione haud infrequenter extulêre.

PUBLIUS. Ingentem mihi per tot elogia de Senatu Romano ingeris opinionem, modò fastu tam eximio singula ejus populi non niterentur. De *Hierapoli* verò Urbe, quæ Numum percussit, quid mones? **TULLIUS.** Haud alia habeo, quàm quæ *Cl. Patinus* brevissimè commemorat. *Patin. Imp. p. 6.*

Id. in Verrem. IV.

V. Tacit. Annal. X VI. 4.

Vopiscus in Tacito c. 12.

VI.

Polyb. Except. Legat. XCVII. L. XLV. c. 1.

Themistius Orat. XIII. p. 138.

Horat. L. I. Od. 5.

Juvenal.

Satyr. XI.

Claudian.

VI. Consul.

Honor. v.

24.

Spanhem.

ubi supra.

VII.

rat. Multos, ait ille, populos olim Hieropolitanorum nomine elatos: præsentem verò monetam ad eos sibi referendam videri, quos *Ptolomeus* Cyrestica Regionis in Phœnicia nuncupat. Putat igitur, *Hierapolin* hic laudatam illam esse Urbem, quæ hodie *Alep* dicitur, non procul ab Euphrate: quamquam *Trifstanus* magis velit alteram innui, quam in Phrygia indicat *Strabo*, forsitan in *Germiano* provinciæ Natoliæ sitam, Turcis à circumjacentibus candidissimis rupibus *Bambouckalle*, vernaculâ nostrâ quasi *Baumwoll Thurn* appellatam. Nos nimis incerta in medio relinquentes, certiora consequi sequentibus adhuc duobus in Numis studeamus.

VIII.

Tab. VI.
Num. IX.

PUBLIUS. Nonus hujus Tabulæ tuæ Numus quam, obsecro, foemina, diademate incinctam, pascis ferè crinibus sistit? **TULLIUS.** Populi genius esse ab Eruditis existimatur, cum & adscriptum sit: ΔΗΜΟC. seu POPVLVS. Quemadmodum namque Romani cives suos, florente Republica, in Senatum, & Populum dividere, quorum prior decernebat, posterior verò regebat: ita Attici, maximè Athenienses *Βελὴν καὶ δῆμον*, seu *Bulen & Dimon* dixere. Aversa Dianam sistit, Lunâ parvulâ capiti impositâ, cursui quasi venatorio cum cane suo intentam, quæ arcu suo mox exonerato, dextrâ novam rursus sagittam ex pharetra à tergo pendente extrahere incipit. Legenda est: ΦΙΛΑΔΕΛΦΕΩΝ ΝΕΟΚΟΡΩΝ, quasi

Patinus l. c.

PHILADELPHENSIVM NEOCORVM. **PUBLIUS.** Sanè hic iterum undique Daus sum. **TULLIUS.** Ausculta: erit deinde, ut Oedipus fias. A *Dimos* ordiâr, quod Populum innuit. **Cl. Patinus** hunc Numum pingens, nihil omnino hæsitans scripsit, voluisse Philadelphios eundem excudentes, Populi Romani potestatem celebrare, quæ tanta erat, velut & nos alias diximus, ut per Tribunos Plebis vetandò, omnia Senatus decreta irritare valeret. Sed **Ill. Spanhemius** singula exactè inve-

Spanhem. T. I. Diff. III. p. 135.

stigans prolixè demonstrat, in pluribus Urbium Atticarum Numis, earum præcipuè, quarum regimen Democraticum, sive penes populum erat, Populi sui genium forma jam muliebri, jam virili, jam juvene, jam sene, jam diademate, jam laureato, jam velato capite excusum fuisse: atque ejusmodi Numos ad Populum Romanum haud referendos, nisi disertè ibidem legatur: ΔΗΜΟC, ΡΩΜΑΙΩΝ. *Populus Romanus.* Porro

Gotb. Num. p. 330.

Eruditiss. *Liebe* insuper addit, Populum Romanum, absente licet voce ΡΩΜΑΙΩΝ, intelligi tamen etiam posse, si caput ejusmodi capiti Senatus Romani eodem in Numo jungatur, aut cæteræ imagines illius monetæ cultum Romanum vestibûs suis perspicuè referant. Unde consequitur, typicum hunc Numum tuum, quem equidem *Patinus* ceu specimen re-

veren-

verentiæ illius, qua Atticæ Urbes in Populum Romanum fuere, exhibuit, multò magis populum Philadelphium laudare.

Philadelphus verò & antiquissima simul & celeberrima fuit Lydiæ civitas Asiæ minoris, & una de septem, ad quarum communitates D. Joannes Apostolus Apocalypsin suam perscripsit. Nunc ad provinciam Carasiæ in Natolia spectans, gemit sub jugo Turcarum, octo tamen incolarum millia numerat, in quibus permulti Christiani 4. Basilicas retinent. Ottomanis olim eam obsidentibus fortissimè restitit, territa tandem, postquam Barbari murum integrum ex ossibus mortuorum, cæmentò colligatis, ante eam erexere. Vetus illis temporibus præcipui Numinis locò Dianam coluerunt, eapropter hinc in *Aversa* depictam.

PUBLIUS. Quid verò in *Legenda* sibi vult vox illa mihi prorsus ignota *Neocororum*? *TULLIUS*. Rectè sciscitaris, quod omninò te fugere nolim. *Neocora* dicebantur Urbes illæ, quibus concessum erat ejusmodi Tempa habere, in quibus pro Imperatoribus Principibusque publica Sacra totius Provinciæ nomine fiebant: Item quibus permessa fuere Amphitheatra publicis ludis & agonibus celebrata. Hujusmodi sacrorum, ludorumve facultate ut potirentur, enixè sanè apud Augustos, sive Senatum supplicabant, votique semel & iterum, aut sæpius damnatæ mirè gestiebant, dissimulare non valentes, quin sortem suam adeò propitiam in Numinis quoque Orbi vulgarent, seque ΔΙΟ. ΤΡΙΟ. ΤΕΤΡΑΚΙΟ. ΝΕΩΚΟΡΩΝ. i. e. bis, tertium, quartum *Neocoras* jactarent. Didici hæc ex *Doctiss. Joberto*, qui & alibi monet, perperam eos sensisse, qui rebantur, nullas alias Urbes, præter *Colonias*, *Neocoras* fuisse, cum *Smyrna* & *Ephesus* hoc sibi præconium vindicent, quin tamen in eadem Colonos aliquandò à Romanis immisos quisquam commemoret.

PUBLIUS. Multam mihi denuò voluptatem attulisti: aggredere jam decimum & ultimum hujus Tabulæ Numum, *Populi* iterum, ut existimo, præconem. In *Adversa* namque caput elegans Viri juvenis video laureatum cum epigraphe: ΙΕΡΟΟ, ΔΗΜΟΟ. SACER POPVLVS. *TULLIUS*. Acu rem tangis: nempè usque adeò larga erat veterum superstitio, ut præconio sanctitatis etiam Populum consecraret. An verò & *Aversam* quoque pari dexteritate recenserebis? *PUBLIUS*. Tentare licet. *Æsculapium* reor hunc senem, nudo pectore hinc adstantem: id quod ex baculo, cui anguis implicitus, colligo, quem dextrâ demissâ terræ imponit. Memini namque, quæ de hoc Medicorum Numine, & de serpente ejus *Dial. VIII. n. 2.* cum de filia ejus *Hygeia* seu *Salute* differens, mihi ingesseras. Circùm eundem lego: ΑΤΤΑΙΤΩΝ. *TULLIUS*. i. e.

Jobert. Instr. V. p. m. 118.

Id. Instr. XI. 338.

Tabula VI. Num. X.

ATTAITARVM numus : qui populus cum *Laconibus* cæteris , quorum è numero erat, *Æsculapium* , ut rectè omninò vidisti , præcipuè venerabantur.

XII. *PUBLIUS*. Expedivimus itaque, DEO propitio, tuâque eximia in me benevolentia, venerande Tulli, quam ut æternum deprædicem, mille tibi nominibus debeo, LX. Numos sanè non incuriosos, ac multimodæ penum eruditionis recondentes. Gratias habe immortales, & confide, dum ita me colis, minimè fore, ut litus aliquando te arasse causeris. *TULLIUS*. Et ingenio magnoperè vales, & insigni industriâ es, & infinito amore bonas tu Musas laudabilissimè deperis, Publi lectissime : quæ singula si in discipulo commodum conspirare intelligat, dici vix potest, quanta id animi voluptate unusquisque Magistrorum conspiciat. Tantum itaque abest, sermonum meorum his in Dialogis tecum habitorum hactenus me poenituisse, ut potius mihi quàm qui jucundissimi essent. Quòd si proinde vitam, incolumitatem, vires & otium utrique nostrum largiatur omnipotens DEUS, telam Laconicæ veterum Sapientiæ in Numis vestigandæ, cui hucusque duntaxat prælusimus, & diligenter ordiemur, & per partes, quas constituimus, ordine suo exsequemur.

XIII. *PUBLIUS*. Vnum porrò adhuc superest, cujus, si per te liceat, hic te peramanter commoneam. Spopondisti nimirum mihi, efflictum te obtestanti, cum *Dial. X. in Titi Caristi Numo Sibyllarum* aliqua nobis occurreret, velle te mihi, appendice veluti Dialogo, XII. *Sibyllarum* imagines, quas penès te esse ajebas, exponere, ac de iisdem, quod supra omiseras, me plenius nonnihil erudire. Id modò ut facere velis, iterum iterumque vehementer te oro. *TULLIUS*. Siquidem jure tuo à me hoc æquissimè exigis, ad quod me ore meo adstrinxi, votis tuis, ut equidem potero, faciam satis, cum primum deinceps hoc iterum loco jungemur. *PUBLIUS*. Dii te ament, venerande Tulli. Dum verò interea meò tu commodo de *Sibyllis* cogitabis, ego eorum, quæ his in *Dialogis* notatu dignissima sunt, *Indigem* Tabulam non indiligenter conficiam. Fore hoc pacto existimo, ut tu quidem industriam meam tantò amplius pæspicias : ego verò, quæ tam uberim à te didici, fidelius teneam : alii postremò, qui fortè in hæc nostra aliquando inciderint, utriusque laboribus non incommodè utantur, *TULLIUS*. Hoc age :

& ambobus nobis tantò amplius erunt hi acti labores jucundi.



DIALOGUS XXII.

De

Fœminis Vatidicis, five SIBYLLIS.

PUBLIUS.

ADmodum sanè gaudeo, rursus advenisse te mihi, ut de *Sibyllis* I. me erudias, quarum res, tempora, & oracula pernoscere magnopere dudum avebam. *TULLIUS*, Adlum equidem ex animi tui sententia, & ecce! *Sibyllarum* XII. tibi imagines mecum allatas libenter exhibeo. Cavesis autem, Numis easdem genuinis, vel grandi hac forma, vel altera, aliquando excusas existimes: quapropter & pingere iilas, quibus veri omninò nil subest, meritiò superfedì. Neque enim alias aliquando *Sibyllas* ære legitimo in publicum editas novi, præterquam *Cumanam*, quam *Goltzius* pingit in Numis *ΚΥΜΑΙΩΝ*, *Goltz. Sicil.* seu *Cumarum*, deinde *Gergithicam*, quam *Tab. III. n. 6.* exhibui, à *Tab. Magn.* *Tito Carisio* unacum *Sphinge* sub *Cæsare Augusto* signatam, ad imitationem monetæ *Gergithicæ*. *Græc. Tab. XVII. n. 1.* Priorem *Illustr. Spanhemius* eandem esse putat & 2. cum *Erythræa*, posteriorem cum *Pbrygia*. *Spanhem.* Quemadmodum autem hæc imagines nequeunt esse exactæ, ita & historia *Sibyllarum* immensis tenebris, immò & fabulis involvitur: neque vidimus hominem, qui è gradulis *Tom. I. Dissert. V. p. 246.* *Scriptoribus*, licet suis deque volutis, certi aliquid de vatidicis hujusmodi fœminis statuere quiverit. *PUBLIUS*. Ut audire abs te mihi videor, mulieres istæ non ænigmata tantum carminibus suis edidère, sed & ipsæ mera ænigmata sunt: utcunque verò res ea se habeat, præstat tamen, quid *Eruditi* de *Sibyllis* opinentur saltem, quidque communius de iis recipiant, nòsse, ac nominum tam celebrium omninò esse ignarum. *TULLIUS*. Nescio sanè, an nomen *Sibyllarum* tantoperè aliquando celebratum fuisset, si clarissimi hoc nostro tempore veterum *Scriptorum Ecclesiasticorum Critici*, *Cesimiri Oudini*, sententia dudum valuisset, Libros *Oudin Commentar. de Antiq. Scriptor. Eccles. Tom. I. p. 141. sqq.* videlicet VIII. *Sibyllinorum Oraculorum*, qui hodie circumferuntur, antiquissimis fœminis istis adscribi nullis æquis rationibus posse, sed Christianis quibusdam Authoribus esse confarcinatos: quod ille, *Davidi Blondello*, & *Joanni Marckio* potissimum adstipulatus, annis paulò superioribus prolixa octo capitum dissertatione graviter graviterque tuetur. *Quoniam*

niam enim tot Seculis Christianis, nemine ferè rem profundius explorante, tam facili assensu creditum fuit, *Sibyllarum* aliquas de Christo luculente vaticinatas esse: contigit, ut plurimos cupido incesserit, earum mulierum res antiquissimas penitus internoscendi. Ego *Oudini* controversiam prorsus hic in medio relinquo: de Numis enim, non de Scriptis genuinis sive spuris, aut suppositis, nos inter hic ambo differimus.

II.

D. Lactant.
ex Varrone
apud Dem-
sterum p. m.
495.

PUBLIUS. Agedum ergo, quid nominis, rei que *Sibylla*, si placeat, me primùm edoceas. *TULLIUS*. De nomine audias *Rosinum*, à Clar. *Demstero* recusum, & Paralipomenis auctum: qui *Varronem* apud *D. Lactantium Firmianum* ita differentem in medium affert. *Sibyllini Libri non fuerunt unius Sibylla: sed appellantur uno nomine Sibyllini, quòd omnes femine vates Sibyllæ sunt à veteribus nuncupatæ, vel ab unius Delphidis nomine, vel à Consiliis Deorum denunciandis. Σιῖς enim Deos, non Θεῖς, & Consilium βεβλῆν, non βεβλῆν appellabant, Æolico genere sermonis: itaque Sybilla dicta est quasi Σιῖς βεβλῆν.* Porro *Servio*,

Servius
Æneid. III.
v. 452.

gnavo *Virgilii* commentatori, *Sybilla* dicitur omnis puella, cujus pectus Numen recepit. *PUBLIUS*. Cepi Etymologiam: sed circa numerum harum mulierum quid demum sentiunt, & consentiunt docti? *TULLIUS*. Ferè quod capita, tot sententiæ. Quidam siquidem unam tantum *Sibyllam* agnoscunt, cum, teste iterum *Varrone*, jam Græcorum aliqui scriptorum de *Sibyllis* facere conati sint, quod de Jovibus, Hercilibus, Minervis, ac cæteris Diis: qui cum plures essent, unum tantum prodire, eique, quidquid facitaverant omnes, ut deitas ejus tantò amplior fieret, tribuere. Hanc porro unicam *Sibyllam Erythraam* alii, alii *Siculam*, quidam *Sardinicam*, *Gergethicam* nonnulli: plures aut *Rhodium*, aut *Lybicam*, aut *Leucanam*, vel postremò *Samiam* appellant. Uni præterea filia quamplu-

M. Capella
apud Pitisc.
voce: Si-
bylla.

Plin.
XXXIV. 5.

Markius
apud Oudin.
l. 144.

rimos parentes insolenti mentiendi licentiâ affingunt. *Marcus Capella* duas statuit *Sibyllas*, unam *Erophilen* aut *Eryphilem* Trojanam, Marmessi filiam, quam eandem putat esse cum *Phrygia*, & *Cumea*: alteram *Symmachiam* Hiporensis filiam, quæ *Erythra* nata, etiam *Cumis* vaticinata sit. Mox *Plinius* multis auctor esse credebatur trium *Sibyllarum*, cum Romæ in foro juxta rostra tres statuas, cæteris minores fuisse commemoret: e quibus unam *Pacuvius Taurus*, *Ædilis* plebis, instituerit, reliquas *M. Valer. Messala* Augur. Verumtamen *Joan. Markius* apud *Oudinum* laudatum studiosè advertit, *Plinium* nequaquam de tribus *Sibyllis*, sed duntaxat de totidem unius *Sibyllæ* statuis loqui. Sed non immeritò fortè quis miretur, unì foeminae eodem in loco tres imagines positas, & quidem duas earum ab uno eodémque *Messala* augure. Postremò *Ælianus* quatuor *Sibyllas* enumerat, *Erythraam*, *Samiam*, *Ægyptiam*, *Sardiam*, subjungens: *Quidam*

dam dicunt, etiam alias sex fuisse, ut universæ sint decem, in quibus & Cumana, & Judæa. Atque hunc in numerum denarium etiam Varro consentit: unde, ut singulis in tota hac decade suum tribuerent, diligentius de Sibyllis ex instituto scripsere David Blondellus, Vir magni nominis, cujus opusculum editum est Parisiis An. 1649. 4. Joannes itidem Markius, cujus duodecim de Sibyllinis Carminibus Disputationes Franekeræ An. 1682. 8. prodire. Quia nihilominus alii Sibyllarum uni alterive, tanquam Seniori, juniorem aliquam affingebant, ansam fecere pictoribus, quibus unacum Poëtis:

*Ælian. Var.
riar. Histor.
XII. 35. 35.*

Quidlibet audendi semper fuit æqua potestas,

ut duodecim omnino Sibyllas cerebrò suò tandem excluderent. Cui, ut videtur, licentiæ indignatus Petrus Petitus, Medicus Franciæ, ex condicto rursus scripsit de Sibyllis, multum admissus ut unam tantum fuisse orbi erudito suaderet, argumentò ab ipsa tam immensa varietate & contradictione scriptorum petito. Natione Græcam illam vult credi: siquidem carmina Sibyllina omnia, quæ octo adhuc libris superesse putantur, non nisi Græca sunt, credique non possit, sceminam Chaldæam, Phrygiam, Italianam &c. Attici idiomatis ex asse fuisse peritam. Nomina autem tam multifaria unam eandemque Sibyllam variis è locis sortitam opinatur, non quòd nata ibidem esset, sed quòd spiritu actu divino, orbemque peragrata, jam hic demum, jam alibi, oracula sua ediderit. Tu, si vales, lectissime Publi, in hac tanta caligine unus lynceus esto, & Sphingem istam in oculis omnium confice.

PUBLIUS. Per me licet, si centum etiam Sibyllas attuleris: at quoniam eadem Græca sunt ova, quomodo Romam allata? TULLIUS. Breviter id tibi ex jam sæpè laudata pererudita *Acerra nova Philologica* ita recenset. Tarquinius Superbus, septimus & ultimus Regum Romanorum (alii malunt Tarquinium Priscum ordine quintum) insigni fabella fatuæ plebi imposuit, dum commentus est, seniculam aliquam sceminam, sibi ignotam, quæ tamen Sibyllam se diceret, clam ad se novem cum libris accessisse: pro quibus Philippeos seu Aureos trecentos poposcit. Irripit sceminam Rex tanti ob pretii magnitudinem: illa verò, igne quàm mox excitato, inspectante Rege, tria subito volumina combussit, eandem nihilominus pro residuis pecuniam postulans. Amplius Sibyllam Rex subiratus contempsit, præprimis cum, tribus iterum libris exustis, necdum remittere quidquam de pretio vellet. Tum illa: Consultum tibi, ô Rex, & populo tuo volebam, nec enim pecuniâ egeo: quòd si tanti tibi non est Urbis tuæ fortuna, quæ his à voluminibus pendet, ego & ista succendam:

III.

*Acerra nova
Philologica
Part. II.
n. 472.*

vos verò serò nimis his incendiis lacrymas affundetis. Motum se non immeritò his verbis, aiebat *Tarquinius*, ut libros adhuc superstites redimeret: qui pleni fatorum & vaticiniorum, oraculorum quoque & consiliorum de rebus Romanis reperti sunt. *PUBLIUS*. Fontem mihi jam prodis, unde postea fabulas suas *Virgilius* hausit: in quibus & comminiscitur, ipsum jam *Aeneam*, diu multumque pelagò jactatum, patre quoque *Anchise* fatis erepto, *Euboicis Camarum oris*, ventis sic ferentibus, allapsum esse: ubi

Virgil.
Æneid. VI.

- - - - - Arces, quibus altus Apollo
Præsidet, horrendæque procul secreta Sibyllæ
Antrum immane petit, magnam cui mentem, animumq;
Delius inspirat vates, aperitque futura.

Hanc mulierem deinde, Deò plenam, ac bacchantis in morem circumcurstantem, fata Latinorum futura Heroi Trojano ordine fingit exposuisse, ac subdit:

Talibus ex adyto dictis *Cumæa Sibylla*
Horrendas canit ambages, antròque remugit
Obscuris vera involvens.

IV. *TULLIUS*. Eruditè hæc interferis, lectissime Publi: legisse verò ibidem utique etiam debebas vota illa, quæ idem Poëta *Aeneam Sybille* edidisse pro oraculis edixit, ita canens, & ore Herois promittens:

Te quoque magna manent Regnîs penetralia nostris,
Hic ego nâmq; tuas sortes, arcanâque fata,
Dicta meæ Genti, ponam, lectòsque sacrabo,
Alma, Viros.

Futurum cecinit Vates, quod factum dudum jam erat. Etenim *Tarquinius*, tribus illis *Sibyllæ* voluminibus auro tam grandi coëmîs (quod equidem in populo creditum est) quam mox secretum aptavit, noluitque omnino vulgaris fieri, quæ arcano Numinis illapsu uni foeminæ credita sunt. Quare duobus tantummodo Viris, quos Duumviros vocabant, hæc volumina, arcæ inclusa, & in Capitolium illata, servanda commisit, solis illis potestate facta, ut ea inspicerent, & quid factu in singula tempora opus esset, Senatui indicarent. Sed enim fides duorum duntaxat Virorum certè periculo non vacabat, ac facile erat iisdem, cum sine arbitris aliis essent, falsa pro veris tanquam oracula venditare, atque hoc pacto, quidquid demum vellent, in Republica statuere: ab his quippe Libris Sibyllinis à parvo ad maxi-

maximum jam omnes pendebant. Hanc in suspicionem adductum *M. Tullium Duumvirum*, quod *Librum*, secreta civilium Sacrorum continentem, custodiae suae commissum, corruptus *Petronio Sabino* describendum dedisset, culeo insutum *Tarquinius Rex* in mare abjici jussit, teste *Valerio Maximo*. Hinc pro Duumviris, instante cum Patritiis etiam plebe, quos omnes summa horum Librorum superstitione occupaverat, Decemviri subrogati sunt, referente *Dionysio* ita scribente. Expulsi Regibus Sibyllinorum curam Civitas suscepit, & Duumviris abrogatis, Clarissimos Viros Custodes eorum creavit: qui per totum vita tempus fungerentur hoc munere, liberi ab omnibus militaribus atque civilibus muniis: & publice illis addidit alios, sine quibus Sibyllinos Libros ab iis inspicere non sinit. - - Creati quinque Patrum, quinque Plebis. Sulla temporibus, Viri quindecim eam curam fatalium Librorum gessere, juxta *Pomponium Latum*: quibus *Cesar Julius*, teste *Dione*, unum iterum superaddidit. *Servio* autem perhibente, tandem ita crevit numerus horum Custodum, ut sexaginta omnino essent: sed remansit nihilominus Quindecim Virorum vocabulum.

Valer. Maxim. Libr. I. c. 1.

Dionys. Halicarn. Libr. IV.

Pompon. Lat. de Sacrd. c. 18. Dio Cass. L. XLII.

Servius Aeneid. VI.

Et haec quidem Volumina unacum Capitolio, Sulla temporibus, igne conflagraverunt: missi autem sunt à Senatu *Ostacil. Crassus*, & *L. Valer. Flaccus* in Græciam, ut, quidquid Sibyllinorum Carminum reperire possent, cernerent. Hi reduces ingentem eorum farraginem secum advexerunt, è quibus, delectu sedulo & examine habito, quæ proba videbantur, seposita sunt ad custodiam, supposita igni extradita. Augusti temporibus iterata fiebat discussio, & duo rursus millia carminum, Sibyllis imputatorum, pro spuris habita, cremabantur: cætera in Templo Appollinis servata sunt. Labente verò idololatria, ac Quiritum plurimis ad Christi Sacra conversis, vix quisquam auctoritati horum Librorum amplius aliquid detulit: usquequo eosdem postremo *Stilicon* omnino flammis absumserit. Argumentum eorum quod attinet, *Vossius* quidem docet, antiquissimos Sibyllae Codices, in Capitolium illatos, profana omnia continuisse: quæ verò è Græcia allata sunt Carmina, prophetica subinde de Christo fuisse, nimirum à quopiam Judæorum supposita, atque pro Sibyllinis jactata. Verumtamen *Clariss. Oudinus* prolixè tuetur, eam suppositionem à Christianis factam esse, maximè si sermo sit de iis Sibyllinis carminibus, quæ hodie nos inter jactantur. Cum enim foemina illa, quarum ætas ab omnibus dudum ante Christum statuitur, gentiles, aut melius paganæ certò certius fuerint, idcirco ab idololatriis populis maximè habitæ, à Judæis contra æternò involutæ silentio: carmina econtra quamplura apertam Christianæ Religionis pietatem referant, & approbent: nec paganis, nec Judæis auctoribus tribui debent. Quinam enim istorum v. c. cecinisset?

V.

At

At nos æterna errantes à lege Tonantis
Morte caducorum statuas, & signa virorum,
Numina facta manu, fatui orabamus honore &c.

Ita porro Sibyllinorum Carminum *Libr. III.* sonant verba *justorum. Libro II.* manifesta sit mentio persecutionum contra fideles excitatarum, cum iterata ad eos adhortatione, ut intuitu præmii à Christo conferendi, constantes in facta Religione persistant: canitur ergo:

Ornabitque probos, æternæque præmia reddet
Testibus, ad mortis certamen euntibus usque.

Liber demum VIII. ferè in fine sic habet, luculentò Christiani Authoris testimonio.

Nos igitur sancta Christi de stirpe creati
Cœlesti, nomen retinemus proximitatis,
Lætitiæ memorem servantes Relligionem.

Joan. Marckius de Sybill. Disput. XII. n. 2. apud Clar. Oudinum Comment. de Script. Eccles. Tom. I. col. 150.

Tutò itaque scripsisse *Joann. Marckius* apud *Oudinum* videtur. *Christianos constituimus Auctores scripti, de quo controversitur: qui, ut Christiana consulerent fidei, ac caca Gentilitatis conversionem promoverent, sub Sibyllarum nomine mysteria evulgârunt. Utpote quarum & maximam apud Romanos, aliisque populos esse venerationem noverant, & genuina jam dudum scripta esse deperdita sciebant, & nomine fuisse complures abusos hætemus deprehendebant. PUBLIUS.* Miror te, venerande Tulli, quòd in *Marckii* sententiam tam citò abire videaris, nullius interim pensi habens, sanctæ illi primorum Christianorum genti fraudem tam turpem, atque à fide & moribus nostræ Religionis omninò abludentem hoc pacto impingi. An verbum veritatis, quo stat Christiana Religio, dolo, immo mendaciò evulganda erat? Hoc sine palmari injuria Gentis DEO natæ haud credam. *TULLIUS.* Placet admodum mihi pia hæc tua perspicacitas: Verumtamen meum tu sermonem anteverteras. Mox nimirum admonere te volui ejus, quod dudum monuerat Vir Eruditus *Samuel Desmaretz* loquens de oraculis Sybillinis, videlicet: *procul dubio ea profecta vel ab ipso Montano Hæresiarcha Phrygio, vel ab ipsis Prophetissis, vel ab aliquo ex illius, illarumque admiratoribus & sectatoribus.* Etenim & hæretici Christiano sub nomine latuere: quorum erat, de Christo pulcherrimè loqui, cujus tamen Ecclesiam miserè scindebant. Nec facile errabit, qui credet, hæreticos multos etiam mortem pro Christo, ut jactabant, operiisse, quin tamen Ecclesiæ consenserint, à patre mendaciorum & seminatore litium diabolo coronandi. Paganorum certè, Christi nomen undique

Sam. Desmaretz Selectar. Disput. Part. II.

dique execrantium, parùm intererat, cùm furere cœpissent, orthodoxos, an hæterodoxos ad supplicia raperent : quos legimus, ne Apostatis quidem, & inter pœnas à Christo deficientibus, pepercisse. Superest interim, ut, misîs istis, ex *Demstero* te adhuc commoneam, Carmina *Sibyllarum* Romæ custodita, non in chartaceis voluminibus, sed lineâ telâ constantibus fuisse descripta : quemadmodum alicubi de iisdem cecinit *Clandianus* :

Demstero,
ad Rosin. L.
III. p. 498.

quid carmine poscat

Fatidico custos Romani *Carbasus* ævi.

Claud. de
Bello Getico.

Dudum siquidem *Plinius* perhibuit : *In palmarum foliis primò scriptabant veteres : deinde quarundam arborum libris : postea publica monumenta plumbeis voluminibus, mox & privata linteis confici cœpta, aut ceteris.* Sed & *Sidonius Apollinaris* fatetur :

Plin. XIII.
II.

Præter heroos joca multa

Texui pannis elegos.

Sidon. Apol-
lin. L. IX.
Epist. 16.
VI.

PUBLIUS. Jucunda multa, nec undique obvia me hætenus de Sibyllis sine discrimine docuisti. An porrò non vacat, jam per singulas ire, & quid de unaquâque tibi constet, singillatim pariter pandere ? *TULLIUS.* Ibo utique, sed fallentibus undique vestigiis : Ætas enim *Sibyllarum* nimium remota, memoriâ propè intercidit. *Cymeria* tamen tenebras à *Sibylla CYMERIANA* inchoemus. Hanc *Cumaam* dicunt plerique, & multi eandem omnino volunt cum *Cumana* : qui porrò distinguunt, ortam volunt ex *Cymeria*, Campaniæ oppido, *Cumis* vicino, ubi & eam vaticinatam concedunt. Nonnullis *Italica* dicitur, quòd, Trojâ succensâ, eam ad provinciam migrârît, quasi præscia, è Teucris Latinos olim suscitandos. *Oudino* notante, *Aristoteles* cum *Marcio Capella* eam facit *Ἐρυθραία*, seu Erythræ natam : *D.* autem *Justinus M. Berosi* filiam Babylone ortam constituit. Juxta *Aristotelem* ejus lectus, juxta *Justinum* templum ejus subterraneum, uno saxo fabricatum, olim ostendebatur. Apud *Pitiscum* verò lego, ei *Deiphobes* nomen fuisse, atque ad hanc demum *Sibyllam*, plurium saltem opinione, Æneam accessisse. Canit certè *Maro* :

Virg. Æn.
VI. v. 36.

Affuit atque unâ Phœbi Triviæque sacerdos

Deiphobe Glauci, fatur quæ talia regi. (*i. e. Æneæ*)

Cymerianam Sibyllam excipiat *CUMANA*, plurimis eadem cum priore. Hanc *Solinus* non *Cumis* Italiæ, sed *Cumâ* Æoliæ metropoli natam advertit, & quinquagesima *Olympiade* rebus Romanis interfuisse testatur. *Seipulcrum* tamen illius sua adhuc ætate mansisse in *Sicilia* dicit : quod *Goltzius* in *Lylibæo* Pœnorum Colonia positum statuit, unacum puteo, ex quo omnes bibentes Pythico furore afflati, oracula edere soliti sint, sathanæ re-

Solinus c. 2.
Goltz. Sicil.
Hist. p. 109.

gno adhuc dum vigente. *Amalthea, Demophiles, Herophiles* nomina incertum de ea jactantur: plures tamen admittunt, hanc *Cumanam Sibyllam* fuisse, quæ ad *Tarquinium* regem Romanum, quod suprà narratum est, fatidicis cum Libris accefferit. Quod cum referunt *Dionysius Halicarnassensis*, & *A. Gellius*, non ajunt, Oracula illa regi à *Sibylla* fuisse oblata, sed ἀπὸ γυναικὸς ἐκ ἐπιχωρίας, ab *Ann hospita atque extranea*: Addit verò *Servius*: que se *Maltheam* diceret. Esto verò *Varroni* credatur, ex quo & *Ludov. Vivis*, Librorum S. Augustini de Civit. DEI. Commentator eruditus, illud asserit, *Sibyllam Cumanam* cum *Tarquinio* egisse: quis tamen ille *Tarquinus* fuerit, an *Priscus*, an *Superbus*, quos inter *Servius Tullus* 44. annis intercessit, neuter definit; Interim Doctiss. *Salmasius* acriter contendit, *Cumeam, Cumanamque* *Sibyllam* eandem omninò fuisse, fortè non animadvertens, aut rejiciens, quòd *Solinus*, ut suprà memineram, *Cumeam* *Sibyllam* à *Cumis* Italiæ appellet, *Cumanam* verò à *Cuma*, Æoliæ metropoli, quòdque ille sepulcrum quidem *Cumana* *Sibyllæ*, non tamen cunas natales in *Sicilia* constituat. Præterea *Cumeam* inter *Cumanamque* *Sibyllam* lis alia confurgit, de quam videlicet earum *Ovidius* ætatem tam longævam, tamque prodigiosam commentus sit, ut sic eam carentem induceret:

Annos

Vixi bis centum, nunc tertia vivitur ætas.

Servius de *Erythrea* *Sibylla*, quam *Aristoteles, Marcius Capella, & Salmasius* eandem esse cum *Cumaea* pronunciant, idem fabulatur, quod de *Cumaea* somniabat *Ovidius*: nimirum, eam ab *Apolline* pio amore admodum fuisse dilectam, ita, ut ei facultatem offerret poscendi, quod vellet. Haussit illa arenam manibus, tamque longam sibi vitam poposcit. Cui *Deus* respondit, posse id fieri, si *Erythraam* patriam suam, in qua habitabat, defereret, & nunquam deinceps videret. Mox igitur *Cumas* proficiscebatur: ubi, quod *Phelegon Trallianus* apud *Clar. Oudinum* observat, decem generationes inter homines vixit. Corporis quidem viribus omninò defecta, vitam in sola voce retinuit. Quod cum cives ejus *Erythræi* cognovissent, vel misericordiâ moti, vel invidiâ stimulati, Epistolam ei miserunt antiquo more cerâ signatam, qua visa, quia erat de patria insula sua, morte soluta est.

VII.

DELPHICA *Sibylla* omnium ferè antiquissima, & celeberrima creditur: quam *Diodorus* scribit *Daphnen* appellatam, *Suidas* verò *Artemin*, & *Manto*, denique *Pausanias* etiam *Herophilen*, quod & *Salmasius* tuetur. Ab aliquibus nata *Delphis* putatur: vulgò tamen, ex mente *Diodori*, filia *Tiresiæ*, vatis *Thebani*, creditur, à patre vim divinandi adepta. *Delphica* cognomen obtinuit, quia, cum *Argivi* *Epigoni* ex *Apollinis* responso *Thebas* sub

Ludov. Vivis in Libr. XVIII. de Civit. DEI. c. 23. *Salmas. Exercitat. Plianian*, p. 52.

Servius apud *Oudin.* Col. 146.

sub duce Alcæone expugnâssent, inter cæteros capta, *Delphos* est missa, ut vñtum victoriæ Apollini redderet. Ibi fatorum futurorum longè peritior facta, Oraculis Apollinis diu inservit: neque tamen perpetuò remansit, sed, teste *Pausania*, apud *Samios* quoque magnam vitæ partem actitans, *Claron* pariter *Colophonie* Urbem accessit, in *Troade* postremò defuncta. Unde bellum Trojanum longè antecessisse debuerat, ansamque *Homero* dedisse existimatur, ut ejus è vaticiniis permulta poematiis suis infereret. *Delphis* porro vaticiniorum suorum insigne monumentum eam reliquisse, *Plutarchus* Libro de *Pythiæ oraculis*, & *Clemens Alexandrinus* ex *Heraclide* apud *Oudinum* testantur: saxum videlicet ingens à se constitutum, in quo sedens oracula sua cecinerit. Plus audebat *Serapion*, comminiscens, eam ne mortuam quidem à divinando cessâsse, sed id, quod ex ea in ærem recessit, post obitum, illud ipsum esse, quod nunc in fortibus & auguriis divinat. Corpus illius in terram versum, herbas protulisse, quæ ab animalibus comestæ, extis eorum & visceribus signa impresserit, ex quorum inspectione futura discantur. Animam tandem illius faciem Lunæ constituere. Superest, ex *Varrone* ut addam cum *Pitisco*, Delphicam hanc vatem ante omnes fatidicas fœminas nomen *Sibyllæ* consecutam esse, cæteras verò, quæ eam vaticinandò postea imitarentur, ab ea *Sibyllas* appellatas fuisse.

Plutarch.
S. Clemens
Alexandr.
ex *Serapione*
apud
Clar. Oudin. *Cat.*
146.

SAMIA Sibylla parùm admodùm nota est: ejus memoriam in antiquissimis Samiorum Annalibus sibi occurrisse *Eratosthenes* & ipse Scriptor vetustissimus retulit. *Eusebius* verò Numæ Pompilii, apud Romanos Regis secundi, temporibùs Olympiade XVII. eam claruisse in Chronicis narrat, vultque *Heriphilên* dictam: quamquam *Suidas* proprium ei nomen *Phyto*, sive *Pytho* fuisse testetur. Sibylla HELLESPONTIACA nata esse dicitur in agro Trojano, vicòque *Marmisso*, sive *Marpeffo*, circa oppidum *Gergithium*. In *Tibulli* carminibus *Marmessia* audit, sive *Marpeffia*, & *Gergithii*, velut concives ejusdem, ære suo eam una cum *Sphinge* excudebant. Vixisse circa *Solonis*, Cyrique tempora ab *Heraclide Pontico* perhibetur. DE PHRYGIA Sibylla nihil omninò veteres memoriæ prodidère, quàm quòd *Ancyre* vaticinata sit. *Marcus Capella* per eam non aliam nisi *Cumiam* intelligi cupit. De LYBICA quoque nihil omninò forsitan sciremus, nisi ejusdem *Euripides* in *Lamiæ* prologo meminisset: quod argumento est, eam ante Olympiadem LXXX. fuisse vaticinatam, & fortè juxta Græcos apud *Pausaniam*, si *Delphica* ei ætatem concedere voluerit, omnium mulierum primam. Idem *Pausanias* ex Græcorum relatu ejus nomen & parentes evulgat: vult enim *Jovis* & *Lamiæ* vaticinæ filiam, *Lybissam*que nuncupatam. ERYTHRÆAM Sibyllam plures à *Cumæa* distinguere nolunt: *Lactantius* ei patriam tribuit *Babylonem*, *Erythram* alii. *Apollodorus*

VIII.

Erythræus eâdem ut concive sua gloriatur, vultque eandem Græcis Ilium petentibus vaticinatam fuisse, Trojam arsuram, & *Homerum* mendacia multa scripturum. *Dionysius* porro *Halicarnassus* insuper refert, eam *Aeneâ* quoque cum sociis mandasse, ut Occidentem versùs navigaret, donec illò pertingeret, ubi mensas manducarent. Plurimi ergò ante bellum Trojanum eam constituunt: *Eusebius* tamen illam differt ad Romulì tempora, & primam Quiritum ætatem. Sed *Strabo* duas *Sibyllas Erythraas* agnoscit.

IX.

Pausan.
Phocaïcor.
Libr. X.

PERSICA Sibylla sæpè *Babylonica*, *Chaldea*, *Ægyptiaca*, *Hebræa* appellatur, ob nimiam patriæ incertitudinem, harumque provinciarum vicinitatem, quapropter facilè confunduntur. *Pausania* authore, post *Demon Cumanam Sibyllam*, in satidicarum feminarum numerum *Hebræi*, qui supra *Palæstinam* sunt, conscripserunt Gentilem suam, *Sabbam* nomine: quam *Beroso* patre, matre *Erymanthe* genitam tradunt. Porro *Suidas* infit: *Sibylla Chaldaea*, quæ à nonnullis *Hebræa* vocata est & *Persica*, proprio nomine vocabatur *Sambetbe*. Quod nomen ab illo *Sabba* formatum analogica ratione, existimante *Pitisco*, m. litera cum b. commutata. Interim, ut advertit *Clariss.* *Oudinus*, cognatio nominum *Saba* regionis, & *Sabba*, hunc in errorem quosdam induxit, ut *Sibyllam* hanc *Persicam* pro Regina *Saba* acciperent, quæ *Ierosolymam* venit ad sapientiam *Salomonis* periclitandam. *Sphalma* tamen eorum multò insolentius fuit, qui hanc *Sibyllam* etiam nurum *Noëmi* Patriarchæ fecere: eò quòd quidam scripserint, illam in oppido *Noë*, ad mare rubrum sito, progenitam esse. Non desunt etiam fabulatores, qui Deam eam jactitent, arisque ac templo esse cultam comminiscantur. Plurimam autem, quæ de Christo sunt, vaticinia passim *Sibyllæ* huic *Persica* tribuuntur; de qua proinde *Ludov. Vivis* ita pronuntiat: *Ejus Libri fuerunt quatuor & viginti, ac de Christo Domino innu-mera cecinit, deque ejus adventu: cui cetera quoque Sibylla concinuerunt. Versus ejus passim legebantur imperfecti, & interdum parùm coherentes, vitiò non vatis, sed exscribentium festinanter, ita, ut multa conjectura sit opus. Quod non sine Numine contigit, ne ab indignis illa vaticinia intelligerentur.* Huic proinde *Sibyllæ* imputantur etiam VIII. Libri Carminum, quos hodie habemus, & *Sibyllini* dicuntur. Horum tertiò sub finem ista leguntur:

Ludov. Vi-
vis ad Libr.
XVIII. S.
August. de
Civil. DEI
cap. 23.

Ut mortale genus, venturæque quæque fuerunt,
Pandens admoneam: siquidem cùm dilueretur
Mundus aquis: cùm vir solus probus exuperaret
Quidam, quem per aquas vexit domus eruta silvis,

Et

Et pecudes, & aves, rursus impleretur ut orbis;
Ejus ego nurus, ejus item de sanguine nata,
Cui prima acciderant, postrema ostensa fuerunt,
Haecenus ore meo vera omnia prodita sunt.

Hic scemina ista, ore hæc Carmina fingentis, se ait interfuisse Diluvio, & tanquam Nurus Patriarchæ Noë, qui solus justus inventus erat, cum eo in Arca esse servatam. Sed paulò post iterum destruit, quod mox asseruerat, iterum canens:

Haec sunt, quæ moneo, Assyria Babylone profecta.

Babylon verò nonnisi 153. annis à Diluvio cœpit. In consequentibus matrem suam *Circen*, & patrem *Gnostum* dicit, id est *Ulysses*: cujus adventus in montem *Circellum* octingentis & amplius annis ab excessu Patriarchæ Noë acciderat. Quomodo ergò nurus illius existere potuit? Hæc *Oudin* ex *Blondello* animadvertit, ut liberum esset cuilibet, de veritate *Librorum Sibyllinorum*, qui hodie exstant, secum decernere.

Oudin.
Commenta-
rior. de Scri-
ptor. Eccles.
Col. 153.

TYBURTINA tandem *Sibylla* dicta est non tam, quòd Tybure nata fuerit, quàm quod cultum ibidem Deæ acceperit. Narrant, eam *Augusti Caesaris* tempore vixisse, eumque adhortatam esse, ut puerum ex Virgine nasciturum adoraret, immò eidem Deiparam in aëre sublimem cum infante in ulnis ostendisse. Quod diffitetur Eminentiss. *Baronius*: aut, si quæ huic rei fides adhibenda sit, ita adhibendam existimat, ut ea ipsa *Augustus à Sibylla acceperit, hoc est, à Sibyllinis carminibus, in quibus cognoscendis, scrutandis, expurgandis ille multus fuit.* Cæterum credulam hanc opinionem *Varro* convellit, de Tyburtina Sibylla ad Cajum Cæsarem Pont. Max. qui præcessit Augustum, ita præscribens. *Nomine erat Albunea, quæ Tyburi colitur ut Dea, juxta ripas amnis Anienis: hujus namque in gurgite simulacrum ejus inventum esse dicitur, tenens in manu librum. Sacra ejus in Capitolium transtulit Senatus.* Sibyllæ *Europææ*, ac *Rhodiæ*, quarum hic plasmata insuper vides, nullam apud Authores video memoriam fieri. Nimirum utramque tacuit *Varro*, cui aliàs *Sibyllæ* reliquæ omnes suam qualemcunque historiam debent: nemo etenim, nisi *Varronis* testimoniò fultus, harum aliquam Vatum commemorat.

Baron. Apparatu An-
nal. n. XXV.

Postremum, quod de *Sibyllis* in quæstionem adducitur inter Authores, est perpetua earum Virginitas. Sed quis de statu illarum tutò pronunciet, quarum nec ætas, nec patria, neque parentes sciuntur? Qui omnes perpetuò mansisse Virgines volunt, nituntur *D. Hieronymo*, alicubi scribente: *Sibyllarum insigne Virginitas est, & Virginitatis premium divinatio. Quòd si Æolico sermonis genere Sibylla Θεσβέλη appellatur,*

XI.

S. Hieron.
Libr. I. contra Jovi-
nian.

S. Clem.
Alexandr.
Stromat.
Lib. I.

rectè Consilium DEI sola scribitur nōsse Virginitas. At huic sententiæ manifestè refragatur *Clemens Alexandrinus*, referens, *Sibylla Italica* filium fuisse *Evandrum*. Quin & ipsa *Sibylla Persica* in versibus supra allatis disertè *Nurum* se *Nœ Patriarchæ* professâ est, i. e. uxorem cujusdam è filiis ejus. Alibi se insuper accusat ceu fœminam prostituti pudoris: atque idcirco misericordiam DEI implorat: Canit enim:

Mille mihi lecti, connubia nulla fuerunt,|

Jurêque jurando quosvis perjura ligavi &c.

Evidens sanè hoc argumentum est, aut eam, quæ hoc cecinit, *Sibyllam* non fuisse, aut *Sibyllas* non omnes Virgines permansisse. Sed emergamus tandem, lectissime *Publi*, è tam *Cimmeriis Sibyllarum* tenebris: ad Imperatorum verò certiore[m] historiam, proxima in *Exercitatione* tractandam, nos accingamus. *PUBLIUS*. Tu verò impensas iterum à me recipe grates, venenande *Tulli*, & geminum, quem confeci, hunc *Indicem* relege.

Sin placeat tibi, non parùm beatum me credam, Vale,
ac iterum vale.





INDEX PRIOR EORUM,

Quorum Numi in hac EXERCITA-
TIONE I. Prævia pinguntur, &
exponuntur.

NB.

Cùm Imagines Numorum in Tabulas relatæ sint,
exponentur in Dialogis, notandum fuit, ubi pictus sit
Numus, ubi expositus. Dum itaque legis: *T. I. 1.* intellige, Numum
illum depictum *Tabulâ primâ, numero primo.* Cum scribitur: *D. I. 1. 2. 3.*
noveris, Numum eum exponi *Dialogo primo, numeris marginalibus*
1. 2. 3. Paginam allegare nec integrum mihi fuit, neque
tibi magnopere necessarium.

ACILII *Manii* Numus cum ca-
pite Salutis Deæ, & Dea
Valetudine stante. Pingitur T.
III. 1. exponitur D. IX. 1. 2. 4.
5. 6.

AGATHOCLIS Syracusani Ty-
ranni Numus cum capite Dianæ,
& fulmine. Ping. T. I. 4. Ex-
pon. D. II. 11. 12.

ALEXANDRI M. Macedonis
Numus cum capite suo, & Jo-

ve sedente. Ping. T. L. 1. Exp.
D. I. 4-8.

ALLII *Caii* Numus cum capite Ju-
nonis Lucinæ, & Diana cervis
invecta. T. III. 2. D. IX. 8-12.

AMBRACIÆ Urbis Numus cum
capite Minois, aut Jovis, ac
Minotauro. T. I. 10. D. IV.
8-12.

ANTISTII *Caii Veteris* Numus,
cum capite Augusti, & Ara
Apolli-

- Apollinis Actii. T. III. 3. D. X. 1-5.
- ANTONII *Marci* Triumviri Numus cum capite suo intra sertum ex hederâ, & capite Cleopatrarum supra cistam inter serpentes. T. III. 4. D. X. 6. 7.
- ATHENARVM Numus cum capite Palladis & Noctua. T. II. 6. D. VI. 2.
- ATTAITARVM Numus cum capite virili imberbi ac laureato sacri Populi & Æsculapio stante. T. VI. 10. D. XXI. 11.
- AVRELII *Marci Antonini* Imp. Numus cum capite suo, & Lupa gemellos lactante sub lupericali. T. VI. 5. D. XX. 10.
- BRVTTIORVM Numus cum capite Jovis, & Brettone Herculis filio. T. II. 8. D. VI. 7. 8.
- BVCÆ *Lucii* Numus cum capite Julii Cæsaris, & globo, caduceo, fascibus, securi. T. IV. 5. D. XV. 1. 2. 3.
- CARISII *Titi* Numus cum capite Junonis Monetæ, incude, forcipe, malleo, & vitta Vulcani. T. III. 5. D. XI. 1. 2.
- Ejusd. Numus alter cum capite Sibyllæ Phrygiæ, & Sphingis. T. III. 6. D. XI. 6. 7.
- CESTII *Caii* Numus cum capite Africæ elephantino, ac sella curuli inter fasces. T. III. 8. D. XII. 6. 7.
- CLOVII *Caii* Numus cum capite Victoriæ, & Pallade Strativa Tropæum portante. T. III. 9. D. XIII. 1. 5.
- CORCYRÆORVM Numus cum stella Bacchi, valis, botro & hederâ. T. II. 3. D. V. 10. 11.
- COSANORVM Numus cum tribus viris proficiscentibus, & aquila, sceptro insistente, laurumque gestante. T. II. 9. D. VII. ferè per totum.
- COTTÆ *Lucii Caii* Numus cum capite Vulcani, & aquila, utrobique intra sertum laureum. T. III. 7. D. XII. 1-5.
- DELPHORVM Numus cum juvene Delphino insidente, & capite Apollinis plectro, & lauri ramo. T. II. 1. D. V. 1-7.
- DEMETRII *Nicatoris* Seleucidarum Regis Numus cum capite suo, & aquila ad palmam stante. T. I. 5. D. III. 2-6.
- Ejusdem alter Numus cum capite suo, & Jove sedente. T. I. 6. D. III. 7.
- DVRRACHIORVM Numus incusus cum vacca vitulum lactante. T. II. 7. D. VI. 3-6.
- HERENNII *Marci* Numus cum capite pietatis, & imagine Æneæ Anchisen portantis. T. IV. 1. D. XIV. 2. 3. 4.
- HIERAPOLITANORVM Numus cum capite sacri Sennatus, & Felici.

- Felicitate stante. T. VI. 8. D. XXI. 4. 7.
- HIERONIS I. Reg. Syracusani Numus cum capite suo, & eodem equite. T. I. 3. D. II. 9. 10.
- HOSTILII *Lucii Siferia* Numi duo: Prior cum capite Pavoris Dei, & biga: Alter cum capite Palloris Deæ, & Diana Ephesia. T. IV. 2. & 3. D. XIV. 5. 6.
- LEUCADIORUM cum Dea stante, penès quam cervus, telum, aquila, spica, & navis. T. II. 4. D. V. 12.
- LICINII *Lucii Macri* Numus cum Vejove, & quadriga. T. IV. 6. D. XV. 4. 5.
- LIVINEII *Lucii Reguli* Numus cum capite patris sui, sella curuli & fascibus. T. IV. 7. D. XV. 6. 7.
- LUCRETII *Trionis* Numus cum capite Neptuni, & puero super Delphinum equitante. T. IV. 8. D. XV. 8. 9.
- LURII *Publii Agrippæ* Numus cum capite Augusti, cui parvula Victoria laurum illigat, & literis S C. T. IV. 9. D. XV. 11. 12.
- LYSIMACHI Thraciæ R. Numus cum capite suo cornuto, & Pallade sedente. T. I. 2. D. II. 2-8.
- MÆCILII *Marci* Numus cum capite Augusti, & S. C. T. IV. 10. D. XV. 11.
- MARCELLINI *Lentuli* Numus cum Jove stante, ac Tricrure Siciliæ. T. III. 10. D. XIII. 10. 11.
- MARCI *Caii Capitonis* Numus cum capite Junonis, & viro bo-
- ves agente. T. V. 1. D. XVI. 5-8.
- MEMMII *Caii* Numus cum capite Quirini, & Cerere serpentibus vecta. T. V. 2. D. XVI. 9-10.
- MINUCII *Quinti* Numus cum capite Romæ, ac Castore & Polluce Equitibus. T. V. 4. D. XVII. 5. 8.
- MINUCII *Titi Augurini* Numus cum capite Romæ, columna & statua. T. V. 3. D. XVII. 1. 2. 3. 4.
- MITHRIDATIS *Eupatoris*, Ponti Regis, Numus cum capite suo, & cerva pascente intra hederæ fectum. T. I. 7. D. III. 8. 9.
- MUSSIDII *Lucii Longi* Numus cum capite Veneris Cloacinæ, & cancellis Comitiorum. T. V. 5. D. XVII. 9. 10.
- NUMUS cum capite Minervæ, & titulo *Romanos*, ac capite Equi. T. II. 10. D. VII. 15. 16.
- NUMUS cum Jano bifronte, & puppinavis. T. VI. 1. D. XX. 3.
- NUMUS cum capite Romæ, & Victoria bigas agente. T. VI. 2. D. XX. 4.
- NUMUS cum capite Romæ, vel Genii ejus, & Lupa gemellos lactante. T. VI. 3. D. XX. 6. 7. 8.
- NUMUS cum capite Romæ, & Ficū Ruminali inter geminam aquilam. T. VI. 4. D. XX. 4.
- NUMUS cum capite Romæ, eaque iterum sedente ad Ficū Ruminalem: pone Lupa & Picus geminus. T. VI. 6. D. XX. 11.
- PAGASEORUM Numus cum nomine Urbis intra fectum ex

INDEX.

- hedera , & cum capite quasi foemineo Liberi patris. T. II. 2. D. V. 8. 9.
- PAPI *Lucii* Numus cum capite caprino Junonis Sispitæ, acgryphe. T. V. 6. D. XVIII. 1. 2. 3.
- PAPII *Lucii Celsi* Numus cum capite Mercurii & lira. T. V. 7. D. XVIII. 7.
- PETRONII *Publii Turpiliani* Numus cum capite Augusti, & Sirene stante. T. V. 8. D. XVIII. 8. 9.
- PHILADELPHIORUM Numus cum capite muliebri velato Populi, & Diana venatrice. T. VI. 9. D. XXI. 8. 9.
- SILANI *Lucii* Numus cum capite Salutis Deæ, & victoria bigas agente. T. IV. 4. D. XIV. 9. 10.
- SVRDINI *Lucii* Numus cum ferro laureo, in quo nomen Augusti, & cum literis S. C. T. V. 9. D. XIX. 1. 7.
- SYNNADÆ, Urbis Phrygiæ, Numus cum capite Romæ turrito, & elogio Deæ, ac cum Iside stante. T. VI. 7. D. XXI. 1. 2. 3.
- THEMISTOCLIS Numus cum capite ejus, & tropæo navali. T. I. 9. D. IV. 5.
- TIGRANIS, Armeniæ Regis, Numus cum capite suo, & Armenia provinciam aliam calcante. T. I. 8. D. III. 10.
- VALERII *Lucii Flacci* Numus cum capite victoriæ, & Marte stante. T. V. 10. D. XIX. 8. 9.



INDEX ALTER RERUM NOTABILIUM.

Quæ ad Numorum Cognitionem, Fabulam, Historiam, Mythologiam, Ethicam, Politicam referri queant.

Numerus Romanus Dialogum (si litera P. præponatur, unum è Proæmialibus) Numerus Arabicus numerum Dialogi marginalem demonstrat.

A.

A, subinde notat Assem. VIII. 6.

A. A. A. F. F. quomodo legendum? VIII. 9.

A. P. F. quid sibi velit? VIII. 9.

Accensus apud Quirites quid? VII. 14.

Acilia gens IX. 4. 5. 6.

Acrostolium, & Acrotirium quid? V. 12.

Ædilium origo & munera. XII. 8.

Ælia gens. IX. 9.

Emilia gens. XV. 3.

Ænea tributum elogium Patris Dei, vel Jovis Indigetis. XIV. 3.

Æsculapio unde serpens addatur? IX. 2.

Ætas, Colchidis Rex, inhumanus & truculentus. V. 9.

Ætoli pugnabant uno pede nudi, XIX 9.

Africa in Numis est capite elephantino. XII. 6.

Agathoclis Siraculani Regis tyrannis & interitus. II. 12.

Alexandri M. Notæ juventus, & collum recline. I. 5. Ejus nativitas credita divina. 7. Elogium & mors. 8. Effigies ejus ab omnibus deportata. *ibid.* Videtur esse in Numo Lysimachi. II. 2.

Ambracia Epiri Urbs. IV. 12.

Andromedæ fabula. III. 6.

Antiochus radix peccati. III. 7.

Antiquis in rebus verosimilia pro veris accipienda. VII. 8.

Antiquitatis studia rite tractata cavillare, imprudentis hominis est. XVI. 17. Diabolo dolet industria hominis ad res antiquas pernoscentas incumbentis: ideo tot excitat irrisores. 19. Antiquarum rerum peritia valet ad redarguen-

INDEX.

guendos impios, qui Evangelio non obediunt. 20. Ea, ad quam hodie mundus, & nobilis maximè juvenis adeò anhelat, uti nam Viris Ecclesiasticis domi esset: ne haurienda foret, ubi non expedit. 21. Antiquitatis in cognitione sobria & casta non leve inest momentum ad Ecclesiam Catholicam cohonestandam, atque tutandam 22.

Antistia gens. X. 5.

Antonia gens. X. 6.

M: *Antonii* Triumviratus, & factum, X. 7. 8. 9. 10. Bacchum induit. 12. Consulatus ejus triplex. 14.

Apollo Delphino vectus, *Delphis* nomen dedisse fertur, ipse dictus *Delphinus*. V. 2. Ejus Oraculum, Tripus, Templum Delphicum. 3. 4. 5. 6. Quomodo Pythonem occiderit? V. 4. à Leucadiis Templo, & annuo rei hominis Sacrificio cultus. V. 12.

Apollo Aëlius ab Augusto cultus. X. 2. Ejus Lira & Ludi. 3. 4.

Apollinares Ludi unde orti, & quomodo acti? XX. 5.

Apum alæ, & favi olim fuere materia Templi Apollinei Delphici. V. 5.

Aquila cur Jovi tributa? I. 6. An in Numis comparuerit cum scepro & lauro ante ævum Augusti? VII. 7. 9.

Aradus Insula Phœnicie. III. 5.

Archimedis historia. XIII. 14.

Argonautarum fabula. V. 9.

Arietis cornu in capitibus regum unde domo? II. 2.

Athenarum elogium. VI. 2.

Augustus Imperator laudatur. X. 1.

Quibus Sibyllis sit usus? XI. 8.

Aurei Velleris fabula. V. 9.

B.

Bacchantium stultitia. X. 17.

Bacchus omnis sexûs, & ætatis formâ exhibebatur. V. 8. Unde ignifer dictus, & stellâ designatus? Per eum Sol intelligebatur. Aureis cornibus fictus est. Maculosarum pellium animalia ei immolata. V. 11. Ejus signum hedera. X. 12.

Balarus idem ac exul. IX. 12.

Bala cognomen unde? IX. 12.

Bigæ, aut *Quadrigæ* victoriæ signum. XIV. 7.

Boves in Numis coloniæ nota. XVI. 6.

Bruti Lucii Junii, primi Consulis, Numa, qui reges Româ expulerat, descriptus. VII. 11.

Bruttii qui, & quales? VI. 7. 8.

C.

Caduceus pacis index. XV. 2. Mercurio proprius. XVIII. 7.

Cæsar

INDEX.

- Cæsar* Julius quoties Dictator fuerit? XIII. 4.
- Callisthenis* Philosophi fatum. II. 5.
- Capra* abominabilis apud Quirites. XVIII. 2.
- Capita* sine nomine, præsertim mulierum, ægrum est dignoscere, nisi ex usu. XI. 6. Capite suo Numum signare, florente Republica, nemini licuit. Julio Cæsari indultum. VIII. 8.
- Carisii* Titi Victoria relata de Asturibus. XI. 5.
- Carthago* unde dicta. IV. 4.
- Castoris* & Pollucis fabula. XVII. 6. 7. 8.
- Celes* quid? II. 9.
- Cereris* fabulæ & mythologiæ. XVI. 11. Ejusdem Ludi. 15. 16.
- Cestia* gens. XII. 7.
- Ciceronis* occisi causa. X. 7.
- Cistophorus* Numus quid? X. 18.
- Claudia*, & *Cornelia* gens. XIII. 10. 12.
- Cleombrotus* immortalitatis causâ experiendæ seipsum interemit. IV. 12.
- Cleopatra* amores impuri erga M. Antonium, & mors. X. 9. 10. 11. elogium ei ab Amasio tributum. 15.
- Cloaca* apud Quirites opus erant magnificentum, atque stupendum. XVII. 10.
- Clovia* gens. XIII. 5.
- Codri* Reg. Atheniensis in patriam amor. VI. 2.
- Cognomina* unde petita? VIII. 16.
- Colchidis* Insulæ aureum Vellus, i. e. Auri opulentia. V. 9.
- Colonia* quid? & quomodo emitti solita? XVI. 6.
- Columna* firmitatis index. IX. 2.
- Comitiarum* locus quis? XVII. 15.
- Concordia* Dea. IX. 1.
- Consulum* Romanorum origo & munera, ac dignitas propè regia. XIX. 10. 11. 12. 13. 14.
- Consulares* quinam? XIX. 14.
- Corceyræ* Urbis ac Insulæ historia, fortuna, & opes. V. 11.
- Cornucopia* felicitatis ac ubertatis nota. XXI. 4.
- Corona* ex hedera Bacchum innuit. III. 9.
- Cosa* colonia Volsinensium. VII. 2. Soricibus ita vexata, ut coloni solum vertere debuerint. 4.
- COS. COSS. ITER. III. IV. & COS. DES.* quomodo legendum, & quid velit? X. 14.
- Cottarum* familia. XII. 5.
- Crus* triplex, capiti humano junctum, Siciliæ typus. XIII. 11.

Curator frumentorum quid? IX.

II.

CVR. X. FLAND. quomodo legendum? VIII. 9.

D.

D. Decius, aut *Decimus* legendum, XIV. 9.

Daphne in laurum mutata, V. 5.

Delphi unde dicti? V. 2. Delphicum Oraculum quomodo coeperit, creverit, perierit? 3. 4. 5. 6. Templi Delphici quantæ divitiæ? quæ fata? quoties, & quomodo aliter atque aliter structum? 5. 6. Ibidem virgines primum, postea anus divinabant. 3.

Delphin amat juvenes. Fingitur Apollinis vector, aut hic ejus formam induisse. Etiam Pytho serpens dictus Delphinus. V. 2. Hic piscis in Numis maris symbolum, XV. 9.

Delphus Neptuni filius. V. 2.

Demetrii multi: unde Numi eorum ambigui. III. 2. Demetrius II. seu Seleucus dici voluit Deus invictus, III. 7.

Diadema seu fascia in capitibus regum. II. 2.

Diana à Macedonibus culta sub typo *Luna*, VI. 1. *Diana Lucifera* eadem cum *Junone Lucina*,

& à prægnantibus implorata. IX. 10. *Diana Ephesa* subinde Provinciam notat, ubi culta est. XIV. 8.

Dictatoris origo & munus, XIII. 3. 4.

Didonis Numus fictus rejicitur: ejus historia: nihil illi cum *Ænea*. IV. 4.

Dii cur semi-nudi? I. 6. Utriusque sexus formæ reddebantur: quare? V. 8. Cur eorum imaginibus Numi tam sæpè signati? XIII. 6. Deorum capita denotant Templorum dedicationem, aut Ludos. XV. 5. *Dii marini*, 9. Deæ nomen, Romæ tributum, videtur *nomen blasphemie*, de quo D. Joannes in Apocalypsi. XXI. 2.

Diogenes saltum Platonis calcans. XVII. 13.

Discendum, ut docere queas. XVI. 1. *Doctus* sudores suos non tam utilitate, quam honesta sciendi voluptate metitur, quam deinde aliis impendat, IX. 7.

Duumviri Quinquennales. XIV. 4.

Duumviri, Decemviri, Quindecimviri, custodes carminum Sibyllinorum. XXII. 4.

Dyrrachium Urbs. VI. 3. 5. 6.

E.

Ei pro I. in Numis. XVI. 13.

Elephantino capite induta Africa. XII. 6.

F. Fabu-

F.

Fabularum veterum utilitas, si ab-
jecto cortice nucleum quæras.
XVI. 17.

Familia differt à gente & stirpe.
VIII. 11.

Fasces quid? Unde ortæ? quibus
prælatæ? VII. 13. Sunt iustitiæ
typus. XV. 2. In Numis sim-
plicem tantum per hastam subin-
de exprimuntur. 6.

Fascia regalis usus quando cœperit
apud Syracusanos? II. 10.

Fauni & Satyri veritatis occultæ, &
virtutis latentis, ignorantia item,
& simulatæ virtutis, sunt typus.
XI. 15, 16. 17.

Felicitas quomodo in Numis ex-
pressa? XXI. 4.

Ficus Ruminalis quid, & unde dicta?
XX. 9.

Flamen quid? X. 13.

Fulmen pluribus Diis commune.
II. 12.

G.

Galea quid innuat? XII. 7.

Gens quomodo differat à familia, &
stirpe. VIII. 11.

Globus Monarchiæ symbolum. XV.
2.

Græcæ Urbes quando latino, quan-
do græco sermone in Numis sint
usæ? VII. 12. Colonia etiam
Romanæ græco utebantur idio-
mate. *Ib.* 10.

Gryphes quibus Diis tribuantur?
XVIII. 6. An verè dentur, an
porro mera sint fabula? 5.

H.

Hæres ex Asse, sex Semisse &c. quid
sibi velit? VIII. 5.

Hammonis Jovis fabulæ. IV. 7.

Hasta pura quid? I. 6.

Herculis exuviæ leoninæ cujus vir-
tutis? VI. 1.

Herennia gens. XIV. 4.

Hierapoles Urbes variæ. XXI. 7.

Hiero I. Rex Syracusanus victoriis
Olympicis clarus. Primum im-
probus, deinde Poëtarum con-
suetudine mitigatus. II. 9. 10.

Hippocratia seu consualia, festa Ne-
ptuni Hippii. VII. 16.

Hospitalia gens. XIV. 8.

Hospitalii Tulli R. Romani anceps
pugna, & victoria de Vejenti-
tibus. XIV. 5.

HS. nota Sestertii. VIII. 7.

J.

J. pro *E.* scriptum in Numis. XVI.
13.

INDEX.

IIIIVIR quomodo legendum. VIII.

9. Item: *IIIIVIR. R. P. C.* Et

IIIIVIR. PR. FL. VIII. 9. 15.

Janus adorandus. IX. 1.

Jasonis fabula. V. 9.

Imperator pro supremo militum duce. X. 14.

Indigetes Dii quinam dicti? XIV. 3.

Inscriptio & *Legenda* quomodo differant. XIX. 1.

Isis Dea quæ? XXI. 3.

Julia gens. XIV. 4.

Juno Lucina. IX. 10. *Juno* Moneta. XI. 2. *Junoni* cur pavo addatur? XVI. 5. *Junonis* Siphitæ idolum, fabula, sacra. XVIII. 1. 2. 3.

Jovis Vicilini in templo arma sponte concrepabant. VII. 3. *Jovis* Feretrii nomen unde? XIII. 13. *Jovis* Indigetes ratio. XIV. 3.

Jus Romanum, & *Jus* Latii quid? XX. 10.

L.

LES. nota Sestertii. VIII. 7.

Larentia, uxor adultera Faustuli pastoris, vera nutrix Romuli & Remi, per lupam intelligenda. XX. 7.

Latinorum origo de Aboriginibus Græcis. VII. 15.

Laurus cur Apollini dilecta? Ex Lauro fuit primum templum Delphicum. V. 5. *Laurus* Diis imponitur, præcipuè medicis. IX. 1. Laureum sertum victoriæ index. XI. 4.

Leana meritrix Atheniensis, Tyrannum occidendo statuam promerita. XX. 7.

Legenda ab inscriptione differt. XIX. 1.

Legem si quis primus tulerit, magnæ id gloriæ deputatum. XVIII. 4.

Lemnia mulieres omnes maritos & masculos occiderunt. V. 9.

Leonino cur capite reges Macedonia? I. 4.

Leucadia petra. IV. 6. *Leucadiæ* Peninsulæ situs: ejus in Apollinem religio. V. 12.

Licinia gens. XV. 5.

Licinii Macri fatum. XV. 5.

Lictores quid & quæ eorum munera. VII. 14.

Lira Mercurio, cythara Apollini convenit. XVIII. 7.

Litteræ in Numis sæpe contractæ. IX. 3. Numerales aliquando denotant modulos diversos. XV. 9. XVI. 7.

Litus Augurum. X. 13. Militaris. XIV. 6.

Livinii

INDEX.

Evincii Lucii Reguli fatum, XV. 7.

Lucretia Gens. XV. 10. *Lucretiæ* castitas. Ib.

Ludorum apud Quirites varietas, & prodigalitas. XII. 8.

Lupa Romulum & Remum lactantis fabula, & historia, ejusque simulacrum. X. 6, 7, 8. Eam in Numis excudere quibus urbibus licuerit? 10.

Lupercal quid? X. 10.

Lyfimachus Thraciæ Rex Academicus curiosus. Ejus vulnus Alexander M. proprio diademate alligavit. Ejus fortitudo in leone subigendo. Frigidæ haustu regnum vendere coactus. Numi ejus quare tam communes? II, 5, 6, 7.

M.

M. legendum Marcus: M' Manius. IX. 3.

Macedoniæ primæ Numus cum capite Dianæ & clava Herculis. Macedonia Dianam sub Luna coluit: orta ab Herculis filiis: quomodo à Romanis divisa. VI. 1.

Manlia Gens. XIV. 10.

Manus junctæ Concordiæ typus. XV. 2.

Medea, Jasonis Uxor pessima. V. 9, 10.

Medicus primus Romæ Archagatus. IX. 6.

Memmia Gens. XVI. 10.

Metra in Numis non occurrunt. VII. 9.

Minervæ Galea, Sphinge, Faunis, & Satyris exornata, sapientiæ simul, & ignorantiæ typus. XI. 14, 15, 16, 17. Ejus è solo Jovis cerebro natæ Mythologia. XII. 2.

Minotauri fabula & Mythologia. IV. 8, 9, 10, 11.

Minucia Gens. XVII. 2. Caii Minucii historia. 3.

Mithridates puer mille insidias evasit, Romanis infensissimus: bestias corporis custodiæ adhibuit. III. 8, 9.

Moneta nomen unde? VIII. 6. Olim non tam Numi quàm officinæ nomen. 9.

Monetarii erant Triumviri, Quartumviri. An etiam Protriumviri? VIII. 9. Eorum variæ in Numis notæ. IX. 11.

Mulierum Romanarum quæ, & quot nomina fuerint. VIII. 14.

N.

Navia Gens. XIX. 7.

Navis ab Archimede per artem supra fluctus in altum elata: aliæ vitris causticis succensæ. XIII. 14.

Cc

Neapo-

Neapolis ortus. XVIII. 8.

Neocora Urbes quæ? XXI. 10.

Neptuno grati Delphini. Ejus ara intra templum Delphicum, ubi olim Oracula edidit. V. 4. Ejus Symbolum tridens. XV. 8.

Nero Cæsar in Apollinem Delphicum iniquissimus. V. 6.

Noctua Palladis comes: avis infarsa, subinde & fausta: ejus fabula. Ab ea numi Atheniensium noctuæ dicti. VI. 2.

Nomina, Prænomina, & Cognomina seu Agnomina apud Quirites probè discernenda. VIII. 13. Nomina vel erant propria, vel communia, vel adoptiva. 15.

Narbanorum familia. XII. 7.

Numaria Rei scriptores celeberrimi Tironibus non quadrant. P. III. 2.

Numarii studii Utilitas, Dignitas, Jucunditas. P. 1. 2, 3. 4. 5. 6.

Numi moneta Quiritum: ad gloriam propagandam aptissima. P. II. 2. Argentei & aurei Romæ quando signari cœperint? 4. Antiqui quinam censeantur? 4. Quibus metallis constent? 5. Corinthiaci aris origo. 5. Numi inæquales metallo, aut magnitudine, permiscendi non forent: ficti cavendi, rariores exquirendi, 5. 6. Alii magni, medii, parvi. 6. Recens ficti, modò ad exem-

plum veterum, valent tamen interim ad discendum. 7.

Numorum fictorum præcipui artifices Gauvinus, Bassianus, Laurentius Parmefanus. IV. 1. Numi ex toto conficti, quorum similes reverà cusi sunt nunquam, contemtum merentur, non studium. Quæ detrimenta rei Numariæ afferant. 1. Quomodo agnoscendi, exemplis perhibetur. 1. 2.

Numos præcessit Æs non signatum. VIII. 3. Qui primi signarint, adhuc incertum: Romæ tamen id factum à Servio Tullo. XX. 2. VIII. 3. Numi Græci venustissimi. P. II. 3. Quàm arduo olim labore cudi debuerint. XI. 3.

Numi Ærei discreti in Asses librales, & minores, semisses, trientes, quadrantes. VIII. 4. 5. Horum signa: A. S. 00. 000. 0000. 6. Argentei divisi in Denarios, Quinarios, Sestertios: horum omnium valor, & notæ. 6.

Numus incusus. VI. 3. Paduanus. IV. 6. Serratus. XVI. 3. Subæ-ratus. XIV. 1. Ratius. XX. 3. Restitutus. II. 10. Victoriatus, Bigatus, & Quadrigatus. XX. 4. Omnino ficti sine prototypo, IV. 2. 3. 4. 6. 7.

Numos, qui diversorum nomina referunt, diversis ad gentes collocare licet. XV. 3. Numorum typi

INDEX.

typi quoque utiliter colliguntur.
III. 1. Numi bracteati unde, &
grofsi? XVI. 4.

Numum apud Eruditos non tam
commendat metalli fulgor, quàm
forma. II. 1. Numorum vesti-
gatio quem hominem requirat? I.
1. In iis minutissima quæque
exploranda, cum nihil sit otio-
sum. 1. Numi sigilla memoriæ.
II. 13.

Numotum ritè vestigandorum diffi-
cultas, & variæ variorum de iis
sententiæ absterre neminem de-
bent. VII. 8. Quomodo inve-
stigandi? 16. Roma gloriam
suam Numis maximè per orbem
circumtulit. VIII. 2.

Numorum lepidæ descriptiones à
Poëtis: quantum eos barbari de-
mirati sint. XI. 3. Eorum ritè
vestigatorum major, quàm libro-
rum evolorum jucunditas. XIII.
1. Numorum vestigatio non in
quisquiliis hæret, ut cavillantur
ejus mastiges, sed hominem uti-
lem sibi, utilem aliis reddit. XIII.
9. Numos obsoletos vestigare,
arduæ, sed proficuæ industriæ
est. XVI. 2.

O.

Olympia, Matris Alexandri M. so-
mnium, dum eum uterò gestaret.
I. 7.

Olympicorum ludorum celebritas.
II. 9.

Opima spolia quid? XIII. 13.

P.

Pagasis Urbi nomen unde? V. 8.
Argona vis ibi fabricata. 9.

Pallas cur caput Medusæ ferat in
umbone? dicta est Urbium Præ-
ses. II. 4. VI. 2.

Pallor Dea. XIV. 5.

Papaver ubertatis, vel auræ salubris
nota. XXI. 4.

Papia Lex peregrinos urbe prohi-
buit. XVIII. 4.

Parthenope Sirenum princeps Nea-
poli culta. XVIII. 8.

Patera quare in manibus Deorum?
X. 2.

Patritiorum & plebeiorum discretio
apud Quirites. VIII. 12.

Pavor Deus ridiculus Romanorum.
XIV. 5.

Pecora erant patrimonium & pecu-
lium veterum. VIII. 3.

Pecunia, & peculium, unde dicta, &
quomodo differrent? VIII. 3.

Perfarum Reges unde se participes
siderum, fratres Solis & Lunæ
jactarent? III. 9.

Philadelphus Urbs Lydiæ, nunc Ca-
rasæ in Natolia, acerrimè à Tur-
cis expugnata, & quo terrore in-
jecto. XXI. 9.

Pbilemonis, Comici Ethnici, Chri-
stiana præcepta. XI. 16.

INDEX.

Phryxi & Helles fabula. V. 9.
Picus avis Romulo & Remo infantibus pastum præbuit. XX. 11.
Pietatis nomine quid acceperint veteres? XIV. 2. *Pietas* dictus L. Antoninus. *Ib.*
Plauti jocus in superbum. XVII. 12.
Poleta quid? VI. 5.
Populus cum in Numis legitur, non semper accipi debet Romanus. XXI. 8. Is etiam *sacer* dictus. 11.
PR. quomodo legendum? XII. 7.
Præfæctus Urbis quid nominis & rei? XIII. 7. 8.
Prenomina unde ducta? sæpè peculiariter electa, aliquoties damnata. VIII. 14. Simpliciter litera notantur. IX. 3.
Prætorum origo, dignitas, munera. XII. 9. 10.
Priami, Trojanorum Regis, Numus fictionis redarguitur. Ejus factum. IV. 3.
Primus si quis quidpiam fecerit, id multum prædicabant Quirites. XVI. 13.
Profanum lectio non reddit, sed finis. XVI. 19.
Protriumvir, Proconsul quid? XVI. 8.
Provincia per foeminas designantur. VII. 9.

P. SIS. quomodo legendum? XX. 8.
Pytho terpens etiam dictus Delphinus. V. 2. Ante Apollinem Delphis dedit divina responsa. Ejus occisi corio cortina vestita; Mythologicè quid denotaverit Pytho? 4.

Q.

Q. Subinde nota Quinari. VIII. 7.

R.

Ratione arbitra utendum iis, qui rectè discere volunt, resque rebus conferendæ proprio conatu: non semper ab ore magistri pendendum. IV. 3. 4.
Regum Romanorum expellendorum occasio. XV. 10.
Religio veterum, in Numis prodita, sæpè simulata. III. 7.
Ritus multi Christiani, rejecta superstitione, petiti videntur à ritibus Ethnicorum. XVI. 17.
Roma potentia. VIII. 1. Cur armata in Numis? XVII. 1. Quare primos Numos Victoriâ signavit? XX. 4. Eadem tam superba ac potens, & Deam se dici, & ut Deam colisse passa est. XXI. 2.
Romuli, mors, & consecratio: ubi dictus est *Quirinus*. XVI. 9. 10.

S.

S.

S. notat semissem. VIII. 6.

S. C. legitur Senatus Consulto: circa
cujus sensum multiplex variorum
opinio. VIII. 10.

Salmasius Vir doctissimus, sed Cri-
ticus acerbus. XVII. 14.

Salus Dea, aliàs Hygeia. IX. 1.

Sapientia Virgo est, simul & Leo.
XI. 14. 15.

Sappho Poëtria Lesbica, Musa deci-
ma: ejus fata. IV. 6.

Scribendi varia apud veteres ratio,
in arborum foliis, corticibus,
plumbo, tela linea, & cera.
XXII. 5.

Scriptores veteres præ novis dili-
gentius volvendi. III. 11. Intel-
ligi nequeunt sine Antiquitatis
cognitione; monstratur exemplis.
XII. 11.

Securis Sacerdotii index. XV. 2.

Sella curulis describitur. XII. 6.

Serpens Diis Medicis quare junga-
tur? IX. 2. Serpentes gemini no-
tant Asiam majorem & minorem,
cujus erant Genii, X. 16. Cum
cista conjuncti, Orgia denotant,
seu Bacchi solennia. 17.

Senatus Romanus Sacer dictus: ejus

Gravitas & Auctoritas summa, à
qua salus provinciarum pendeat:
quare melioribus ab Imp. serva-
ta est semper, & promota? XX.
4. 5. 6. Senatus urbium alia-
rum *Sacri* etiam dicti. 17.

Sibyllarum fabulam & historiam
extricare nemo valet, aut nume-
rum earum certum statuere. Car-
mina, quæ hodie Sibyllina dici-
mus, earum esse non possunt.
Quomodo Romam venerint?
Nomen earum unde? Fabula Æ-
neæ ad Sibyllam accedentis. Ea-
rum carmina quomodo, & à qui-
bus custodita? conflagrârunt cum
Capitolio, & quo pacto restituta?
Argumentum eorum, & contra
modernorum. Sibyllæ X. ordi-
ne enarrantur. An omnes fue-
rint perpetuæ virgines? XXII.
per totum.

Sibylla Phrygia. XI. 7.

Sicilia unde dicta? VII. 15. Tricru-
re denotatur. XIII. 11. Ejus de-
scriptio, & fertilitas. 11. 13.

Sidonii cedrorum cædendarum pe-
ritissimi. VII. 7.

Silani Lucii fatum. XIV. 9.

Sirenum fabula, historia, mytholo-
gia. XVIII. 9. 10. 11.

Sisfrum Iſidis quid innuerit? XXI.
3.

Sphinx cujus formæ? ea usus est
C c 3 Augu-

INDEX.

Augustus in Sigillo. XI. 8. Quid innuat? 9. Subinde venit Sibyllæ nomine. IO. An detur? Ejus historia, fabula, mythologia, II. 12. &c.

Spica, & falx messoria typi fertilitatis. XIII. 13. *Spica* Ædilitii muneris index. XIX. 9.

Spolia hostium maximi habita: sed sola *Opima* Jovi *Feretrio*, à ferendo dicto, imposita. XIII. 13.

Spurius Melius tyrannidem Romæ infelicitè affectans. XVII. 3.

Stella duæ aut Castorem & Pollucem, aut Romulum & Remum designant. XX. 8.

Stirps quomodo differat à gente, & familia? VIII. 11.

Synnada vel Synas, Urbs Græca, unde dicta? XXI. 3.

Syracusarum Obsidio acerrima, XIII. 14.

Syria duplex, Maritima & Mediteranea, an per viros designetur in Numo Cosanorum? VII. 7.

T.

Tellus cum Neptuno quondam Delphis Oracula reddebat. V. 4.

Themis cum Appolline divina Delphis responsa edidisse fertur. V. 4.

Themistoclis Historia. IV. 5.

Tigranis potentia & fatum. III. 10.

Tyrannus quis dicendus? I. 4.

Torquari Cognomen unde? Torques in sertum aptatus Manliæ gentis decus. XIV. 10.

TR. P. legendum Tribunitia Potestate. Hæc qualis fuerit, quomodo creverit, quæ ejus munera? XIX. 1. 2. 3. 4. 5. 6. 7.

Tripus Delphica quid? V. 3. An eadem cum cortina Apollinis. 4.

Triumviratus Romæ fatalis, quem M. Antonius, Lepidus, & Octavius gessere, historia, & Reipublicæ Romanæ Agon compendio scribuntur. X. 7. 8. 9. 10. 11.

Tropeum signum est nuper relatæ victoriæ. XIII. 5.

Tuba, & Litui militaris disparitas. XIV. 6.

Turres in capite gestant Provinciæ. III. 10.

Tutulus quid? X. 13.

V.

V. nota Quinariî. VIII. 7.

Valetudo Dea. IX. 5.

Vejovis quis? XV. 4. 5.

Venus

INDEX.

Venus Cloacina unde dicta? XVII,
9. 11.

Ver sacrum quid fuerit? V. 12.

Victoria Dea unde? ab Arcadibus
cultā, jussu Minervæ. VII. 16. Cur
alata in numis? II. 4.

Vocis unius literæ non facillè disji-
ciendæ, nec pro initialibus plu-
rium vocum habendæ, si unam
ritè construant. VII. 9. 12.

Urbium Græcarum, Matres aliæ seu

Metropoles, aliæ Filiæ fuerunt:
utrarumque erga alterutram le-
ges. VI. 4.

Vulcanus quadruplex. XII. 1. Vul-
cani Lemnii fabulæ. 2. 3. 4. Ejus
ex sola Junone, sine patre, pro-
geniti Mythologia. *Ib.* Nota il-
lius pileus, & forceps. XI. 4.

X.

X, nota denarii. VIII. 7.



INDEX.

EMENDANDA.

pag.	lin.	22.	pro	aurum	—	—	leg.	aurem
5.	34.			date	—	—		dare ignorare
18.	7.			&	—	—		de graviditate
13.	25.			de Hieronymi				de Hieronis
37.				induiat	—	—		innuat
55.				Starbone	—	—		Strabone
58.				Prophyrogen.				porphyrogenitus
77.				liberalibus	—	—		libralibus
78.				Unium Viro	—	—		Triumviro
101.	8.			Si	—	—		Sic relecto
105.	34.			flumina	—	—		fulmina
129.	2.			imberbum	—	—		imberbem
155.	29.			testo	—	—		teste Goltzio
181.	20.			actu	—	—		acta Spiritu acta

P. CHRYSOSTOMI HANTHALER,
MONACHI CISTERCIENSIS, IN CAMPO LILIO-
RUM AUSTR. INFER. NUNC RESIDENTIÆ MARIANÆ,
KALASTROM IN HUNGARIA, SUPERIORIS,

EXERCITATIONES
FACILES
DE
NUMIS
VETERUM
PRO TYRONIBUS:
IN QUIBUS

LACONICA QUIRITUM SAPIENTIA,
ET REI NUMARIÆ VETERIS RUDIMENTA
FACILI METHODO PER EXEMPLA PANDUNTUR,
OPE NUMORUM COMPLURIUM PICTORUM, ET PER DIALOGOS
FAMILIARITER EXPOSITORUM.

PARS I.
EXHIBENS ADVERSAS NUMORUM,
ET IN EISDEM, PROPOSITIS AUGG. VULTIBUS,
CUM CAPITUM ORNAMENTA, TUM TITULOS
EXPENDENS.

NORIMBERGÆ,
Sumtibus JOAN. ADAMI SCHMIDII, Anno 1736.

P. CHRYSOSTOMI HANTHALER,

MONACHI CISTERCIENSIS, IN CAMPO LILIO-
RUM AUSTRIAE, NUNC RESIDENTIS IN RUSSIA,
KIEVSTROM IN HUNGARIA, SUPERIORIS.

EXERCITATIONES

EACILES

DE

NUMIS

VETERUM

PRO TYRONIBUS;

IN QUINQUE

LACONICA QUAEQUUM SAPIENTIA,
ET REI NUMARIAE VETERIS RUDIMENTA,
FACILI METHODO PER EXEMPLA PANDUNTUR,
OPE NUMERUM COMPLETUM PICTURUM ET PER DIALOGOS
FAMILIARITER EXPOSITUM.

PARS I.

EXHIBENS ADVERSAS NUMERUM.

ET IN EISDEM, PROPOSITA AUG. VULGUS
CUM CAPITUM ORNAMENTA, TUM TITULOS
EXTENDENS.



WORMS

Sumptibus JOHANNIS ADAMI SCHMIDII, Anno 1736.

C E L S I S S I M O

S. R. I.

PRINCIPI

AC

DOMINO, DOMINO

PAULO
ANTONIO
ESTERHASI

de Galantha,

Perpetuo Comiti in Frakno;

Sacrae Cæs. Regiæque Cathol. Majestatis

CAMERARIO,

Incliti Comitatus Soproniensis

SUPREMO ac PERPETUO

COMITI, &c. &c.

DOMINO DOMINO
GRATIOSISSIMO

C E L S I S S I M O
S . R . I .

P R I N C I P I

A C

D O M I N O , D O M I N O

P A L L O

A N T O N I O

E S T E R H A S I

de Galantha,

Perpetuo Comit in Frakno,

Sacra &c. Regiae Cathol. Majestatis

C A M E R A R I O ,

Incliti Comitatus Soproniensis

S U P R E M O ac P E R P E T U O

C O M I T I , &c. &c.

D O M I N O D O M I N O

G R A T I O S I S S I M O

CELSISSIME S. R. I. PRINCEPS

&c. &c.

DOMINE DOMINE GRATIOSISSIME.



Um olim Augustissimo Romanorum Imperatori, ac Boëmiæ Regi CAROLO IV. *Franciscus Petrarcha*, homo seculi sui longè eruditissimus, déque bonis Literis, ut fama maximè commendatus, ita etiam immortaliter meritus, dignum quodpiam tam Sacratissima Majestate munus

nus conferre voluisset, præstantius nihil reperire sibi visus est, quàm Aureos aliquot atque argenteos, eosque *Veteres Numos* Cæsarum Romanorum. Hos proinde, cum Mantuam evocaretur, præsentī CÆSARI, plurimùm inde gaudenti, magna cum fiducia obtulit, ita quidem præfatus. *Ecce, CÆSAR, quibus successisti: ecce! quos imitari studeas, & mirari; ad quorum formulam & imaginem Te componas. - - Licet enim horum mores & nomina, horum ego res noverim gestas; Tuum est, non modò nosse, sed sequi: Tibi itaque debebatur.* (a)

Cellissime PRINCEPS! Gratulabatur TIBI, anno præterlapso vergente, Patria Pannonia optatissimum Reditum, auspicatissimum Hæreditarii Principatus Tui Ingressum, felix faustumque Supremi Perpetuique Comitatus Soproniensis Initium: volabant vexilla, clangebant tubæ, explosæ cum tympanis bombardæ lætum admugiebant, perstrepebant Illustrium Oratorum splendidæ Panegyres, reboabant complaudentium voces, TU que ipsa in Curia, (b) patrio quidem more, gratulantium manibus tertium in
subli-

(a) Ita Vir idem Clar. de se ipso *Epistolar. suar. L. X. 3.*

(b) Nimirum Soproniensi die 5. Decembr. 1735. Installationem Augusto mandato CAROLI VI. Imp. peragente Illustriss. D. Comite JOANNE ESTERHASI de Galantha, Seniore &c. Officii Supremi Comitatus hactenus Administratore.

sublime efferebaris. Quàm amabili omnium spectaculo, dicant, qui una mecum interfuere.

Ast ego tacitus quidem tunc mihi ajebam : tu verò quod PRINCIPI munus ? & munus, quod verè tuum sit, Illo verò non penitus indignum ? Incidit hæc talia animo versanti, & placuit supradictum *Petrarchæ* consilium, spēsque illico mihi non dubia arrisit, fore, ut idem, quod placuit CÆSARI, placitum esset & PRINCIPI, nimirum si ad Eundem *Principes* ablegarem. Veteres itaque *Numos* fumo in manus, Vultus eorum pingo, Caputum ornamenta, Titulosque facilibus Dialogis ex Antiquitate expendo. Tardiùs quidem hoc pacto gratulatùm TIBI venire licuit, atque post cæteros omnes: sed moras traxi, ut non sine munere venirem.

Munus porro pro TE PRINCIPE & Gratitude à me & Reverentia flagitavit. Surrexerat nàmque olim sub Ann. MCXCI. in Inclito Comitatu Soproniensi *Abbatia B. M. V. de Borsmonostre* S. & Exemti Ordinis Cisterciensis, locumque ei dabat Collis quidam adjacens, uno duntaxat lapide Ginsio distans, antea, ut Literæ docent Foundationis, *Mons altus*, sanctiùs verò post conditum Monasterium *Mons MARIAE* appellitatus. Et hoc quidem Coenobium nostrum in toto sanè Regno Mariano summa cum laude celebritatis effloruit, Regnicolis propè omnibus

bus hoc ad Templum Gratiarum , quod & Reges lustrabant , certatim confluentibûs : donec facer ejusdem thesaurus, pia fidelium oblatione hic indies congestus , rapaces Harpyas irritaret, & universa sacrae hujus Domus Fama atque Religio barbaro Tartarorum Turcarumque furore Anno ferè MDXXX. Ædium ipsarum sacrarum cineribus tumularetur. Ruinis exinde suis per annos propè centum & quinquaginta conscriptum ingemuit. Tandem verò Celsissimi Primique Illustrissimæ Domus suæ S. R. I. Principis, PAULI ESTERHASI de Galantha, sanctæ Clementiæ, ac tenerrimis, quibus totus exarserat, in MARIAM amoribus placuit, avitam Religionis nostræ Marianæ Domum, DEO , DEIpæræque Virgini, atque Ordini nostro, ex parte saltem ingenita Pietate restituere. Quo ex tempore , Ann. videlicet MDCLXXX. ipsis Monasterii desolati Ruinis Residentia hætenus sacra insistit , atque pessumdatus tanto tempore hic MAGNÆ Ungariæ DOMINÆ cultus , etsi non pro amplissimi quondam Coenobii facultate , pro modulo tamen parvulæ cujuspiam Capellæ, potuit resuscitari. Cui CELSISSIMÆ GRATIÆ grates æternas ut Ordo noster persolveret , inibi in singulos quidem dies pro Universâ CELSISSIMA DOMO piè diligentérque ad Aram litatur.

Hæc

Hæc sacra ego , Reverendiss. D. Abbatis mei Cam-
pililiensis & Vicarii Generalis jussu ac ordinatione Resi-
dentiae huic Marianæ actu præpositus, in quartum jam an-
num , si non ea , qua debui , certè qua potui per DEI
gratiam, animi devotione jugiter feci , Hostiamque salu-
tarem antea pro incolumi CELSITUDINIS TUÆ
ab exteris provinciis reditu suppliciter DEO sæpe mul-
tùmque immolavi. Posteaquam autem salvus nobis &
incolumis, DEO propitio , una cum Celsissima Dulcissi-
mæque CONJUGE TUA advenisti , atque Hæredi-
tarii Principatus Tui auspicia felicissimè ceperas : solito
ego pietatis officio , quod intra solius duntaxat Aræ can-
cellos consistit, minimè contentus, exultantis animi mei
Jubila foras etiam erumpere volui , Orbique patefacere ,
Celsissimæ DOMUS TUÆ in S. Ordinem nostrum
Clementiam ingratis non esse collatam, sed nostris etiam-
num animis atque oculis indelebili memoria obver-
sari.

Id verò quonam pacto rectissimè agerem ? An fortè
Celsissimæ DOMUS ESTERHASIANÆ infinita, re-
tro actis temporibus , cum Pacis, tum Belli Decora, ma-
ximè verò illibatam semper Fidem erga Sacrosanctam Ro-
manam Ecclesiam , erga Reges Apostolicos , erga Cæsa-

res Augustissimos , erga Patriam , omnémque Rem Catholicam , quà Consiliis optimis , quà Conatibus indefessis , quà Armis Animisque invictis , ac fuso multoties Heroico sanguine tutandam propugnandámque tantopere illustria , exiguas in pagellas concludere præsumerem ? Actum sanè agere id fuerat. Novit jam dudum Orbis terrarum , postquam NOMINI VESTRO , in posteros omnes immortalis cum laude evulgando , Fama atque Gloria Posthuma splendidum illud Opus *Annalium Ferdinandeorum* (c) Tubæ cujusdam sonoræ in vicem concessit : novit, inquam , Orbis terrarum , ductam esse jam inde ab ATTILA , fortissimo ac præpotenti Hunnorum Rege , Originem atque Propaginem Vestram longè antiquissimam , & ESTORAS Cognomen ab EURSI Ducis quopiam Filio infinita in Vos Nepotum ferie esse profectum. Legit ibidem Mundus , miratur , & stupet Genealogicis Vestris in Tabellis longè latèque descripta tot Heroica atque
 Illu-

(c) Sic inscribitur FERDINANDI II. Aug. Historia , Authore Illustr. Comite Franc. Kevenhiller Tomis XII. descripta , & denuò Lipsiæ fol. 1722. splendidissimè edita : in cujus Parte altera Imagg. & Vitar. a p. 292. quamplurima ESTERIASIANÆ DOMUS Documenta , insertis etiam pluribus Tabulis Genealogicis , integro tenore ad longum exhibentur.

Illustrissima ESTERHASIORUM Nomina : in quibus five Avos, five Patres, five Natos,

Seu Natos Natorum, & qui nascuntur ab illis,

contempler, tanto Laudum ab eis promeritarum obruor cumulo, ut, si volumina etiam condere mihi liceret, eluctari tamen hoc tanto ex Oceano minimè possem. Taceo itaque singula, & nimiùm supra me posita verecundo potius silentio veneror.

Unum tamen omnino præterire non possum, quod & Numinis aliquid habere videtur, & maximè omnium Animum meum jucunda voluptate perfundit. Eos inter ESTERHASIOS nimirum, ac sanè per plurimos, qui five Episcopalibus, five Abbatialibus Infulis claruère, quidam etiam DEMETRIUS laudatur, qui *Abbatia Cisterciensis de Cikador* (d) Marianum atque domesticum clavum piissimè juxta ac prudentissimè rexit. Natus ille fuisse perhibetur ex GEORGIO ESTORAS, ejus-

))(2

que

(d) Fundata fuit A. 1142. in Diocesi Quinque Ecclesiensi, eique cæteros inter Abbates suos præfuit etiam *Laurentius Vifinger*, Professus Campilil. Ita noster R. P. *Malachias Rosenthal* *Aktion S. Ord. Cist. in avita sua Vngar. Monast. edita Vienn. 4. 1649. p. 5.*

que Illustrissima Coniuge MARIA de BORS.(e) Huic autem postremæ BORSIANÆ Familiæ Abbatiæ hæc, cujus modò Residentiæ curam gero, Fundationis suæ, per *Dominicum Ban* antea factæ, tam ingens debuit incrementum (f), ut Cœnobium istud abinde, patria quidem dialecto, BORS - MONOSTRA i. e. BORSII MONASTERIUM à Comite BORS, mox laudati *Dominici Ban* Fundatoris Cognato, velut à novo alteroque Fundatore suo appellaretur. Utinam invidis fati, aut barbaro hostium furori in vetusta retroacti temporis Monumenta, Tabulas, Annales, Fastos, tantum non licuisset, ut sua historiæ certitudo atque perspicuitas integrè demum atque luculenter constaret. Mihi interim, licèt in tenebris huiusmodi palpitanti, non sine aliquo tamen Numine contigisse videtur, cùm ESTERHASIUS atque BORSIUS sanguis in unum olim confluxisset, idem Monasterium, quod BORSIUS antea ad maximum provexerat incrementum, dum desolatum postea jaceret, non alterius alicujus, sed duntaxat Cognatæ BORSIIS Celsissimæ

(e) Annal. Ferd. l. c. Tab. Geneal. I. p. 301.

(f) Literæ Confirmationis ANDRÆ II. Reg. Ung. de An. 1225. in *domest. Archiv. Residentia*: ubi BORSIUM, cujus Donationes amplissimas huic Monasterio factas recenset, *Aule suæ Comitem* vocat, eo proinde tempore superstitem.

simæ ESTERHASIANÆ DOMUS Pietate atque Clementia eripi denuo atque restitui ex parte saltem potuisse.

Hæc porro certè mira Numinis providentia animum juxta atque calamum meum in debitas laudes Celsiss. Primique S. R. I. Principis PAULI, Aurei Velleris Equitis, totiùsque Regni Ungariæ Palatini, felic. recordat. vehementer incitat quidem atque impellit : silentium tamen rursus vel nolenti imponunt in supra laudatis *Annal. Ferdin.* longa serie exhibita, primùm quidem ANDRÆ II. Regis Apostolici Ungariæ, deinde Regum Hispaniæ PHILIPPI III. atque CAROLI II. Catholicorum, Augustissimorum postremò Cæsarum, MATHIÆ, FERDINANDI II. atque LEOPOLDI publica aureis munita Sigillis Diplomata. (g) Plena sunt illa, cum Universæ ESTERHASIANÆ Familiæ, tum maximè altissimi Principis PAULI Encomiis, sanè ad invidiam splendidis, adhuc tamen universo in Regno per omnium ora volantibus : tantò autem illustrioribus, quòd hujusmodi avitæ Pietatis, Heroicæ Fortitudinis, immobilis erga Reges & Patriam Fidei testimonia non opinione, sed certa nitantur scientia, non adulatione scribantur, sed

(g) *Annal.* laudati à p. 292.

optimè tantùm atque insigniter meritæ , conspicuæ præ-
 terea , pluriùmque annorum , immo seculorum constan-
 ti diuturnitate probatæ Virtuti , fide Supremæ atque Sa-
 cratissimæ in terris Majestatis reddantur. Si magnum est,
 à laudato viro laudari , quantum erit , commendari à
 laudatissimis, optimis, Maximis Mundi Monarchis ? Quis
 itaque limpido huic foli , ESTERHASIANÆ
 GLORIÆ radios quaquaversum per Orbem spargenti ,
 Elogiis , inquam , MANU AUGUSTA exaratis , at-
 que publico typo dudum vulgatis , lucem novam accen-
 dere ausit ? Quis non trepidet , non vereatur , Gloriæ Ve-
 stræ tenebras magis quàm lumen hymnis inconsultò natis
 offundere ?

Unicum ergo mihi id supereſt votum , ut , quidquid
 Decorum , quidquid Laudum , quidquid Meritorum æquè
 ac Honorum ex Univerſa Illuſtriſſima Proſapia Tua in Te
 ſerum Nepotem , Celiſſime PRINCEPS , avito atque
 hæreditario ſanguine , & infinito propemodum cumulo
 jamjam profluxit , atque proſectum eſt , ita propria Vir-
 tute per TE deinceps Tuum reddatur , ut AVOS omnes
 meritis Tuis ſupergreſſus , lapſu Temporum Illos inter ,
 veluti ſol quidam inter ſtellas , eluceſcere poſſis.

Et petenda quidem TIBI præprimis à DEO hæc
 Sapientia cum Salomone juvene : quæ ſi dabitur TIBI,
 omnia

omnia pariter TIBI bona cum ea provenient. (h) Verumtamen boni insuper Exempli enthea quædam vis est, apud Illustres maximè atque Nobiles Spiritus. Legimus certè, tropæa Miltiadis nullam Themistocli apud Græcos Requiem indulgisse, donec paria ille consequeretur. Quinto Fabio Maximo, & Publio Scipioni Quiritibus Majorum suorum ceræ atque imagines, identidem oculis obversatæ, acerrimos dedere stimulos, æqualem ad Gloriam contendendi. Julio deinde Cæsari nihil æquè, quàm M. Alexandri usque adeò ingentes triumphi incitamento fuere, ut Orbem Romanum non vinceret modò, sed suos etiam sub fasces curvaret. Quæ cum ita sint, Celsissime PRINCEPS, tametsi domi Tuæ, ut cæteros præteream, NICOLAI, PAULI, MICHAELIS, ANTONII, JOSEPHI, Virtutum omnium splendidissimo jubare, veluti rutilantia Primæ Magnitudinis Sidera, jugiter TIBI præfulgeant, nihilofecius tamen, quod initio dixi, exteros etiam *Principes* ad TE defero, quos, veluti *Petrarcha* Cæsari ajebat, *imitari studeas, & mirari* : Principes, inquam, Summos, Cæsares Romanos, quos Libellus iste non solum scalpri in imagine sistit, sed & pulchra eorum atque foeda, virtutes nimirum & vitia, historiæ coloribus depingit. Hæc quippe

Numo-

Numorum est gratia atque dignitas, quod, siue signati, siue sincerè ac fideliter picti, intuentibus Specula fiant Veritatis, longè post hominum memoriam positæ, ac Vultus illos olim Augustos, quos Orbis metuerat, nemòque nisi ante pedes eorum prostratus conspexit, prudentibus oculis fixo jam obtutu sine periculo, sine formidine explorandos exhibeant. Et hæc ego Specula ad CELSITUDINEM TUAM maxima pariter cum submissione atque fiducia defero : Illa Dignitati Tuæ debetur : hanc mihi sequentia pariunt.

Rediisti ea ex Provincia, in qua Ars vetus *Numaria* suas hodie fixisse videtur Athenas : ut adco *Numi* incogniti TIBI, vel inamoeni esse haud possint. Præterea nobilissimum Ungariæ Regnum dulcem patriam habes, *Veterum Numorum*, qui sub terræ suæ visceribus undique latent, longè feracissimum. Porro quemadmodum *Numos* publica forma signare non nisi Principum est, quibus id summi Privilegii Cæsarea siue Regia Majestas indulgit, veluti M. LEOPOLDUS Celsissimæ quoque DOMUI TUÆ benignissimè contulit : (i) ita ferè solos ad Principes spectat, *Numos* olim signatos æternitati fervare. Quis etenim *Numos Veteres*, veneranda illa feræ Antiqui-

(i) Annal. Ferd. in Diplomate LEOPOLDI Aug. super Titulo S. R. I. Principis de An. 1687. p. 324.

tiquitatis monumenta , & historiæ , aliàs longa oblivione sepultæ , certissimos testes faciliùs , uberiùs , atque magnificentiùs demum restituere postliminio , atque ab temporum , hominumque injuriis potentius vindicare , quàm Principes , possit ? In his namque Animus excelsus , Facultates amplissimæ , Potestas Celsissima conspirant : unde ad eosdem Respublica universa Literaria , bonæ Artes propè omnes , præprimis verò Historia veritatis magistra unanimes respiciunt , atque supplices flagitant , *Numos Veteres* diligenter conquiri , studiosè servari , doctisque eruditorum usibus clementer indulgeri. Immortalis est fama Cæsarum illorum , atque Regum , qui sive hoc , sive proximè superioribus seculis , *Veterum Numorum* amplissima Gazophylacia Augustis curis ac sumtibus instruxêre , ut bonæ inde Literæ proficerent indies , rerùmque plurimarum , quas vel soli docent Numi , vel invictè saltem stabiliunt , ignorantia depelleretur. Postremò neque nulla è *Numis* , vel parva in Principes Utilitas provenit. Quomodo namque in aureis his , sive argenteis , aut æreis veteris Romanæ gloriæ Tabulis toties legere possint illustrissima hujusmodi præconia OPTIMI PRINCIPIS, PII, FELICIS, INVICTI &c. sine acerrimo quodam stimulo , laudes non impares promerendi ? Anne tam excelsus Principis animus nihil æmulabitur perpetuò celebratam in Na-

mis PIETATEM SAPIENTIAM, PROVIDENTIAM, LIBERALITATEM, ÆQUITATEM, CLEMENTIAM AUG.^{usti} ? vel, quæ frequenter ibidem laudantur, VIAS MUNITAS, ABUNDANTIAM siue ANNONAM procuratam, VECTIGALIA REMISSA &c. De Tropheis deinde tot & tantis, Victoriis creberrimis, Gentium debellatarum simulacris, Provinciarum acquisitarum insigniis, quibus omnibus pleni sunt *Numi*, Princeps Generosus secum quid animo statuet?

Optimo proinde jure, Celsissime PRINCEPS, ad TE hos *Principes* meos in *Numis* propositos deferre mihi videor, spesque mihi dulcis blanditur, parvulam hanc meam de *Numis* Commentationem, quæ PRINCIPI TIBI ante omnes debebatur, in nobilissimo Ungariæ Regno, *Numis* fertilissimo, evulgatam, vivida atque præclara plurium Regnicolarum ingenia excitaturam, ut, dum facilibus Dialogis facem accendo nonnullam, ii, qui possident *Numos*, Joannem Sambucum olim Concivem (k) suum secuti, eos educant è tenebris, & majori deinceps cum voluptate contemplari incipiant, atque amare. Quod si fiat (fieri verò posse confido, si *Principes* hos meos ad TE clementer
admi-

(k) Tyrnaviæ natus A. 1531 Medicus, Historicus, Poeta insignis A. 1566. aliquot *Numos* cum Emblematis vulgavit, obiit A. 1583.

admiseris) CELSITUDINI TUÆ posthac debebit Ungaria, Opes suas, quibus abundat, *veteres* inquam *Numos*, sibi magis, vel ante saltem, quàm exteris, prodesse.

Parva interim hæc folia quantumvis CELSITUDINI TUÆ, molem si spectes, imparia nimis videantur, TUI tamen similes i. e. *Principes* exhibent: & Libellus iste, dum sub Celsissimo NOMINE TUO ibit in orbem, quantumlibet exilis, Orbi tamen patefaciet, non me duntaxat solum, velut infimum in Residencia Montis Mariani Kalastromensi Capellanum Tuum, verùm etiam Campillium totum, unde dictum ad locum sum missus, atque Ordinem nostrum Cisterciensem universum, his exiguis foliis ingentem tamen suam erga TE Gratitude atque Reverentiam ad perpetuam posterorum memoriam inscripsisse. Quemadmodum itaque in Numis frequentissima cernimus VOTA *S. enatus. P. opuli. Que R. omani* sive pro FORTUNA REDUCE, sive PRO SALUTE ET REDITU AUG. *usti*, vel verò QUINQUENNALIA, DECENNALIA, PERPETUA: ita & nos unanimes vovemus, DEI O. M. clementiâ, Celsissimi Principatus Tui nunc capta Primordia, cum Lustris quamplurimis secuturis, perenni rerum omnium sospitate ita felicia, ita perpetua esse, ut TU quidem Ipse, cum Celsis. CONJUGE Tua, vestris omnibus quàm diutissimè salvi atque

inco-

incolumes sitis , Celsissimam porrò DOMUM Vestram
foecundo ac multiplici GERMINE plura in secula suf-
fulciatis. Et dum VOS Celsissimorum AVORUM
Vestrorum Laudes omnes , Virtutes , atque Fortunam in
VOS traduxeritis , FILII Vestri FILIÆque rursus
Virtutem ac Gloriam Vestram in oculis Sacratissimarum
Cæsarearum Regiarumque Majestatum , Patriæque Univer-
sæ , jucundissimè circumferant.

Hæc ut Vota fidelia CELSITUDINI TUÆ be-
nè beatèque eveniant , devotissima TIBI Residentia Ma-
riana Kalastromensis ardentissimas quotidie ad DEUM
preces in Ara faciet : vicissim verò Clementi ac Gratiofis-
sima PROTECTIONE TUA se semper tutandam ,
uti humillimè obsecrat , ita pia cum fiducia sperat.

CELSITUDINIS TUÆ

humillimus ac devotissimus Capellanus

Author.

FACULTAS.

Reverendissimi D. Abbatis Campil-
liensis & Vicarii Generalis.

NOs Frater CHRYSOSTOMUS, sacri & Exempti Ordinis Cisterciensis, Ducalis Monasterii Vallis B. M. V. de Campoliliorum Abbas, Ejusdémque Ordinis per Regnum Ungariæ, utramque Austriam & Styriam Vicarius Generalis, hisce fidem facimus, librum, cui titulus: *Exercitationes faciles de Numis Veterum pro tironibus*: Authore Reuac Rel. Patre Chrysostomo Hanthaler, Monacho Cisterciensi ac Professo nostro, in Monte Mariæ Alte-fati Regni Ungariæ p. t. Superiore, in publicam lucem emitti posse, si librorum Censoribus, quorum interest, ita visum fuerit. In cujus fidem, & concessionis testimonium Manuali Sigillo appresso subscripsimus in Monasterio de Campoliliorum, die 5. Februarii. Anno 1736.

Chrysostomus Abbas qui supra.

FACULTAS.

Reverendissimi D. Abbatis Campili-

James & Victor G. Nichols.

JOSEPH CHRYSTOMUS, Agent.

libertatem Censoribus, quorum interest, ita

Chrysothomus Abbas dei sapientis











drusium & Bandurium, quis ignorat, ut reliquos taceam; Verum ipsi quoque *Reges* ac *Principes*, a cognitione sua, hanc eruditionis partem neutiquam censerent alienam; Quin potius fausto ac felici bonarum literarum fato contigit, ut ad pretiosas hasce priscae elegantiae opes eruendas, conquirendas atque colligendas ante seculum circiter & dimidium splendidiora passim veterum nummorum Gazophylacia excitarent.

Verum enimvero, siue raram, cum in omni Historia,

tum in hoc nummorum studio, eruditionem TUAM, PERILLUSTRIS DOMINE, sive singularem prorsus, quam ex eo percipis, voluptatem & delectationem spectem, TECUM quem conferrem, habeo neminem: Hinc TUA TIBI mirifica nummorum Gaza, *Germanicorum* præfertim veterum locupletissima, sine pari: Hinc *Bibliotheca* TIBI amplissima fane, ornatissimaque, quam incredibili (†) cura congestam novis

† Scilicet, sumtus maximi, labor ingens, *animus erectus, liberalis, vere Regius* ad struendas magnas illas Bibliothecas requiruntur &c. ita CONRING. ο πάλιν, de Bibl. Augusta, (*Guelpherbyana*) ad BOINEBURG. Tom. V. Opp. p. 555.

vis quotidie accessionibus
amplificare studes.

Neque tamen his testibus in-
digent laudes TUÆ, DOMI-
NE. Hærent illæ in animis ho-
minum, nec ulla temporum
oblivio delebit TUÆ probita-
tis ac munificentiae, quibus
TUI fruuntur, jucundissimam
memoriam.

Quæ cum ita sint, neminem
esse arbitror, neminemque fo-
re in posterum confido, qui,
quod hunc rei nummariæ scri-
ptorem in *Per illustri Nomine TUO* ad-
parere voluerim, consilii mei

rationem reprehendat. Omnis enim de nummis disputatio in tres *Harduino* partes cum tribuenda videatur, *Symbolicam* nempe, *Historicam*, & *Geographicam*; hic sane non unam duntaxat partem, sed junctim omnes, pro compendii modulo, elucidandas sibi sumsit.

Quare huncce TIBI libellum do, dico, dedicoque, ex quo mei erga TE obsequii non obscura ad omnem ætatem significatio constet. Felicem me, ac fortunatum, si munusculum hoc qualecunque non abnuas,

abnuas, &, quem confecro
TIBI Numismatum thesau-
rum, benignissimo aspectu
ferenaveris.

PERILLUSTRI AC REVE-
RENDISSIMÆ DIGNI-
TATI TUÆ

Norimbergæ 19. Augusti;
Die S. Sebaldi. 1735.

devotissimus
Johannes Adamus Schmidius;
Bibliopola.

PRO-



PROÆMIUM.

LECTORI BENEVOLO.



Uanti nunc cupiant Veteres Numos, & Laconicam, quæ in iisdem latet, Quiritum maximè Sapien-
tiam nonnihil saltem callere, in
aprico est: quàm ægrè verò in præclaro hoc
studio progredi liceat, nisi tempus, & sum-
tus, ingeniúmque haud mediocriter suppe-
tant, æquè conantibus omnibus in meridie
ponitur. Ferè etenim hætenus deest, qui
Tyroni-

Proœmium.

Tyronibus facile, familiariter, compendiô scribat: plerique Numorum Scriptores egregii ejusmodi Opera condunt, quæ sine dubio illustrissima sunt, sed supra censum, supra captum, supra votum usumque incipientium.

Horum bono consulere his Exercitationibus ego cupio: quas seorsim edere in lucem constitui, ut à me quidem, Religionis officiis occupato, scribantur commodius, à te verò & attentius legantur, & comparentur facilius. In his non suppono jam adepta à te Numorum Rudimenta, sed suggero, neque tamen regulas affero, sed ipsa adduco exempla: communia pando, non ardua, exquisita, insolita: familiaribus Dialogis tyroni colloquor, non succincto nimis, vel nimium laxo sermone te velango, vel obruo. Qui his omnibus superiora cupit, cum ipse Magister jam sit, Numosque raros, vel nunc primum repertas de iis demonstrationes expectat, fallitur, sed culpâ suâ: idcirco namque mentem

tem meam tam candidè aperio, ut neminem fallere videar.

Quid porrò subsecuturæ Exercitationès docturæ sint, quàm mox è Dialogis Proœmialibus leges, quos hìc toti opusculo, si DEO tibiq̃ue placuerit, deinceps per partes complendo præmitto. : Tabulas Numerum in Quarto, folio tamen integro consultò imprimi volui: ut vacua pars libro inseri, picta, dum Dialogos leges, extra librum explicari, atque hoc pacto Numi, de quibus sermo erit, insimul oculò liberò quietóque lustrari queant. Has itaque omnes in calce Exercitationis ordine suo compingi curabis.

Utere laboribûs meis quantumvis exili-

bûs, mihiq̃ue tua in commoda

fave.



DIALOGUS I.

Quid ex Adversis Numorum discere
possit, ac debeat Rei Numariæ
Tyro?

TULLIUS.



LAconicæ Quiritum Sapientiæ in Numis Augustorum
vestigandæ initium facturi, optime Publi, ex
præscripto *Dialogi III. Proæmial. n. 5.* solas eorum
Adversas, facies nimirum anteriores, Vultibus Im-
peratorum illustres, ego quidem in Tabellis pin-
gere, tu intueri, in hac *I. Parte* debebimus. Ibi
namque Tyro, ut discat, oportet: Primum qui-
dem, frequenti conspectu Vultum à Vultu gnavi-
ter discernere: Deinde Capitem pro temporis ratione Ornamenta alia
semper atque alia non indiligenter advertere: Postremò tandem magni-
fica supremorum quorumlibet Munerum, maximarumque Dignitatum
nomina, pro cumulo suo & spatii tenuitate, vel dimidiis solum verbis,
aut syllabis initialibus, aut sola quapiam principe litera designata, non
modò promptè & integrè legere, verum etiam, quid eadem suo in re-
cessu contineant, intellectu probè atque penitus consequi, memoriâ fir-
miter complecti. Singula profectò hæc capita permagni sunt momenti
ad Numorum Augg. dexteram tractationem, eaque nonnisi exemplis com-
modius discuntur.

Dicam primum de vultibus. 'Tu, sive aureos, sive argenteos, II.
sive æreos, sive magni, sive medii, sive parvi & infimi moduli Nu-
mos

mos unius Augusti, Latinos saltem, arripias, faciem intuebris, ejusque lineas omnes, sibi semper æquales, inque tanta magnitudinis diversitate in nullo ferè ab invicem exerrantes, maxime florente Imperio: quod pereximium sanè, & æternis dignum præconiis Artis Monetariæ Romanæ est decus. Abinde porrò & voluptatis plurimùm, atque utilitatis, etiã Tyro facilè consequitur. Voluptatis, inquam: Licet namque eidem Homines illos, veluti viva quadam ac spirante in imagine, tutò jam & absque formidine intueri, ante quos Reges Regum olim supplices prostratique jacuere, & qui Numinum instar, consensu quodam generis humani, erant sacrati, inquit Ill. *Spanhemius*, *Oratorum omnium Numariæ quidem rei sine controversia Princeps*, in singulis propè paginis nobis deinceps laudandus. Cumque Arculam suam intuebitur, canere eidem ferè licebit cum Cl. *Grosco de Bose*:

*Spanhem. T.
II. Diss.
XII. initi
p. 341.*

*Grosco de
Bose Dissert.
de Jano Vet.
in Elect. Rei
Numar. p. 1.*

*Liebe in Go-
tha Numar.
Proem. §.
VIII. p. IX.*

Insignes quoscunque tulit per secula tellus,

Una rediit vos hæc tenet Arca Viros.

Quantus non ad unius duntaxat Principis adventum hodie quidem esse solet populi universi concursus, subjungit Eruditiss. *Liebe*; Quis eum vidisse non avet, quem summus in Cælis DEUS altissimæ suæ, quæ Mundum universum gubernat, Potestatis participem, suæque in Provincia quodammodo Vicarium fecit? Quanto igitur ardore, ab intelligentibus certè, spectabitur tot Regum potentissimorum, & maximorum quorumlibet Principum una in gaza quasi Concilium, immò & populus, qui ex tot Numis eorum, per tanta ætatum temporumque intervallo, ad nos demum usque servatis coaluit? Utilitatis deinde: si quidem si vel unicum duntaxat TIBERII v. c. vel CLAUDII Numum probum, beneque conservatum, iterum iterumque studiosè inspexerit, nullò deinde negotio quamplurimos postea alios, licèt attritos, exeso etiam nomine, nullius tamen alterius, quam CLAUDII, sive TIBERII esse, solo è vultu promptè tutoque statuere poterit. Juvat id sanè magnopere, cum rari admodùm Numi sine omni demum vitio ætatis in pauperum quidem manus incurrant. Sat magnus præterea jam multis Apollo videberis, si cum primo statim Numi exesi obtutu signatum in eo Principem dexterè pronunciare, atque intento veluti digito, hic JULIUS, ille AUGUSTUS, demonstrare valueris. Ejusmodi tamen si laurum tu postules, Numos ipsos ut contueare, oportet: sculptis quippe eorundem imaginibus haud paulò minor est fides. Si quidem chalcographi nostri, Numariæ Rei ipsi plerùmque imperiti, quamvis artifice valeant manu, ea tamen ad prototypon attentione vix demum sunt, ut nullam sibi in ecstypis libertatem permittant. Facile penicil-

nicillus, facile scalprum exerrat, & vel in puncto varians vultus jam idem non est. Quare non malè *Arnobius* sensit, cum de oris proprietate, atque imaginibus sermo est, plerumque obtinere illud Satyrici: *Frontis nulla fides*; ac illud *Manilii* quoque: *Nec crede severa frontis opus signo*.

*Apud
Reusch.
Præfat. ad
Gemmas
Eberm.*

III.

Diversimoda postea Caputum Ornamenta curiosè omnino contemplari, atque discernere Tyronem necesse est, ob temporum maximè perpetuò variam rationem. Varius quippe est hominum genius, & ut quidam scripsere, *nihil inconstantius homine*: immo non alia quæpiam Inconstantia imago perfectior, ac si ipsum denique hominem pinxeris. Quod vitium, licet animi sit jugiter mobilis, in corporis tamen luxu vestituque plurimum sanè apparet. Otiosum itaque in Numis non est, jam *nudo* aliquem capite, jam *laureato* signatum: postremum hoc Imperatoribus, prius illud Cæsaribus convenit. Radiis coronari divinum quidpiam portendit: *Diademate gemmato* incincti Augusti postremis primùm seculis comparent. *Galeis* nonnulli teguntur, alii *Murâ* refulgent: nihil attamen horum sine causa. Augustarum præterea muliebris in capite Mundus æquè diversus variam signat ætatem, & sæpè, cum nomen abest, apud æquos rerum antiquarum Arbitros iudicium parit, hanc potius, quàm prioris cuiusdam sive posterioris seculi fœminam principem agnoscendi. Ritè ergò in Numis curanda hæc singula, nisi irato prorsus Apolline eosdem tractare volueris. Dissiteri quidem interim nolim, Cælatorum licentiam labente maximè imperio subinde intervenisse, ac quospiam Numos à communi aliàs regula omninò exerrare: è converso tamen id etiam maximè constat, multa in Numis singularia otiosa diu esse visa, atque Monetarium sive incuriæ, sive inscitia tributa, quæ tamen postea sagaciori ingenio explorata, & cum historiis studiosius collata, mysterium non parvum recondere animadversa sunt. Ita etiam in Numaria Re nulla est regula sine exceptione: ita in Laconica Quiritum Sapiencia ritè vestiganda neminem omninò sententia suæ nimis esse tenacem oportet.

Nomina Dignitatum, Munerumque supremorum, cum utraque in lingua, græca æquè ac latina, integrè scripta rarò existant, quod Num. I. jam monui, crucem Tyronibus sæpenumero terribilem figunt: peregrinum tamen in iis & hospitem esse, omnibus ferè Numorum deliciis atque commodis interdicat. Liberè omninò Doctiss. *Jobertus* alibi pronuntiavit, *Adversas* quidem Numorum Augustorum Theatra esse supremæ ambitionis, *Adversas* porro adulationem nullis contentam

*Jobert. Ino
Aruch. V.*

limitibus palam ostentare. Etenim Augusti, quæcunque demum olim suprema erant Reipublicæ liberæ munia, in plures tributa, solis sibi uno quopiam cumulò arrogavêre, ut suam hoc pacto majestatem in auge collocarent. Consulum itaque dignitatem, Tribunitiam Potestatem, Pontificatum Maximum, Augurum prærogativam, Censorum munus susceperunt, ut sacrarum æquè ac profanarum rerum omnium soli tandem potirentur. Cùmque olim munera ista annua duntaxat essent, quidam Imperatorum, qui meliores erant, ea in annos singulos noviter receperunt, signantes in Numis *COS. ul. II. III. tium &c. TR. ibunitia. Potestate IV. V. &c.* Alii porro summa sua potestate amplius abusi, & ne umbram quidem Libertatis Senatui Populòque faventes, Consulatum, alterumque aliquod munus, semel susceptum, annis pluribus vel sub eodem, vel absque omni numero retinuerunt. Hæc singula ex *Adversis* Numorum plerumque addiscimus: etsi non rarò quoque aliqua Munerum hujusmodi nomina etiam in *Aversas* rejecta sint. Videsis itaque, Publi lectissime, operæ sanè pretium esse, ut Numorum *Adversas* hac I. in Parte seorsim tecum explorem, *Aversas* non alias addens, ac illas, quæ fortè & ipsæ non nisi titulos, sive hujusmodi imagines sistunt, quæ titulis explanandis & commodæ, & necessariae sunt.

V.

PUBL. Sapientissimè in singulis mones, Honorande Tulli, quæque omnia liquidò disseruisti, ea vel pauperis Arculæ meæ modici Numi ad oculum tamen mihi ostendunt. Si porro seriem integram Augustorum, quod unicè cuperem, contemplari ex *Adversis* velimus, sæpenumero mihi aqua hærebit: quippe qui unius Augusti multos equidem frequenter teneo Numos, plurium verò ne unum. TULL. Aliàs me tibi dixisse jam memini: *Ibant, quâ poterant*: limitibus nos tuis teneamus, neque aliter nisi Exemplis agamus, quorum pauca à me tibi proposita te in multis erudiant. Plures proinde Imperatores, quos tu etiam tenes, minimè tamen pingam, nisi novam nobis disserendi materiem præbeant: neque enim animo præcepi, Seriem Augustam construere, sed brevibus Exercitationibus, atque facilibus, tuam ad majora industriam excitare. Jucundum est Tyronibus, qui liberali ingenio sunt, nova quotidie discere: sed longè jucundiùs, crede mihi, remotis magistris, proprio Marte in abdita plura penetrare. Sic erudire te cupio in Numis, ut tuam interim tibi messem nequaquam præripiam. Quoniam verò tuis in Numis JULIUS deest, ecce tibi percommodum quempiam Typum Numi argentei & medii, quem pariter Ill. *Spanhemius* pinxit, ne omnis hæc nostra Exercitatio acephala i, e, sine capite sit. Utra-

Spanhem.
T. II. p. 172.

Utrâque illius facies primam hanc, quam tibi porrigo, Tabellam inchoare debebat, ut singulos ejus Titulos legas.

PUB. Usque adeò non desinis, æternis me beneficiis obruere: quibûs tamen litus minimè arabis. Vehementer interim lætor, Virum me illum ac Principem genuina in imagine contueri, qui tanti Imperii, quale Romanum erat, jacere potuit fundamentum, & non modò dextrâ invicta, atque laureis undique innutrita, Orbem non minimum sibi subjecit, verùm etiam ore fuit disertissimo, & calamo longè latèque celeberrimo: TULL. Magnus sanè rerum gestarum gloriâ, immo maximus JULIUS, nisi laudibus ejus, è virtutis quidem præscripto metiendis, tantoperè detraheret, primùm quidem, quòd tanto nequaquam jure ad convellendam liberam Rempublicam, quanta fortuna nexur, Tyranni potius probrum, quàm elogium Monarchæ apud æquos rerum Arbitros sustulerit: deinde verò atque præcipuè, quòd profunda fidei caligine sepultus, dum Orbem Victor obtinuit, calo toto aberraverit. Vivit equidem nunc undique Cæsaris fama: ille verò quid nisi æternis tenebris suis atque ignibus illachrymatur? Atque huic æquè damnabili fato tam multi post eum Imperatores culpâ suâ cessere. De hoc tamen viderint illi: tu interim JULII vultum non primùm hic conspicias, si ad *Tabulam IV. Exercitat. Proem.* Numùmque *L. Emil. BUCÆ* reflectas. PUB. Meum jam vultum ipse memoriæ lapsus rubore suffundit. TULL. Ergò tutè ipse tibi disciplinæ sis, Numos, ceu Theatra fidelibus oculis ornata, jugem à Tyrone obtutum reposcere, qui præcipuus ferè *Læconica Quiritum Sapientiæ canon* est: præterquam quòd vulgare aliàs sic illud Poëtæ:

Segnius irritant animos demissa per aures,

Quàm quæ sunt oculis subjecta fidelibus.

PUB. Originem tam maximi Principis atque historiam sanè totis animis aveo. TULL. Ego porro & JUL. CAESAREM, reliquosque Augustos, tribus plerùmque verbis, ut ajunt, tibi edicam: erit namque, ut in cæteris Partibus, ubi Numorum Augustorum *Aversas* contuebimur, de plerisque identidem sermo recurat. Forsitan autem & his quoque brevissimis narrationibûs omninò apud te supersederem, nisi omnes passim, vel à Tyrone pariter, qui Numis animum applicans, eos subinde etiam aliis exhibet, postulare viderentur, ut eorum, quorum vultus adeò charos habet, tantòque studio, licèt attritos, nihilominus colligit, aliqua saltem noverit vitæ capita præcipua percensere. Quod si graviter potuerit, & sibi laudem, & pluribus voluptatem, Numulis verò suis existimationem non parvam conciliabit,

*Julii Caesaris VII.
brevis notitia.*

*Sueton. in
Jul. c. 6.*

C. *ajus* ergo, JUL. CAESAR, quemadmodum ex *Suetonio* discimus, Maternum Genus suum ab Regibus ortum, Anco Marcio nempe & Marciis Regibus, Paternum cum Diis immortalibus conjunctum aiebat, quia ex Gente *Julia* erat, quæ originem suam retulit ad *Æneam*, filium *Veneris* deæ. Satis hic ambitus vides. Gentis porro suæ, etsi *Patritiæ*, nulla ferè ad usque An. V. C. CCLXIV. claritudo fuit : abinde verè in eam & Consulatum, & Decemvirorum magistratus, cæteraque clarissima munia commigrârunt. *Cæsarum* in hac Gente *Julia* familiam *Sext. Julius* primum inchoasse dicitur : rationem porro cognominis hujus quæsiere plurimi, tutò hætenus reperit nemo. Princeps demum noster in Regiam Gentem suam Imperium iterum reduxit, cujus Pater erat C. *Jul. Cæsar*, Vir Prætorius, Mater *Aurelia*, filia C. *Aurel. Cottæ* : à qua editus fuit in lucem XII. *Quintil.* (quem postea mensem ejus honoribus sacrum *Julium* dixere) An. U. C. DCLIV. centum ipsis ante Christum annis. Cum annum ageret JUL. noster XVI. jam Flamen *Dialis* creatus, *Sullæ* Dictatoris odia diu perpeßus ægrè effugit, donec multorum tandem interventu in gratiam reciperetur, dicente verò *Sulla* : *Multos CAESARI Marios inesse.* Adverterat quippe in eo ambitionem summam, turbasque ingentes in Republica per eum concitandas prævidit. CAESAR deinde cum in *Bithynia*, tum *Cilicia*, non modò militiæ rudimenta posuit, sed omnes etiam numeros explevit. Mortuo verò *Sulla* rediens, *Dolabellam* Virum Consularem ultrò aggressus, & admiranda facundia publico in senatu repetundarum accusans, tantum ut ingenii sui periculum faceret, plurimorum rursus in se odia concitavit : quibus se iterum fuga subduxit. Fugientem ceperunt piratæ, atque his ille litrum, eo, quod poposcerant, longè amplius ultro persolvit : sed nave subito instructa, eos omnes capiens, crucibus suffixit. Paulò post *Populi* suffragiis *Tribunus militum*, *Quæstor*, *Ædilis*, *Pontifex Maximus*, ac cum *Bibulo* Consul effectus est : hunc tamen brevi magistratu suo submovens, solus gubernavit, quibusdam tunc lepidè scribentibus : JULIO ET CAESARE COSS. *ulibus.* In Consulatu se *Galliæ* Præfectum ipse creavit : quam provinciam intra decennium totam subegit, gravique tributo devinxit. *Rheno* pontem injiciens, & *Germanos* aggressus, eos sæpius fudit : *Britanniam* quoque *Romanorum* omnium primus adortus est. Interea *Pompejum* M. aemulum nactus, semel & iterum victus, plenam tandem *Pharsalicis* in campis de eo victoriam retulit : quemadmodum postea, *Ægypto* subacta, quam *Cleopatraz Amaliæ* largitus est, *Pompeji* quoque filios, sed ægerimè vicit. Tum A. U. DCCVI. quinque Triumphos agens, talis de-

demum erat, cui clavum Reipublicæ è manibus extorquere nemo nullus jam poterat. Ergo Senatus, metu cogente, infinitos ei Titulos, atque Potestatem amplissimam contulit : quæ singula tamen infra suam adhuc ambitionem consistere. Regis proinde nomen sæpius sibi acclamatum rejecit equidem, ita tamen, ut invitus id facere facile videretur. Parthos tandem opprimere ultrò statuit, venitque tum subitus rumor è Libris Sibyllinis, vinci eosdem, nisi ab Rege, non posse. Omni proinde in eos expeditione jam instructa, ultimum adhuc supererat Senatus Consultum, quo Parthia ei decerneretur, & Regii nominis, extra tamen Italiam, facultas accederet. Unde nihil jam ultra cunctandum sibi rati Cassius, & Brutus, iique, quos sibi in fœdus conservandæ Libertatis causâ adsciverant, ipsa in Curia CAESAREM ad statuam Pompeji 33. vulneribus confodiebant A. U. DCCX. Idib. Martii, dum Annum ætatis ageret 65. solusque rerum omnium annos tres ac totidem menses potitus foret. Fastorum eidem celeberrimam correctionem debemus, qua Anni tempora, suis sedibus pravo intercalationum ordine nota, restituit. Scripsisse plurima fertur : è quibus VII. adhuc Libros de Bello Gallico, III. item de Bello Civili Pompeiano cum voluptate relegimus. Hæc paucula interim tanto de Principe ex prolixa *Huberti Goltzii*, aut verius *Marci Laurini* historia tene.

PUB. Brevis es quidem, sed in nuce Iliadem concludis : abunde per te mihi factum est satis, jam, si libet, Numum expendamus, TULL. Sustine modicum, mihi que permitte, ut solâ Vultus in Numo signandi prærogativâ uberius adhuc nonnihil te coram expositâ, hodiernum deinde Dialogum nostrum, ne modum excedat, concludam, cæteris in crastinum dilatis. *Plutarcho* teste, prout diligentissimus ille *Goltzius* eo in opere suo præfatur, quo *Vivas omnium fere Impp. imagines* masculæ atque dexterrimè è Numis expressit, & sub Annum 1557. Antverp. vulgavit, Vultus hominum clarorum pingendi sculpendique consilium à Græcis susceptum est, ea quidem de causa, ut illi, qui cum laude obierant, vel aberant saltem, præsentî in imagine spectarentur. Sic in populo comparere, tacitumque honorem mereri cum dignum videretur Regia Majestâte atque jucundum, placuit nationum variarum Principibus, moneta suæ, quæ in omnium curreret manibus, indere vultus suos : ut hoc demum pacto, quod edixit *Cassiodorus*, & alii, *Imago Principum subjectos videretur pascere per commercium, quorum Consilia vigilare non desinunt pro salute cunctorum.* Romæ tamen *Numa Pompilius* imagines omninò prohibuit, ut spatio centum & septuaginta annorum nullam vel pingere, sive sculpere liceret. Abinde verò Deorum

VIII.

Cassiodor.
Varior. L.
N. c. 7.

rum

rum capita Numis signari, ac Templis statuæ inferri cœperunt: sed suum in Numis vultum in orbem vulgare, quod regium id videretur, nemini permissum, tentatum à nemine, quod certo capitis periculo stetitset. Sulla porro Dictator, qui leges omnes pro libitu evertit, id omnium primus est ausus An. U. C. 566, quem Pompeius M. cum Marco Licinio Crasso trepidè secuti sunt. C. JUL. CAESAR, quo in Regiam potestatem sibi asserendam ferè ab ephebis nemo proclivior erat, non tamen sibi plus fiduciæ sumsit, quàm ut, subdola usus amphibologia nominis, Numum cum Elephante signaret, eique vocem CAESAR Punicis tamen literis subscriberet, ambiguum relinquens, an suum, an bestię nomen id foret: Punis namque Elephas *Cæsar* appellatur. Cum verò tandem jam in limine solii staret Augusti, Senatus, metu atque adulatione suadentibus, inter cætera infinita honorum insignia atque ornamenta, Vultum suum in auro argentoque ac ære signandi summam prærogativam in eum etiã contulit: qua ille deinde liberrimè hilariterque est usus. Post *Julium* ejusdem adoptione filius, *Octavius Cæsar*, qui postremò ad eundem Imperii honorem grassatus, tutiùs illum multoque diuturniùs servavit, Patre suo in nullo sanè honorum argumento inferior, in pluribus haud paulo superior, milles iterumque milles signato in auro radiavit.

IX.

Sic itaque tam *Julio* quàm *Octavio*, tot in Numis jam vivum spirantibus, auebat jam populus, quod olim diris omnibus devoverat, Principes suos metallò fulgentes conspicari: quorum cum sacra, quia Augusta, esset majestas, *Sacram* quoque *Monetam*, Numis ipsis luculenter fatentibus, dixere. Mox etiam tanta Vultus Augusti in ære conspicui reverentia poscebatur, ut iidem non rarò in capitis discrimen adducti legantur, qui debito eisdem honore frustrassent. Vitã luendum erat *Tiberii* temporibus, ejus effigiem aut Numo vel Gemmæ inditam, latrinæ, aut lupanari intulisse, teste *Seneca*: quin & impietatis non neminem postulatum disertè *Philostratus* scribit, qui Aspendi in Pamphiliæ oppido servum verberibus affecerat, drachmas *Tiberii* vultu signatas secum deferentem. Non parva videlicet apud veteres religio fuit, *Aeternales illos Vultus violare*, ut loquitur J. Consultus, omniumque Augg. sensum eundem fuisse videtur, qui erat postea *Theodorici*, Gothorum Regis, Urbisque ac Italiæ Domini, sic quidem effati: *Quidnam erit tutum, si in nostra peccetur effigie, & quem subjectus corde venerari debet, manu sacrilega violare festinet?* Hanc ergo Vultum suum præcipuè in auro signandi tam summam prærogativam, veluti peculiarem Imperatoris Majestatis characterem, ita sibi propriam retinuere Augusti, ut usu

Seneca de Benef. L. III. c. 26. Philostratus in Vita Apollonii. L. III. Cod. de Vct. Numism. potent. Apud Casiodor. unde supra VII. 32.

usu alterius monetæ, alio vultu insignis, omnino interdixerint, nullis Regibus, qui Cæsares olim vereri debebant, indulgentes, ut Numos vultu suo signare possent, solis Francorum Regibus exceptis, quibus serò tandem Justinianus Imp. id in auro factitandi facultatem concessit: *Procop. Ker. Goth. L. III. c. 33.* quod ipsum tandem ingentis gratiæ loco apud omnes habitum esse *Procopius* collaudat.

PUB. Nunc demum tu Vultibus Augg. novam apud me, nec parvam reverentiam concilias: quis namquæ ingenuus diffiteri aliquando velit, vultum Principis, ære signatum, parem sibi cum picta ejusdem effigie cultum recte omnino vindicare? Quod si ergò pictas tabellas contumeliâ violare crimen sit læsæ, ut ajunt, Majestatis, atquæ in Numos injurium esse, severa animadversio est dignum. Maximè verò ab iis hac in parte delinqui videtur, qui adulteros cudunt Numos, ac per eosdem incautis emtoribus frivolè imponunt: neque mitius illi habendi forent, qui Summorum, quos Orbis tulerat, Principum majestatem nihil reveriti, præstantissima quæque eorum, quæ ad nos usque transferant, monumenta impio furno, atque scelestis ignibus suis corrumpunt.

X.

DIALOGUS II.

De

Numo JULII CAESARIS.

PUBLIUS.

SÆpè interea multumque ejus Numi, cum quo Tabulam tuam I. auspicatus es, collatum abs te mihi typum hunc præsentem contuitus, miror sanè plurimum, tantum in eo cumulum munerum supremorum parte sui utrâque congestum. Cum enim *Adversa* caput *Jul. Caesaris* laureatum exhibeat, cum Lituo, Augurum insigni ad dextram adsignato, circum legitur: CAESAR. AUGUR. IMP. SEXT. *um* COS. *ul.* QUINT. *um.* In *Aversa* adstat sella curulis, fascibus utrinque stipata, unde prominent secures, supra sellam laurea cubat, sive erigitur: supra lego: PONT. *ifex* MAX. *imus.* infra DIC. *ator.* PERP. *etius.* TULL. Quantum te amo, Publi lectissime, quod tam eximiè proficis. Plures etenim literas contractas, quin vel ad unam

I.
Tab. I.
Num. I.

hæres, promptissimè legeras. *Quintum* deinde, ac *sextum* rite ajebas, quia nimirum, ut nullus jam ambigo, probè nosti, Adverbia ista numeralia totidem vices adepti v. g. Consulatus, decretæ Dictaturæ, inuere, non quartum vel quintum in ordine Consulem &c. indicare. Præterea Lituum Augurum, quem tibi *Exercit. Proam. D. X. n. 13.* descripsi, præclarè noveras, uti & Sellam curulem, ac Fasces: quorum prior, ut *D. XII. n. 6.* te docui, Consularis Dignitatis est nota: Fasces porro Dictatorem enunciant, de quibus rursus *D. VII. n. 13.* differuimus. In his omnibus erraret, qui in Numis ad huc dum nihil penitus saperet. PUB. Helleboro sanè plurimum indigerem, si nihil omninò caliginis apud me clarissima tua institutio dispelleret. Verumtamen etsi viderim rectè ac legerim, quid tamen de his omnibus *Cæsaris* præconiis dignè sentiendum, ignoro. Unde obsecro te, ut longiùs aliquantulum te hodie mihi indulgeas, atque de singulis solita me benevolentia atque perspicuitate instituas. TULL. Multa sunt, fateor, hoc uno in Numo elogia *Cæsaris*, alia tamen nihilominus desunt. A *Suetonio* namque, ac aliis, qui vitas Imp. scripsere, edocemur, Senatui ad *Jul. Cæsarem*, cum is rerum jam summam teneret, argenteas tabulas, aureis literis scriptas, semel atque iterum, maxima quidem cum reverentiæ submissione, illo interim Patribus ne quidem assurgente, detulisse, in quibus eundem, præter descripta in Numo elogia, *Liberatorem* quoque, ac *Parentem Patriæ* appellavere, decernentes ei *Imperatoris Prænomen, Censuram perpetuam* sub nomine tamen *Præfelli moribus*: ut de *Dei Invicti, Jovisque* nimis quàm superbis blasphemisque nominibus taceam. Tantum in Senatu tam sacro, tam aliàs sapiente, metus potuit Tyranni: ubi tamen dissimulare non debeo, *Cæsarem*, etsi manu longissima foret, quod de Regibus canit Poëta, i. e. summa potestate, Pompeiis tamen patre & filiis devictis, in cæteros, qui eis faverant, præter spem omnium clementissimum fuisse. Iam de singulis Numi nostri elogiis ordine dicam.

II.

Quemadmodum, non nisi Patribus sinentibus, *Cæsaris* vultus in Numis comparuit, ita *Laurus* etiam, qua incingitur, & quæ in sella curuli insuper cubat, ac perpetuum eum eloquitur Triumphatorem, Senatus pariter Consulto eidem decreta est, semper & undique gestanda. Id verò tantò ille gratius habuit, quantò tenuior ei foret capillus, quantòque calvitium suam iniquiùs tulit, laurò postea quàm honestissimè velandam. Elogia quòd spectat, in cæteris omnibus Numi hujus nominibus vox IMPERATOR facile princeps esset, basisque quodam modo & fundamentum cæterorum, si Prænominis locum teneret,

neret.

neret, ita ut legeres IMP. CAESAR. Sed quoniam contrarium accidit, & ad vocem *Imp.* etiam adverbium numerale *Sext.* adjicitur, peculiaris illa ac summa sanè prærogativa, quam *Julio* Senatus concessit, ut *Imperatoris* uteretur Prænomine, hoc in Numo non satis exprimitur. Quod ut integrè demum sapias, vox *Imperator* paulò altius mihi repetenda est.

Variam illa notionem olim apud Quirites sortita est. I. nàmque, cum latissimè acciperetur, dabatur omnibus, qui Consulari, Prætoria aliàque dignitate fulgebant, cui jus vitæ, necisque annexum, qui vulgò *imperare* dicebantur. II. Magis propriè *Imperator* audit, qui bello imperans, justum hostium numerum interfecit, hocque pacto militibus mereri est visus, ut voce omnium Imperator acclamaretur. Id cum fieri sæpius potuerit, nata sunt in Numis elogia: IMP. ITER, III. IV. &c. etsi postea, cum cadente Republica Augusti imperarent, milites sæpè id sibi fiduciæ sumerent, ut Augustos quoque acclamarent, contràque Senatum tuerentur: quæ tamen acclamatio à præsentī toto sanè cœlo diversa. III. Illustrius longè præconium erat *Imperatoris*, si quis exercitum totum non modò suo imperio, sed & *auspiciis suis* duxisset. Et *suo* quidem imperio duxere multi, quicumque supremi duces delecti sunt, ut Proconsules, Legati &c. quibus videlicet obaudire omnes debebant. Sed ut *suis auspiciis* duceret quisquam, necesse erat, ut ei Res publica *totam suam fortunam* committeret, *omne fatum suum* cederet. Ut enim Quirites plurima dementavit superstitio, ita etiam rebantur, non modò cuilibet homini suum esse fatum, sed & Urbibus omnibus, singulisque rebus publicis: Urbis autem suæ fatum esse, ut esset *Urbs æterna, Orbisque Domina*. Nihil ergò, quod à republica susceptum est, inauspicatò agere libuit, vel licuit: semper supplicatum est diis, ut ostenderent, an, quod præmanibus erat, faustè feliciterque eventurum sit, fatòque Urbis consentaneum esset. Poterant ergo illi, qui exercitum ducebant, fatum quidem proprium pertentare auguriis, utrùm hostem superaturi, incolumes redituri, triumphum, ovationemve merituri sint: nequibant verò fatum Urbis reposcere à cœlo, ab avibus &c. nisi eos res publica cum hoc addito dimisset, ut *suis auspiciis* ducerent. Id si fieret, *Imperator* in castris juxta prætorium habebat Templum Augurale, in quo rem divinam ipse facere, auspiciis operam dare, ac reipublicæ pertentare fortunam debebat. Sin porrò deerat ei facultas auspiciis suis ducendi, Romam mitti, ibique auspicium fieri oportuit: quod si forsitan casus tempusque non ferrent, expeditio autem sive conflictus improspère caderet, inauspicatò rem factam Quirites

*Imperator quid
III. ex quo typis,*

Liv. XXIV.
10.

lamentabantur. Sin autem, cum poterat, id neglexerit *Imperator*, ingentis calumniæ sibi præbuit argumentum, utque M. Helvio Pro-
prætori factum scribit *Livius*, licet victoriâ potiretur, triumphare ta-
men permissus non est, quod non Reipublicæ, sed proprio, atque a-
dedo alieno auspicio pugnasset. IV. Soli tandem *Cæsari* concessit Se-
natus *Imperatoris* Prænomen, ut scribi posset IMP. CAESAR: posset in-
quam: neque enim semper id factum, immò rariùs exstare in Numis,
alias dicam. Indultum hoc *Julio* honoris amplioris causâ, summæ-
que in bello virtutis testimoniò, quasi qui esset Victor perpetuus: mi-
nimè verò, ut potestatem ei majorem hoc nomine tribuerent Patres,
quam in eo aliunde summam, Libertatiq; Reipublicæ perniciosissi-
mam, plurimùm averlabantur. Sed *Cæsar*, quique post eum erant
Augusti, alio longe sensu fuere: cum namque Regis nomen, Pa-
tribus æquè ac populo nimis execrabile, omitterent quidem, Im-
peratoris tamen sive prænomine, sive cognomine Regiam Po-
testatem exprimi deinceps atque intelligi volùere, qua etiam eximie
usi sunt. Quod cum invaluisse, supremis belli ductoribus non
jam ampliùs *Imperatoris*, sed *Dueis* adhæsit, priùsque illud vix uni de-
mum alterive, ut forsitan *Blæso*, deinceps indultum.

IV.

PVB. Quantum non in recessu habet sola hæc vox *Imperator*,
è sensu Quiritum ritè vestigata? quantum gloriæ tribuit Augustis?
TVLL. Tribuit sanè, qui & soli vocis hujus omnem aliam notionem
dignè tandem sustinuerunt. Non etenim tantum jus vitæ & necis sibi
solis vindicârunt: uni erant præterea, qui bellum decreverant, duces
miserunt: sed eorum quodue auspiciis deinceps bella gerebantur, post-
quam in locum *Fortuna publicæ* successit *Fortuna Domus Augustæ*, *Fortuna*
Imperatoris. Si ipsi bellum administravere, agebant suis auspiciis: si
duces miserunt, eisdem auspicia sua commodaverunt, quemadmodum
alicubi *Horatius* cecinit:

Horat. O.
dian. L. IV.

Te copias, te consilium, & tuos
Præbente Divos.

14. 33.

Utrumlibet autem ex his factum sit, i. e. sive ad bellum ipsi Augusti
processerint, seu Legatos dimiserint, alea faustum cadente, honor Prin-
cipi cessit, ejusque in Numis subinde bis legitur IMP. semel initio, at-
que ut Prænomen, IMP. CAES. deinde cetera inter elogia vel sine
addito, vel voce ITER um, aut numerò III. tum. IV. tum &c. adjecto:
quemadmodum de Augusto unacum *Dione* testatur etiam *Tacitus* his
verbis: *Nomen Imperatoris semel atque vicies partum*. Porro, ut profana
omnia nomina jungam, ad COS. ulis jam atque DICTATORIS elo-

Tacit. An-
nal. I. 9.

gia

gia ordo vertit. PVB. De utroque hoc summo Magistratu si quæquam adhuc tibi docenda supersint, oro te equidem atque vehementer obtestor, peramanter ut facias. Nullus interim dubita, me probè memoriâ complecti, quæ *Proem. in Exercitat.* jam prælibaveras, dum *Dial. XIII. n. 3. & 4.* quid rei Dictator esset, ac quoties Magistratum hunc *Cæsar* inierit, *Dial. XIX.* deinde *n. 10. seqq.* de Consulibus, atque Consularibus luculenta brevitate differeres. TVLL. Ad illa si reflectas, dicendum mihi ferè ultra nil restat: cæterarum quippe copia rerum, in reliquis Numis recondita, crambem recoctam nimiooperè fastidit. Ad sacra igitur veniamus, primumque PONTIFICIS MAXIMI titulum expendamus.

Supremam hanc in primo Sacerdotum collegio dignitatem *Cæsar* tantà propositi sui perviciâ ambivit, ut eam rogaturus, manè, priusquam domo excederet, dixerit Matri, se non rediturum, nisi *Pontificem Maximum*. Obtinuit etiam, quod petiit, summo populi studio, & suffragiorum consensu contra *Quint. Catulum* & *Isauricum* competitoros, ætate licèt ac dignitate longè superiores, non tamen, quod *Sueton. Sueton. annotat, sine profusissima largitione*, entis adeoque suffragiis. Et *Cæs. C. 13.* erat profectò operæ pretium, tam summum Sacrorum Magistratum etiam maximi nundinari, qui & *Perpetuus* esset, & Auctoritatis plurimum, atque Potestatis in omnibus Sacris haberet. Etymon hujus vocis *Pontifex*, teste *Varrone*, à *pons* & *facere* fuit: erat namque Romæ ab *Anco Marcio* rege *Tiberi* flumini *Pons* injectus è *sublicibus*, dialectò *Volscorum*, i. e. *lignis in latitudinem extensis*, interprete *Festo*, ita coaptatis, ut sibi illigata clavisque firmata non essent, sed facilè mobilia, quæ ingruente aliquando hoste removeri quantocius possent. *Pons* iste *sublicius* dictus, tam sacer est habitus, ut *Numa Pompilius* crearet *Pontificem*, eidem instaurando, si subinde opus id foret, præfectum: quod antequam faceret, pontem hunc sacris quam multis expiare debebat.

Deinde tres alii Pontifices ab ipso *Numa*, longo post tempore rursum quatuor à *Populo*, tandem à *Sulla* denuò septem adjecti sunt, unde XV. Pontificum Collegium enatum: quorum omnium Caput *Pontifex Maximus* fuit, sic dictus, non quòd ætate omnium Senior esset, velut *Augur Maximus*, sed quod in cæteros Pontifices jus summum haberet, rege etiam Sacrificulo eidem subjecto. Legebatur à populo, è Pontificum tamen Collegio, uno eorum Comitia indicente: cautum autem omnino, ne die nefasto, Fastisque Romanis damnato. Præibat Sacerdotibus omnibus: Sacrorum rationem nemini

V.
Pontifex M.

unde nomen

VI.

reddidit : animadvertere in eum non licuit : dignitate moveri non potuit. Sacra omnia, templa, sacerdotes, ipsasque Vestales Virgines, Libros divinos, Ferias, Calendaria curavit : si sacra quæcunque loca dedicanda, Magistratui atque populo preces præibat, comitia indixit, Kalendas, Nonasque, ac nundinas vulgavit : an Ludos quoque fecerit, incertum. Horum verò omnium ne quidpiam negligeret, Italiâ excedere non potuit : regiam domum, sitam in via sacra juxta Vestam, incolere debuit semper, cujus index lauri ramus fuit ante fores conspicuus : equo vehi aut curru nequibat, sed peditem incedere oportuit : domos omnes, ubi vitâ functus jacebat, idcirco cupressu ante fores exposita, vitare coactus est : semel denique, non iterum, nubere poterat, & quidem feminæ nobili duntaxat, atque integerrimæ famæ.

*Acerra Nova Philolog.
L. I. P. V.
p. 647. seqq.*

VII.

Hac ergo maxima sacerrimaque apud Quirites dignitate Cæsar post obitum Metelli Pii An. U. C. forsitan 692, retulit. Cum verò postea, actis jam omnibus triumphis, superior omnibus foret ac metuendus, ceteros inter honores hoc etiam à Senatu ei oblatum, ut, si filium habiturus esset, is Pontifex Maximus foret. Quæ fors Augusto deinde, quem Cæsar filium adoptaverat, à morte Lepidi obtigit : ut adeò hoc pacto Pontificatus Maximus velut in hæreditatem transiret, cum eoque Principes summam in omnia Sacra acquirerent potestatem, quam eis dignitas Imperatoris minimè attulisset, teste Ill. Spanhemio. Porro in Numis Imp. Pontificis Maximi elogium, solis his literis P. M. notatum, honorato sanè legitur loco, & Tribunitiam Potestatem, atque Consulatum ferè undique præit, legiturque in iis ad usque Gallienum ; post quem una cum Cæsaris, Potestatis Tribunitiæ, Consulatus titulis, quamquam hæc omnia essent Augusti, plerumque omissus est : eò, quod usus jam obtinuerit, Augusto cum fastigio munia omnia suprema veluti natura esse connexa, adeoque jam opus haud ampliùs foret, tam longa nominum recensione Numos indies magis pusillos onerare. Id verò animadversione est dignum, cum Antoninus Pius diserte professus sit, ideò se duntaxat Pontificatum Maximum suscepisse, ut puras manus à sanguine servaret, adeoque in sacris diligens fuerit, teste Iul. Capitolino, ut, non nisi æger, vel absens, eadem per vicarium faceret, in tam frequentibus nihilominus Numis ejusdem Pontificatus Maximus perpetuò fileatur : id quod ego sæpenumero miratus, neminem tamen reperi, qui vel adverteret illud, vel ejus rationem in medium adferret. In L. Vero deinde, qui simul cum M. Aurelio erat Augustus, Pontificis Maximi elogium frustra quæras, uti in ceteris

*Spanhem.
T. II. p. 423
seqq.*

ceteris omnibus, quos alii Imp. collegas imperii sibi adseriverunt: neque enim *Pontificatus Maximus*, naturâ vel rectius lege Perpetuus, consortem admisit. Quod si filii quandoque Augustorum ac Cæsares in Numis suis *Pontifices* laudentur, non de *Maximo*, sed inferiore aliquo Pontificatu id accipi, Ill. *Spanhemius* petit. Cum postea Christiani jam essent Imperatores, *Pontificis Maximi* neque munus neque elogium sustinere, advertente CL. *Harduino*, Patriarchis utique, & Episcopis, maximè verò S. Sedi Romanæ, Christiquè in terris Vicario, uni & soli Summo Pontifici, id honoris deferentes. Licet namque in Numo quopiam M. Constantini, aliorumque, ad usque Gratianum, Augustorum, subinde legatur *Pontifex Maximus*, paganis permittendum id erat, ut veteri stilo uterentur, quoadusque idololatria universa funditus demum excindi potuerit. Unde & à morte Constantini, ac cæterorum, eos, velut olim, in Numis consecratos, Divosque appellatos reperies.

PVB. Succincta hac tua de *Pontifice Maximo* Commentatione egregiam in pluribus mihi copiam faceres, ab impiis infidelium delictis Christiana ad Sacra sermonem traducendi, nisi à nostro id instituto prorsus abluderet. Quare jam nunc de *Auguribus* æquè jucunda audire abs te maximè concupisco. TVLL. Ego autem verebar, etsi cuncta oppidò constringam, tua tamen patientia nimium hodie, etiam de *Auguribus* differens, me abusurum. PVB. Si, ut proverbio dicimus, disertus comes pro vehiculo est, tu certè eruditissimis discursibus tuis plurimum mihi horæ compendium facis.

TVLL. *Augurum* ergò, qui Sacerdotum Romanorum in ordine Pontifices proximè insecti sunt, Etymon cape, quos *Festus* non ab *Avium garritu* sed *gestu* appellatos existimat. Solemnes erant Chaldæis, à quibus ad Græcos primum, deinde ad Etruscos, postremò ad Romanos migrârunt. Romulum certè Urbis suæ auspiciis *avibus fecisse* novimus: qui & juxta numerum Tribuum antiquarum in populo suo tres Augures instituit. Numa autem Pompilius tantam in eos contulit dignitatem, ut secundum à Pontificibus Collegium facerent. Impari numero erant semper: quanto autem, edici turò non potest, quamvis ferant, Sullam Augures XV. constituisse. Qui eorum Senior erat ætate, dictus est *Augur Maximus*, quapropter & præcipuus erat. Legge Domitia, à plebe electi sunt, quæ lex iterum iterumque abrogata, torius rursus invaluit, donec Imperatores suo duntaxat arbitrio singula constituerent. Tantò erat eorum Autoritas major, quantò magis Quirites curabant, ne belli, pacisve tempore, quidpiam, nisi *auspica-*

VIII.

IX.

IX.

id, i. e. consulto Augurio, gereretur : usquedum longo hujus superstitionis usu de ejus vanitate edocti Romani, Augurum artem neglexere, & Magistratus ad se trahens auspicia, quod sibi libuit, Auguribus nuntiare duntaxat in vulgus imperavit.

X.

*Plutarch.
Probl. 99.*

Cum verò adhucdum vigerent auspicia, Augurum munus summi viri gesserunt : quodd hoc Magistratu sacerrimo nemo, gravium etiam criminum convictus, moveri posset. Causas affert *Plutarchus*. Primum quidem, quia verebantur Romani, ne Augures, qui jurejurando silentii tenebantur in rebus divinis, si ad officium redigerentur, Sacra vulgarent. Deinde quodd auspicia artis forent, atque scientiæ, non à nomine vel dignitate venirent : Unde, qui calleret auguria, ea nihilominus capere posset, licet Augur non haberetur. Ingentem hujus muneris existimationem *Cicero* docet, illud *Amplissimi Sacerdotum* nomine efferens : Magis verò *Plinius*, amicorum cuiuspiam, Auguratum sibi gratulanti, ita rescribens : Gratularis mihi, quod acceperim Auguratum : Jure gratularis, & quodd Sacerdotium cum priscum, tum religiosum, tum hoc quoque planè sacrum & insigne est, quodd non adimatur viventi.

*Cicer. L. ad
Attic. VIII.
ep. 3.
Plin. L. IV.
ep. 8.*

XI.

Omina Augures potissimum captabant à cœlo, & avibus : alias à bipedibus etiam, quadrupedibus, ac diris, i. e. fortuitis actionum humanarum, animaliumque eventibus, ut nulli demum superstitioni locus deesset. Augurio statuto is, qui capere debebat, loco sacro extra urbem quiescens, concubia nocte sub initium naturalis diei surrexit, cælumque servavit, i. e. certa cœli spatia versus 4. Mundi partes *Lituo suo*, seu baculo suprà recurvo, designavit, in quibus aut ventos, aut fulgura, vel aves advolantes observans, rogavit Deos, ut per ejusmodi signa, quodd fatum impenderet, edicere vellet. Hæc cœli spatia dicebantur *Templa* : Avium porrò *Oscines* aliæ, quæ cantu, aliæ *Præpetes*, quæ volatu vaticinari credebantur. Coloris in his ratio plurima habita : candidæ etenim boni, fuscæ mali erant ominis. Lævi pariter lateris, dextrique permagnum fuit discrimen : Scribit namque *Cicero* alicubi : Nobis sinistra videntur, Grajis & barbaris dextra fulgura meliora. Dum Augures hujusmodi signa primum viderunt, denuò diis supplicabant, ut iterum eadem apparerent, certumque hoc pacto ederent omen : Quodd dum fiebat, acceperunt illi ajebantque, quodd de uno eorum *Tolumnio Virgilius* cecinit :

*Cic. L. II.
de Divinit.
c. 36.*

*Virgil. Æn.
XII. 258. &c*

Hoc erat, hoc, inquit, votis quodd sæpè petivi,

Accipio, agnoscoque deos.

Satis hæc, Publi, de Augurum nugis : Hoc solum addo, *Jul. Cæsarem* fuisse

fuisse *Augurem Maximum*, silente quidem Historia, sed Numis clarè loquentibus. Nunc porro toto hoc Dialogo in unico *Julii Numa* versati vires uterque reparemus nonnihil, id equidem commodi referentes, ut, cum in reliquis Numis elogiâ IMP. atque PONT. MAX. idendidem recurrant, parum nos ea deinceps aut nihil morentur.

PVB. Subvereor equidem, Honorande Tulli, supercilium tuum, qui lassus es differendo: temperare tamen ingenti proficiendi desiderio jam minimè possum, quin perconter abs Te, si Numus *Jul. Cesaris* in Græcia cusus, hisque omnibus, aut pluribus elogiis foret insignis, quæ demum vox *Pelagæ Imperatores*, quæ *Augurem* &c. notet. TVLL. Frontem mihi profecto, Amantissime Publi, lætissimè explicas, quoties proficere cupis. Ipsa porro tam vehemens contentio tua, quam affers ad discendum, ingredi me facit in spem, ut Grajas tu literas mox, ut otium nactus sis, plenè possideas. Interim ego voluntatibus tuis summa mea cum voluptate obsecundans, te veluti trepidum quemdam Narcissulum, gressus vel primos figere dubitantem, libenter nutricis in morem conduco. Animum ergo tuum adverte, huncque brevem Indiculum memoriâ complectere, quo supremorum in Numis munerum nomina latina græce pariter Tibi reddo.

XII.

CAESAR

IMPERator.

AVGustus.

Pontifex Maxim.

A. AV. vel AVGur.

TRibunia Potestate.

COSul.

PROCOSul.

CENSor.

Pater Patriæ.

PIVS. FELix, aut P. F.

ΚΑΙΣΑΡ.

ΑΤΤΟΚΡΑΤΩΡ.

ΣΕΒΑΣΤΟΣ. locò ΣΕΒΑΣΤ.

ΑΡΧΙΕΡΕΤΣ ΜΕΓΑΣ, vel ΜΕΓΙΣΤΟΣ.

ΟΙΩΝΙΣΤΗΣ.

ΔΗΜΑΡΧΙΚΗΣ ΕΞΟΥΣΙΑΣ.

ΤΡΙΑΤΟΣ vel ΟΥΤΡΙΑΤΟΣ.

ΑΝΟΥΤΡΙΑΤΟΣ.

ΤΕΙΜΗΤΗΣ.

ΠΑΤΗΡ ΠΑΤΡΙΔΟΣ.

ΕΥΣΕΒΗΣ, ΕΤΥΧΗΣ.

PVB. Bellè agitur mecum, dum Græcas meditor literas: Anser nimirum strepit inter olores. Neque tamen animum despondeo, ubi tu me tantopere cum iuvas tum erigis. TVLL. Superest tandem, ut ex percommodo *Laurentii Pataroli* libello, quem inscripsit: *Series Augu-*

XIII.

storum, Augustarum, Cesarum, & Tyrannorum omnium &c. Venet. A, 1722.

C

jam



jam altera vice nitidè exculo in 8. m. te moneam, *Jul. Caesaris* Numos æreos magnos haud infrequentes esse, minores vix occurrere. Argenteos autem raros, rarissimos aureos credi: cum quibus Græci pariter, ac in Coloniis cusi de pretio certant. Nôsse hæc expedit Tyroni, ut, quàm dives sit ipse, vel contrà quàm pauper, intelligat. Etenim non, qui multos, sed qui raros possidet Numos, celebriore est Arcula.

DIALOGUS III.

De

Numo AUGUSTI.

PUBLIUS

I.

Q Uater jam mihi Vultum *Augusti* pingebas in *Exercit. Proëm.* Numos inter *Familiarum*, vi *Tab. III. n. 3.* item *Tab. IV. n. 9. & 10.* rursum *Tab. V. n. 8.* ubi & *n. 9.* quintus sequitur Numus, *Augusti* non quidem vultu, nomine tamen illustis.

TVLL. Opportunè hæc memoras, ut novæ te rei commoneam, Optime Publi. Nimirum ii, quibus Numi magno jam numero affluunt, dum cimelia sua quàm ornatissima cupiunt, variâs inibi Series ordinant, v. c. *Familiarum*, *Imperatorum*, *Coloniarum*, *Urbium Græcarum*: nonnulli præterea Deos, Déasque, *Templa & Sacrificia*, *Trophæa*, *Triumphos*, *Ædificia publica &c.* peculiaribus in Tabellis juxta se collocant. Quoniam proinde unus idemque Numus in *Adversa* quidem ad hanc, in *Aversa* aliam ad Seriem commodum pertinere videtur, receditur sæpè à communi Eruditorum placito, quorum sensu *Adversa*, i. e. anterior ac princeps Numi facies, ea habetur, quæ capite, aut nomine Principis signatur. Si namque in *Aversa* v. g. legatur Triumvir aliquis Monetalis, ejusmodi Numum ii, qui Seriem cupiunt *Familiarum* reddere auctiorem, inverso ordine collocant in Tabellis, cùmque aliàs vultus Imp. suprà cubare deberet, infrà ponunt, ut ad primum Numi obtutum mox *Turpilianus*, *Surdinus*, *Clorius &c.* alique de Familiis Romanis compareant. Pari pacto alii Urbis Genium, Colonix nomen sive insigne, alii Templum &c. in fronte statuunt: *Aversam* itaque, cujus Typus sua cum Serie congruit, in locum *Adverse* substituunt.

unt.

unt. Mirari ergo jam desines, eccur etiam ego tot Numos *Augusti* pauculis tuis Familiarum Numis inseruerim, ut videlicet tres saltem ex iis Tabulas complem. Novus tamen tibi superest *Augusti* Numus in *Partis hujus* I. Tab. I. servatus, ubi num. 2. comparet.

Principem in eo vides longè maximum, faustum, ac diuturnum. Cum primis tamen reflecte ad Triumvirorum Reipublicæ constituendæ causâ à cæde *Jul. Cæsaris* creatorum historiam, compendiò tibi à me *Exercit. Proem. D. X. n. 7. seqq.* recitatam. Erant hi, ut noveris, *Octavius* quidem *Cæsar* postea dictus *Augustus*, *M. Antonius* deinde ac *M. Lepidus*, terribile bonis omnibus collegium, ut graviter *Patinus*, *Plutarchi* verba ex parte sibi usurpans, quod in fœdus truentum prodendæ patriæ, atque effundendi, quodcumque supererat, liberi sanguinis causâ coâluit. Prior omnium atque junior, deinde fortuna virtutēque superior *Octavius* erat, *C. Octavii & Acciæ* filius, primo nomine *Thurinus*, quod cito evanuit, natus sub Ann. U. C. 691. ante Christum 63. Quadrimus nondum patre vero orbatus, *Jul. Cæsarem*, cujus sorore mater ejus est genita, adoptione parentem accepit, ab eo in nomen & familiam suam adlectus, & abinde *Cæsar* appellatus, hæresque insuper scriptus. Annum sextum ac decimum ingressus, *Julium* in Hispaniam secutus, militiæ posuit rudimenta: hoc verò in Parthiam cogitante, juvenis *Cæsar* Apolloniam causâ studiorum est missus. Fatis autem *Julium* subito prementibus, quantocius advolans Romam, truculentam cum Antonio & Lepido Triumviratus periodum inchoavit, quam aliàs percensui. Mutinensi adversus *M. Antonium* bello, ambobus Consulibus cadentibûs, solus exercitum obtinuit, sibi que Consulatum vindicavit A. U. 711. Altero anno cum *M. Antonio* gessit bellum Philippense in Brutum ac Cassium, *Julii* interfectores, primo prælio ferè victus, altero victor. Tercio in Luc. Antonium movit, *M. Antonii* Triumviri fratrem, quem Perusiæ ad deditionem coëgit. Quartum pugnavit in Sext. Pompeium: à quo semel & iterum classe victus, tandem per Agrippam triumphavit An. 717. Lepidum paulò post ad incitas redegit: in Dalmatas & Pannonios pugnans, varias retulit cicatrices. Decretoria tandem arena cum *M. Antonio* classe ad Actium congressus, A. 723. insigni victoria usus est: sed, dum eum Alexandria postea obsideret, multis equitibus fuit multatus, classis tamen adversæ deditione, triumphum tandem de Antonio internecinum obtinuit.

Sic æmulis omnibus liber juxta atque superior, Patris *Julii* vestigiis territus licet ambitu pari, non tamen contentione, ad gloriam grassatus est, Imperium sibi delatum, nisi diuturna cum amicis, *Mecænate* maxime

II.

Patin.
Impp. p. 15.
Plutarch in
Vita M.
Anton.

III.

atque Agrippa, consultatione præmissa, minimè admittens, & tum quidem in decennium duntaxat: quo exacto iterum in quinquennium iterumque rogari, ut imperare vellet, callidus expetiit. Imperii provincias bifariam partitus, quæ pacatæ erant, Senatui celsit, quæ hostem metuerent, sibi servavit, ut hoc demum pacto penès eum exercitus forent, Pontificatum Maximum defuncto Lepido diligenter iniit, ut Sacrorum potiretur: Consulatum gessit, ut Patribus imperaret, ac Tribunitiam Potestatem, ne populi benevolentia excideret. Crudelitatem Triumviratus sui clementiâ maiestatis non sanavit solum, sed penitus fere deletit. Rempublicam æquissimis legibus, Urbem ædificiis splentissimis extulit. Pugnavit. In Cantabros, Illyricos, Armenos, omnium in Germanos infelicissimè, Quintilio Varo turpiter cæso: quapropter jam senior, capite frequenter in parietem illiso, exclamavit: *Quintili Vare, redde legiones!* Solus annos 44. imperavit, Nolæ in Campania obiens è profluvio ventris, nonnullis tamen virus suspicantibus An. Ætat. 77. U. C. 767. Christi sub eo feliciter nati 14. Fuere, qui de eo jactarent, *aut nasci nunquam, aut nunquam mori eum debuisse.*

IV.

PUB. Dulcis mihi fuisti, Tulli facundissime, hac iterum narratione: sed trium puto verborum oblitus es, quibus te in historia Impp. usurum alias proposuisti. TULL. Dum regni primordia percensenda, trivertio locus non est: scire profectò expedit, quibus demum mediis Libertas in servitutem abierit, quibus attribus Tyrannis in solio non substituerit modò, sed & placuerit. Jam Numum expendamus, apud te æreum medium, nigro vernice tinctum, probatum, benèque conservatum. Vides summi hujus Principis caput lauro florente incinctum, neque excidit tibi, ut reor, *Julio* semper esse laureato à Patribus indultum. De *Augusto* memoriæ *Plinius* prodidit, cum *Livia Drusilla* eidem quartò esset pacta, sub dio illi sedenti Aquilam ex alto Gallinam candidam in gremium demisisse, quæ lauri ramum rostro suo detinebat. Illi eò aruspices Gallinam, omnemque ejus sobolem educari, laurum verò in villa Caesarum plantari curabant, sylva inde enatâ. Hac deinde de rami propagine *Augustum*, cum triumpharet, lauream decerptam capiti imposuisse semper: quod exemplum, ut ille *Julii* imitatione, ita cæteri Impp. suâ insecuti sint. Celeberr. tamen *Reuschius* ex *Aurel. Victore* illustrem profectò *Augusti* sententiam affert, ita profati. *Jactantis esse ingenii atque levissimi, ardore triumphandi, & oblauream coronam, id est, folia instructuosa, in discrimen per incertos eventus certaminum securitatem civium precipitare.* PUB. Reprehendit hoc pacto, ut reor, optimus senex, quod

Tab. I.
Num. 2.

*Plin. Hist.
Nat. L. XV.
c. 30.*

*Reusch.
Gemm.
Eberm. p.
75.*

quod junior ipse amavit : quamquam toto differant cœcio, æquo Marte poscente lauream virtute mereri, & solo laureæ ambitu classica canere.

TULL. Legendam perçense. PUB. Sic demum habet : CAESAR AUGUSTUS DIVI F. *lius*. P. *ater*. P. *aria*. TULL. Ubi nomen *Octavii* ? In nullo id Numo Principis hujus requiras : adoptione quippe à *Julio* facta absorptum est, eique *Cæsaris* nomen successit. Atque hoc ingens beneficium docent verba : DIVI i. e. *Julii F. ilius*. Affert Erudis, *Liebe* in præclara illa *Gotha Numaria* Numum aureum *Jul. Cæsaris*, in cujus Aversa videas *Augustum* nudo capite hac cum epigraphe sane non vulgari : C. *ajus* CAESAR COS. *ul*. PONT. *ifex*. AUG. *ur*. Unde liquet, *Augustum* non *Cæsaris* Patris cognomen solum, sed & Prænomen *Caji* accepisse, nominibus veri patris sui penitus abolit, cum aliis, more *Quiritum*, adoptati Gentile nomen suum leviter inflexum retinerent, aut veri etiam parentis nomen : quo pacto *Augustus* scribi debuisset à gente sua *Octavia Octavianus*, vel *Octavii filius*. PUB. Mihi porro meo in Numo superbum satis videtur, & *Julium* appellari Divum, & *Augustum* se *Divi filium* jactare. TULL. *Quiritum* ea supersticio in omnes pervagata est, ut illos etiam Principes, quos propter tyrannidem sustulerant, à morte Græca quidem dialecto *Ἡρώες*, *Heroes*, latina *Divos*, *Consecratos*, *Sideribus receptos* appellarent ipsi, vel appellari paterentur, eo honore ad parentes pariter vel natura vel adoptione, ad Uxores deinde ac Liberos etiam propagato. Certè *Domitianus*, quam impius Princeps ! ita tamen à *Silio* Italico laudatur :

O Nate DEUM, DIVOS que dature !

Quid quòd Ill. *Spanhemius* commemoret, in Numo Græco, à præstantiss. *Morellio* descripto, appellatum esse *Neronem* à *Claudio* adoptatum : ΚΑΙΣΑΡ ΘΕΟΣ ΘΕΟΤ ΤΙΟΣ : CAESAR DEUS DEI seu *Divi F. ilius*. Cætera, quæ ad hunc locum facerent, *Exercitationum* nostrarum Part. VI. & ultimæ reservo, quæ de *Consecrationis Augustæ* deliriis aget.

Quemadmodum verò, dum legis in Numo tuo CAESAR, Gentem intelligis, cui se *Octavius* insertum testatur, *Julium* nempe ac *Cæsarum*, dumque legere pergis DIVI F. *ilius*, factam à *Julio* jam consecrato ejusdem notas adoptionem : ita nomen AUGUSTUS summam tibi *ilii* dignitatem enunciat. Primus quippe id nominis tulit. Tractatum à Senatu fuisse *Florus* scribit, an, quia *Octavius* condidisset Imperium, *Romulus* vocaretur ? sed sanctius & reverentius visum est nomen AUGUSTI, ut scilicet jam tum, dum colit terras, ipso nomine & titulo consecraretur. Canente quippe *Ovidio* :

V.

Goth. Num.
p. 53.Sil. Ital.
L. III. v.
625.Spanhem.
T. II. Diff.
XII. §. 91.

VI.

Florus IV.
12.Ovid. Fa.
flor. I. 609.

SANCTA vocant *AUGUSTA* Patres ; *AUGUSTA* vocantur

Templa, Sacerdotum ritè dicata manu.

Quo circa Græcis *Augustus* per *Σεβαστὸς* scribitur, quod idem est, ac
Dio Coccei. *Venerabilis, Adorabilis* : & apud *Dionem Cocceianum* hoc nomen *Potestatem*
L. LIII. p. non sonat ; sed *Splendorem Dignitatis*. Quo sensu id pariter *Apuleius* acce-
107. pit, inquit : *Unus omnium GRATIANUS* potestate *Imperator*, virtute
Apulei. in *Victor*, *AUGUSTUS SANCTITATE*, Pontifex religione. Quoniam porro
Grat. Aët. hoc nomen *Cæsar* magna virtute atque felicitate sustinuit, postquam
 eidem in VII. Consulatu Id. Jan. An. U. C. 726. à Senatu oblatum est,
 accidit, ut eodem alii deinde Impp. tanto tempore gloriarentur, idque
 in eos perpetua successione ita transfiret, quemadmodum in *Ægypti* Re-
 ges *Pharaonis*, in *Syros Seleuci*, in *Ponticos Mithridatis*, in *Parthos Arsacis*,
 in *Armenios Tigranis* nomen propagatum est. Factum est etiam lapsu
 temporis nomen *Potestatis* usque adeò, ut plures Impp. & hos inter
 primus fere *Hadrianus*, neglectis aliis omnibus elogiis, *Augusti* tantum in
 Numis scriberentur, quemadmodum & tu infra in Numo *Hadriani* aliud
 nihil leges, quàm *HADRIANUS AUGUSTUS* : quo uno nomine,
 quidquid ad Imperatoriam Majestatem pertinuit, complexi est visus.
 Cave sis ergò, ut ii te fallant, quorum dialecto vox hæc *Augustus* quasi
 ab augendo dicta, Imperii Ampliatorem designat. Aut, si forsitan in Cl.
Hardum sententiam penitus novam, ab omni porro antiquitate alienam,
 incideris, eam leviter arripias : qua voluit, *Augusti* nomen, æquè ac
Spanb. unde supra p. *Cæsaris*, in cæteros omnes Impp. manasse, quasi nomen Gentile, quod
371. seqq. ii cognato agnatòque à *Cæsaribus* sanguine descenderint. Cui penitus
 convellendæ Ill. *Spanhemius*, quamvis sine bile, nervos tamen omnes
 intendit.

VII.

PUB. Quæso te, Venerande Tulli, si sic demum in cæteris omni-
 bus Impp. numis, tamque prolixè versaberis, quem exitum reperies ?
 Sed abundat in me amor tuus, cui omnis demum labor est brevis : ego
 porro tam reconditæ eruditionis favos cupidissimis faucibus lambo.
TULL Exibo, ne dubita, si primas tibi *Laconicæ Quiritum Sapientiae*
 venas aperuero. Hærare tibi postea ad singulas voces, ubique recur-
 rentes, quemadmodum nunc quidem fit, minimè deinceps continget.
 Restat adhuc postremum in Numo tuo, illudque pretiosum in paucis
 elogium *P. atris. P. atriae*. Serius, an citius bellum hoc nomen, cum
Sueton. in *Julio Parenti*, tum *Cæsari Augusto*, ejusdem adoptione filio, delatum sit,
Jul. c. 85. addubitant, Eruditi. Verum *Julio* non à morte primum per M. An-
 tonium illud tributum esse, cum memoriae ejus columnam statueret mag-
 nificam, eique inscriberet : **PARENS PATRIAE** : sed jam viventi æ-
 cla-

clamatum, numis testibus, discimus, cujusmodi eadem cum appellatione diligentiss. Goltzius dudum vulgavit. Augusto autem præclarum hoc elogium in Consul. XIII. Trib. Pot. XXI. adeoque An. U. C. 752 Non. Febr. oblatum, ill. Spanhem. post Card. Norisium, & Jac. Perizonium, Clar. Viros, è vet. Kalendarii fragmento apud Gruterum manifeste evincit. Quis modus offerendi, quæ deinde oblati hujus nominis apud Augustum jucunditas, Suetonius tibi eloquatur, apud quem lego. Quod bonum faustumque sit tibi, inquit Valerius Messalla, domuique tuæ, Cæsar Auguste, sic enim nos perpetuam felicitatem Reipublicæ, & leta huic precari existimamus, Senatus te, consentiens cum Populo Romano, consalutat PATRIAE PATREM. Cui lachrymans Augustus respondit his verbis. Ipsa enim sicut Messallæ sunt verba, compos factus votorum meorum, Patres Conscripti, quid habeo aliud deos immortales precari, quam ut hunc consensum vestrum ad ultimum vitæ finem perferre mihi liceat?

Goltz. in
Cæs. Tab.
III.

Spanh. T.
II. p. 446.

Sueton. in
Aug. c. 58.

Vim verò nominis hujus, quod sanè honoris erat, ac cautionis, ut scilicet sibi subjectos ceu liberos diligeret, & ab iis vicissim ut Pater coleretur, perspicuè Seneca docuit, scribens: PATREM quidem PATRIAE appellavimus, ut sciret, datam sibi potestatem patriam, quæ est temperatissima, liberis consulens, suæque post illos ponens. Nobilis hæc Appellatio à Senatu, si æquo esse ei licuit, ac sapienti, neque metu ad adu-landum compulsus est, Principibus suis nec statim est data, neque ab his, qui meliores erant, subito admissa: ut toties laudatus Spanhemius, eundò propè per singulos, amplissimè docet. Tu uno teste contentus, Ovidium audi, cujus etiam vadimonio Augustus se verè ut Patrem Patriæ gessit. Ita ille:

VIII.

Senec. de
Clem. L. I.
c. 4.

Sancte PATER PATRIAE, tibi plebs, tibi Curia nomen

Hoc dedit, hoc dedimus nos tibi nomen Eques.

Res tamen ante dedit, serò quoque vera tulisti.

Nomina: jam pridem tu PATER URBIS eras.

Ovid. Fast.
L. II. v.
127. seqq.

Magnus ille Tull. Cicero, tanta Reipublicæ columna, ac Liberatis, donec ei caput præfectum, ac lingua amputata, acerrimus vindex, cuique omnium primo Parentis Patriæ elogium Romæ obtigit, Columnam illam supra commemoratam, ac Julio per M. Antonium cum elogio Parentis Patriæ positam, execratam suggillavit. Clarius longè testimonium Augusto perhibuit Seneca, his quidem verbis: Bonum Principem Augustum & bene illi convenisse PARENTIS nomen fatemur.

Cicer. Phil.
I. c. 2.
Senec. de
Clem. L. I.
c. 10.

PUB. Dii te ament, Tulli Honorende, quòd brevi equidem periodo plurima memoratu dignissima complecteris. Hoc demum est Laconicam Quiritum Sapientiam recte evolvere, si vocum, quas legimus

IX.

in

in Numis, vim pariter ac pondus solida eruditione pervadimus. TVLL. Ego verò hoc demum addo, Numos *Augusti* in ære medio obvios, raros in magno, in auro argentoque vulgares à *Patavolio* dici: Græci quoque, magnos si demas, non infrequentes sunt, sed in *Còloniis* cusi rarissimi.

DIALOGUS IV.

De

Numis **TIBERIL CAII, CLAUDII,** atque **NERONIS.**

TULLIUS.

I.

ERit paulò pòst, Optime, Publi, ut iter nostrum *Augustum* velis decurramus, ut ajunt, atque quadrigis, plerisque munerum supremorum nominibus jam explanatis. Hoc Dialogo. 4. *Augustos* videbimus, quibus *Cæsaris* nomen gentile erat, uno semper alterum adoptante. Primus eorum *Tiberius*, cujus Numum ego pinxi *Tab. I. n. 3.* tu æreum, & magni moduli tenes. PVB. Nudo is capite dextram respicit, vafri quid nescio oculis spirans. Nimirum vaferrimus totus, vultu ac voce animi dolum perpetuò celans. Gente initio *Claudius* erat, *Tiberii Claudii* filius ex *Livia Drusilla*: cùm verò eundem mater uterò gestaret, ipsam *Augustus*, viro suo abductam, sibi conjugem accepit, prolis itaque vitricus effectus. Non deerant tamen, qui *Tiberium* ab *Augusto* antea adulteris amoribus genitum credebant, Graiis literis atque Latinis probè institutus, elegantia dicitur carmina panxisse: bellica insuper virtute adversum *Rhætos*, *Pannonos*, atque *Germanos* admodùm clarus, triumphos, ovationemque promeritus est. Sed callidum ejus ingenium, atque cætera vitia brevi subodoratus *Augustus*, parùm ei favit, nec antè, quàm *Cajus* & *Lucius*, sui è filia *Julia* nepotes, præcoci fato sublati essent, agrè à *Livia* inductus, eum in filium adoptavit, atque imperii successionem firmavit, eum annum ætatis jam ageret LVI. Ut videlicet ipse, cùm Romam vitis suis *Tiberius* deinde inquinaret, desiderabilior fieret, quod *Suetonius* notat. Imperio admotus, virtutum propè omnium atque

Tab. I.
Num. III.

vitiarum

vitiorum exercitia miscuit, humanus idem atque crudelis, modestus atque superbus, liberalis & avarus, sobrius & ebrius: maximè verò effusa libidine, & simulatione perpetua malum principem egit, violentam postremò mortem appetiens, ac verosimillimè à Successore *Cajo* ultima in ægritudine suffocatus an. Imp. 23. ætat. 78. Christi sub eo passi 37.

PVB. Legenda Numi hujus prolixa est: TI. *berius*. CÆSAR. D. *ivi*. AUG. *usti*. F. *ilius*. AUGUST. *us*. P. *ontifex*. M. *aximus*. TR. *ibunitia*. P. *otestare*. XXXIIX. *Vium*. TVLL. Bellè legisti. PVB. Sine porro, an lecta ritè quoque intelligam, periculum facere. Gentili ac veteri *Claudii* nomine omisso, *Tiberius Caesar* audit, quia in *Cæsarum* deinde Gentem adlectus, non paulò clariorem: ut patri adoptanti gratiam haberet, scribitur *Divi Filius*. Additur *Augustus*, adepti, gestique summi imperii nota, sacrosanctæ præterea Majestatis. Sequitur *Pontificis Maximi* elogium, Index summæ suæ in omnia Sacra potestatis, quibus omnibus tandem *Tribuntia Potestas* succedit, decies octies gesta, qua populi commodis se studuisse ostendit, simulque favisse Senatui, quod munus hoc maximum repetito toties numero semper quasi novum receperit. TVLL. Præclarè omnino: nec mihi addendum hic superest aliquid, præterquam de *Tribuntia Potestate*, quam aliam longè multoque eminentiorem apud Imp. ac olim apud Tribunos plebis fuisse, ignorare non debes, ut III. *Spanhemius* contra CL. *Harduinum* denuò invictè contendit.

II.

Spanh. T. II.
p. 425. seqq

III.

De Tribunis quidem plebis in *Exercit. Proem. Dial. XIX.* abunde eruditus fuisti: quomodo verò *Tribuntia Potestas* ab Imp. gesta sit, hunc in locum servabam. *Tacitum* itaque audi, sic de ea scriben-
tem: Quod summi fastigii vocabulum reperit AUGUSTUS, ut aliqua appellatione cætera imperia præmineret: ea videlicet, quæ Tribuni Plebis, quo nomine Imperatorum nullus uspiam vocari passus est cæterique omnes Magistratus, quocunque forent ordine, tenebant. Quare hanc Potestatem *Vopiscus* vocabat magnam partem Regalis imperii. Equidem etiam *Julio Cæsari* Senatus eam in perpetuum obtulit: hoc tamen nomine per eum neglecto, quamvis munus impleret, quod *Lipsius* ad *Tacitum* monet, *Augustus* illud resuscitavit, *Tiberius* deinde cæterique fir-
marunt. *Augustus* hanc Potestatem in perpetuum assumsit, nihiloscilicet tamen in duo lustra, sive quinquennia, *Agrippam* generum, in alia quatuor lustra *Tiberium* ejusdem collegam adlegit, & in singulos quidem annos, ac si de novo ei fuisset collatum, ejus gestæ numerum renovavit, Numis fidem suam interponentibus, ubi *Tribunitiam* ejus Potestatem XXXVII. reperimus. *Tiberium* in hac parte Patris vestigia

Tacitus
Annal. III.
56.

Vopisc. in
Tacito Imp.
c. 1.

proximè pressisse, hic Numus, de quo agimus, perspicuè docet, Tribunitiam Potestatem XXXIIX. exhibens, quæ cum ultimo vitæ ejus atque imperii anno coincidit. Ubi tamen notes, numerum istum inchoare eo ab anno, quo *Tiberius* in hujus Potestatis Collegium ab Augusto est primùm admissus, non autem inde, cum solus imperans eam primùm gessit. Fuere Augustorum filii, sive natura, sive adoptione, subinde jam aliquoties cum Patribus Consules, & Tribunitiæ Potestatis Collegæ, antequam imperium ipsi tenerent: Utriusque proinde vices à primo numerârunt anno muneris, non verò Consulatum illum primùm scripsere, quem, ut jam Augusti, primò gesserunt. Cum proinde Consulatus, sive Tribunitiæ Potestatis numeri in Numis Quiritum veluti Æra quædam sint Cæsarum & Chronologia, qui ritè computare hic volunt, nōsse prius debent quoties Principum aliquis ante imperium aut Consularem, vel Tribunitiam gesserit Potestatem: quod qui neglexerit, graviter hallucinabitur. Non enim v. c. *Tiberius*, cujus Trib. Potestatem XXXIIX. Numus tuus descripsit, annis totidem; sed solis 23. imperavit, quia nimirum adhuc imperante *Augusto* jam 15. vicibûs erat Trib. Potestatis Collega.

IV.

Porro eminentiam muneris hujus apud Impp. præ Tribunorum Plebis facultate III. *Spanhemius*, a parte Cl. *Pagii* contra Em. Card. *Norissum* stans, inde luculentissimè probat. I. Quod Tribuni plebis essent Magistratus plebei: illos verò, quos adoptare Augusti, quodque simul fieri consuevit, Cæsares dicere, & Tribunitiæ Potestatis Collegas admittere solebant, Patritiorum ex ordine esse deberent. II. Quod omnis potestas Tribunorum esset Urbe circumscripta, nullamque extra ejusdem pomeria vim sortiretur: Quare etiam Tribunis ne per unam quidem noctem abesse ab Urbe licebat. Contrà Augustorum Tribunitia Potestas non modò per totam Italiam valuit, sed etiam extra illam: quemadmodum *Tiberius*, ejusdem eum Patre jam consors, Rhodi tamen degebat, eamque ibidem exercuit. III. Quod Tribuni plebis essent infra Prætores, Tribunitia verò Potestas, ut supra ex *Tacito* audisti, imperia omnia præmineret. IV. Quod Tribunitia insignes Potestate ampliorem longè, & verè decretoriam haberent facultatem, quibuslibet Senatus edictis intercedendi, ac Tribuni olim in Republica habebant: quemadmodum & multò magis sacrosancti, ut violari à nemine possent, habebantur. V. tandem: Quod Tribunorum Auctoritas convocandi Senatum, ac Plebiscita condendi, limitibûs suis semper includeretur, & altiori quapiam ligaretur auctoritate: illis autem, qui

qui Tribunitiam gerebant Potestatem, facultas sine limite in omnes dabatur.

Jam, optime Publi, quantum sit hujus elogii pondus, sat superque intelligis. Rursus porro novam contra omnes Cl. *Harduini* sententiam, qua statuit ex ingenio suo, Tribunitiam hanc Potestatem in Numis Augg. signatam, nihil in Urbe juris signare, sed de provinciis tantum atque exercitibus accipiendam, quasi Augusti non in locum Tribunorum plebis; sed pro Tribunis militum duntaxat successissent; hanc, inquam novam sententiam, rursus Ill. *Spanhemius* ita elisit, ut jam nemo eidem facile subscribere velit. Forsitan autem, priusquam hunc Numum *Tiberii* ponas, laurum in capite ejus desideras? Verumtamen saepe is, quemadmodum & *Augustus*, aliis in Numis capite nudo, iterumque in aliis laureato comparet, nihilque hic, quod equidem sciam, mysterii latet. Paulò seriùs verò, laureatis semper Augustis, qui Cæsares duntaxat erant, nudo capite signati. Cæterum *Patarol* numos aureos, argenteos, æreosque *Tiberii*, Latinos æquè ac Græcos, passim obvios dicit & frequentes, si æreos magnos exceperis, qualis hic tuus est.

PVB. Tua itaque venià, Tab. tuæ I. Numum IV. arripio, qui est *Caii Caligulae*, apud me denuò *Æreus Magnus*, capite laureato ad dextram converso. *Legenda* diffusa, fateor, in quibusdam crucem mihi figit. TVLL. Ita lege: C. ajus. CÆSAR. D. iiii. AUG. usti. PRON. epos. AUG. usti. GERM. anicus. P. ontifex. M. aximus. TR. ibunitia. P. otestate. III. tium. Pater. Patrie. PVB. Hic sanè in pluribus hæreo. Ubi *Caligula* mansit? quid sibi vult *Pronepos*? cur *Germanicus* dicitur? TVLL. Frustra in Numis *Caligulam* quæris: hoc etenim cognomen ex joco enatum, ob insolitum, ut ferunt, caligarum genus, quo usus est *Cajus*, cum in castris educaretur. *Pronepos* fuit D. *Augusti*, quia *Germanici* optimi Patris pessimus filius erat ex *Agrippina*: patrem autem hunc *Caii* adoptare debuit *Tiberius*, ipse ab *Augusto* adoptatus. Ambitus porro causâ *Pronepotem* *Augusti* sese jactabat, dum Templum magnificentum, eidem *Augusto* non à se sed aliis erectum, ipse dedicabat. *Germanici* cognomen fastus denuò causâ assumpsit, quasi *Germanos* triumphasset, contra quos mera libidine exercitum duxit, cum tamen ii ne quidem moverentur, & ipse ea in expeditione nullum Belli duce dignum facinus ediderit, non pugnaverit, non motum compresserit, teste *Suetonio*: nihiloscius tamen triumphum sibi intruxit.

Pontifex Maximus erat more Antecessorum, aded tamen vel in stolidos

V.

VI.

Tab. I.
Num. IV.

VII.

Plin. in
Paneg. c.
21.

lidos deos suos pius & religiosus, ut capita eorum præcidi, suumque eisdem imponi mandaret. *Patris Patriæ* elogium illicò, cum primum eidem a Patribus, ejus tyrannidem veritis, offerebatur, accepit: quod equidem *Tiberius* perpetuò recusaverat, *Trajanus* diu multumque renue-
rat. Vnde de posteriore hoc Principe ita *Plinius* laudabat. Tu etiam nomen PATRIS PATRIÆ recusabas. Quàm longa nobis cum modestia tua pugna? quàm tardè vicimus? Nomen illud, quod alii statim primo Principatus die, ut Imperatoris & Cæsaris, receperunt, tu usque eò distulisti. Tacitè hic inter cæteros *Cajus* utique suggillatur: qui hoc insuper nomen egregiè sanè, si Superis placer, implevit, cum *Tiberium* ægrotantem per fraudem suffocaret, quod verosimillimum, cognatis præterea suis, Senatoribus præterea atque civibus quamplurimis, purpuratum se latronem præstitit. Ut porrò crudelitatis, rapinarum, atque incestarum libidinum finem tantò citius faceret, *Cæsonia* Uxor ejus quarta effecit: cæus procuratione à *Cassio Chærea* & conjuratis per vulnera 30. è medio sublati est A. æt. 29. imp. 4. Chr. 41. Numos ejus quod attinet, fide *Patavolii*, cum Aurei tum Argentei rari: Ærei magni non æquè frequenter obviant, atque minores. Græci mediæ formæ rarissimi, minimæ frequentes: in *Coloniis* cusi ferè rari, maximè magni.

VIII.

PUB. Execror foedam hanc in Gente *Cæsarum* larvam, meliora de Successore ejus *Claudio* sperans. TULL. Execrati sunt etiam *Quirites*, missis à morte *Caii* prætorianis, ut universam *Cæsarum* gentem ferro perimerent. In hac fuit & *Claudius*, *Drusi* majoris atque minoris *Antonix* filius: quem, cum puer esset, valetudo multum destituit, ut literas vix demum caperet, licet servi in morem à crudis magistris tunderetur. Adultus viluit Majoribus suis, ad nullam ferè dignitatem admissus: immò & *Livia*, si quem hominem inopem mentis taxare voluisset, eum *Claudio* stolidiorem carpebat. In illa porrò Gentis *Cæsarum* internecone, a Senatu decreta, ipse sub quopiam cubiculi peristromate occultus delituit, pedibùs nihilominus proditus: milite itaque velum amovente, ei ad genua accidit, utque parceret, lachrymâs orabat. Ergo miles misericordia motus, eum in castra deduxit, ajens cum risu ad commitiones: en novum *Augustum*! rediit primum res ista ad cæchinos: militibus tamen larga *Claudii* promissione inductis, copiam fecit nova moliendi, cumque hebetem eum, talemque, qui nocere nemini posset, arbitrarentur, *Augustum* acclamârunt, ea cum pervicacia, ut Patres quoque ad assensum compellerent. Imperavit ergo præter spem suam & omnium *Claudius*, initio boni Principis opinio-

nem

nem de se omnibus ingerens: sanctiones quippe optimas tulit, opera publica utiliter struxit, multa moderatione est usus. Verumtamen postea libertis, i. e. mancipiis manumissis, summam indulgit licentiam, inque libidinem plurimam crudelitatemque deflexit, mentis præterea sæpenumero penitus inops effectus, quod quidem nonnulli maleficio deputant: tandem An. imp. 14. æt. 64. Chr. 54. conscia Uxore Agrippina, venenô periit.

PUB. Ita nempe benè cœpisse nihil proderit, ut paroemia habet, IX. nisi congruus etiam finis concluderit. Numum ejus contueamur, Tab. I. apud me æreum medium, in quo caput lauro revinctum lævam spectat. Num. V. Circùm lego: TI. berius. CLAUDIUS CAESAR AUG. P. ont. M. ax. TR. ibum. P. oest. IMP. erator. P. at. P. atr. COS. ul. II. dum. TULL. Hic nota, *Tribun. Potestatem* sine numero poni, quasi perpetuam, qualis apud Augustos revera etiam fuit: unde si numerum addebant, peculiaris id erat erga Senatum favoris, ut hoc pacto umbram veluti antiquæ Libertatis, qua vigente annuus erat Magistratus, Reipublicæ permitterent. Vox IMP. hic non designat summum fastigium, sive imperium Augustum, sed Bellicum, quia *Claudius* per Legatum Britannos aggressus est: hi verò, sola Nominis Romani formidine quassati, mox sine prælio quievêre, *Claudio* autem vel sic quoque triumphum insignem pepererunt, quem etiam egit. Suffecerat autem ei hanc propter expeditionem tam feliciter faustam, quia sine labore triumphalem, scribi IMP. absque BRITANNICI cognomine, quod elogium, ut notat Ill. *Spanhemius*, Senatus in filium *Claudii*, videlicet *Tib. Claudium*, transtulit, II. p. 324. abinde *Britannicum* vulgò appellatum. Numos porrò *Claudii* argenteos & auroes *Patarol* raros dicit: æreos verò cum Græcos tum Latinos frequentes, in quibus tamen omnes magnæ aliquem formæ vix reperias.

PUB. Unicus, ut opinor, de Gente *Cesarum* nobis adhuc superest *Nero*, decantatum illud Romanæ purpuræ probum. TULL. Ita est: scripsit autem nonnemo, cloacam eum fuisse residui sanguinis Augusti, adeò jam in *Tiberio* falso, *Cajo* crudeli, *Claudio* stolido vitiati. Fuit is filius Cn. Domitii Ænobarbi, atque Agrippinæ: quorum mores utrimque tales fuêre, ut, dum ipsi se contuerentur, fateri debuerint, non posse ex se boni quidpiam nasci. Imp. *Claudius* matrem *Neronis* postremam duxit uxorem, cum ille jamjam adolefceret: ejus itaque artibus filius debuit, ut imperio deputeretur à *Claudio*, prout illæ quidem tabulæ sonabant, quas *Agrippina* necato *Claudio* protulit, etsi per eam suppositæ multis ac statim videbantur. Porro mulieris hujus tanta fuit ambitio,

X.

ut per aruspices edocta, fore equidem, ut imperet filius, sed matrem occidat, responderit: *Occidat, dummodo imperet.* Militum ergo præcipue operâ imperio admotus Nero, primis quidem annis, *Senecæ*, magistri sui, atque *Pyrrhi*, Præfecti Prætorii, consilio, adeo bene gubernavit, ut multo postea tempore Quirites, dum Principibus suis bene precari vellent, eisdem *Quinquennium Neronis* acclamarent. Mox verò in omne flagitiorum genus effusus, ita furebat, ut *Caii* summa impietas præ *Neronis* truculentia pia videretur. Occidit matrem, fratrem, uxores duas, atque magistrum suum: quibus verò aliis pepercit? Divitem fuisse capitis reum fecit: ad histrionis hujus Augusti, ac scurræ Comici deliria non plausisse, crimen erat morte acerbissima piandum. Aureas Romæ domus erexit: sed nulla re, quod *Suetonius* perhibet, Urbi magis, quàm ædificiis nocuit, ob nimium eorum luxum. Tandem Romam, quam illustrius multo condere, ac Neropolim dicere animo præceperat, diversis in locis igne jussit succendi, eaque flagrante ex edito quopiam loco Trojæ excidium ad cytharam decantavit. Tanti verò piaculi causâ diris infandis passim devotus, culpam incendii, *Simone mago* id ei suggerente, in Christianos conjecit, quos eapropter prima atque immanissima persecutione crudeliter axagitavit. Provinciis subinde ferè omnibus ob tanta flagitia ab eo desciscientibus, Senatus animos resumens, hostem eum dixit, missisque militibus ad poenas poposcit: quos ille præveniens, multa licet manus trepidatione, suum tamen ipse jugulum pugione confodit, An. tyrannidis suæ 14. Æt. 32. Chr. 68.

XI. PUB. Quanta igitur Assentatio, vel potius quanta impiissimi tyranni formido hunc ejus Numum apud me æreum medium convestit! Tab. I. Num. VI. Caput namque in lævam versum corona cingit radiis conspicua, atque sequentia circumstant: NERO CL. audius CAESAR AUG. ustinus, GERM. anicus. P. ont. M. ax. TR. ibun. P. otest. IMP. erator. P. at. P. atr. TULL. Dixeram supra D. I. n. 3. radiis coronari divinum aliquid portendere: nihilominus tamen non pauci Imperatorum, vel affectione Senatus, hoc capitis ornamentum, iis alias, qui vita jam functi, diis accenserentur, ex vero tributum, viventes præoccupârunt. Atque in his Nero pessimus chorum ducit, omnium primus coronâ radians, quam omnium ultimus meruit. *Claudii* deinde nomen assumpsit, ut factam à *Claudio* Imp. adoptionem suam gratus fateretur: sed tanti beneficii memoriam paulo post oblivione sepeliens, nihil scripsit in numis præter *Nero Caesar &c.* Arrogantissime vero hanc ejus Adoptionem Urbes quaspiam Græcas extulisse supra dixi D. III, n. 5. Laodicensis porro tur-

turpissima omnium adulatione circa caput *Neronis* scribebant: ΝΕΡΩΝ
ΣΕΒΑ ΣΤΟΣΘΕΟΣ. NERO AUGUSTUS DEUS.

Unde sibi *Germanici* cognomen arrogaverit, hactenus quidem nemo me docuit: sed per Duces in illos pugnasse, qui ferè semper movebantur, facile mihi persuadeo. Alias verò lego, bellum Britannicum infeliciter eum gessisse, sed Parthicum felicius per Domitium Corbulonem, Judaicum item per Vespasianum: atque ab alterutro horum IMP. scribi videtur. Ubi meritò animadvertas, quod Jll. *Spanhemius* notat, *Spanh. Tir.*
et si Impp. à devictis aliis omnibus gentibus cognomina reciperent *Germanici, Britannici, Partbici, Armeniaci, &c.* à Judaeis tamen victis, quod nimium essent contemti, nullum eorum *Judaicum* appellari se passum esse. *Patri Patriæ* elogium *Nero* primis annis, cum adhuc bonus esset, ætatem nimis juvenem causatus, neutiquam admisit: postea iniquissimus factus metu extorsit. Numos ejus in omni metallo ac modulo obvios *Patarol* dicit: Græcos tamen magnos rariores. PUB. Quàm undique mysteria latent: quàm probè tu quævis minuta observas, Tulli venerande: nimirum ut ut tua demum industria meam provoces, & numos eruditè tractare, ac inde me lumen historiæ accendere doceas. Amplius sanè erudis exemplo quam lege: quod ut diu sic facere jucundissimè velis, etiam atque etiam vehementer te oro.

XII.

II. p. 507.

DIALOGUS V.

De

Numis GALBAE, ac cæterorum ad
usque DOMITIANUM.

TULLIUS.

Non jam annorum sed mensium Impp. numi tibi commonstrant, I.
Galbam videlicet, Hispanici Exercitus Ducem, *Othonem*, ac demum *Vitellium*, Germaniæ Legionibus præfectum, Ubi initio Cl. rursus *Harduini* sententiam obiter tibi insinuo, qua denuò ire contra torrentem audacter præsumsit, liberam, si posset, etiam sub Impp. Rempublicam evincere volens, senatui certè amplissimam in Augustos potestatem undique vindicans. Hunc poenituisse perpetui Imperatoris à se creati asseverat, ac proinde à cæde *Neronis* tribus supradictis quasi Trium-

si Triumviris provincias esse partitum : sanxisse præterea , ut nemo deinceps Imperatorum ultra annos XIX. aut XX. potestatem in provinciis occidentis obtineret, quin cuivis Augusto gerendæ supremæ potestatis tempus definiisse: quo demum elapso privati in cum degere, tum emori debuerint. Hæc opinatus, quandoquidem cum rei Romanæ Scriptoribus, ac universis veteribus Historicis, in gratiam redire se posse desperabat, Alexandri in morem nodum hunc Gordium totum hoc uno pugione dissolvit, ut scriberet, fabulatores eos omnes fuisse. Largius tamen à se, quam par erat, hæc quidem dicta perpendens, atque nimia in tot Eruditis Dictatura se usum, falsus est publicè, nimio se ingenio abreptum, quàmque veterum scriptis tam penitus abrogaverat fidem, iterum permittit. Sux nihilominus sententiæ tenax, in numis, quorum unica nititur ope, tanta libertate est usus, ut suo ingenio, sua auctoritate, receptis hæctenus opinionibus nihil tribuens, ita demum eos exponat, ita intelligi velit, qualiter eos sibi favere animò præcepit. Antæum verò hunc novum in Herculis vicem Ill. *Spanhemius* aggressus, sat superque elisit. Ego porro idcirco te coram ista commemoro, optime Publi, ne novæ hujus sententiæ rumor ad te fortean aliquando perlatus, incauto tibi, solius novitatis illicio, fucum faciat, atque omnia mea, quæ apud te è communibus Eruditorum placitis differui hæctenus, atque deinceps etiam differam, in gratiam ficta existimes. Excute, per me licet, *Harduinum* atque *Spanhemium*, cum tantus in re Numaria olim fueris Apollo, ut arbiter esse Virorum tam amplissimi nominis queas: donec iterum tirocinium ponas, extra orbem præcoci fiducia te nolim saltare.

II.

Tab. I.
N. VII.

PUB. Sic tota errare via, ut in proverbio est, dii me nolint. Teneo *Galba* numum apud me æreum magnum, ubi vultu prorsus senili, ac laurea cinctus comparet: sed literæ ejusdem me morantur, TULL. Nimirum ad nomina hæres: scribitur itaque, IMP.erator. SER.gius SULP.icius. GALBA. CAES.ar. AUG.ustus. P.ont. M.ax. TR.ibun. POT.estate. Concessum olim *Julio* fuisse, ut Imperatoris Prænomine uteretur, audisti D. II. Docet tamen Ill. *Spanhemius*, duos *Julii* Numos cognitos esse, eo vivente signatos (*Goltzius* plures pingit latinos aequè ac græcos) & aliquot demum à morte illius, in quibus legas CAESAR IMPER. numero nullo adjecto: porrò *Oeconis*, atque *Biragii* alii Numi eidem forte minus accurati videntur, sic inscripti: IMP. CAESAR. In his porro omnibus vocem Imperator, sive prænominis locum habeat, sive cognominis, supremum semper fastigium innuere contendit: cum in cæteris numis, antiquo Reipublicæ more, diserrè ubique legamus: IMP, III. IV. V. &c. ut bellicum imperium à *Julio* toties gestum, partasque tum re-

peti-

Spanh. T.
II. D. XII.
p. 405.
seqq. &
alibi.

Spanh. l. c.
p. 403.

petitas victorias intelligamus. Idem porro apparere similiter in numis Augusti, Tiberii, Caii, Claudii, Neronis, ulterius animadvertit, inde duo conficiens 1. Vocem Imperator promiscuè prænomen, aut cognomen fuisse. 2. Quoties ea sine numero ponitur, summam Imperii, i. e. Augustum, non bellicum imperium denotare. Quod postremum ego sic demum accipio, si mox sub initium *Legendæ* vox ea occurrat, sequente, vel omnino absente Augusti elogio, ut: IMP. CAES. VESPAS. AUG. vel: IMP. T. ius. CAES. AUG. sive: T. ius. CAES. IMP. AUG. usti. F. ius. &c. Dum verò vox *Imperator*, etiam numero nullo adjecto, sequitur nomen Augusti, primùmque posteriora inter elogia occurrit, ut: Tiberius. CLAUDIUS CAESAR AUG. P. M. TR. P. IMP. &c. accipi eam non de Augusto, sed de bellico imperio cum victoriæ claritudine gesto omnino videtur. Si namque Victoria altera per IMP. ITER. um, tertia per IMP. III. &c. rectè exprimitur, sane victoriam semel tantum partam, primamque, aut bellum feliciter susceptum, vox nuda IMP. commodum designabit, cum moris non fuerit, scribere IMP. I. um. Porro in tuo præsentī hoc Numo mox ab initio legis vocem IMP. Augusti utique imperii notam, simulque collige, quo pacto prærogativa soli Julio olim concessa, ut Imperatoris uteretur prænomine, in cæteros fluxerit Imperii Successores.

III.

Post nomina deinde SER. SULP. GALBA legis insuper voces CAES. AUG. Caesaris nomen esse gentile apud Galbam jam desit, qui neque è gente Caesarum ortus est, vel in eandem adoptione transisse alicubi legitur: quidquid Cl. Harduinus hic somniet. Caesares tamen ipse, ac posteri, appellati sunt, quòd nomen illud maximæ jam esset Auctoritatis, ac dignitatis. Idcirco Appianus hoc nomen CAESAR vocat *Nomen nunc imperans, imperio in secura sede constituto, ab AUGUSTO relictum.* Luculenta vero est sapientissimi illius Imperatoris Justiniani publica confessio: *Qua de causa apud omnes terræ populos nominatissimum CAESARIS nomen est, & nos, præter omnes alias Imperatoriæ Maiestatis notas, eo gloriamur.* Sed & de AUGUSTI nomine clarissimè prædicabat Alexander Severus Imp. *AUGUSTUS primus est Auctor Imperii, & in EJUS NOMEN omnes, velut quadam adoptione, aut jure hereditario succedimus.*

Appian. de
Bell. Civ.
L. IV.

Justinian.
Imp. Præ-
fat. Novell.
XXX.

Lamprid.
in Alex.
Sev. c. 10.

IV.

Nihil jam in hoc Numo superesse, quod ultra desideres, reor, nisi Galbæ historiam. Erat è nobilissima Sulpitiorum familia, natus patre Servio Sulpicio, Imperator contra Neronem ab Hispanicis legionibus acclamatus. Annum ergo 73. agens, Romam venit, brevique conceptam de se expectationem fefellit. Prætorianos quippe milites, importuniùs ab eo flagitantes, ut in suo quémque munere confirmaret, atrocius castigavit, dum Hispanicas in eos legiones immitteret, ut primo im-

petu 7. millia caderentur, in reliquos decimatio fieret, i. e. decimus quisque occideretur. Cum deinde Germanis quoque militibus donativa negaret, hi *Vitellium* Imperatorem salutârunt. Cui malo, remedium daturus *Galba*, adoptavit *Luc. Pisonem*: quod maximi beneficii genus *M. Salvius Otho*, qui *Galbae* partes unice antea sustinens delati eidem imperii quodammodo Author fuit, in se ante omnes quidem conferendum maximè præstolabatur. Neglectum porrò se videns, totus animò aversus est, adque castræ se conferens, milites, multa pollicitatione indutos, in Urbem direxit, ut *Galbam* ferirent: quibus ille cervicem satis intrepidè præbuit, mense imperii 7. Numi ejus in argento, & ære vulgares, rariores in auro, græci rarissim.

V.

Tab. I.
Num VIII

Jobert. In-
Ar. II. p.m.
23.

Idem Instr.
XI. p. 335.

PUB. Sanguine ergò ad solium grassatus est, *Otho*, cujus venustissimum ego hic Numum æreum magnum intueor, sanè autem Paduanæ fabricæ certissimum specimen. *TULL.* Quanti putas hunc æneum tuum primæ magnitudinis *Othonem*, genuinus si foret, Eruditi æstimarent? Doctiss., *Joberti* sententiâ inæstimabilis foret: qui & alibi ait, creditum olim esse, nullos demum *Othonis* numos æreos, qui genuini sint, existere, sed eorum nunc plures haberi, mediæ tamen omnes magnitudinis, è Græcia allatos. Aureis & argenteis, quamvis æquè rari non sint, minùs tamen etiam frequentes, par pretium minimè statui. *Otho* porro, cui præterea *M. Salvii* nomina, è nobili Hetruriæ familia, *Neronis* quondam in schola impudenti gratissimus contubernalis, lethale in eundem odium concepit, rapta sibi conjuge *Poppea*. Suprà porrò narravi, *Galbam* ab eo in mortem impulsam, cum spe adoptionis excidisset; exinde verò imperium militum favore arripuit. Verumtamen altera die nunciuni accipiens de *Vitellii* adventu, subito quidem exercitum ei obviam misit, 40. tamen millium stragem perpeßum. Quare *Otho* impendentia sibi mala pugione in se ipso prævenit, die imperii 95. simulque hoc pacto cives reliquos servavit: quorum equidem sanguine imperium deinceps mercari se nolle, cum laude professus est. Legenda Numi cum brevis tum clara: IMP. OTHO CAESAR AUGUST. TR. ib. POT. estate.

VI.

Tab. I.
Num. IX.

Qui in ordine sequitur, *Vitellius* quanta pinguedine est, vel solo hoc caractere præ omnibus spectabilis? *TULL.* sed & detestabilis pariter. *Aulus* ei prænomen, quem *Nero* Germaniæ exercitibus, contentùs magis, quàm meriti causa præposuit. Enormis erat proceritatis, atque ingluvie maxima: crudelitatis specimina vel in via jam præbuit, qua Urbem, more triumphantis, ob cæsum per suos *Othonis* exercitum, petebat. Cædibus innumeris sæviit, nemini exorabilis; aliàs verò incredibili profusione epulas instruxit, sibi que ab aliis instrui voluit, eduliis è

remo-

remotissimis provinciis advectis, Moesiæ verò atque Pannoniæ, Judææ item ac Syriæ legionibus ad Vespasianum deficientibus desertus ac trepidans, revinctis post terga manibus, & laqueo in collum injecto, in forum attractus, minutissimis ferri ictibus, porci saginati speciem referens, conscius, indeque unco raptatus, ac Tiberi immerfus est, imperii mense circiter 10. ætat. a. 57. Chr. 69. Id sanè dolendum, turpissimi hujus helluonis causa 50. fere millia ante trucidata fuisse, cum sui ad Cremonam cum adventante *Vespasiano*, pugnâ supra hominum fidem accerrimâ, conflixissent.

PUB. Numuli mei argentei *Legenda* sic habet: A.ulus. VITEL-
LUS GERM.anicus IMPerator. AUG.ustus. P.ont. M.ax. TR ibun. P.riest.
Ubi *Caesaris* nomen? TULL. Rectè sciscitaris: qua namque arrogantia *Galba* & *Otho* hoc nomen susceperunt, eadem, aut fortè majori, *Vitellius* illud contempsit, ratus, aliena se gloria indigere. Ferunt tamen, rebus jam desperatis, à splendido hoc nomine præsidium, sed serò nimis ac frustra quæsisse. *Germanici* cognomen, quamvis non mereretur, accepit tamen, quia Germaniæ exercitibus præfuit: quorum etiam suffragio imperavit. Ejus numi argentei frequentes, aurei, sicut & ærei rari, græci rarissimi.

PVB. Ex aliquot Vespasiani numis, quos sive argenteos, sive æreos teneo, is, quem tibi pingere libuit, Æs magnum est, caputque senile, laureâ decorum ostendit. TVLL. Nimirum in tanta numorum copia, qui Vespasianum omni in metallo modulòque præ se ferunt, hic rarior est, & instituto præsentì, ubi Titulos vestigamus, utràque sui facie, idcirco à me picta, percommodus. *Adversa* quippe Patrem, *Aversa* ambos ejusdem filios *Titum* ac *Domitianum* oculis tuis obiiicit. Causam ejus præmissa historiâ dicam. Vaga aliquot mensibus in *Galba*, *Othone*, atque *Vitellio* Romana majestas, tandem in *Flavia* Gente consedit, & aliquantum quiescere voluit. Fuit illa aliàs obscura omnemque fere claritudinem suam debet *Flav. Vespasiano* ex, oppido *Reate*, *Titi Flavii Sabini*, & *Vespasie* Polæ filio, quem Nero Syriæ exercitibus ducem præposuit. Hoc in munere, quod strenuissimè gessit, omnem Judeam, Hierosolymâ tamen demta, & perpauculis Urbibus, subegit: inde promeritus, ut flagrans *Othonem* inter atque *Vitellium* de imperio contentione, ipse à militibus suis Imperator acclamaretur & *Augustus* de quorum deinde virtute contra *Vitellium* etiam obtinuit. Imperium optimè administravit, sobrius, urbanus, moderatus, & effusi in bonas literas studii: sola avaritiæ labe notatur, ob tributa in res propè omnes imposita: quod equidem ille summa ærarii inopiâ excusabat. Ventris profluvio ad extrema deductus, nihil dedit amicis morientibus, ut lecto decumbere vellet, sed reposuit: *Imperatorem stantem*

VII.

VIII.

Tab. I.
Num. X.

mori oportere. Stetit proinde & animam egit An. æt. 69. imper. 10. Chr. 79. Jam *Adversa* elogia recita.

IX.

PVB. Sic lego: IMP.erator, CÆS. ar VESPAS. ianus, AUG.ustus, P.ontif. M. axim. TR. ib. P. otest. P. at, P. atr. COS. ul. III. tiùm, CENSOR. Prolixa hæc sanè encomia: in quorum tamen ultimo penitus nihil sum. TVLL. *Censoriam* verò Potestatem, profectò amplam ac gravem, ignorare non debes. Originem ei dedit Servius Tullus, Romæ Rex ordine sextus, cives omnes compellens, ut jurejurando rem suam domesticam omnem demum faterentur: quo comperto populum in classes aliquot multasque centurias tribuit, quarum primam ditissimi omnium, postremam maximè inopes, cæteras reliqui, prout major apud eosdem aut minor foret peculii, servorum, jumentorum, agrorum &c. possessio, constituere. Ejusmodi census, quoniam is reipublicæ admodum sanè intererat, à Regibus primùm, deinde à Consulibus, sive Dictatoribus, diligenter est actus: donec A. U. C. 310. gemini *Censores* è Patriciis legerentur in quinquennium. Siquidem verò magistratus iste ardui erat immensique laboris, annuus postea factus est. Audi ex Cicerone amplissimum Censuræ munus. CENSORES (inquit) *populi ævitates* (i. e. *Ætates* varias) *soboles, familias, pecuniasque censent.* *Urbis templa, vias, aquas, ærarium, vectigalia tueror: populi que partes in Tribus distribuunt, & in ævitates, pecunias, ordines partiuntur.* *Equitum, peditum prolem describunt.* *Calibes esse prohibent:* (i. e. *adultos omnes ad nuptias augendi populi Romani causâ compellant*) *mores populi regunt, bini sunt.*

Cicer. L. III
Legg. c. 3.

X.

Præcipuum itaque *Censuræ* munus erat, in mores omnium intendere, poterantque ii Senatores etiam, nisi suam dignitatem moribus bonis tuerentur, ordine movere, Equestris Ordinis hominibus malè meritis equos adimere annulosque, consueta inter Quirites nobilium insignia, civium incivilium nominibus notas adjicere, & nisi emendarentur, jus etiam civium auferre. Inde est quòd Plutarchus *Censoriam* potestatem fastigium quoddam omnium honorum dicerent, & Festus de ea scribens, aiebat: *Censoria Majestas.* Cùm porro olim Senatus *Jul. Cæsari* inter maximum illum honorum omnium cumulum *Censoris* etiam munus perpetuum offerret, is tamen, infra suam hoc nomen dignitatem fore existimans, *Censoriam* equidem potestatem, sed non nisi sub *Præfecti moribus* nomine, accepit. *Augustus* patrem imitatus, pariter ad se delatam *Censoriam* eamque perpetuam potestatem, ut callidus erat, nomen quod attinet, repudiavit, *Censoribus* aliis è veteri more creatis, qui nomen *Censuræ* gererent, ipso interim eorum munera usurpante:

Plutarch. in
Cat. Mai.
Festus voce
religio.

donec

donec seriùs tandem Censoriam potestatem, sed sub nomine *Magistri morum*, & in quinquennium duntaxat susciperet. Abinde hæc potestas apud Impp. perseveravit, ita tamen, ut *Censoris* nomine ferè abstinerent, præter *Claudium* & *Flavios*, *Vespasianum* nimirum, ac filios ejus: post quos in numis haud ampliùs legitur.

PVB. Placent hæc de Censoribus, ac Censu dicta, maximè, cum Verbum ipsum incarnatum, atque Altissimus DEI Filius, in illa orbis universi descriptione sub Augusto facta, in Bethleem censeri voluerit, ut ibi nasceretur. At vero præsentem hunc numum dum verto, Cymmeriis in tenebris verfor. TVLL. Hic quoque lumen tibi accendam. Duos hic juvenes vides, stantes utrosque, nudis capitibus: uterque hastam gerit dextra, potestatis insigne, & qui à dextris est, lævâ parazonium seu breven pugionem, nobilium notam, tenet, nisi magis bacile sit, seu breve quodammodo sceptrum, quo duces militibus imperantes utuntur: ad lævam adstans Cornucopiæ desert, felicitatis innuendæ causâ. Ambo sunt filii *Vespasiani* Augusti, ab eo mox Cæsares dicti, i. e. in imperii successionem adlecti: de quo quidem infra pluribus disseram *Dial. VI.* Eorum & tituli circumstant, quos malè omnino deformavit Sculptor imaginum in Comitibus *Zaniani* numis XII. primorum Cæsarium apud *Aeneam Vicum* excusorum in *Vespas. ære 5.* Sic enim habent apud te, atque in *Catal. Numor. Gothæ venal. p. 106.* licèt ibidem in *Legenda Adversæ* nomen *Censor*, fortè obtritum, desideretur. IMP.erator. AUG.usti. F.ilius. (i. e. Vespasiani) COS. ul. DES.ignatus. IT.erum. Hæc *Titum* spectant: sequentia porrò *Domitianum* notant. CÆS. ar. AUG.usti. F.ilius COS. ul. DES.ignatus.

Perspicuè hic Numus tuus, quem meritò ames, Ill. *Spanhemii* sententiam confirmat, qua equidem contendit, nomen *Imperatoris* subinde *Cæsaribus* etiam, qui nondum soli, sed cum patribus ad clavum sederunt, tamen tributum esse: & quidem non, ut eos bellicum gessisse imperium, atque victoria quapiam inclaruisse, sed summi fastigii participes factos testaretur. Id verò planè ad sensum *Plinii*, qui de *Traiano*, quem *Nerva* adoptavit, ita prædicabat: *Simul Filius, simul Cæsar, mox IMPERATOR, & Censor, Tribuniæ Potestatis, & omnia pariter, & statim es factus: quæ proximè (i. e. paulò ante) Parens verus in alterum filium contulit, VESPASIANUS nimirum in TITUM.* Certè in hoc numo tuo, cujus quidem *Spanhemius* haud meminit, utroque nomine *Tit* ac *Domitiani* prætermisso, prior ac senior *Vespasiani* filius solo IMPERATORIS, posterior ac junior solo CÆSARIS nomine exprimitur, atque discernitur. Cusus est hic numus an. Chr. 71. quo *Vespasianus* tertium gessit

XI.

XII.

Spanh. T. II.
p. 401.

Plin. in
Pan. c. 147.

Consulatum cum M. Cocceio Nerva, & *Titus*, qui primum jam gesserat anno priori cum patre, in sequentem Consulatum iterum cum eodem patre gerendum, *Domitianus* verò pariter in secundum erat designatus, quem tertio postmodum anno cum M. Vale, Messalla inivit.

XIII.

PVB. Utilissimo hoc monito ad sequentem insuper *Titi* numum facem mihi prætulisti, apud me æreum medium, ejusque capite laureato venustum, hac cum epigraphe : T. *itus*. CÆS. ar. IMP. era-
 Tab. I. Num. XI, *tor*. AUG. *ustis*. F. *ilius*. TR. *ibun*. P. *test*. COS. ul. VI. tūm. CENSOR. Arbitror enim, & hunc pariter Numum non esse *Titi* jam solum imperantis, sed adhuc Cæsaris, Patriæ potestatis participio fruentis. TVLL. Scitè hariolaris : alii quippe illius numi, qui etiam apud te sunt, pro T. CÆS. IMP. AUG. F. habent IMP. T. CÆS. VESPAS. ianus. AUG. *ustis*. &c. & hi demum eo solo imperante sunt cusi. Pronum est porro iis, qui literam T. quæ *Tui* prænomen indicat, non satis attendunt, à vero omnino aberrare, hujusque numos *Vespasiano* patri, sive vicissim tribuere : quos sæpe, nisi per T. literam, discernere nequeas, cum in utrisque VESPASIAN. us legatur. Successerat autem *Titus* patri, summis honoribus jam antea perfunctus, isque fuit, cui, nutu Divino, pater jam imperans eam provinciam decrevit, ut *Jerosolimam* caperet : quo pacto, ipse quidem mysteriorum non conscius, pœnas passi in ea Salvatoris summa acerbitate reposebat. Triumphum postea agens, oblatam sibi eapropter ab Ægyptiis coronam auream respuit, ajens : non se, sed magnum illum DEVM coronandum esse, qui *Judeis* iratus erat, & cui ipse manum duntaxat suam commodarit. Infinitis ergò meritis fuit : nihilosecius tamen scripsit *Suetonius*, quod profectò plurimum mirere : Non temerè existimari, vix quemquam
 Sueton. in tam adverso rumore, magisque invitis omnibus, ad Principatum transisse :
 Tito. c. 6. propalam alium *Neronem* opinabantur & predicabant. Graviter namque ad leges Justitiæ in reos animadvertebat, legum, sui que quamplurimam omnibus formidinem incutiens. Imperans verò deinde, quidquid vitio sibi antea dabatur, aut sustulit omnino, aut recta à se gestum ratione liquidò patefecit. Quo factum, *Suetonio* rursus perhibente, tantum illi ad promerendam omnium voluntatem vel ingenii, vel artis, vel fortune superfuisse, ut Amor & deliciæ generis humani audiret. Fartris verò sui *Domitiani* invidiam, jugesque insidias pacatissime perferens, venenum tandem ejus dolò hausit, omnibus Ordinibus tam indignam ejus mortem ægerissime ferentibus, An. ætat. 41. imper. 3. inchoato Chr. 81. Ejusdem numi undique prostant.

PVB.

XIV.

PUB. Fratris ergo sanguine Augusto suam sibi purpuram, ut audio, tinxerat *Domitianus*. TULL. Omnino: ut *Nero* gentem *Cæsarum*, sic *Flaviam* pariter *Domitianus* crudelitate, aliisque vitiis suis benè multis, fœdum in modum temeravit. *Tiberii* propè more vulpem ove contextit: cupidus victoriarum, cum victo similior rediret, aut pacem emisset, attamen triumphavit, *Germanici* atque *Dacici* cognomina jactans. Christianos crudeliter persecutus, infandâ blasphemîâ dici voluit *Dominus Deus*. Finem tyranno sicarii multis vulneribus dederunt, Senatu propterea ovante, An. tyrannid. 15. æt. 45. Chr. 96. PUB. Ejus in Tab. I; numo æreo medio ænigmatis locò tria P. P. P. esse mihi videntur. Num. XII TULL. Facile illud evolves, si primum eorum P. *erpetuus* legeris: quod aliàs etiam PP. duplici, sed apud Orientis primûm Impp. clariùs porro in aliis *Domitiani* numis syllaba PER. exprimi consuevit. PUB. Oedipus jam sum: hæc ergo elogia caput ejus laureatum circumstant. IMP. erator. CAES. ar. DOMIT. ianus. AUG. ustus. GERM. anicus. COS. ul. XIII. tum. CEN. sor. P. *erpetuus*. P. ater. P. atric. TULL. Nimirum, quod nolebat prudens *Augustus*, videlicet Censuram perpetuam, saltu appetiit, metu extorsit arrogans per omnia *Domitianus*. Numi ejus nullo metallo vel modulo rari sunt. Atque hic finem XII. primis Cæsaribus, omnium notissimis, facimus, quorum & numi in cæteris prope omnibus elegantissimi sunt: vitas eorum *Suetonio* maxime debemus. PUB. Placuit sanè, quod nuper admodum hoc de celebri Scriptore festivè satis à quopiam dictum offendi: tanta videlicet eum libertate de Cæsaribus scripsisse, quanta illi libertate vixerunt.

DIALO-

DIALOGUS VI.

De

Numis NERVAE, & Successorum
ejus usque ad COMMODUM.

TULLIUS.

L.

Domitiani crudelitate quamplurimi in exilium acti sunt, quos inter & fuerat *Nerva Cocceius*, vir admodum probus & nobilis, Narnia oriundus : ad quem, tyranno illo sublato, imperium delatum. Egit principem bonum atque pacatum, qui mox initio dira Antecessoris edicta rescindens, vetansque, ne religionis causa atque deorum quisquam criminis, sive capitis postularetur, pacem Christianis composuit. Servorum vero ac libertorum in dominos licentiam severè admodum coercens, ut propè nimius foret, eorum in se odia concitavit, insidias passus lethales, quas, illo facile condonante, alii vindicârunt. Quoniam verò senio laborans despicabilem se fieri animadvertit, cognatos quidem negligens, ut Reipublicæ potius consuleret, *Trajanum*, hominem alienigenam, sed Ducem strenuissimum, per quem in Pannoniis vicerat, adoptavit : paulò post morbo confectus Anno imper. altero, ætat. fortè 65. Chr. 98. Numi ejus argentei, atque aerei non infrequentes, si Græcos demas, & in coloniis cufos, aurei rari. Tu argenteum possides, circum caput senile laureatum his titulis insignem : IMP. erator. NERVA CAES. ar. AUG. ustus. P. ontif. M. axim. TR. ibun. P. otest. COS. ul. III. rium. P. at. P. atrie. Consulatus III. hunc numum cufum arguit Anno imperii sui primo : etenim duos Consulatus *Nervam* jam adhuc privatum gessisse cum Vespas. & Domit. Augg. An. 71. & 90. Fasti Consulares monstrant.

PUB. Sequens *Trajan* numus apud me Æreus magnus novum aliquid atque insolitum habet. Præterquam enim, quod in capite radiis fulget corona, & *Optimi* elogium adsit, dativo insuper casu nomina singula efferuntur hoc modo : IMP. eratori. CAES. ari. NER. vae. TRAJANO OPTIMO AUG. usto. GER. manico. DAC. ico. PART. hico. P. ontifici. M. aximo. Rectene legi, an ferulam mereor ? TULL. Rectè omninò : velim tamen, alium è residuis tuis *Trajan* numis arripias. Hic quomodo legis ? PUB. Ferè ut ante, nisi quòd *Optimo* desit. TULL. Aversam itaque inspicere : quid ibi est nominum ? PUB. Lego : S. P. Q. R. legi debère S. enatus, P. opulus, Q. ue. R. omanus, PUB. Satis id putet, vel lixis & rabu-

Tab. I.
Num.
XIII.

II.
Tab. I.
Num.
XIV.

rabulis notum. TULL. Memoriae lapsus est, facilis veniae. Animadverte porro priori in Numosubaudiendum, quod posterior disertè equidem addit, sed in *Aversam* distulerat. Votivi ergo sunt veluti numi isti, & eximii cujusdam affectus in Optimum Principem testes.

PUB. Ingentibus præconiis passim *Trajanum* efferri sæpenumero audii: ejus itaque historiam unicè aveo. TULL. Ego verò ad facundissimi illius Oratoris, *Plinii* inquam, prolixum atque elegantissimum Panegyricum, huic Principi dictum, remitto. Cavetis autem, ne tanta te superstitio incessat, quantam Divo Magnòque Gregorio fabula affinxit, ita videlicet eum *Traiani* virtutibus affectum fuisse, ut tamdiu apud Deum precibus institerit, donec animam illius inferni supplicii eximeret. PUB. Cum fide hoc pugnat: nos illud mittamus. Ego tamen minimè te dimittam, nisi aliquibus saltem *Trajanum* mihi commendes. TULL. *Ulpius* alias ei cognomen, sive prænomen fuit, Italicà, Hispaniæ urbe, oriundo: militibus Germaniæ præpositus, & in castris prope Coloniam moratus, inopinatò nuncium accepit, se *Nervæ* adoptione filium ac Cæsarem dictum. Imperium tanta virtutum omnium professione, è sensu quidem *Quiritum*, administravit, ut optimi cognomen tulcrit, ac longo post illum tempore Imperatoribus suis Romani acclamarent: Felicior sis AUGUSTO, melior TRAJANO. Alius porro de eo Christianis est sensus, quibus iniquissimus fuit, de rei hujus impietate vel a *Plinio* suo commonitus, Victoriis perpetuis claruit, ac populos infinitos subegit, M. illius Alexandri Macedonis claritudinem aeterno quidem ambitu æmulatus: verumtamen victis contra victorem undique iterum insurgentibus, damna ferè majora quàm lucra fecisse repertus est. S. Ignatio, Episcopo Antiocheno, illius jussu Romæ leonibus objecto, ipse Antiochiæ terribili terræ motu ferè sepultus est: triumphi saltem gloriam, quam omnium splendidissimam Romæ voluit adipisci, DEO sanguinem innocuum ulciscente, frustra apparavit, veneno sibi in itinere præbito enectus, An. imper. 20. Æt. 64. Chr. 118. Vanus ergo fuit, qui de eo jactavit: *Nemini eum timori, neminem odio fuisse.*

PUB. Quæso te, hic demum ille *Optimus Princeps*? Non igitur laudari est aliquid, sed a bonis laudari. *Hadrianum* contueamur, qui primus barbam in solum Augustum invexisse videtur. Sed quàm modico ille contentus? nihil certè lego circa caput ejus laureatum, præter: HADRIANUS AUGUSTUS. Si verò deinde verterò numum, nihil ultra sequitur, quàm COS. ul. III. *tium*. TULL. Hic a me pluribus commonendus es. Primum quidem cum dixeris, *Hadrianum* modico

III.

IV.

Tab. I.
N. XV.

contentum, reflectere debes ad superior. *Dial. III. n. 6.* ubi dixeram, elogium *Augusti* tanti ponderis fuisse, ut, quidquid ad Imperatoriam pertinuit majestatem, complecti videretur. Alias verò nosse te etiam juvat, hunc principem non exiguum jaſtantiae odium præ se tulisse: quare & *Trajanum* Antecessorem, immò adoptione patrem suum, per jo- cum *herbam parietinam* ajebat, quòd inani ostentatione nomen suum om- nibus parietibus a se erectis affixerit. Dictus est olim *Titus Aelius Hadria- nus* & *Traiani* Consobrinus, splendidis muneribus in castris sub eo functus, atque in tot victoriis strenue agens, à morte ejus codicillum pro- tulit, quo adoptionem suam probavit: quamquam is non à *Traiano*, sed *Plotina* Uxore signatus videbatur. Invitatus, ut Romæ Patris jam de- functi loco ille triumpharet, callidus invidiam declinabat, & gloria si- mul potitus est: Urnam enim, *Traiani* cineres condentem, ejusque effi- giem quadrigis triumphalibus imposuit, quarum ipse auriga erat. Vi- ros plures clarissimos occidit, alias moderatus pacatusque, in solos Ju- deos per duces feliciter pugnans. Laborum verò patientissimus, omnes propè imperii provincias spe pedes lustravit, beneficus in omnes. Fe- runt, eum Christianis quoque sacra sua indulgere voluisse, & plura erexisse templa sine idolo, ubi Christus poneretur. Dictum tamen à ponti- ficibus, hoc pacto ad unum omnes Christianos futuros: abinde fidelibus, dirus erat. Cum morbo diutino conflictatus, & impatientiâ victus doluit tandem, Imperator cum foret, neminem esse, qui sibi obtemperaret, & mortem inferret: unde inedia se ipsum confecit A. imp. 21. æt. 62. Chr. 138.

V.

Iam numum quod attinet, alios habes *Hadriani* numos, ubi plura legas, nimirum: IMP. CAES. TRAJAN. HADRIANUS AUG. Et in *Aversa*: PONT. MAX. TR. POT. COS. III. P. P. Nota verò Exim. *Joberti* monitum, Testibus numis patere, quàm brevi Successo- res *Augusti*, priorum adoptione filii, tanti beneficii immemores existi- terint, Patrum nomina, quæ primò suscipere, paulò post omittentes. Sic *Traiani* priores numi habent prænomen *Nervæ*, posteriores non item: *Hadrianus* prænomen *Traiani*, immò & *Antoninus Pius* Prænomen *Hadriani*, quod primùm gesserant, reliquere. Alia porrò nomina, ut Imperato- ris, Cæsaris, *Augusti*, quæ ad ipsos minimè attinuerunt, diligenter ta- men servabant, tam arrogantes ex una, quam altera ex parte ingrati. Quòd præterea tui in numi *Aversa* legas COS. ul. III. eodem *Joberto* ani- madvertente, liquido est documento, actum agi, si ex Consulatum numero, in numis descripto, Imperatorum Chronologiam tutò quis erueret vellet. Quia namque Consulatum *Augusti* non in annos singulos gessere, sed pro-

Job. Instr.

VI. p. m.

199

Idem Instr.

V. p. 114.

pro libitu jam assumebant, jam aliis dimisere, factum, ut is Consulis elogio numerus tamdiu adderetur, qui ultimus fuerat, donec post plurimum annorum intercapedinem vel idem Augustus hoc munus susciperet iterum, vel novus Imperator Consulatum iniret. Sic in nullo *Hadriani* numo, præter Consulatum I. II. aut III. ulteriorem aliquem reperies, etsi ille annos ultra 20. imperavit. Idem verò vitium Tribunitiæ pariter Potestatis numeros subire, monui Dial. IV. *Hadriani* porro numis in quovis metallo ac modulo nihil frequentius.

PUB. Haud secus *Antonini* quoque *Pii* numos æquè obvios reor, VI.
 quorum ego cum argenteos tum æreos variæ formæ habeo complures. Quem unum ex omnibus pinxeras, æreus magnus est, in *Adversa* Caput Tab. I.
Antonini laureatum ostendens cum Legenda: IMP.erator. CAES. ar. Nu. XVI.
 T.itus. AEL. ius. HADR.ianus. ANTONINUS AUG.ustus. PIUS P. at.
 P. atris. Aversam Caput ornat juvene ac nudum, circumque illud scribitur: AURELIUS CAESAR AUG.usti. PII F.ilius. COS. ul. DES. ignatus. TULL. Præclare singula: hunc porro præceteris numum delegi, quoniam minùs obviuS est, & copiam mihi præbet, de nomine Cæsaris amplius aliquid tecum differendi, qui vel futuri erant Augusti fastigii, vel jam facti participes. *Antonini* tamen priùs historiam audias. Obtingit *Tito Aurelio Fulvio Bojonio*, quæ omnia *Antonino* simul nomina priùs fuere, hæc summa fortuna, ut *Hadrianus* Augustus filium sibi eundem adoptaret, secundo quidem loco. Ante namque id beneficii contulerat *Cejonio Commodo Vero*, qui postea ab *Hadriano* prænomen *Ælii* accipiens, *Ælius Verus* est dictus, mox tamen vitâ decessit: ut adeo de imperio, cui designatus erat, nil præter Cæsaris nomen, ac Regium funus referret, diceretque *Hadrianus* festivè: Ego mihi Divam, non filium adoptavi. Diu abinde cunctatus Imperator, tandem *Antonino* patrem se fecit, renitentibus quidem plurimis, quibus non filius, sed pater displicuit sævitæ causâ

Antoninus porrò, parentes si spectes, Galliâ oriundus, natus tamen in Italia fuit, eique *Julius Capitolinus* amplissimum hoc testimonium perhibet, Qui cum omnes suos religiosissimè coleret, & consobrinorum, VII.
 & virrici, & multorum affinium hereditate ditatus est. Fuit vir formâ con- in Anton.
 spiciuus, ingenio clarus, moribus clemens, nobilis vultu, & placidus animo, sin- Pio.
 gularis eloquentiæ, nitidæ litteraturæ, diligens agri cultor, mitis, largus, alieni abstinens, & omnia hæc cum mensura, atque sine iactantia. In cunctis laudabilis, & qui meritò Numæ Pompilio ex bonorum sententia est comparatus. In imperio dissimilis sibi non fuit, tantisque & dotibus & virtutibus fulsit, quantas homini vera fide destituto contingere posse credibile est. Cur

Pii cognomen ei tributum, varii variè senferunt. Nonnulli factum existimant, quòd privatus adhuc socerum suum decrepitum sua manu publica in platea fulciret: quòd *Hadriano* Patri exquisitissimis pharmacis vitam diu sustentaret, eumque, ne ipse in se violentus esset, sæpenumerò deprecaretur: quòd plurimos, qui adoptioni suæ consentire nollent, ab *Hadriano* propterea carceribus addictos, mortique destinatos, clam servasset, & imperio deinde admotos, cum mortui jam deslerentur, incolumes ac liberos suis restitueret: quòd imperare insuper noller, nisi Senatus Patris consecrationem, quam vehementer abnuebat, permitteret. *Pausanias* causam reddit, quòd summa in deos religione foret, immò unus omnium Religionum studiosissimus, *Cl. Harduinus*, hùc iterum singularis, Pii cognomen in *Antonino* nec honoris titulum, sive virtutis aut laudis, sed gentile fuisse ait: eò, quòd à progenie *Cnei Pompeii Magni*, quem ab uxore *Cornelia Metella Pia* cognomen Pii assumpsisse, inque posteros suos propagasse finxit, *Antoninus* ei descendisse crederetur. Sed hac novissima, inque solo tanti Viri ingenio nata opinione, omninò rejecta, *III. Spanheimius* libentiùs amplectitur, Pii cognomen *Antonino* à clementia adhæsisse. Populo nempe patererat, manùsque à sanguine puras continuit, quantum quidem in ipso stetit. Bella plura per duces feliciter gessit: quibùs tamen defendit solum, non offendit. Plurima autem exterarum quoque gentium dissidia sola sua auctoritate composuit. Porrectà ipsi per *S. Justinum* Martyrem apologià pro Christianis, his quoque benignus erat: immò pœnas in illos statuit, qui fidelibus, quia tales erant, fidei nimirum causa modestiam criminis inferrent. *Hadriani* mandatum, ut *M. Aurelium* adoptaret, diligenter executus, lenta tandem febri confectus, morte suavissima obiit, ac velut per somnum, An. æt. 72. imper. 23. Chr. 161.

VIII.

P. Hic demum eximiè laudas, gratissimum mihi tam boni Principis vultum, in pluribus apud me numis conspicuum, reddis. *TULL.* Superest jam, ut, qua ratione in *Aversa* nomen *Cæsaris* capiti *M. Aurelii* adjectum sit, te uberiùs doceam. Memineris verò, quòd aliàs dixi, nomen *Cæsaris*, quod à *Julio* propagatum, ad usque *Neronem* gentile erat, non imperantibus tantum, sed & omnibus, quos sive natura, sive adoptione filios habuere primi illi Augusti, immo & nepotibus eorum tributum, à *Galba* deinde, ac cæteris Augustis, splendoris causa ac dignitatis, retentum. Neque verò ipsi solum hoc nomen retinuere, sed & pariter Liberis suis, sive in imperii successionem quomocunque à se designatis, continuò datum est, ut eam, qua sive revera prognati, sive in quam adoptione adlecti sunt, stirpem illicò proderent. Sic *Galbam*, cum nec dum Romam advenisset, accepto de cæde *Neronis* nuncio, statim accepisse

Spanh. T. II.
p. 434.

Spanh. T. II.
p. 348. 56.

se CAESARIS appellationem, docet Suetonius : quemadmodum de eodem & Florus testatur, adoptato à se Pisoni statim Caesaris nomen impertitiisse, ut ea nominis maiestate, quod egerat, luculentius testaretur.

Sueton. in
Galba c. II.

Florus Lib.

III. c. 4.

IX.

Vuelliis quidem, qui ipse Caesar dici noluit, etiam in numo, qui ejus Liberos exhibet, hoc nomen non sustinuit, sed scribi jussit: LIBERI IMP.eratoris. GERMAN.ici, cum Augusti, atque Tiberii tempore legatur in numis: CAJUS.ETLUCIUS CAES,ares. item Germanicus Caes. Drusus Caes. &c. Cæteri porro Augusti, quibus adhuc privatis filii erant, Galbam potius imitati, mox, ut ipsi à Senatu, sive militibus Imperatores sunt dicti, statim Liberos suos, quandoque & fratres, Caesares dixere: id quod fiebat, vel deferente quandoque senatu, vel annuente, aliàs verò eodem penitus quoque inconsulto. Sic Helvius Pertinax filium Pertinacem, sic Septem. Severus filios Caracallam & Getam, sic Jul. Maximinus filium Maximum &c. illicò Caesares appellârunt. Erat tamen sic tributum Caesaris nomen infrà nomen Augusti: immo de Domo posteriorum Augustorum natos, vel adoptione in eam adsertos, ab imperantibus eorum Patribus, qui soli Augusti dicebantur, discrevit. Unde, licet nomen quoque Imperatoris, ut suprâ in numo Vespasiani videras, Tito Caesari filio natu majori sit datum, ac, Plinii testimonio, aliàs quoque adducto, tibi constet, Trajanum à Nerva adoptatum, mox Caesarem, mox Imperatorem &c. omnia pariter vivente Nerva fuisse, quoniam nimirum ambo non in imperium solum designati, sed ejus actu participes sociique adlecti sunt: neuter tamen eorum Augustus Patribus viventibus scribitur à quopiam, vel in numo laudatur. CAESARIS verò nomen in Patribus imperantibus præire solet, & sequi nomen Augusti, ut: CAES. vel IMP. CAES. TRAJANUS AUG. in iis vero, qui imperio destinati solum erant, ultimo loco est, ut in tuo v. g. numo: AURELIUS CAES. Labente imperio addebatur: N. aut NOB. ilissimus. CAESAR. Hæc denuò Ill. Spanhemii infinitis testimoniis roborata doctrina est, brevissimè à me contracta, ne putes, perinde olim nomina Augusti Imperatoris, ac Caesaris promiscuè usurpata fuisse, ut nostris hodie Monarchis jam unum, jam alterum pro libitu tribuimus: sed, ut Caesarem imperantem, Caesarem imperio designatum, & Caesarem è Domo Augusta progenitum discernere noveris.

PUB. Quæ gnaviter monuisti, sanè in numis atque historia Quirittum probè attendenda, nulla mihi obliuio auferet. Verumtamen cum M. Aurelium juvenem ac Caesarem jam viderim, cur eum, quamvis à te Augustum iterum pictum, in Tabulam alteram differs, hanc verò primam cum Numo L. Veri concludis? TULL. Quia videlicet M. Aurelius imperium suum longè ultra Verum produxit. PUB. Nodum implicas:

X,

quem

quem ut explices iterum, oro. An *M. Aurelium*, ab *Antonino* jam *Caesarem* dictum & imperio designatum, nihilominus *Verus*, & si sic quidem, quam ob causam praevenit? *TULL.* Minimè quidem: ambo simul imperavère, & quia summa insuper concordia, Romanis ceterisque omnibus tam novum pariter tamquè jucundum id erat spectaculum, ut multi *Scriptorum*, ab hac *Augusta Concordia* Epocham novam æramque ordirentur, i. e. annos, Fastosque ab ea numerare occiperent.

XI.

Hadrianus Imp. quod suprà audisti, ipse ex *Ælia* gente, priùs adoptaverat *L. Verum*, dictum abinde *Ælium* *Caesarem*, hocquestatim defuncto, *Antoninum Pium*, eo tamen pacto ut hic rursus *M. Aurelium*, filium *Antonii Veri*, adoptaret. Obtemperavit *Antoninus*, denuò autem *Aurelio* mandans, novam *L. Veri*, qui filius erat *Ælii Caesaris* ab *Hadriano* primum adoptati, in filium assumptionem. Parentis porrò voluntati in tantum obsecutus est *M. Aurelius*, ut *L. Verum* non modò *Caesarem* diceret, sive, quod idem erat, imperio post se designaret, sed statim secum Imperatorem, secum *Augustum* crearet: quare ambo, nulla inter se provinciarum facta divisione, uno sedentes in solio, unum imperium, uniformi quadam majestatis potestatisque communione, gubernabant. Utérque Philosophus fuit: *M. Aurelius* Stoicæ sectæ, adeoque moribus castigatissimis, contrà verò *L. Verus* Epicuræ, voluptatibus unicè deditus. Unde hic totidem vitiis imperium foedavit, quot *M. Aurelius* virtutibus illud ornavit. Sed *M.* non destitit, foeda fratris, immò filii sui perpetuò summa vitæ honestate obtegere: *Verus* id omnium laudabilissimè præstitit, quòd nihil saltem eorum, quæ imperii fuerant, præter *Marci* consilia susciperet, sive ediceret. Parthis insurgentibus, atque Armeniam Rege ejecto occupantibus, *Verus* cum exercitu à *Marco* eis obviam missus est: hæsit verò in Syria genio indulgens, ac ducibus bellum commisit, ita prosperè atque ex animi sententia ab iis confectum, ut Parthi succumberent, Armenia Regem suum ejectum denuò acciperet. Quare *Verus* triumphum agens, cognomina Armeniaci, Parthici, Maximi tulit: in quorum communionem etiam *Marcum* libenter admisit. Deinde bello Marcomannico, ac peste insuper truculenta Romanos urgente, ambo Imp. simul in hostem movebant: *Verus* tamen eo in itinere vel lue, vel apoplexia, subito interiit, A. æt. 42. Imper. 11. Numi ejus ferè obvi.

XII.

Tab. I.

N. XVII.

Tab. II.

Num. I.

PUB. Capiò jam numi mei arei magni Legendam, quæ caput *Veri* laureatum ita circumstat: *L. ucius. VERUS AUG. ustinus. ARMEN. iacus. PARTH. icus. MAX. imus. TRIB. un. P. otest. VI. tium. IMP. erator. III. tium.* Neque differunt Numi alterius, qui est primus Tab. tuæ II. dæ, elogia, præterquam, quòd Trib. Pot. XXI. notetur, Capite interim *M.*

Aure-

Aurelii itidem laureato ibi comparente. TULL. Nimirum *Marcus*, defuncto *Vero*, pluribus adhuc annis supervixit, eodem, quo cœpit, laudabili semper vitæ tenore, summæque in Rempublicam æquitate, atque clementia : quibus nec crebra atque insignes victoriæ defuere. Harum princeps fuit de Marcomannis, ubi rebus angustissimis Legionis cuiusdam Christianæ preces in barbaros luculenta fulmina promeruerunt. Unde *Marcus*, patris sui *Antonini* imitatione, in eos, qui fideles fidei causâ accusarent, ignis poenam decrevit. Æmulum passus est Avidium Cassium, Syriæ Præfectum : quem tamen sui è medio sustulere. Gravia autem cum morbo conflictatum *Marcum* degeneres *Commodi* filii sui mores acerbius multò pupugerunt : quibus immortalis apud Vindobonam, quæ modò Vienna Austriæ dicitur, An. æt. 59. imper. 19. Chr. 180. præclaram post se Ethicam, quam adhuc utiliter legimus, reliquit.

PUB. Novum, ut video, Alexandrum Roma parturit in *Commodo* : ejus siquidem numus æreus medius in *Adversa* quidem Caput illius pelle tectum leonina præferebat, additis elogiis : *L. ucinus. AELIUS. AURELIUS. COMMODUS. AUG.ustus. Pius. FELIX.* nisi postrema hæc fallant. TULL. Eximie legisti. PUB. *Aversa* intra sertum è lauro clavam Herculis stantem habet, quæ hanc Inscriptionem tribus lineis constantem dividit : *HERCULI ROMANO AUGUSTO. Senatûs. C.onsulto.* TULL. Erat *Commodus*, quod illico dixi, optimi parentis *M. Aurelii* pessimus ac degener filius, & ut verbo dicam, morio in folio. A morte Patris in castris Pannoniæ bellum Marcomannicum per duces feliciter gerens, hostibus propè confectis pacem ultrò dedit, ut genio servire liceret. Romam redux, atque hæres virtutum patriarum creditus, Caligulæ, Neronis, Domitiani Lupanaria, theatra, & latrocinia potius restituit. Cùm Britannos ducum virtute repressisset, Herculem induit, leonis pellem pro vestibus sumens : in theatra porro cæcos, claudos, luscios, luxatosque ingenti numero coëgit, ad eos cum clava ingressus. Et se quidem ab iis levissima fungorum nube impeti voluit, ipse verò validis clavæ ictibus omnes propè per risum occidit, victoris in morem abinde domum reversus. Senatum totum imperii sui decursu morti sigillatim adduxit : donec luctatore subornato occisus sit ipse, hostisque dictus, atque tractus per plateam, Tiberique immersus An. æt. 32. imperii fœdissimi 13. Chr. 193. Dum viveret, se *Herculem Romanum*, Romam porro à nomine suo *Commodianam* voluit appellari.

PUB. Ingens hoc optimi patris, Augustique Imperii probum, in aliis numis, quos teneo, plerumque hæc nomina habet : *M. arcus. COMMODUS. ANTONINUS. P. ius, FELIX. AUG.ustus. BRIT.annicus, P. a-*

XIII.

Tab. II.
Num. II.

XIV.

ter. *P.atriæ.* TULL. Ut videlicet fœda scelera sua bellis nominibus tegeret *Marcò*que patrem, *Antonino Pio* avum, *Augusto* Cæsarem referret, & addito *Felicitis* elogio supra hos omnes se extolleret. Sanè nomen *Antonini* pari arrogantia ille, plurèsque Successorum, assumtère, qua omnes Impp. nomen *Caesaris*, atque *Augusti*, quia celebre erat, charumque in populo. *Pii*, ac *felicitis* elogia labentis postea imperit adulatio omnibus sine discrimine Principibus obtulit: ut dulcis saltem illius, qua erat *Antoninus*, Pietatis atque Felicitatis, quam omnes cupiebant, sive spes, sive recordatio demulceret. Numi *Commodi* ubique obvii.

DIALOGUS VII.

De

Numis HELVII PERTINACIS,
& qui ei successerant usque ad GORDIANUM III.

TULLIUS

L

D Effluit jam series tua, optime Publi, & in singulis, qui sequuntur, Augustis rarior fit: quod equidem Arculæ tuæ magis interest, atque nostræ hujus Exercitationis. Satis etenim hætenus exemplorum. Vidisti jam capita nuda, laureata radianti corona incincta: pleræque insuper omnia, quæ latinis in numis occurrunt, elogia promptè & alacriter lègis: vim insuper ac pondus eorum affatim ex me didicisti. Nihil ergò in *Adversis* te deinceps magnoperè morabitur, quàm forsitan Prænomena, atque Nomina, literis duntaxat, aut sillabis initialibus descripta: quorum tamen causâ opus non est, ut singulos tibi numos depingam. Pereruditi *Patarolii* sæpè tibi laudatam *Seriem Augustorum &c.* libellum percommodum sume in manus, ubi nitidissimas *Adversarum* imagunculas habes, prænomena ac nomina omnia, brevissimamque singulorum historiam, Uxores insuper ac Liberos, unacum Tirannis imperium affectantibus, gratissimo compendio leges. Cùm ibi, tum meis hætenus è Dialogis discas, qui flores ex historia aliàs prolixa præ cæteris legendi. Nôsti quàm tempori ego consulere debeam, ac propterea cavere, ne, quod præter institutum foret, & ipse volumen con-

ficiam

ficiam. Aliquousque tamen tui in gratiam nihilominus pergam, & ex cæteris Impp. illos demum pingam, quorum in numis nova se difficultas primo tibi obtutu objiciet. Alios recensebo duntaxat, non enarrabo: immo tibi sermonem multò rectius cedam,

PUB. Pupillam tu meam, Honorande Tulli, si officia tua mihi tam charissima subtrahis. Verumtamen tua maximè prudentia noverit, quid Discipulo mihi expediat. Agedum itaque: manda. TULL. Sic deinceps pergemus. Illos Augustos, sive Caesares, quorum te numi deficiunt, ego, forula tua oculo præcurrens, ad numerum revocabo: quos tuis in numis tu leges, ipse recense. Hærebimus porrò ad eos duntaxat, quos pinxi. Principio verò notes velim, maximam ferè partem eorum, qui sequentur Augustorum à militibus acclamata: quorum barbara scædæque colluvies, tantà licentiâ fuit, ut, non quidem suffragiis, sed infanis tumultibus orbi Dominos daret. Imperii lex hæc demum fuit, per cædes ad illud grassari non modò prioris ejus Principis, qui illud tenuerat, sed uxoris persæpè, Liberorum, Agnatorum: deinde summam ad tempus potestatem tanti emere, quanti militum inexplibili avaritiæ visum est. Nec aliter, neque diutius imperare licuit, quàm belluis illis collibuit: quæ novitatis indies studiosæ, sive bonos, sive malos demum Principes diu ferre non poterant, nisi scelera eis atque rapinas impunè, præmia verò jugiter atque profusè largirentur. Paribus propè verbis, immo gravioribus longè & amplioribus, tam miseram Imperii conditionem longè ante me deslebat disertissimus ille *Erasmus*. Ita post *Comodi* cædem *Publius Helvius Pertinax*, invitus quidem, Authore *Erasmo*, *Læto*, acclamatus, homo verè antiquis moribus, atque summa gravitate: quia tamen Prætorianorum militum disciplinam rigidius exegit, 3tio mense occisus est. Par fatum *M. Didium Severum Julianum* involvit, qui imperium, à militibus non secus atque sub hasta venditum, emit: sed pacti immemor & solutionis, sive impotens, mense septimo trucidatus est. Utrorumque numi satis rari. Mox, qui in Syria erat exercitus, extulit *Cajum Pescennium Nigrum*: Britannicus eodem tempore *Decimum Clod. Septimium Albinum*: Germanicus *Septim. Severum*. Atque hic postremus contra cæteros, acerbissima licèt dimicatione, obtinuit postea, *Pertinacis* cognomen assumens. *Rot. Praefat. ad Sueton. edit. ex recensione Theod. Pulman. fassam Ant. tu. apud Plant. 1574.*

PUB. Hunc *Severum* aliquoties spectare mihi licet in argento, in III. are vix semel. In plerisque porrò meis quidem numulis, ubi laurea-Tab. II. tus est semper, lego duntaxat: SEVERUS PIUS AUG.ustus. Is tamen, Num. III. quem pinxisti, argenteus parvus ita habet: L.uci. SEPT.imi. SEV.e-
rus. PERT.inax. AUG.stus. PARTH.icus, MAX.imus. TULL. Numi
ejus-

eiusdem argentei ferè æreis frequentiores; in quibus alii etiam cognomen *Britannici* habent. Nempe *Pescennium Nigrum*, atque *Albinum* æmulos nactus, dolo egit, hunc postremum Cæsarem dicens, ut, hoste uno interim submoto, alterum vi tota adoriretur. Pugnâ commissâ vicit, *Pescennium* in fugam agens, quem Antiochiâ deprehensum milites occidere, degustato vix demum imperio. Caput ejus abscissum *Severus* Byzantium misit: sed cives etiam mortuo fidem servârunt, donec triennio obsessi deficerent tandem fame enecati. Tum *Severus* urbem solo æquavit, non antè, quàm M. deinde *Constantino*, exsuscitandam. Sublato *Nigro*, *Albinum* per sicarios amovit. Parthis postea, atque Britannis arma victriçia intulit, nec malè imperavit, podagrâ licèt affectus, castra tamen secutus. Imperii novissimum æmulum passus filium *Caracallam*, qui multas ei insidias incassum tamen struebat, obiit tandem senex annorum 66, imper. an. 18. Chr. 211. *Pescennii* numi, maximè latini, admodum rari: *Albini* paulò frequentiores.

IV.

Tab. II.
Num. IV.

PUB. Quem proximè pingebas numum denuò apud me argenteum parvum, quàm torvo est vultu? Legenda brevis: ANTONINUS PIUS AUG.ustus. TULL. Vultus turpis animi foedioris est index. *Caracallam* sistit hic numus, *Septim. Severi* filium improbum natu majorem, cui aliàs M. Aurel. *Bassiani Antonini* nomina fuère: *Bassianus* tamen in numis non legitur, minùs *Caracalla*, quo joci causa olim affectus, hodie, ut ab aliis discernatur, passim appellari solet. Imperio à patre unacum fratre *Geta* est destinatus: qui verò patri toties insidiatus est, quomodo fratrem collegam sustinuisset? Dissidentibus ergo mater *Julia Domna* imperium divisit, Occidentem *Caracallæ*, Orientem verò *Getae* regendum designans. Sed *Caracalla*, qui & matri incestum intulit, fratrem in sinu ejus ambitus causâ perfodit. Aliàs etiam rapax, crudelis, atque scelestus, Parthica in expeditione, ventrem levans, confossus est an. æt. 29. imper. 7. Chr. 217. Numos ejus, undique quidem frequentes, aliter tamen ab *Elagabali* numis vix demum discernere licet, quod oppidò notes, nisi truci ex vultu,

Tab. II.
Num. V.

cùm in utrisque eadem planè nomina scribantur. PUB. Pinxisti & *Geta* tam ex æreo apud me numo Capite laureato, cum Epigraphe: IMP.erator. CAES. ar. P.ublius. SEPT. imius. GETA PIUS AUG.ustus. Aliàs verò eum in argento quoque teneo juvenem admodum nudo capite, circum quod lego: P.ublius, SEPT. imius. GETA CAES. ar. PONT. ifex. TULL. Uterque numus non undique obviu: posterior cusu ante priorem, *Geta* adhuc solummodo Cæsare, alter jam Augusto. Dum in posteriore *Pontifex* legis, non de Pontificatu Maximo, sed minore aliquo accipe. Cæterum hic Princeps moribus erat non planè malis,

certè

certè melior fratre , qui eum necavit , imperii post Patrem mense
II. mo.

Caeso quoque *Caracalla* , astu occulto *Marc. Opelius Severus Ma-*
crinus , vili genere , ast legum peritus , æqui tenax , manu validus , Disciplina
militaris custos , arripuit : sed à Parthis pacem mercatus displicuit , Julia
Moesæ artibus à militibus occisus , ut nepos *Elagabalus* imperaret , an.
imp. 2. do inchoato. Fato etiam pari filius *Diadumenianus* oppressus , forte
necdum ab ephebis egressus , Amborum numi rariores. PUB. Hunc
postremum numus apud me æreus meus medius elegantissimè sistit capite
nudo , quod sequentia circumstant. *M. arcus. OPEL. ius ANTONINUS*
DIADUMENIANUS CAES. ar. TULL. Macrinum sui causâ necatum
Elagabalus , aliis *Heliogabalus* dictus , quo cognomine *Sacerdotem solis* ex-
primi volunt , secutus est , in numis suis ferè obviis non alia , quàm
M. Aurel. Antonini Pii nomina tulit , æquè ut *Caracalla*. Quare , cùm
vultu duntaxat , internoscendus sit , qui junior , ac *Caracalle* , magis-
que compositus , inferiore tamen labio prominente , plerumque insuper nu-
mi ejus latini stellam exhibeant , quæ solem referre dicitur : ego ejusmodi
apud te numum argenteum parvum utraque sui facie pinxi. PUB. Caput
in *Adversa* juvenile ac laureatum hæc circum elogia ornant : IMP. erator. *CAES. ar. M. arcus. AUR. elius ANTONIN. us. P. ius. AUG.* In *Aversa*
stat ipse , veluti linea veste , nec caput , neque brachia , nec infimos pedes
velante , nihilominus tamen attracta , ceu Pontifex ad aram flammantem ,
dextra pateram tenens , qua veluti sacros liquores affundat , sinistra elata
flore , sive ramusculum gerens. Ponè humerum sinistrum supra aram
quidem stella pluribus radiis coruscat , solem referens , ut mox ajebas. *Le-*
genda : SACERDOS DEI SOLIS ELAGAB. ali. Videas præterea in area
authoritatem Senatus indicatam per *S. enatus. C. onsul. to. TULL. Homo*
iste , de quo loquimur , impurissimus irato penitus Jove , & iniquissimo quo-
piam fato , Romanum deformavit imperium. Natus verosimilè credi-
tur ex *Caracalla* Imp. & scorto *Soëmiade* , in urbe Syriæ Ardena , Sacerdos so-
lis vel puer adhuc ibidem creatus. Syri namque Solem , quem *Alagaba-*
lum , vel *Elagabalum* dixere , maxima superstitione coluerunt. Nomina ei
fuere præter ea , quæ in numo legisti , etiam *Bassianus* , quo fuit & *Car-*
acalla , atque *Varius* , ab avia forsitan Julia Maesa Varia : quamquam non
desint , quibus *varius* idem est , ac *spurius* , seu incertæ damnatæque Ori-
ginis. Cognomina , teste *Dione* , ob nimia quidem vitia , *Avitus* , *Pseu-*
do-Antoninus , *Sardanapalus* : infandæ etenim libidinis fuit , idque propa-
lam. Unde non solum omnium mulierum vir erat , sed omnium virorum
etiam mulier , neque erubuit , *Mulier* , *Domina* , atque *Augusta* , salutari.

V.

Tab. II.
Num. VI.

VI.

Dio Lib.

XXIX.

Vul. pag. 914.

Vulgò tamen *Elagabalus* audiit à Solis Sacerdotio, cultùque Romæ investo. Huic illicò templum constituit, voluitque, ut omnia cæterorum Sacra illuc transferrentur, teste *Lampridio*, atque nullus Romæ deus, nisi *Alagabalus*, coleretur. Unde & in Numo veste Syra, non Romani Pontificis habitu est. Flos verò, quem manu tenet, ignotus, Soli fortè præ cæteris sacer erat: nisi magis ramusculus esse debeat, aspergilis subiens locum, quo Popæ victimas populùmque lustrabant. Et si namque è pilis equinis frequenter colligatum id esset, sæpe tamen ejus locum lauri vel oleæ ramus, saltem apud Quirites, subibat. Sustulere hoc probum Praetoriani milites in latrina ejusque cadaver lapide alligato Tiberi merferunt, cum annos ætatis 20, necdum tigisset, 14. imperâisset.

VII.

Tab. II.

Num. VII.

PVB. Quem deinde è tot argenteis æreisque apud me *Alexandri* numis pingendum selegisti, in omni ferè arcula mea sine exemplo est. Quippe geminos redhibet vultus laureatos, sibi tamen simillimos, quorum unus alteri velut incumbit. TVLL. Tantò alias rariores juxta ac gratiores sunt Numi, quantò pluribus capitibus illustres sunt: quòd æs unum idémque in plurium tamen notitiam ducat, neque frequenter illud, sed graves ob causas accidere consueverit. Verumtamen numi hujus tui alia prorsus est ratio: neque eum ars quædam, sive cura præcipua, sed error potius atque incuria singularem effecit, quin propterea dignior evaderet. Cum namque cuderetur *Adversa*, lamina primos post ictus nonnihil à modulo abscessit: unde sequentes vultum *Alexandri* eadem in Area bis expressère. Ejusmodi vultu duplici numum Græcum *Gallieni*, à Syedrensibus cusi, in imagine pariter ficit *Appendicula* novissima ad Cl. *Vaillantii* numos Urbium Græcè loquentium è cimelio *Graneliano* Viennensi T. XVIII. n. 250. ejusque causam pariter à modulo aberrante reposcit. PVB. Alia ego omnia opinabar potius, ut modicus tironi est sensus. Legenda sic habet: IMP. erator. ALXXANDER PIUS AUG.

VIII.

TVLL. In Aliis porro numis nomina offendes: M. arcus. AUR. elius. SEU. erus. ALEXANDER &c. Fuit *Varii Marcelli* filius ac *Julie Mammeæ*, natione Syrus, quondam *Alexianus* appellatus, Cæsar primum dictus, *Macrino* trucidato, iterum verò, postquam ab *Elagabalo* adoptatus fuit. Sed amor, quo apud omnes valuit, *Elagabali* invidiam, odium, atque insidias ei peperit: donec isto sublato, imperium bonis avibus capefferet, plurimæque virtute ornaret, Christianæ Religioni, cui mater *Mammea* addicta fuisse videtur, adeò propinquus, ut, si per eum stetisset, CHRISTI, quem laribus suis, sive diis penatibus i. e. domesticis junxit, cultum omnibus suasset.

Roma

Roma autem vetuit. Parthos vicit, ac Persas, non æquè in Germanos felix. Necem ei milites intulere, quibus severior, mater porro, cui plurimum deferebat, parcior videbatur. Mortuum tamen flendò planxerunt. Occidit an. æt. 30. imp. 14. Chr. 235. Numis ejus nihil crebrius, si illos demas, qui eum Cæsarem sistunt. Æmulos habuit *Antonium* quemdam, qui paulò post fugit: *Ovinium Camillum*, quem *Alexander* imperii participem factum occidit: *Taurinum*, qui *Euphrate* se misit.

PVB. Sunt mihi numi ærei atque argentei *Maximini*, atque *Maximi*: quinam illi fuere? TVLL. *Maximinus* è Thracia oriundus patre opilione, immani corpore ac crudissimis moribus; *Alexandro* cædis author fuit, post eum à militibus acclamatus. Ingluvie maxima fuit, nec minori crudelitate. Suae stirpis omnes sustulit, ut generis obscuritatem celaret: neque Senatui pepercit. Germanis formidabilis erat, ob corporis molem, robustos lacertos, quodque iræ impotens esset. *Julio* illi prænomen erat: cognomen *Thracis* hodie à patria obtinuit, quo à cæteris *Maximinis* discernitur. *Gordiano* contra eum acclamato, Romam tetendit irarum plenus: sed urbe *Aquileia* ei obniten- te, proprios in milites cum rabie excanduit, vicissim ab ipsis cum filio, *Cajo Julio Vero Maximo*, quem Cæsarem dixerat, confossus, an. æt. 54. imper. 3. Numi Patris frequentiores, quàm filii.

PVB. *Gordiani* permultos teneo numos in argento ac ære, num illius, quem illicò dixeras? TVLL. Nequaquam, sed *Nepotis* illius. Qui contra *Maximinum* acclamatus est *M. Antonius Gordianus*, cui *Afer* cognomen, quòd *Africae* esset *Proconsul*, senior erat, vir probus, fortis, & doctus. Militibus verò suis præ timore ad *Capelianum*, *Maximini* ducem, deficientibus, victo insuper filio suo *M. Anton. Gordian-juniore*, atque necato, ipse laqueo vitam ultrò finivit, An. 80. ætat, imper. mense altero. Utriusque numi ob tempus nimium breve omnium ferè rarissimi, quos tiro vix speret. Erat verò, qui seni huic *Gordiano* alterum adhuc filium, qui Cæsar etiam fuerit, asfereret: quin tamen se doctis probaret. Romæ autem, nuntiata *Gordianorum* cæde, *Senatus* *Decimum Cælium Balbinum*, & *Marcum Clod. Pupienum Maximum* elegit, ut simul imperarent, *Balbinus* quidem domi, *Pupienus* in castris. Ambo viri clarissimi erant, nec malè convenerunt: sed militibus vel ideo invisi, quòd à Senatu, non à se, lecti essent. Ingenti ergo tumultu seditionem movebant: quam ut sedarent Imperatores, subito consilio *M. Antonius Gordianum* ferè puerum, Senioris *Gordi-*

IX.

X.

ani nepotem, Cæsarem dixere, seque velut imperii Tutores tantummodo aiebant. Brevi tamen è Prætorio rapti, multisque affecti fuerunt injuriis; dinde, cum Germaniæ exercitus opem eis laturus advolaret, ambo prius interfecti sunt. Utriusque numi haud omnibus obbingunt.

XI.

PVB. Horribilia refers, ac mirum sanè, fuisse tandem in hoc rerum tam impio turbine, qui imperium tamen cuperent. **TVLL.** Ambitio quem non præcipitem dat? Rerum dominos esse nimis quam dulce venenum. Superbus quisque, licet spe prosperi successus firma atque prudenti modicum sustentari se videat, dummodo tamen Gloria adsit, nititur præsumptione. Est præterea Rebus publicis sua semper Authoritas, ut, quoties capite est opus, cogere possit etiam nolentes, ut imperent. **PVB.** *Gordianum* hunc III. numi, quos obvios esse vel mea sat copia prodit, juvenem sistunt, vel lauro, vel corona radiante incinctum, omnes tamen laudant Augustum. **TVLL.** Nimirum qui Cæsarem sistunt, non obvii. **PVB.** *Legenda* plerumque est: **IMP. GORDIANUS PIUS FELIX.** **AUG.** Subinde tamen lego: **IMP. CÆS. M. ANT. GORDIANUS AUG.** **TULL.** Princeps amabilis erat, literis à puero eximiè deditus, modestus, ac bonus, operâ *Mistheï* soceri sui imperium optime administrans. De Persis ita triumphavit, ut Orientem totum pacaret. Artibus tamen *Philippi Arabis*, Ducis strenuissimi, necato primum *Mistheo*, in ejus veluti tutelam militibus datus, brevi non modò imperio detrusus, sed etiam morte violenta extinctus est, An. æt. 22. imp.

6. Chr. 244.

DIALO-

DIALOGUS VIII.

De

Numis PHILIPPORUM, &
aliis ad usque DIOCLETIA-
NUM.

TULLIUS.

A Billo Dialogum novum auspicamur, sub quo Roma Millenarium novum ordiebatur, Ludis Secularibus splendidissimis dedicatum. Nempe *M. Jul. Philippus*, patre latronum dūce natus in Arabia, inde *Arabs* cognomine, cæde *Gordiani* infantis atque atque immeriti, adeò *Quirites* offenderat, ut mox *Marcum Marcium* aliquem, cognomenro *Philosophum*, Imperatorem diceret Senatus: qui tamen subito Prætorianis in ædibus decessit. Successor ei datus *Luc. Aurel. Sever. Hostilianus*: verum & hic protinus occubuit, culpâ quidem in medicos, venam malè solventes, rejectâ. Suspicio autem non minima fuit, amborum apud funera fraudem *Philippi* intervenisse, qui ambitus maximi fuit, miræ calliditatis, & audaciæ summæ. Hic itaque rerum tandem potitus, ut tanta Senatus ac Populi adversum se amimi ulcera nonnihil saltem leniret, profusissimis sumtibus secularia populo spectacula dedit, filio, qui eadem nomina gessit, Cæsare dicto, juvene tam severo tamque tristi, ut vix demum risisse credatur. Christianos ambos fuisse multi contendunt suasu *Marcie Oracilie Severæ*, quam senior *Philippus* Uxorem, junior Matrem habuit: verum tamen æquè graves ac multi id negant, idque disquirere hujus loci non est. Mores certè ac gesta hujus Augusti è fidei Christianæ præscripto haud fuisse videntur. Cæterum utrosque, patrem ac filium eadem ruina brevi involvit, in quam *Gordianum* impulerant. Postquam enim exercitus Illyricus *Decium* Imperatorem salutasset, movens in eum *Philippus* senior à suis Veronæ, junior Romæ à Prætorianis occisus, An. imp. 6. Chr. 249.

PVB. Utriusque teneo numos plures in argento, & ære; quod tamen miror, video in iis patrem & filium promiscuè jam lauro, jam corona

I.

II.

Tab. II.
Num.
VIII. &
IX.

corona radiante ornatum. Quinimmo filium insuper disertè in quopiam lego Imperatorem atque Augustum. TVLL. Poterat *Philippus* pater, ut ludos seculares Augustiores redderet, Augustum dicere filium, atque imperii participem facere: neque diffitetur hoc numus *Philippi* filii, quem in cœteris habes, *Adversa* quidem capite nudo eundem, & cum elogio Cæsaris sistens, in *Aversa* tamen sic inscriptus: SÆCULARES AUGG. ubi GG. duplex legendum est *Augustorum*, non *Augusti*. Ex quo nempe *M. Aurelius* omnium primus *L. Verum* secum dixit Augustum, & hoc sublato, filium *Commodum*, testibus numis, ejus exemplo etiam *Septim. Severus* id gratiæ contulit in filios suos *Caracallam* primum, postea & *Getam*. Senatus ipse *Balbinum* ac *Pupiennum* simul Augustos edixit: ut adeo novum non fuerit, filium *Philippum* cum patre Augusti elogio honoratum, neque *Cl. Harduino* assentiendum, quod *Ill. Spanhemius* monet, *Gratianum* tandem omnium primum fuisse, cui obtigerit, patre *Valentiniano* ad hucdum superstite, *Augustum* prædicari. Illud verò insolens magis, numos *Philippi* filii, etsi tam juvenis, ut an. ætat. 12. jam extinctus fuisse scribatur, facie tamen propè eadem, qua Patris, qui vir erat provectus, esse signatos, quod *Cl. Patinus* animadvertit. Non sanè hic aliud superest, quod dicam, nisi, propinquis jam illis temporibus, quibus labi vehementer imperium cæperat, artis cum imperio quoque collabentis incuriam intervenisse. PVB. Facile ut id credam, inducor: tot etenim cædes *Augustæ* quanto non turbine Urbem æternam concusserint? Rectè quidam cecinit: *Pace vigent artes.*

Patin.
Imp.
P. 308.

III.
Tab. II.
Num. X.

TULL. Cæsis *Philippis*, Sarmatici limitis Dux, *Publ. Carvilius Marinus* suorum quidem militum temeritate tyrannidem arripuit: eorum autem nova factione æquè citò occubuit. Quare *Trajanus Decius* in imperium successit Pannonia oriundus. Romanis Imperator optimus dicitur, belli pacisque artibus *Traiano* parum inferior: at in Christi Ecclesiam atrocissimus fuit. In Scythas movens, semel, ac iterum vicit: tandem in insidias pertractus, pugnando succubuit, palude mergus, An. æt. 50. imp. 3. Chr. 251. Numi ejus undique obvii, sed ob multa nomina à tirone ægrè leguntur. PUB. Unum idcirco, ut reor, Pinxisti, in quo legendo magnoperè hallucinor. TULL. Ita habet: IMP. erator. C. neus. M. essius. Q. intus. TRAI. anus. DECIUS AUG. ustus. Filius ei fuit *Quint. Herennius Etruscus Messius Decius*, imperii consors, prælioque eodem peremptus cum patre: numi ejus perrati.

IV.

PUB. Numorum gratia ferè tota jam perit: pro magnis parvi succedunt, pro solidis leves, tincti pro argenteis: vultuum, figurarum, lice-

literarum elegantia fugit : paulò post res ad triarios rediet. TULL. Hinc est, quòd cum *Gallieno*, à quo non longè jam absumus, quidam cimelia sua concludant. Nos tamen ultrà progrediamur, ne Numos, sui duntaxat causà, sed Laconicæ potiùs, quæ in iisdem latet, Sapientiæ ergò amemus. Adhuc nos erudiant, filiumque saltem historiæ pertexent. Neque etiam persuadeas tibi, nulla grandia, egregia, splendida, manùque artifice facta temporum horum monumenta penitus superesse : cubant in Regum ac Principum Gazis, rara tamen, quorum imagines præstantes Antiquarii jam dudum vulgârunt.

PUB. *Decium* proximè apud me sequitur C. *ajus*. VAL. *ens*. HOS-
TILIANUS MESS. *ius*. QUINTUS CAES. *ar*. TULL. Hic sanè non
obvius est, æreus, ac mediæ formæ. Filium sistit alterum *Traiani Decii*,
quem sive genuit, sive adoptavit. Pater eum Cæsarem dixit, Senatus
à morte illius Augustum, voluitque, ut cum *Gallo*, à militibus accla-
mato, imperaret. Obiit verò brevi ex peste. Ab hoc quidem adop-
tatum fuisse *Gallum* aliqui volunt : qui rursum filium suum *Volusianum*
imperii consortem accepit. Ignavus autem erat, fœdusque cum *Scy-
this* pepigerat, ut tributum eis solveret : quare milites ejus pertæsi,
unacum filio eum obtruncarunt, An. imp. 3. Chr. 254. PUB. Utrius-
que numos habeo : in primo, ni fallor, hæc sunt. IMP. *erator*. CAES.
ar. C. *ajus*. VIB. *ius*. TREB. *onianus*. GALLUS AUG. *ustus*. In al-
tero lego : IMP. *eratori*. CAES. *ari*. C. *ajo*. VIB. *io*. VOLUSIANO
AUG. *usto*. TULL. Probè singula : hi interim numi haud infre-
quentes.

PUB. Excipit hos apud me numos æreus medius, in quo caput lau-
reatum hæc circumstant. IMP. CAES. C. *ajus*. JUL. *ius*. ÆMILIA-
NUS. AUG. *ustus*. TVLL. Fide, sed cui, vide. *Æmiliani* numi om-
nes rarissimi, ait *Patarol*. Rara hujusmodi avis non ficta in tuo quid
columbario ? Sine tamen interea : maximi est nominis Princeps, natio-
ne Maurus, Pannoniæ exercituum rector, *Scythis* ferocissimus, atque
idcirco pro *Gallo* ignavo acclamatus. Dum verò à spectata ejusdem
bellica virtute spem optimam caperet Roma, quemadmodum & numi
tui Aversa Spem Publicam exhibet, alibi acclamatur *Valerianus* : quò
appropinquante, perfidè desertus à suis, immo cæsus est *Æmilianus*, im-
perii mense 3. tio.

PUB. Exiguam apud me gratiam habent numi *Valeriani* minuti,
quibus circa caput radianti corona cinctum hæc Legenda. IMP. C.
asar. P. *ublius*. LIC. *inius*. VALERIANUS PIUS FEL. ix. AUG.
ustus. TULL. Augustum eum, nobilissimi generis, salutavit exercitus

V.

VI.

VII.

Rhoeticus : historiographi alii laudant : alii vituperant : Christianis acerbus fuit : omnium vero miserrimè periit. Pugnans enim in Persas, captus à Rege Sapore, cùm eundem redimere filius *Gallienus* aut noller, aut Persæ non dimitterent, multis annis Saporis, equum scandenti, scabelli locò esse debuit, cùm consenesceret, vivo pellis detracta.

VIII.

PUB. Teneo *Gallienum* aliquoties, sed in ære vilissimo, his quidem nominibus. IMP. C.æs. P.ublius. LIC.inius. GALLIENUS AUG.ustus. TULL. *Valeriani* filius erat, optimè educatus, literisque non mediocriter eruditus. A Patre Cæsar, hocque capto, Imperator dictus An. 260. fertur de redimendo eo nihil sollicitus, sed disciplinæ liber in devia ivisse, libidini se, atque ignaviæ summæ indulgens. Unde omnes propè in omnibus Imperii fœde collabentis provinciis duces nova moliti, cuncta sanguine cædibusque miscuerunt : ut uno propè tempore 30. Tyranni, suis quisque in partibus, suorum militum ope, imperium arriperent. Ex his *Macrianus* & *Heraclianus* prope *Mediolanum* occurrentes *Gallieno*, qui contra *Aureolum* moverat, eum occiderunt An. imper. post patrem 8. Chr. 268. Tyrannorum omnium nomina si velis ac quantulumcunque de iis historiæ superest, *Patarolium* adi. PUB. Mihi non plures, quàm tres, è toto eorum numero, numi sunt. In primo lego : IMP. C.æs. M. arcus. CASS.ius. LAT.ienus. POSTHUMUS P.ius. F.elix. AUG.ustus. TULL. Hic trans-Rhenani limitis dux fortissimus *Coloniæ* imperium invasit. PUB. In altero : IMP. CAES. M. arcus. PIAV.onius. VICTORINUS PIUS FEL. AUG.ustus. TULL. Eum *Posthumus* sibi percharum, virumque strenuissimum, in imperii consortium ultrò admisit, à milite autem privato uxoris causâ occisum. PUB. Tandem in tertio : IMP. HERMIAS VHABALLATUS PIUS FEL. AUG.ustus. TULL. Fuerat *Odenati* clarissimi Principis, ac *Zenobiæ* heroicæ pariter scæminæ filius, ab *Aureliano* Imp. cum matre captus, & *Romæ* ductus in triumphum. Priusquam vero à *Valeriano* atque *Gallieno* penitus recedamus, monere te libet cum Ill. *Spanhemio*, tres fuisse *Valerianos*, *Gallienos* duos. *Valerianus* namque infelix ille *Augustus*, à *Persis* excoriatus, non solum *Gallienum* filium habuit, verùm etiam *Valerianum* aliquem, Cæsarem primùm : deinde cum fratre *Augustum* : & rursum nepotem quempiam ex filio *Gallieno*, pariter dictum *Valerianum*. Unde *Pontianus* in vita S. *Cypriani* alicubi scribit : *VALERIANUS* (nimirum senior) & *GALLIENUS Augusti*, & *VALERIANUS Nobilissimus Cæsar*. Similiter *Gallienus* præter *Valerianum* maximè juvenem filium insuper habuit *Gallienum* : licèt is in numis potius *Cornel*, *Saloninus Valerianus* à Matre & Avo appelletur.

PUB.

Patarol.
Edit. nov.
p. 46 seqq.

Spanh. T.
II. p. 259.

PUB. Vertit jam ordo ad *Claudium*, cujus numum tibi pingere libuit, ut horum temporum forma, incomitior semper atque negligentior in numis, mihi luculentius demum appareret. Corona hic Princeps est radiante, elogiis insuper brevissimis: IMP. CLAUDIUS P. F. AUG. Moles parva & ærea, argento solummodo tincta. TULL. Fabrica nimirum tam seculoribus seculis congrua. Porro *M. Aurel. Claudium* Dalmatam moriens *Gallienus*, velut Ducem exercitus sui, Imperatorem designavit, Senatus, milesque confirmavit. Mox *Aureolum* vicit tyrannum: in Gothis verò trecentorum viginti millium stragem edidisse fertur, nisi historiæ calamus hic oppido exerraverit, inde *Gothici* cognomen adeptus: quo hodie plerumque appellatus, à primo *Claudio* è gente Cæsarum, atque *Caii* successore discernitur. Moribus bonis, prudentia magna, & parsimonia vitæ laudabili fuit, brevis tamen imperii: cum *Sirmia* in Pannonia peste obiret, anno altero. Senatus deinceps *M. Aurel. Quintillum*, fratrem *Claudii*, Augustum dixit, milites porro *Appium Claud. Censorinum*. Quoniam verò hic severioris erat disciplinæ, eo occiso, *Valer. seu Luc. Domitium Aurelianum*, Pannonem, aut Dacum, acclamârunt: cui imparem se videns *Quintillus*, ipse venas sibi solvit post aliquot dies.

IX.

Tab. II.
Num. XI.

PUB. Rursum tuis Tabellis inseruisti numum *Aureliani*, qualem in pluribus eum admodum, quo & *Claudii* numus, signatis, unicum teneo atque singularem, æreum cæteris majorem, tinctumque argento. Ibi namque corona est admodum pretiosa, ac gemmis divite, quæ quidem radianti ex parte accedit, angustis tamen non est acuminibus, sed suprâ rotundis: thorace præterea perornato, sed simplici epigraphe: AURELIANUS IMP. AUG. TULL. Quam vereor, ne tuus hic numus sublestæ sit fidei. Legit forsitan, qui eum finxit, *Aurel. Victor* ita scribentem de hoc Principe: *Iste primus apud Romanos Diadema capiti innexuit, gemmisque, & aurata omni veste, quod adhuc fere incognitum Romanis moribus videbatur, usus est.* Non equidem diadema, de quo alibi disseram, gestat hic *Aurelianus*, sed coronam duntaxat, novo tamen penitus modo fabricatam: sed ipsa demum novitas, in re quidem omninò insolita, admodum fide vacillat inter Eruditos, quousque plures saltem numi eidem suffragium dicant. *Aurelianus* interim adversus hostes in Oriente pariter atque Occidente strenuissimè egit; *Zenobiam* quoque, fortissimam Amazonem, Odenati Tyranni conjugem, quæ & ipsa filii imperium vindicari adnixa est, debellavit, ac Romæ publico in triumpho deduxit. At verò in Persas movens, militum factione trucidatus est, Anno imper. 5. Chr. 276.

X.

Tab. II.
Num. XII.

*Victor in
Epitom. c.
25.*

XI.

PUB. Pari forma, qua ante erat *Claudii* numus, sunt mihi *Taciti* pariter atque *Floriani* numuli, ambo corona radiante, ac prioris Tituli: IMP. M. CLAUD. TACITUS AUG. Posterioris: IMP. FLORIANUS P. F. AUG. TULL. Fratres erant Germani, gente nobili Romana. *Tacitus* quidem, cum imperium sex mensibus vacasset, quod aliàs à Romulo nunquam contigisse animadvertit *Sleidanus*, à Senatu invitatus atque reluctans. *Augustus* tamen est dictus, Princeps bonus, doctus, sobrius. *Scythas* cum ipse, tum per patrem *Florianum* debellavit. Ex Asia verò in Europam rediens obiit in itinere, sive febris, aut insidiis militum, imper. mense 7. mo. Mox verò *Florianus* frater, nemine illi id honoris deferente, Imperatorem se gessit, quasi in hæreditatem *Augusti* fastigii succedens. Verumtamen *Probo* contra eum acclamato, consilii pariter atque auxilii inops, venas. *Quintilli* exemplo, ipse sibi solvit mense altero.

*Sleidan. in
Tacito L.
II.*

XII.
Tab. I.
Num.
XIII. &
XIV.

PUB. Non paulò alii à prioribus sunt apud me numi hujus, quem dixeras, *Probi*, quos geminos pinxeras. Primo siquidem in numo corona fulgens radiante, gemmisque ornata, togam habet, ac pallium quale ferè est nostris *Augustis*, cum coronam capeßunt, fimbriis pretiosis, manu præterea sinistra sceptrum gestat, cui *Aquila* insidet, nisi me omnia fallant. *Legenda*: IMP. PROBUS PIUS F. *elix*. AUG. *ustus*. In altero armatus totus galeam habet radiante corona incinctam, dextra telum humero impositum sustinet, sinistra clypeum gerit. Epigraphe: VIR-TUS PROBI INVICT. *i. AUG. ussti*. TULL. Nova utique ista: sed quorum rationem vix aliam reddas, ac fastum Principis, vel Senatus populique adulationem, aut denique Monetariorum placendi studium. Cum namque tam confertis agminibus maximè varii populi barbari imperium undique adorirentur, subinde porrò, jam hic quidem, jam alibi, vincerent Imperatores, Regum, quos devicerant, cum corporis tum capitum ornamenta æmulandi eos cupido incesserat. Patres deinde ac populus, Principum suorum virtute in tot miserrimis turbis subinde respirantes, eisdem faciliè indulgere, quod & gratum putabant, & gratitudinis suæ monumentum: licèt ejusmodi foret, quod olim, pacatiore imperio, velut Regiæ notam potestatis, cane pejus & angue oderunt. Monetariorum verò, favoris aucupandi gratia, admodum intererat, typis suis & nova & illustriora semper moliri. Gemmarum usum, ut paulò suprà audisti, *Aurelianus* cœpit, reliqui parem splendorem haud illibenter admiscere: unde deinceps brevi omnibus in capitibus margaritas videbis.

Scipio-

XIII.

Scipionem quod attinet, aquilâ conspicuum, ille non tam Regium esse sceptrum videtur, quam victoriæ nota, atque triumphî: aut, si malis, Consulis decus. Consules namque sceptro usos eburneo, cui Aquila insideret, jam tibi in *Exercit. Proœm. Dial. XIX, n. 12.* suggesti. *Probum* porro, quemadmodum & cæteros hactenus Augustos, Consulatum deligenter gessisse, licet in numis describi non solitum, Fasti Consulares demonstrant. Satis erat, dici eos Augustos: quo uno summo ac maximo nomine summa omnia munia brevissimo compendio fuere complexi. Victoribus autem, ac triumphum agentibus, dum quadrigis veherentur, similem in manu scipionem aquila illustrem fuisse, tritum est; numisque testibus in III. quidem Parte nostra liquebit. Quod armatus altero in numo appareat *Probus*, corona nihilominus radiante incinctus scribatûrque: *Virtus Probi invicti Augusti*: quam epigraphen Aversæ aliàs frequentius exhibent, insignem Victorem, eumque Augustum luculentè eloquitur, tantò magis, quod pacem insuper condiderit. *Aversa* namque *Pacem* laudat *Augusti*.

XIV.

PUB. An suo hæc meritò *Probus*? An omen in nomine? TULL. Ignobilis genere Sirmii natus, patre, ut volunt, olitore *M. Aurel. Valerius Probus*, vir disciplinæ severissimæ, & miræ in bello virtutis, propè puer, *Valeriani* Aug. judicio, Tribunus militibus in imperium subrogatus, Saturninum, Proculum, Bonosum tyrannos dejecit, barbaros undequaque debellavit, aut terruit. Militem otiosum esse non sinens, cum bellò vacaret, agri vinique cultura exercuit, aliisque jugibus operibus distinuit: quo verò factum, ut, licet optimis Principibus meritò accenseretur, nefario tamen, & ipsis Authoribus pœnitendo mox scelere, eum è medio tollerent, An. Æt. 50, imp. 6, Chr. 282. Tumulo ejus hoc elogium apposuere.

Hic PROBUS Imp. verè PROBUS situs est
Victor omnium gentium barbarum
Victor etiam Tyrannorum,

*Patin. in
Imp. p.
349.*

Ad eum *Vopiscus* ita fatus est: *Tu Francicus, ac Gothicus, tu Sarmaticus, tu Parthicus, tu omnia.*

*Vopisc. in
Probo.*

PUB. Quoniam hunc Dialogum ad usque *Diocletianum* producere cupis, restant nobis adhuc numi, qui *Carum*, atque *Numerianum* deinde, & *Carinum* ob oculos ponunt. Corona omnes sunt radiante,

XV.

& brevissimo, titulo : id verò peculiare , quòd numi *Numeriani* atque *Carini*, qui eos adhuc *Cæsares* laudant, nondum *Augustos*, sic habent : M. AUR. NUMERIANUS NOB. *ilissimus*. C. *cæsar*. TULL. *Spanb. T. II* Hæc *Nobilissimi* appellatio, teste *Ill. Spanhemio*, in *Lapidibus* quidem *p. 387. seq.* veteribus jam *Commodo* *Cæsari*, deinde *Maximo*, filio *Maximini* tributa, primum tamen omnium in hoc numo *Numeriani* comparet, abinde in omnes pervagata. Quamquam in numis *Commodianis*, *Getae* insuper, ac *Philipporum*, jam legatur : NOBILITAS AUG, *ustii* vel *Augusta* : quod ferè titulo *Nobilissimi* æquivalet. Animadvertit porrò Vir idem *Ill.* omnium propè numorum *Oedipus* in summis maximus, factum paulatim, ut *Augustorum* filii natu majores *Cæsares* dicerentur, minores verò *Nobilissimi* elogium ferrent, quod subinde ad *Agnatos* quoque, immo & extraneos clarè meritos ampliabatur. Quare *Nobilissimi Cæsaris* elogium summa omnia, *Liberis* *Augustorum* cum ætatis discretione singillatim tribui solita, junctim complectitur.

XVI.

Historiam quod attinet, *M. Aurel. Carus* à militibus *Probo* suffectus est, bellica virtute clarissimus, Senatu tamen maximè adverso, & sua ei suffragia ægerime tribuente, ob metum duntaxat *Carini*, quem *Carus*, præter *Numerianum* bonum, maximè improbum ac juniorem filium habuit. Felix pater in *Perfas*, atque *Sarmatas* fuit, postremò fulmine ictus, an, imper, altero. Successit ei *Numerianus* filius, qui patrem ita flevit, ut oculis ferè destitueretur. Quare læticà vehi debuit : id quod copiam præbuit *Apro*, socero suo, imperium affectanti, ut eum, quamvis foret ingenitæ pietatis, literis præterea non mediocriter eruditus, clàm nihilominus ambitus causâ feriret, nihilò secius tamen, tegendi criminis ergò, exanimem illum *Augusta* sua in lætica ante exercitum tamdiu deportari curaret, donec nimius cadaveris fœtor cædem manifestaret. Imperabat postea quidem *Carinus* pro fratre, sed homo fœdus ac improbus : contra quem *Diocletianus* à militibus acclamatus, eum altero anno devicit, & una eum *Apro*, cædem ultus *Numeriani*, occidit. PUB. Quàm multos tu Impp hoc unc Dialogo scitè in numerum coëgisti? TULL. Dixi jam : velis imus atque quadrigis.

Hæc pauca de singulis memoria complectere ,
& satis interim multa tenebis.

DIALOGUS IX.

De

Numis DIOCLETIANI, &
MAXIMIANI Herculei : Item CON-
STANTII Chlōri, & MAXIMIANI
Armentarii.

TUBLIUS.

NOva rursus Numorum meorum est ratio, & parvis denuò majores succedunt, ponderi tamen ac mole, crassitiem quod spectat, anteriorum seculorum haud suppare, arte porrò nimium quantum inferiores. Imaginibus quippe humilibus sunt, parumque elatis, neque affabrè illæ, elegantique cælatae. TULL. Cave sis, pauculis tuis tritisque è numis judicium de cæteris omnibus feras. Alibi jam monui, sequioribus etiam, quæ hæcenus enarraveram, imperii temporibus, numos tamen insignes magnosque haud defuisse, sed raros illos esse, nec Tironum in manibus. Nihil in numis ita firmiter statuendum, ut caput eapropter devoveas : ingens, quæ hodie viget, nobilissima hæc veterum temporum monumenta undique conquirendi contentio, nova in dies ferè singulos pandit, & edocet : unde præstantissimi quique numorum Conjectores suam, quam antestatuerant, sententiam cum ratione mutare, quod equidem prudentis est, minimè abhorrent. Quia tamen hujus, quam aggredimur, periodi Monetæ vulgò sunt viles, quosdam jam ferè ræduit, ultra Gallienum numos colligere. Sed Author est omnibus Patarolius, ut & hujus inferioris seculi monumenta non minus diligenter conquirantur : quæ in tres pariter series, majorum, minorum, atque minimorum tribui posse animadvertit. In quibus majores, tametsi magnis illis superioris seculi numis suppare non sint, rariùs tamen occurrunt, pluris itaque fiunt. Integræ porrò Series numulorum potius horum, quam numerum, hoc ipso, quod negligantur à multis, erunt aliquid in cimelio, quod plurimis aliis delit.

Sed

*Jobert. in
Demonstrat
nov. p. m.
483.*

Sed & historiam labentis hujus temporis nihilòseciùs illustrare commodum, immo in multis & restituere poterunt. Doctissimo certè *Joberto* numulos probè expensos, liquidò jam docuisse, quod silebat historia in *Flavia* gente, unde *Constantinus M.* aliam stirpem *Flavios Valerios*, aliam *Flavios Claudios*, aliam *Flavios Maximos*, aliam demum *Flavios Julios* constituisse.

II.

PLB. Novos mihi animos addis, residuas pariter Adversas jucundius contemplandi, minori quidem lucro curiositatis, quæ oculos pascit pulchritudinis specie, majori tamen emolumento rationis, quam eruditio recreat. Præprimis me allicit, quòd brevi tenebris tam Cymmeriis idolatriæ emergere sperans præclaro fidei lumine, velut Sole quopiam celesti, plenis radiis Romanum per orbem oriente, recreari concupiscam. **TULL.** Emergemus nocte atra, diem salubimus: sed hinc quidem crudelissimus adhuc persecutionis turbo animum lædet; inde brevi suppullulans Ariti pessimi hæresis, crassissimæ nebula in morem contra fidei solem consurgens, multa nos voluptate interdicet. Numis historiam præmittamus.

III.

Initio porrò memoriâ repetas, velim, dictum à me Dialogo superiore, ægrè admodum à Senatu obtinuisse *Carum*, ut, à militibus acclamatus, imperare sineretur, pessimi filii *Carini* metu. Occiso *Caro*, & primo insuper anno etiam *Numeriano* per *Aprum* Generum necato, indignati milites contra *Carinum*, acclamârunt *Claud. Valerium Diocletianum*, Salmonis in Dalmatia nobili genere ortum, & à matre *Dioclea* primùm *Dioclem* dictum, imperio sibi an. 284. delato. Fortitudine bellica inclitus, neque prudentia destituebatur: idololatria verò immaniter desipuit, superbia admodum tumuit, crudelitate inhorruit. Hic, cum videret, imperium pluribùs adhuc Tyrannis, maxime verò allemannicæ gentis creberrimis gravissimisque incursionibùs uudique perturbari, boni publici causâ statuit, Potestatem Augustam in plures partiri, ut, si non singulis hostibus, provinciis certè magis vexatis, singuli Imperatores feliciùs prospicerent. Ergo *Marc. Aur. Valer. Maximianum*, rustica stirpe *Sirmii* in Pannonia natum, manu armata mire valentem, sed truculento sævissimòque ingenio, Co-Augustum sibi, atque imperii Collegam assumpsit: cui, cum ipse Orientem sibi servaret, Occidentem regendum commisit, Pacto tamen id factum, ut Collega in omnibus sibi obsecundaret: siquidem *Diocletianus*, quam sibi partito imperio Authoritatem, diminuere videbatur, alia ex parte, Divos fratres *M. Aurelium* & *Luc.* Verum æmulatus, Augustæ concordie gloria tantò reddere auctiorem connifus est. Neque in hoc uno Col-

lega

lega ejusdem industria stiterat : Cæsarem insuper ipse dixit *Galerium Maximianum*, cognomine *Armentarium*, quod greges olim pavisset, è Dacia ortum, hominem impurissimum atque crudelem : quemadmodum & *Valer. Maximianus* alter Augustus pariter Cæsarem assumptis *Flav. Valer. Constantium*, à pallore vultus *Chlorum* appellatum, Principem optimum, amabilem, liberalem ac strenuum. Sic erant Collegæ Augusti, & Collegæ Cæsares.

Solio autem Augusto tot fulcris subnixò, duo potissimum animo secum præcepit *Diocletianus* : Primum quidem, ut imperium adeò scissum ac perturbatum uniret denuò atque pacaret : Alterum, ut CHRISTI sacra orbe toto excinderet. Omnia siquidem mala imperio evenientia deorum irâ accidere putabat, qui indignè ferrent, Christiani nominis homines undique invalescere. Et poterat sanè tot Principum, summa cum potestate in Ecclesiam sævientium, truculentia spiritum eidem elidere, nisi veritas ipsa, & sapientia Patris legem dixisset æternam : *Nec portæ inferi prævalebunt adversus eam.* Ergò sacrosancta illa & adoranda Numinis providentia, suis quæque necestens ordinibus, quæ attingit à fine usque ad finem fortiter, & disponit omnia suaviter, egit hic certè, quod dudum Propheta patiens comminatus est : *Apprehendit sapientes in astutia eorum, & consilium pravorum dissipat : Per diem incurrent tenebras, & quasi in nocte, sic palpabunt in meridie.* Et *Diocletianum* quidem, à superstitiosissimo Jovis cultu *Jovium* cognomine, *Maximianum* deinde *Valer. Co-Augustum*, ab Herculis nimia religione dictum *Herculeum*, extrema omnia fidei Christianæ comminatos esse, neque segniter intulisse hoc solummodo nomine, quòd Christiani Rempublicam evertere viderentur, non armis, non motibus, non inquietudine, sed deorum neglectu, fidem tibi certissimam faciat Columnæ illius, Cluniæ in Hispania asservatæ, Inscriptio apud *Cl. Patinum*, quæ sic habet :

Diocletianus Jovius &
Maximianus Hercules
Caes. Augg.

amplificando per orientem & occidentem
imp. Rom.

&
nomine Christianorum
deleto qui Remp. evertebant.

IV.

Job. 5.
v. 13. & 14.

Patin.
Imp. p.
354.

Quomodo porro in astutia sua ambo deprehensi, & dissipatum pravorum horum consilium, inde seridè demum animadvertas, optimè Publi, unicè velim, quòd *Maximianus Hercules*, assentiente *Diocleriano*, Caesarem dixerit *Constantium Chlorum*, Principem naturâ mitissimum, Christianis faventem, immo Christianum, qui, Scriptorum complurium testimonio, priusquam saltem diuturno ex morbo decederet, fidei professionem clam in manus Sacerdotum deposuit. Quòd si verò nihil etiam horum omnium foret, satis tamen erât, quòd Tyranni illi crudelissimi *Constantii Chlorig* in Augustum fastigium adlectio- ne, filio ejusdem *Constantino M* viam ad solium commodissimè insternerent, cum quo deinde orbi ferè universo imperare cœpit Christiana Religio. Nonne hoc pacto destruxit *Maximianus*, quòd *Diocletianus* edificabat? Nonne per diem incurrebant tenebras, quasi in nocte, sic palpabant in meridie? Parce mihi, Publi lectissimè, quòd hic longior fuerim: interest sanè nostra, ut fortissimo considerationis munimine fidem nostram commodum firmaremus. PUB. Agnosco Numen, atque accipio libenter: si plura porro de negotii hujus sacrorum Christianorum evertendorum successu me docueris, gnaviter auscultabor. TULL. Redeundum nobis in viam: sufficit tibi audire, infandos istos persecutores omnibus quidem furiis in Ecclesiæ perniciem condixisse, ita, ut rivi currerent, immo flumina sanguinis, à fidelibus profusi, nihilofecius tamen propitio DEO evenisse, ut sanguis Martyrum semen continuò fieret Christianorum.

V.

Diocletianus autem, historiam ut persequar, *Aprum*, quì generum suum *Numerianum* Aug. occiderat, ipse morte multavit: *Carinum* devicit, & necavit: *Ægyptum* rebellem compescuit, *Achilleo* sublato: *Bagaudas* in Gallia, quorum Duces *Ælianus* atque *Amandus* tyrannidem arripuerant, debellavit: *Quinquegentianos* vicit ac *Persas*: tandem una cum *Augusto*, Collega, *Maximiano*, Romæ aureo curru triumphavit. Postquam verò per annos ferè viginti imperâisset, *Nicomediæ* abdicavit, suam se in *Dalmatiam* recipiens, hortòque colendo intentus, Sponte id factum si esset, foret equidem, quòd miraremur: sed aureus ille *Lactantii* Liber de Morte Persecutorum è tenebris in lucem demum vindicatus docet, coactum ad id à *Maximiano Galerio* sive *Armentario*, non nisi multis cum lachrymis purpuram posuisse. Rursum deinde, ut imperaret, invitatus, simulatâ id perviciaciâ renuit, in omnia tamen, quæ gerebantur, studiose intentus. Postquam verò à *Constantino*, quem unicè pertimuit, Religionem ejus Christianam subodoratus, atque à *Licinio* ad nuptias *Constantiæ* evocatus esset, neque compareret, fictis rationibus in speciem obtentis, ac

propte-

D. Lactantii
de Mort.

Perf. c. 18.

§ 9. apud

Ill. Spanh.

T. II. p.

§ 13.

propterea minaci responso amborum Principum territus foret, maximè, quòd *Maxentio* atque *Maximino* favisset, vitam sibi veneno ademit, An. Chr. 312. ætate ad 70. annos proximè, aut forsitan ultrà provecta, Scriptores sacri existimant, tædium illud, quòd Christiana Religio tot è ruinis amplior tamen semper exurgeret, non parùm eundem ad mortem ultrò sibi consciscendam impulisse.

Maximianus Hercules, multarum non minùs victoriarum gloria insignis, ægerrimè quidem imperii abdicandi consilium iniit, abdicavit tamen eadem die Mediolani, qua Nicomediæ *Diocletianus*. Postea nihilominus imperandi denuò cupidus, dum filius *Maxentius* se Augustum dixisset, ad eum se contulit, imperii consortium rogaturus: verumtamen ab eo rejectus, confugit ad generum *Constantinum*: Sed novas ibi turbas adversus tutatorem hunc suum molitus, effecit tandem ut jussu ejusdem Massiliæ laqueo suffocaretur, An. ætat. 60.

Maximianus Armentarius (quem ne cum *Maximiano Herculeo* aliquando confundas, hic moneo) primum Caesar dictus à *Diocletiano*, hoc verò abdicante factus Augustus cum *Constantio Chlora*, in Christianos longè atrocissimus fuit, deliciis præterea atque libidine ad insaniam defluxit. In Persas primum infelix, deinde felicissimus fuit: contra *Maxentium* autem potuit nihil. *Severum*, atque *Maximinum*, sororis filium, Caesares fecit, & primo citiùs defuncto, *Licinium*. DEO autem tyrannidem ejus summam in Christianos, & luxuriam contaminatissimam ulciscente, inguinalibus ulceribus vermibusque miserrimè contabuit, An. imp. post *Diocletianum* 7. Chr. 311.

Constantius Chlorus primum cum Helena, piissima conjugè, procreavit *Constantinum*, quem postea Magnum dixere. Sed à *Maximiano Herculeo* Caesar dictus, Helenam dimittere, & Flaviam Maximianam Faustam ducere debuit, privignam Herculei. Postea cum *Maximiano Armentario* Augustus factus, vicit Allectum Tyrannum, & Allemannos ingenti clade affecit. Valetudine usus parum firma, fidelis Christi, ut fertur, discessit An. ætat. 56. imp. Aug. 2. Chr. 306. Solium Constantino filio reliquit, sed ab æmulis pluribus arduè vindicandum. Jam quales tibi sint Nummi, tu, optime Publi, recense.

PUB. Sunt mihi plures numi primum quidem *Diocletiani* majori minorique ex ære, radiante quidam, laurea alii corona: circum caput porrò lego: Vel, IMP.erator. C.æsar. CL.audius. VAL.erius. DIOCLETIANUS. P.ius. F.elix. AUG.ustus Vel brevius: IMP. DIOCLETIANUS AUG. Unicus, quem utraque sui facie ut pingeres præ omnibus selegisti, apud me exstat itidem æreus parvus. Adversa caput habet laureatum;

VI.

VII.

VIII.

IX.

Tab. II.
Nu. XV.

Legenda est : DIOCLETIANUS AUGUSTUS. In *Aversa* sequitur : CONSUL VII. P. ater P. atræ PROCOS. al. In area figura stans cum veste talari, laureatæ similis, sinistram habens involutam, dextra globum gestans : infra literæ SMRT. ac ponè stella. Atque ad postremas has literas stellam quoque, & nomen Proconsulis maximè hæreo. TULL. Eundem hunc numum Ill. *Spanhem.* ceu rarissimum, sed aureum, pingit, addito altero, qui vice *Diocletiani* sistit *Maximianum Herculeum*, typo aliàs prorsus eodem. Æreum tuum esse genuinitati non officit : quid namque obsistat, eidem modulo jam aurum, jam argentum, jam æs à monetariis suppositum fuisse? Plurimi certè numi aurei apud alios vel argentei, apud alios ærei exstant. Figura *Aversa* ipsum redhibere videtur *Diocletianum*, capite laureato, globum tenentem ceu Symbolum summi imperii, ut Parte II. uberius ex me disces. Literæ inferius scriptæ ad mentem Doctis. *Joberti* Urbem, ejusque officinam monetariam, ubi numus percussus, designare possunt, si sic quidem eas legeris : *Signata. Moneta. R. omæ. T. erriâ.* subaudi Officina. In numo *Spanhemii* pro litera M. literam H. in imagine positam errorem calcographi arbitror. Stella apposita Monetarii signum videtur.

X.

Proconsulis porrò elogium erat, quod singularem hunc numum in omnibus tuis efficeret, cæterisque digniorem, quem pingerem. Rarissimum quippe elogium istud in numis Imperatorum, quod, tamesi *Augusto* concessum jam fuerit, inque lapidibus plurium Imperatorum sæpè inscriptum legatur, tacet tamen in numis. Certè Ill. *Spanhemius*, quem nihil propè in hac parte pulcherrimæ eruditionis fugisse videtur, unius tamen duntaxat numi de genere Conturniatorum, quorum fides sæpè numero suspecta, mentionem facit, Trajanum ita laudantis : IMP. CAESAR TRAJANUS AUG. P. M. TR. P. PR. PROCONS. Mox ad geminos *Diocletiani* atque *Maximiani* numos delabitur, addito adhuc alio *Constantini M.* Vocem porrò PROCOS. alii legunt *Proconsul*, aliis *Proconsule* placet : utroque autem modo veteres scripsere. Officium erat, ut, cum Consules Romæ existentes in tot exteris provinciis res omnes administrare minimè possent, unaquæque Provincia Proconsule suo regeretur, qui ea, quæ per Consules Romanos decreta sunt, sedulo observari curaret. Si provincia bellum haberet, Proconsules ad eam cum imperio profecti sunt, vel exercitum ducentes, vel eum, qui jam in provincia existeret, habituri : pacis tempore sine imperio & habitu ibant pacato. Ortum ferè huic muneri dedit ingens apud Paritios. luxus, quibus, ne minores Consules essent atque Prætores, tantumque vitæ splendore, quantum dignitate illos anteirent, ingentibus opus erat expensis, sumtuumque profusione immodica, quem-

Spanh. 7. II.
p. 469.

Acevra
nov. Philo-
log. P. II.
p. 237. seqq.

quemadmodum etiam apud Senatores. Ad hoc porro cum plurimum res domestica minimè quidem sufficeret, ut ære alieno plurimum gravarentur, ad levandam denuò inopiam suam Provincias obtinuerunt, idque electione libera atque propria, vel sorte, si quando æmulerentur. Annuum erat hoc munus, merito tamen, aut favore, prorogari diutius poterat. Provinciæ verò in Consulares ac Prætorias tributæ sunt: his præfecti *Proprætores*, illis præpositi *Proconsules* audiebant.

Ex quo deinde *Augustus* summa omnia Reipublicæ munera cum summo imperio suo conjunxit, Consulari verò dignitate Urbanarum duntaxat rerum potestatem consecutus est, *Proconsularem* præterea in perpetuum admisit, ut in provinciis pariter posset omnia. Harum tamen alias Senatui indulgit, alias sibi servavit: quos porro suis Rectores præposuit, *Legatos* dixit, quos Senatus ad suas dimisit provincias, *Proconsules* sive *Proprætores* dicebantur. Cæteri post *Augustum* Imperatores tantum aberat, ut de summa potestate sua quidquam imminuerent, ut potius modis omnibus eam adaugerent. Ergo *Proconsulis* perpetua dignitas summo illi fastigio Imperatoriæ Majestatis jam veluti naturâ adhæsit, ea amplitudine, ut in omnibus omnino cum Augusti tum Senatus provinciis obtineret. Atque in hujus communionem subinde & Cæsares, per id imperii collegæ facti, venerunt. Aliis etiam hæc potestas in pluribus provinciis, neque tamen in omnibus, uti nec in perpetuum facta. Infimi autem ordinis erant, quibus una solùm provincia plerumque ad annum a Senatu indulta. Interim *Proconsules* æque sub libera republ. atque Imperatoribus sibi quidem ipsis pecuniarum avara corrogatione, præ omnibus consuluerunt, cum nimii essent, non infrequenter in jus postulati.

PUBL. Plurimum me denuò sed breviter erudiisti. Quem tamen rursus pinxisti *Maximiani Herculei* numum, iterum novus est. Cum namque alii plures, quos teneo, supra à me recensitis *Diocletiani* numis ferè sint similes, hic unus majorum è numero in *Adversa* habet *Maximianum* laureatum ornatu majestatis, qui dextra ràmum gestat, sinistra quasi chartam convolutam. *Legenda*: DN. MAXIMIANO FELICISS. SEN. AUG. TULL. Sic lege: D. om̃ino. N. oſtro, MAXIMIANO FELICISS. imo. SEN. iori. AUG. uſto. PUB. Hæc verò insolita. TULL. Exponam, si *Aversam* quoque recensueris. PUB. Stantem à dextris videre mihi videor Imperatorem, pallio involutum, capite laureato, & adstantem mulierem pari capitis ornatu, quæ sinistra hastam pluram tenet, dextræ digito indice infra jacentem globum commonstrat: ille porro, veluti sceminæ seriò colloqueretur, sinistram pariter versus globum demittit, dextram ante se attolit. *Legenda*: PROVIDENTIA DEORUM QUIES AUGG. uſtorum. Infra literæ AQ. S. TULL. Lege: AQ. uileæ. S. signata, nimirum moneta.

XI.

Spanhem.
unde supra.

XII.

Tab. II.
Nu. XVI.

Imperatorem recte vidisti: fœminam porro eam esse existima, quam *Legenda* exprimit, Providentiam nempe deorum, cujus halta divinitatis est Sceptum. Globus infra cubans summi imperii symbolum, ut aiebam numo priori: colloquentium gestus divinum illum indicant motum, in animis *Diocletiani* atque *Maximiani* excitatum, ut imperium ambo ponerent, atque hoc pacto globi gestandi, i. e. imperii gubernandi, mole ac pondere exsoluti, à tot immensis laboribus, quibus hætenus summa quidem æternaque cum laude perfuncti essent, ultro quiescerent. PUB. Capio jam pondus verborum: *Providentia deorum quies Augustorum*, Diis nempe debebant tribuebantque Romani, quod uterque Monarcha vel ultrò, vel, quod supra è *Lactantio* monueras, à *Maximiano Armentario* coacti quidem, pacati tamen sine turbis bellisque civilibus, Augusto se solio abdicassent. TULL. Rectè existimas: abinde verò facile quoque pervades, quid in *Adversa* elogium *Senioris* sibi velit, PUB. Nimirum, cum abdicantibus utrisque mox *Maximianus Armentarius*, atque *Constantius Chlorus* Augusti evaderent, illi Augusto nihilominus nomine honorati, à junioribus illis veluti Seniores discernerentur. TULL. Optimè singula assequeris. Parem prope numum *Diocletiani* pingit Ill. *Spanhemius*, atque alium haudmultum absimilem *Maximiani* à Cl. *Tristano* ait vulgatum. Sed tuus in hoc discrepat à numo *Spanhemii*, an etiam ab altero *Tristani*, ignoro, quod in illo Imperator æquè ac Dea aristas teneant, globus verò penitus absit.

XIII.

PUB. Adhuc in *Legenda Adversæ* voces illæ *D. omino N. ostro*, item *FELICISS. imo* mihi peregrinæ sunt: hæc siquidem elogia nullus hætenus numorum meorum exhibuit. TULL. Ambos hos Imperatores post abdicationem suam universis admirandam omnibus propè honorum titulis obrutos quodammodo esse, testibus Lapidibus juxta ac Numis, Ill. *Spanhemius* amplissimè docet, ubi legitur: *Senioribus, Optimis, Beatissimis, Fortissimis, Felicibus semper Augustis*: immo & de *Maximiano* singillatim: *Magno, Invicto, ac super omnes retro Principes Fortissimo &c.* uti & in altero ejusdem numo à morte cuso: *Divo Ad Maximiano Seniori Parenti Optimo. Domini* verò appellatio *Augusto* quidem invisa fuit, sicque ab eo rejecta, veluti maledictum in eum sive opprobrium conjiceretur, ut *Suetonius* cum *Philone, Tertulliano, ac Dione* testantur. De *Tiberio* rursus aliqui horum memoriæ produnt, dictum aliquando, cum Dominus appellaretur, ab eo fuisse, *DOMINUM se servorum, Imperatorem militum, Principem cæterorum esse*. *Cajus* porro *Domini* nomen ita concupivit, ut *Philo* ad eum scribens inter cœtera dicat: *Principe in DOMINUM verso*. Post cum *Domitianus*, ut fidem iterum *Suetonius* facit, epistolarum quampiam ita inchoare voluit: *DOMINUS DEUS noster sic fieri juber &c.*

Cæteri

Sueton. in Tiber. c. 22. DioL. 56. Philo Legat. ad Cajum. Sueton. in Domit. c.

Cæteri subinde *Domini* vocati, ita ut vox ea non honoris esset nomen, sed potestatis. In Numis tamen latinis non antè illam legas, si numum *Getae* Antiochenum demseris apud *Cl. Vaillant*, qui habet: *VICT.oria DD.ominorum. NN. ostrorum*, videlicet *Caracalla* ac *Getae*, quam in *Caro*: deinde in *Diocletiano* ac *Maximiano*: donec brevi pòst ævo subsequente ita invaluerit, ut pro voce *Imperator* vulgò substitueretur.

Parum autem ambobus his, de quibus loquimur, Tyrannis, fuerit, *Dominos* dici, siquidem *Diocletianus* cognomen *Jovii* & *Herculei* postea *Maximianus* non modò acceperint, quod impensissimè *Jovem* atque *Herculem* colerent, sed quod utroque hoc à numine stirpem quoque traxisse existimari voluerint, atque idcirco pro *Jove* & *Hercule* ipsi haberi. Unde *Mamertinus* ita quidem eos alloquitur: *Sancte JUPITER & HERCULES bone!* Aliàs dicit, *Aurea secunda auspiciis JOVIS & HERCULIS renasci*. Omnium vetò luculentissimè ab eo dicitur, non opinione traditus, sed conspicuus & præsens *JUPITER* cominus invocari, non advena sed Imperator *HERCULES* adorari. Quibus omnibus *Ill. Spanhemius* invictum testem addit præstantissimum de maximorum genere numum, ubi videas, *Monetam* cum cornucopiæ ac bilance sua mediam stare *Jovem* inter ac *Herculem*, ac supra legas: *MONETA JOVI ET HERCULI AUGG. ustis. PUB.* Apage dæmones spirantes! aut, si omnis sic fœteat Antiquitas, ipsum me removes. Residui interim numi *Constantii Chlorig*, atque *Maximiani Armentarii* difficile nihil aut insolens habent, nisi quod ii, qui eos *Cæsares* laudant, laureatis tamen capitibus sint, ac radiante corona. Circùm *Constantii* vultum lego: *FL.arius. VAL. erius. CONSTANTIVS NOB. ilissimus. CAES. ar. vel AUG. ustus.* Armentarii Numos hæc circumstant: *GAL. erius. VAL. erius. MAXIMIANUS &c. TULL. Galerii* prænomen, quo solo junior hic *Augustus* a seniori *Maximino Herculeo* discernitur, diligentissimè nota.

XIV.

Mamertin.
in Geneth-
liac. c. 10.
& 16.

Spanhem.
T. II. p.
494.

DIALOGUS X.

De

Numis *CONSTANTINI Magni*, eorumque, à quibus Imperium sibi vindicavit, atque *CRISPI filii*.

PUBLIVS.

ITa divisum in superioribus Principibus imperium quodammodo tandem rursum coaluit? *TULL.* Sic demum, ut propitio Numine ad solum *Constantin*

I.

stantinum M. post plures insignes, cælitusque cum præsignatas tum concessas victorias rediret, Cruce Dominica triumphante, & Augusto in folio constituta. PUB. Velim jucunda hæc ordine à te discere. TULL. Erat *Galerio Maximiano* Imperatori, alias *Armentario* dicto, soror quæpiam, cujus filii fuere *Flav. Valens* sive *Valerius Severus*, & *Maximinus*, antea *Daza* cognomine, postea *Galerii Valerii* prænomen assumens. Ambos avunculus Cæsares dictos imperii fecit consortes, *Severum* Italiae & Africae præficiens, *Maximino* Orientales provincias assignans. Arripuit autem etiam *N. Aurel. Valer. Maxentius*, quem *Maximiani Herculei* filium sive verum sive suppositum dicunt, Romæ imperium, postquam Prætorianos ingentibus promissis ad se acclamandum induxisset, homo impurus, sævus, incantationibus addictus, Christianis iniquissimus: quo tamen *Severus* pariter atque *Maximinus* nihilo mitiores fuere.

II.

Cum porro *Maxentio* tyrannis sua initio jucundius aliquanto succederet, etiam patrem ejus *Maximianum Herculeum* imperii, quod dudum invitus abdicaverat, ambitus novus spesque non parva inceserat. E *Lucania* itque *Romam* ad filium se conferens, itinere *Severum*, qui contra *Maxentium* moverat, fraude circumventum capi jussit, atque occidi. Neque sic tamen apud filium impium gratiam iniit, exesse ab eo protinus jussus. Interim *Maximianus Armentarius* Imp. in *Severi* occisi locum *Caj. Valer. Licinianum* *Licinium* imperio subrogavit. *Constantinum* porro, *Constantii Chlorig* Imp. filium, ex prima Christiana sanctaque conjugè *Flavia Helena*, in oppido *Naïssô*, *Daciæ mediterraneæ*, quam hodie *Serviam* dicimus, prognatum, à patre Cæsarem dictum, à militibus vero Augustum acclamatum, *Armentarius* unice timuit, tum quod fortissimus esset, tum quod Christianis impense faveret. Quare eundem adversus *Sauromatas* sive *Sarmatas*, gentem crudissimam, cum exercitu misit, non tam ut vinceret, quam ut periret. Secus tamen accidit: *Constantinus* namque barbaro illo hoste usque ad internecionem deleto, ducem pariter eorum victum ad *Maximianum* adduxit, ipse tam illustri victoriæ incomparabili gloria celebratus.

III.

Mortuo autem sub an. 311. *Maximiano Armentario*, primum quidem *Licinius* contra *Maximinum*, *Armentarii* nepotem, sæpè exercitum duxit, initio clade affectus, semel deinde ac iterum acie superior, donec *Maximinus* fugienti similis *Illyricum* peteret. *Constantinus* porrò à Senatu contra *Maxentium* tyrannum *Romam* invitatus, cælesti quadam visione crucem sibi ostendi, dicique audit: IN HOC VINCE. Unde militum scutis literam X. superaddito circumflexo, ut Crucis esset figura, ac nominis CHRISTI monogramma, indi jussit, atque animo plenus in

in hostem movebat. *Maxentius*, quem superstitione tenuit, si Urbe Roma nimirum excederet, se periturum, exercitum suum per pontem Milvium emisit: quoniam tamen prælum decretorium præsensit, ac *Constantini* novit virtutem, ipse tandem secutus est. Hoc viso Romani pontem post eum magna ex parte dejecerunt. Coorto prælio adfuit cæli virtus, ac hostium animis ingenti terrore injecto *Maxentium*, suosque terga vertere cœgit: ad pontem verò dejectum properantes, cum se mutuò comprimerent, Tiberi hausti sunt.

IV.

Sic debellato *Maxentio*, fama & imperio potitus *Constantinus*, plurimum favit Christianis, solum jam Collegam habens *Licinium*, quem alii Christianum, ethnicum alii existimant: sententia tutissimè in medio relinquitur. Id porro certum, utrosque armis sæpius collisos, superiorem verò semper *Constantinum* fuisse, tandem, vitæ gratiâ *Licinio* sed privato factâ, solum ubique imperâsse ab Anno 324. Quare imperium bifariam dissecans in Orientale tribuit & Occidentale, postquam Byzantium funditus instauratum mire ampliasset, *Novamque Romam* dici voluisset, licet potius *Constantinopolis* nomen ab instauratore suo Urbi huic adhæserit. Christi Sacris præterea, cui & victorias & imperium unice debuit, ut ocyus imbueretur, curavit: eadem deinde multis edictis sancivit, suisque omnibus suavit, deorum fana atque delubra occludi vel dirui iussit, Christi Ecclesias undique, maximè Jerosolymis erexit, ubi per Matrem D. Helenam Crux Dominica feliciter inventa est. Ut Arius coacto concilio damnari posset, Majestate sua effecit. Prope tamen vitæ finem Arianis Episcopis fermè nimium favit, licet ab Arianis communione semper abhorreret: Baptismum insuper ab *Eusebio* Nicomedie Episcopo Ariano, morti propinquus recepit, ut Cl. *Papebrochius* in Actis S. S. Maii Tom. V. in *Vita Constant. M.* latè demonstrat. Quæ porro de ejus cum S. Sylvestro Pontifice amicitia feruntur, qui ei, lepræ curandæ, causa balneum è sanguine infantium adhibicuro, Baptismum suaserit, immo contulerit, ac Urbem Romam vicissim, aliæque multa donò pro Ecclesia receperit: hæc, inquam, singula Criticis hodie nondum invictè asserta videntur. Animo præterea à sævitia, quæ propè crudelis erat, non omnino alienus fuit: qui filium suum *Crispum*, nobilissimum Cæsarem, probumque ac fortissimum principem, ad solum novercæ mendacium, præcipiti sententia iussit occidi, fraude verò comperta, ipsam hanc conjugem suam balneo nimis accenso comburi præcepit. Pari ferociæ impetu etiam *Licinium* juniorem, sua è filia nepotem, antè à se Cæsarem dictum, causa omnes latente, subitò

bitò interemit. Obiit ipse An. 337. postquam à morte patris annos 31. solus 13. imperâisset, ætatis annos 63. sive 65. numerâisset.

V.

PUB. Omnium horum, de quibus dixeras, Numi ærei apud me sunt. *Severum* video laureatum cum titulo: SEVERVS NOB. *ilissimus*. CÆS. ar. Succedit eodem ornatu *Maximinus*, cujus caput hæc circumstant: GAL. *erius*. VAL. *erius*. MAXIMINUS NOB. CÆS. Numus *Maxentii* laureatum pariter eum sinit, insuper tamen cum sceptro, cui Aquila infidet, sive Consulari, sive victoriæ indice, quam contra *Severum*, atque *Licinium*, ut narrabas, initio retulit. *Legenda*: IMP. C. *æsar*. MAXENTIVS P. *ius*. F. *elix*. AUG. *ustus*. TULL. Cubare apud te penes *Maxentii* numos parvulum alium video, qui *Romulum* laudat, Divum quidem jam sive defunctum. Erat is filius *Maxentii*, Cæsar ab eo dictus, matura tamen morte ante patrem sublatus. PUB. Sequitur *Licinius* denud laureatus, circum quem lego: IMP. *erat*. FL. *avius*. VAL. *erius*. LICINIAN. *us*. LICINIUS P. *ius*. F. *elix*. AUG. *ustus*. TULL. Et hic apud te socium habet, quem præterire tē nolim. PUB. Teneo principem juvenem galeā tectum, telumque humero gestantem, cum lemmate: D. *ominus*. N. *oster* VAL. *erius*. LICINIAN. *us*. LICINIUS. NOB. *ilissimus*. C. *æsar*. TULL. Filium itaque ne cum patre confundas, te vultus ætatisque disparitas admoneat. Violentam ei ac præcocem mortem ab Avo *Constantino* decretam existimant, dolo *Flaviæ Maximianæ* vel *Maximæ Faustæ*, conjugis *Constantini M.* quæ pertimuit, ne filiorum suorum hæreditas cognatorum communione minueretur.

VI.

Tab. III.
Num. I.

Spanhem.
T. II. p. 389
seqq.

PUB. E pluribus *M. Constantini* numis, in quibus ille vel laureatus, aut galeā tectus, sive velatus apparet, unum tu elegisti, quem pingeres, qui eum Diademate cinctum, lapidibus pretiosis constante, repræsentat, cum epigraphe: IMP. *erator*. CONSTANTINUS MAX. *imus*. AUG. *ustus*. TULL. Novum videlicet mihi hic numus differendi argumentum de *Diademate* præbet, faciem nobis denuo undique præferente Ill. *Spanhemio*, qui nihil omnino, quod è numis discere licet, ab ovo ad mala repetere neglexit. Erat Diadema fascia quædam caput incingens, ornansque, & summæ in omnes potestatis apud unum residentis certissimus index, Regibus *Ægypti* atque *Orientis* unicè familiare, quemadmodum in *Exercitationis* nostræ *Proem. Tab. I.* satis vidisti. Ibi pariter *Dial. II. n. 6.* audisti, *Lysimacho*, ut *Justinus* testatur, Regalis, quam postea adeptus est, potestatis omen auspiciatissimum fuisse, quod *M. Alexander* diadema vertici suo detractum, vulnerato ejusdem capiti, sanguinis sistendi causâ, imposuerit. Antea verò *n. 2.*

Quiri-

Quiricibus diadematis usum odio tam internecino fuisse, ut *Pompeio* crimini datum sit, vel erus tantum obvelandi solummodo causâ fasciâ illigasse : *Julio* præterea *Cæsari* mortem accelerasse, quod *M. Antonius* lauream fasciis albis intertextam eidem imposuisset. Sed & ipsi quoque *Antonio* impune non cessit, quod *Ægypto* subacta se diademate cinxerit : inde namque & ipse in suspicionem tyrannidis veniens, Reipublicæ hostis est dictus. Noluere proinde Imperatores, qui alia omnia ausi sunt, ejusmodi tamen capitis decus tanto periculo emere. Primus *Cajus Caligula* parum abfuit, teste *Suetonio*, quin diadema statim sumeret, atque ita speciem principatus in Regni formam converteret : immo etiam sumfisse tradit *Victor Aurelius*. Eundem *Caracalla* secutus, actu in numis duobus diademate inlustris adparet, sed, interprete *Ill. Spanhemio*, non tam, ut Rex ipse videretur, quam Regum se victorem, eorum spoliis divitem, Parthorum videlicet, exhiberet : deinde, ut *Alexandrum M.* quem dici & haberi se voluit, ipso capitis ornatu referret. Quamquam his omnibus fucum duntaxat Romanis fecisse verosimillimum sit. *Elagabalus* quoque Diademate, sed domi, est usus, non veluti Regia veste, sed quæ Sacerdotibus Solis in Syria, qualis fuerat ipse, solemnitas erat. *Aurelianus*, quem suprà *Tab. II. n. 12.* è numo quopiam ruo, mihi admodum sublesto, non quidem in diademate, corona tamen gemmis ditissima depinxi, primus apud Romanos Capiti diadema innexuit, & gemmis atque aurea veste est usus, quod *Dial. VIII. n. X.* ex *Victore* te monui. In numis tamen ejusdem id genus ornamenti, diadema nimirum, haud videas, præterquam in uno *Tristani*, ubi *Aurelianus* in Adversa cum diademate, *Waballathus* in Aversa cum laurea comparet. Hunc numum ab exteris cūsum opinari licet : alias vero non desunt alii numi, qui *Aurelianus* cum laurea, *Waballathum* cum diademate sistunt.

Turò itaque statui potest, primum *Constantinum M.* fuisse, qui gemmati diadematis usum, ceu solemnem abinde *Augusti* Imperii notam invexerit, de quo iterum *Victor* sic habet : *Habitus Regium gemmis, & caput exornans perpetuo Diademate.* Lapidibus pretiosis illud contextum cum *Cedreno* etiam *Eusebius* fatetur, excusans præterea, fuisse Principem hunc Maximum animo quidem ab omni vestium luxu alienum, usum tamen auro ac gemmis, *Augustam* ut Majestatem in oculis inuentium decentius gereret. Summi verò duntaxat imperii notam sub *Constantino* hoc *M.* diadema evasisse, liquidò asserere videtur *D. Chrysostomus*, agens alicubi de *Constantio Gallo* & *Juliano*, deinde *Apostata*, fratribus *Cæsaribus* renunciatis, sicque de *Juliano* perorans : *Et suscepit ille sine DIADEMATE Principatum.* Hæc enim potestatis illius, &

VII.

Victor Epit.
c. 41.

S. Chrysoſt. *quam Frater habuerat, meſura quædam erat.* Discere profectò hic licet, Orat LXIV. *Constantium Gallum geſſiſſe Diadema,* quoniam Auguſtus erat, non geſſiſſe in S. Babylon. *Julianum per quinquennium, quo ſolummodo Cæſar fuit, ac Diadema meſuram fuiſſe inter utrumque, quæ demonſtraret, ambos quidem Cæſares, ſed ſolum Gallum Auguſtum fuiſſe.*

VIII.

His porro eruditiffimè in medium productis Ill. *Spanhemius* numum mox ſubdit *Juliani*, qui omnia hætenus aſſerta prima quidem fronte penitus convellere videtur: ſiquidem eum cum Diademate, nihilo ſecius autem cum titulo Nobiliſſimi Cæſaris ſiſtit. Mox verò doctiſſimè animadvertit Vir idem Ill. eruique è numi Aversa, in qua deſcripta ſunt Quinquennalia prima Principatus *Juliani*, hunc numum percuiſſum eſſe, cum, *Ammiano Marcellino* teſte, *Julianus* paulo antè a militibus Auguſtus jam eſſet acclamatus. Ut ergo talem ſe gereret, diadema geſtat in numo: cum tamen adhuc viveret *Constantius* Imperator, qui cum Cæſarem dixerat, Auguſti vocabulo reverentiæ cauſâ abſtinens, Cæſarem duntaxat Nobiliſſimum ſcribi ſe voluit.

IX.

*Ammian.
Marcellin.
L. XXI. p. I.*

Adhuc itaque tenet Sententia prior, à tempore *M. Constantini* Diadema ſupremi Auguſtiſque ſaltigii notam fuiſſe, atque inſigne: filiis tamen & propinquis, cum Cæſares dicerentur, ab ipſo *Constantino*, & ſequentibus Auguſtis, conceſſum eſſe quandoque Diadema, ſed vile, non gemmatum, eoque tenore, ut eo non ſemper uterentur. Vile illud fuiſſe ſatis liquet ex hoc ſolo *Ammiani* ſuprà laudati loco, ubi de *Juliano* Quinquennalia Auguſtus jam edidit, & ambitioſo Diademate utebatur, lapidum fulgore diſtincto: cum inter exordia principatus adſumti vili corona circumdatus erat, *Xyſtarcho* ſimilis purpurato. Non ſempet Cæſares diadema, licèt indultum ſibi, geſtaſſe, numi eorum produnt, qui vel nuda vel laureata demum capita oſtendunt, quamvis & in aliis eos videas, pari cum Auguſtis diademate inſignes, licèt Cæſares ſolummodo ſcribantur. Arguere propè mihi liceat, incuriam quoque ſive licentiam Monetariorum ſapè ſæpius etiam hic interveniſſe.

X.

PUB. Documento eſſe mihi poſſunt, quos æreos teneo & minutos, numuli *Criſpi*. Unus quippe eorum armatum eum ſiſtit, cum clypeo & hafta, ac capite taureato, alter cum diademate gemmato: utriuſque porro eadem Legenda. FL. avius. JUL. ius. CRISPUS NOB. iliſſimus. CÆS. ar. TULL. Fuit hic primogenitus *Constantini M.* filius, necdum Principis, ex *Minervina* conjuge prima: Rebus bellicis contra Gallos & Allemannos geſtis clariſſimus, populo in amoribus ſummis, Patrum ac Reipublicæ ſpes. Sed noverca *Fauſta*, ejus metuens virtutem, ne filiis ſuis præferri eum contingeret, ſollicitatæ conjugalis fidei maniſeſto

festo eundem mendacio detulit Augustum apud Parentem: qui nimium credulus, ingenti cum omnium luctu, mortem ei decrevit, non longè pòst ipse leprà à DEO multatus; Fausta verò in balneo calumniæ hujus causâ exulta est.

DIALOGUS XI.

De

Numis Filiorum, & Agnatorum Constantini M. ad usque JOVIANUM.

PUBLIUS.

PLures adhuc nihil supersunt Numuli magna nominum Cognatione, in quibus aberrare tironi pronum esse formido. TULL. Ii nempe, qui filios *Constantini M.* discretionem non adeo magna oculis tuis subjiçunt. Tres illi numero fuere, eidem nati ex altera conjugæ sua *Flav. Maximæ, Faustæ*, prava atque superba muliere, *Constantinus* nimirum, *Constans*, atque *Constantius*. In hos Pater omne Imperium tribuit, *Constantino* Europam trans Alpes, *Constanti* Italiam, Illyricum, Græciam, & Africam, *Constantio* denique Orientem assignans. Sed *Constantinus*, bello alias fortissimus, bonique. Principis initio speciem præbens, superbiit brevi, & ambitu quietudinem pessumdante, fratris *Constantis* ditiones invasit, vincente ubique exercitu suo, donec Aquilejam usque penetraret. Ibi verò, collatis infelicitè signis, in fuga insidiis circumventus, neque agnitus à militibus, equò deiecitur, humique confossus, in *Alsam* fluvium projectus est, An. imp. 3. Chr. 339. ætat. 25.

Mox victor *Constans* occisi fratris provincias usurpavit: quæ imperii amplitudo ad ignaviam eum deflexit, fecitque, ut sui securus, in delicias quidem profusus, in milites parcus esset. Quare hi animis ab eo aversi, *Magnentio* ansam præbuere Tyrannidis affectandæ: qui, cum *Constante* congressus, eum fugavit, & inertia causa per Ducem *Gaizonem* ad *Helenam* oppidum occidi curavit, A. 350. imp. 13. ætat. 31.

Solus jam post fratres *Constantius* superstes, movit in *Magnentium*,

K 3

cum

III.

cum quo semel & iterum atrocitate tanta pugnavit, ut præstantissimus Romanæ militiæ flos utraque ex parte concideret: postremo tandem hunc tyrannum penitus contrivit, ut in fugam actus, ipse sibi vitam eriperet. Quare Orientis simul & Occidentis Dominus, veluti Pater, postquam *Vetricanionem* pariter atque *Sylvanum* æmulos deiecit, & in Sarmatas pugnavit feliciter, ivit in Persas: ibi verò minori egit fortuna, sed & victorias abruptit metu *Juliani*, quem, Alemannico bello clarissimum, milites jamjam Augustum salutavere. Contra eum ergo festinans, in itinere melancholia correptus, in febrem incidit, ex qua ad Tauri montis radices apud Mopsocrenen, in Cilicia, obiit An. 361. imp. 24. ætat. 45. postquam Arianis plurimum favens, ingentia in Ecclesiam mala induxisset.

IV.

Tab. III.
Num. II.
III. IV.

PUB. Singulorum è pluribus apud me numulis talem ubique, quem pingeres, seligisti, qui peculiare quidpiam habeat: maximè diadematum alia semper est forma. *Constantini* quidem numus, gemino unionum versu seorsim fluente, caput ejus incingit, habetque epigraphen: **CONSTANTINUS JUN. ior. NOR. ilissimus. C. asar.** Addita vox *Junior*, quæ filium à Patre secerneret. In numo *Constantis* video diadema duplici pariter ordine gemmarum constructum, sed ita connexo, ut fasciam unam conficiat. Legenda est: **FL. avin. JUL. ii. CONSTANTIS BEA. tissimi. C. asaris.** Hic casus gignendi, ac Beatissimi elogium peculiaris sunt. Tandem *Constantii* numus ejusdem Protomen sinit, i. e. caput cum humeris usque ad pectus in lauro, cui gemmæ insertæ, ut dextra elatâ globum, imperii symbolum, præ se fert, quoniam sibi illustri certamine eoque multiplici à pluribus æmulis Occidentem vindicavit. Elogia sunt: **D. ominus. N. oster. CONSTANTIUS P. ius. AUG. ustus.** Ponè collum litera **A.** & reliquis quidem grandior appositum novum mihi ænigma est. **TULL.** Eandem vel monetarii signum, aut urbis, in qua cusus est numus, indicem esse interim existima, puta Antiochiæ, Alexandriæ, Aquileæ, &c. cum hujusmodi solita aliàs signa percussione in Aversa minimè compareant, donec à clariore quopiam magistro melius doceare. Est tibi alius *Constantii* numus, qui loco eodem sitūque non **A.** sed **N.** literam exhibet, & *Nicomediam* fortè designat. Diadematum tam variam formam quod attinet, in sequentibus hujus Tabulæ numis aliam iterum aliamque contuebere, artificum nimirum ingenio, qui pretiosa hæc cimelia conflaverant, elegantius semper atque splendidius confectam & à Monetariis æmula manu expressam.

V.

PUB. Neque *Magnentii* careo numis, qui cum in diademate sistunt, his cum elogiis: **D. ominus. N. oster. MAGNENTIUS P. ius. F. elix. AUG. ustus.** **TULL.** Erat natione Gallus, bello inclitus ac Comes Or-

dinum

dinum, *Constantis* ignavia animatus, ut, militum subnixus favore, diadema fumeret, ac Mediolanum Romamque profectus, Italiam cædibus compleret. *Constante* Imperatore per *Gaizonem* Ducem occiso, *Constantio*, fratrem ulturo, acerrimè restitit, fortissimis copiis hinc & indemiserè, maximoque numero cadentibus. Postremum verò succumbens, fugam arripuit, cumque ira totus infremeret, in rabiem actus, proximos quosque sauciavit, donec suum iple jugulum peteret. Fratrem habuit *Decentium*, à se Cæsarem dictum, atque Mediolano Galliisque præfectum, qui, cum in Gallias transiret, & Alpes defenderet, morte fratris sibi nuntiata, laqueo pariter vitam sibi finivit. PUB. Ethunc quoque capite nudo minuto in numulo cerno cum titulo: D.ominus. N.oster. DECENTIUS FORTISS.imus. CÆsar. TULL. Fuit porro utrisque tertius adhuc frater *Desiderius*, pariter Cæsar: quem *Magnentius* in furorem versus gravi vulnere læsit. Convaluit tamen, & supplex *Constantio* factus, vitæ gratiam cum venia consecutus est.

PUB. Ajebas supra, *Constantium* alios adhuc Tyrannos dejecisse: qui illi? TULL. *Vetricio* primus, seu *Britannio*, è magistro cohortium Augustus à militibus dictus, homo simplex & rectus, à *Constantio* circumventus, à suis desertus, præsidium reperit in simplicitate, qua ad Victorem accessit. Nihil enim *Constantius* nisi diadema ab eo reposcens, in gratiam eum recepit, multisque beneficiis ornavit. Haud paulò infelicior alter, quem *Potentianum* alii, alii *Nepotianum* dicunt, *Constantini M.* è sorore Eutropia nepotem. Is Romæ Augustum se dicens, post dies duntaxat 28. ab Heraclida, aliis Aniceto, perfido è *Magnentii* fautoribus viro, ad sibi colloquendum inductus, obtruncatus est. Tertius *Sylvanus* è Gallia oriundus, à *Constantio* in Galliam missus adversum Germanos, *Colonie* imperium sumsit, cogentibus ferè militibus, & ab ipsis facto tumultu iterum occisus. In hæc tempora Cl. *Bandurio* insuper *Saturninus* Tyrannus tribui debere videtur, quem numus quispiam redhibet, omnes tamen ferè silent Authores.

Hos præter *Constantius* formidabat cognatorum suorum complures. Primo: *Delmatium*, natum ex fratre *Constantini M.* *Delmatio*, aut juxta alios, *Hannibaliano*. Cæsar dictus A. 335. Thraciam, Macedoniam, aliasque provincias sortitus est: sed militari factione, cui *Constantius*, nisi favit, certè non obstitit, in Oriente sublatu est. PUB. Teneo ejusdem numum, ubi lauro incinctus hæc nomina habet: FLAV. DELMATIUS NOB.ilissimus. CÆsar. TULL. Secundò: *Hannibalianum*, prioris fratrem, Nobilissimi præconio æque insignitum, & Regem insuper Regum, Gentiumque Ponticarum appellatum, Quare in numo ejus apud

VI.

VII.

apud *Patarolium* circa caput quidem nudum legitur: *FL. avio. CL. audio. HANNIBALIANO REGI.* Artibus tamen *Constantii* periisse pariter putatur. Tertiò. *Constantium Gallum*, denuo *Constantini M.* ex fratre *Constantio* nepotem, *Cæsarem* dictum *A. 351.* & *Orienti* regendo relictum, cum *Imp. Constantius* adversus *Magneptium* tenderet. Delatus verò, quod crudeliter multa atque ferociter egerit, ab Imperatore velut ad consultandum accitus, capi iussus est à *Prætorianis*, & revinctis post terga manibus, capite multatus est. *A. 354.* Clarissimor. *PP. Harduini*, atque *Genebrierii* sententiâ delectus in numis, *Constantii* nomine insignitis, habendus est: siquidem aliqui ex his huic *Constantio Gallo* potiùs, quam Imperatori *Constantio* tribuendi eis videntur, præter aliorum opinionem. Quem verò *Eruditiss. Patarolius* exhibet, *Galli* cognomen perspicuè additum habet: quod in reliquis etiam factum meritò opinari licet, cum minimè mihi persuadeam, *Patarolium* dedita operâ fallere voluisse.

VIII.

Supereſt porrò *Flav. Claud. Julianus*, mox dicti *Constantii Galli* frater, eiusque in locum ab *Imp. Constantio Cæsar* appellatus. Juvenis erat incompositis moribus, annuens oculis, manibus loquens, terens pede: gravibus proinde viris atque prudentibus incompositi animi sui pessima præſagia edere viſus. Educatus inter Monachos, & fidei Sacris probè imbutus, pietatem, quam animo ejurabat, callidè tamen foris simulavit. Adverſus barbaros in Gallias miſſus, unde quaque eos vicit, atque compeſcuit. Tum à militibus Augustus acclamatus, obtulit Imperatori *Constantio*, Augusti nomine, si ita placeret, abſtinere ſe velle, ac ſufficere ſibi, Cæsarem dici. A morte *Constantii*, quam is metu *Juliani* oppetiit, hic tumbam in funere inſecutus, poſito id diademate egit, gratidinem ſimulans, animùmque ab omni demum ambitu alienum. Rerum verò potitus, ovem, qua lupum contexerat, ſubito ponens, fidem deſeruit, ad idololatriam reverſus. Tempſa deorum aperuit, Pontificis Maximi & nomen & munus ſuſcepit. Catholicos Ariandſque conceptis mirisque fraudibus ſeſe inter collitit: juventutem à literis ſcholiſque prohibuit: Judæis impenſè favit, & facultate illis, atque ſumtibus maximis præbitis, ut excitare Jeruſolymam poſſent, cœlo tamen invitò, cum diei cujuſlibet labores noctu iterum iterumque conciderent. Augria crudelia exercuit, non pecorum duntaxat, ſed & hominum occiſorum extra rimatus. In Perſas primùm feliciter movens, deinde a perfido viarum ductore unacum exercitu horridum in deſertum perductus, ac hoſtibus incinctus, cum vi tandem ſibi viam patefacere occiperet, inopino telo, quod, unde demum advolaverit, nemini notum, tranſfixus, manum ſaucio lateri intulit, pugnòque ſanguinem in cœlum excutiens, hac cum voce expiravit: *Viciſti Galilæe!* ſic Chriſtum blaſphemans. Id quod acci-

accidit sub An. Ætat. suæ 31. imp. 2. Chr. 363. Cognomen Apostatæ in historiis tulit, sive, quod eodem recidit, Parabatæ apud *Suidam*.

PUB. Impium hoc caput, nudum quidem apud me minutissimus numulus refert, cum epigraphe: D.*omino*. N.*ostro*. JULIANO NOB. *ilissimo*. CÆS *ari*. In aliis verò barbatum, ac diademate revinctum apparet cum titulis: D N. FL. CL. JULIANUS P. F. AUG. TULL. Pereunte *Juliano* exercitus sic, ut audieras, vada inter & saxa constitutus, *Flav. Jovianum*, aliis Jovinianum dictum, Augustum acclamavit, nullo tamen pacto adducendum, ut imperare vellet, priusquam omnes se milites sacramento Christianam ad fidem obligassent. Princeps erat pius, Religionis incontaminatæ, cultor literarum, pacis quàm belli amantior. Quare cum Persis etiam pacem sancivit, detrimento tamen non modico publicæ Rei ob tantas quidem temporis illius angustias, finibus Romanis multum sanè imminutis: quapropter convitia plurima tulit. Rediens in oppido Dadasthana, Galatiam inter atque Bithyniam sito, fulgonis in tugurio noctem acturus, prunarum noxio vapore extinctus scribitur, nisi malevoli cujuspiam artibus damnum perpeßus sit, imp. mense 8. vo. PUB. Gemini ejusdem, quos teneo, numi, nomen si mutes, numo *Juliani* persimiles sunt. TULL. Atqui eosdem *Patarol* non obvios scribit, cum omnium hactenus recensitorum numi, Tyrannos si demas, communes sint.

IX.

DIALOGUS XII.

De

Numis VALENTINIANI, & subsequentium usque ad ARCADIIUM & HONORIUM.

PUBLIUS.

IAm Numorum meorum, qui Augustos quidem referunt, in limine statamus, receptissimo, ut in *Exercit. Proëm.* docueras, quamplurimum more, qui Cimelia sua cum *Arcadio* atque *Honorio* claudunt. TULL. Hæc tu ita accipias velim, ut suum cuique palatum per te integrum sit; neque enim defunt Cl. Viri, in quibus celeberrimus *Du Cange*

I.

L

suis

suis in *Familiis Byzantinis* chorum ducit, qui ad usque Orientalium Imp. Constantinopoli sedentium finem decurrentes, eorum quoque numos ingenti cura collectos, accuratis typis exscripserant, & eruditissimis animadversionibus exposuerunt. Nos limite nostro contineamur, qui Rudimenta solummodo Rei Numariæ, ludumque Tyronum aggressi sumus.

II.

PUB. Qui itaque apud me proximè cubant, *Valentiniani* numulos atque *Valentis* arripio. TULL. Fratres illi germani fuere, patre Gratiano, Pannone, viro tam robusto, ut funem portanti quinque milites è fortissimis eundem eripere nequirent: quapropter Funarii cognomen indeptus est. Filiorum autem dispar omnino conditio fuit. *Valentinianus* quippe, quem milites *Joviano* Successorem Augustum dedere, bonus erat, & pura religione: unde & aula *Juliani* Apostatae olim excessit. Bellica præterea fortitudine claruit, eloquio erat disertus, sed in iracundiam proclivis. Alemannos, Francos, Saxones, Britannos egregiè vicit: in Sarmatas porro movens, Quados ad pacem rogandam coëgit, Legatorum tamen, quos ii submiserant, proterviâ commotus, ita excaudit, ut subita morte interiret, A. 376. Ætat. 55. imp. 12. *Valens*, quem frater mox imperii Collegam assumserat, & Orienti præfecit, falsus animi fuit atque crudelis, insuper Arianus, Judaeis ampliùs ac paganis, quam domesticis fidei favit. Contra eum Procopius Tyrannus Constantinopoli insurrexit: sed à suis captus, atque Imperatori extraditus est, qui eum discerpi, proditores verò pariter occidi mandavit. Cum Persis Gothisque ancipiti primò Marte congressus, à posterioribus deinde victus atque fugatus, una cum vili, quò sese receperat, tuguriolo fertur exustus, A. 379. Æt. 50. imper. post fratrem 3. PUB. Ambo in numis suis diademate ornati comparent, primusque scribitur: D. N. VALENTINIANUS P. F. AUG. Alter: D. N. FL. *avins*, JUL. *ius* VALENS P. F. AUG.

III.

TULL. Fuere *Valentiniano* gemini filii, natu major quidem *Gratianus* è conjuge prima *Severa* Catholica, minor *Valentinianus* è conjuge altera *Justina*, muliere Ariana. Priorem pater Cæsarem dixit atque Augustum, Principem pium, humanum, liberalem, qui Orientem à morte *Valentis* regendum commisit *Theodosio*, Duci fortissimo, eumque imperii Consortem adlegit. Occidentem ipse rex cum fratre, etsi nondum adulto. Alemanos & Saxones, Christo confidens, acerrimo prælio vicit: sed cum inde sui securior negligentius ageret, barbarosque Romanis præferret, *Flav. Magnus Maximus* tyrannidem arripiens, eidem prævaluit, ultrò ad æmulum deficiente exercitu suo. Quare Imperator ab Androgatio

gatio, Præfecto *Maximi*, occisus est, A. 372. Ætat. 29. imp. 5. Relicti abinde *Valentiniani* tutelam suscepit *Theodosius*, qui, *Maximo* ad Sisciam victo, Aquilejæ capto, & una cum filio *Victore* per milites occiso, parvulo Augusto utrūque imperium asseruit. Hic verò Ariano dogmate à matre corruptus, Catholicis dirus fuit, & in his præcipuè S. Ambrosio, Episcopo Mediolanensi. Vindictam sumsit Arbogastus, quem Comitibus dignitate ornaverant, ea tamen usque adeò abusum, ut ipsi Augusto moderatus, eum tandem occiderit, A. 379. Ætat. 26. imp. 16. PUB. *Gratianum* teneo, diademate fulgentem, & circum lego: D. N. GRATIANUS P. F. AVG, *Valentiniani* numus eum cum galea sistit, diademate coronata, telo insuper ac clypeo. Legenda: D. N. VALENTINIANUS JUN. ior. AUG. *ustus*. Sed neque *Maximi* Tyranni moneat destitutor, cui diadema gerenti titulus: D. N. FL. *avius*. MAG. *nus*. MAXIMUS P. F. AUG. *ustus*. At verò *Victoris* numum nullum reperio, TULL. Nempe rari sunt illi, & neque *Maximi* nimis frequentes.

PUB. Ad *Theodosium* itaque ordo vertit, cui Magni cognomen addi persæpè audiui. TULL. Haud equidem immeritò fert. Clarissimis quippe parentibus Honorio atque Thermantia Italicæ in Hispania natus, bello inclitus, lapsurum jamjam Occidentem sustentavit, Tyrannis *Maximo*, *Eugenio*, & *Arbogasto*, non sine discrimine confectis. Post *Valentinianum* juniorem imperans, Romæ triumphavit, oppressæ per Gothos Reipublicæ restitutor, hostium terror, ac columnen imperii. Princeps præterea bonus erat, Religioni sancte addictus, justitiæ tenax: qui si peccaverat, Thessalonice indomito iræ impetu septem civium millia trucidans, Mediolani tamen D. Ambrosii sanctam Authoritatem reveritus, Christianæ pœnitentiæ inauditum Principibus omnibus spectaculum edidit, atque exemplum, quantum reverentiæ ipsa etiam Purpura Sacrosanctæ Christi Ecclesiæ debeat. Obiit ex hydropisi Mediolani, A. 395. æt. forte 60. imper. 16. PUB. Is, quem tu pinxisti è pluribus, numus ejusdem, solus atque unicus est, qui circa caput diademate clarum sic habet: D. *omni* *nus*. N. *oster*. FL. *avius*. THEODOSIVS PP. AVG. An P. *ater*. P. *atriæ* legam? TVLL. Minimè, sed *Per Petrus*: quamquam *Patarol* existimet, Tab. III. non incongruum fore, si quis P. *ius* P. *erpetuus* legere mallet. Num. V ipsa litera P, hic geminata in hoc numulo tuo, ut clarissime cernis, neque cæteris *Theodosii*, nec aliorum hujus temporis numis apud te addita, ferè peculiaris est. Monet tamen Ill. *Spanhemius*, consonare hoc elogium *Spanhem.* solemnibus illis apud Quirites acclamandi formulis: *Dii te servent! Dii T. II. p. te perpetuent!* jamque in *Traiani* quopiam numo legi: AVG. *ustus*, 383. PERP. *etius*. uti & in numis *Alexandri Severi*, ac *Probi*, *Constantii* quoque,

qui natu minimus erat *Constantini M.* filius, in *Leonis* deinde utriusque, *Anthemii*, *Phocæ* &c. Sed & in plurium numis videri *Romam Perpetuam Augusti*, *Perpetuitatem Augusti*: immo & *Julianum* scribi *Semper Augustum*: quod quidem elogium nostris etiamnum Caesaribus placet.

V.

Tab. III.
Num. VI.
& VII.

PUB. Nos ad *Arcadium* & *Honorium* progrediamur, iterum à te pictos. Prioris numus æreus, inter parvos mediæ formæ, Protomen ejus sistit, cum Diademate, telo præterea, & arcu, quasi sagittam emissuri: desuper manus protensa capiti ejus laurum imponit. Hæc sanè singularia sunt. Legenda: D. N. FL. *avins*, ARCADIVS P. F. AUG. Alter, quod pariter novum, *Honorium* integra facie sistit, armatum & galeâ rectum, quam Diadema circumdat cum titulo: D. N. HONORIUS P. F. AUG. Dextra telum humero imponit, lævâ clypeum gerit.

VI.

TULL. Ambo videlicet fratres erant, *Theodosii M.* filii minorennes: quorum natu majori *Arcadio* Orientem regendum, & *Rufinum* tutorem legabat, *Honorio* Occidentem sub *Stilicone* tutore. *Rufinus* porro, fide pupilli posthabita, *Alaricum* Gothorum ducem in *Arcadium* incitavit, qui provincias plurimas miserè populatus, per exercitum, quem *Stilico* Orienti suppetias misit sub Duce *Gaina*, contritus est, atque disiectus, moxque *Rufinus* pariter occisus. Ita suo tempore *Eutropio* quoque *Gildoni*, atque *Gainæ* acciderat, qui omnes tyrannidem affectarant. Erat itaque *Arcadius* quam bonus, tam infelix Princeps, in D. *Chrysostomum* insuper, nequitia *Eudoxiæ* conjugis, plurimum acerbus. Obiit *Byzantii* An. 408. ætat. 31. imper. 13.

VII.

S. *Prosp.*
Aquit. de
Promiss.
DELL. III.
c. 34.

Refert autem D. *Prosp. Aquitanicus*, confugisse aliquando ad *Arcadium* Armenos Christianos, ut Persarum tyrannidem evaderent: quos cum Persæ repeterent, *Arcadium* in eos pauperum causâ movisse, jamque ingruente conflictu æreas cruces in vestibibus militum comparuisse, indeque luculentam Augusti victoriam consecutam esse. Quam ut æterna memoria consecraret *Arcadius*, numos percuti jussisse, qui crucem referrent. Horum è numero & tuus hic numus est, in quo manus desuper protensa Augustum lauro coronat, victoriæ cælicus collatæ perpetua testis. Aversa in parte stat Imperator cum labaro in dextra, cui Christi monogramma, quod ex P græco & X. transverso conjunctum, Crucis insuper figura est, impositum: sinistrâ elatâ victoriam sustentat, quæ laurum eidem imponit: humi captivus ad pedes procumbit. *Prosp.* quidem hos numos aureos scribit, & in Asia vulgò circumlatos: nihil verò impedit ære eosdem pariter excusos fuisse.

VIII.

PUB. An porro *Honorius* æquiori fortuna est usus? TULL. Immo iniquiore. Cum enim negligens esset, ignavus, bellicisque à rebus penitus

tutis

tus alienus, *Stilico*, quem imperii cupido non minùs ac *Rufinum* incesse-
rat, eundem, quem priùs vicerat, *Alaricum* pellexit in Occidentem: qui
perfidiam Romanorum detestatus, venit, sed exercitus Romanos abs-
que discrimine acerrimè undique cædens, Romam cepit An. 409. & pau-
lò mihiùs habuit, ac Romani quondam sub Tito Jerosolymam: solis
Ecclesiis Barbarus illa vice pepercit. Abinde *Honorius* non *Stiliconem* mo-
dò, sed & filium ejus *Eucharium*, qui imperium animo jam præceperat,
è medio sustulit. *Alaricus* Romæ Attalum præfecit, ipse in Siciliam na-
vigaturus obiit: cui Ataulphus succedens, miseram urbem denuo popu-
latus est, ac sororem *Honorii*, cui *Galle Placidie* nomen, captam, deinde
conjugem duxit. Interea Alani, Vandali, ac Suevi, Gallias primùm,
mox & Hispaniam undique populati sunt: quibus obviam Ataulphus
festinans (nam Hispaniam Gothi tenuerant:) in itinere ex insidiis pe-
riit. Successor Wallia fœdus pepigit cum Romanis, Attalum præterea
Honorio tradidit, atque *Placidiam* restituit, pollicitus, pugnare se velle in
Alanos, sed Romanis vincere. Erant porrò *Honorio* strenui admodùm
Duces, quorum princeps *Constantius* quidam *Placidiam* accepit conjugem,
Caesar dictus, & imperii consors, brevi tamen defunctus. Hujus insi-
gni fortitudine, aliorumque præterea virtute, *Honorius* complures tyran-
nos debellavit, triumpho eapropter splendissimò Romæ inuestus. Go-
this tamen Gallias infestantibus, loca multa, quæ habitarent, concede-
re debuit. Rei Catholicæ adversùm hæreticos plurimùm profuit: tan-
dem ex aqua intercute obiit Ravennæ, An. 423. æt. 39. imp. 28.

PUB. Nunc tandem labore iterum eximio defunctus es, Honoran-
de Tulli, in tot Numorum *Adversis*, titulos quod attinet, capitumque
ornamenta, me tam disertè erudiens, ut pronum mihi jam sit, omnes
propè numos in hac quidem parte nullo ferè negotio recensere. Præ-
terea verò gratissimo quoque compendio Romani Imperii historiam qua-
tuor ultra secula enarrasti. Hæc singula porro ad meas tu preces, com-
modo meo, mei amore. Immensa profectò mihi debita cumulas, nullo
ære diluenda. Sed Artium hic est, atque Literarum bonarum mitissimus
genius, apud eos certè, quorum solidæ eruditioni vitia sueum non faciunt,
ut sibi non tam discant, quàm aliis, jugibusque vigiliis tandem adepta
aliorum in manus ultro ac libentissimè tradant. Hos inter ipsa bonitas
tua, belleque docendi contentio, perpetuam tibi lauream necet.

TULL. Habes quidem, optime Publi, è plurium seculorum histo-
ria tenues stillas, habes in titulos Imperatorum, & capitum ornamen-
ta breves expositiones: mihi verò illas non debes, sed summis illis at-
que Clarissimis Viris, unde hæc omnia tibi congeffi. Illos, subinde te

IX.

X.

coram laudatos, cum olim adultior factus adieris ipse, maria doctrinae omnigenaeque eruditionis eos affundere attonitus sanè miraberis, atque tum demum intelliges, rudimenta duntaxat tenuia esse, quæ nunc à me hauris. Parvus nimirum in parvulis, sive tironibus, sensus est, quibus omnia nova facile magna sunt. Velim itaque, amantissimi officii loco id mihi redhibeas, ut adolescens aliquando in hac arte Numaria, & fortè jam sapiens ultra magistrum, quæ modò miraris, deinde non spernas.

XI.

PUB. Parce his talibus, obsecro: quid æquiùs tandem, quàm ut meo me modulo undique metiaris? Super est verò, quod orem. Sunt mihi etiamnum Numi nonnulli sequentium Augustorum, à prioribus admodum diversi, mihiq; magnopere obscuri: tua porro Tabula III. formula adhuc plurima vacua habet. Quæso te, ea comple, ut & in his me erudias. TULL. Nôsti, Augustas nobis, & Augustorum Agnatos superesse, quibus hic locus relictus est. Quia tamen sic postulas, sequenti Dialogo nonnihil saltem oblectare te volo. PUB. Mel quidem & ambrosiam mihi loquëris.

DIALOGUS XIII.

De

Numis LEONIS, JUSTINI junioris, atque PHOCAE.

TULLIUS.

I.
Tab. III.
Num.
VII,

Multos inter, qui tibi supersunt, ævi ferè postremi impolitæ omninò fabricæ, numos tres solummodo deligo, exemplum tibi præbituros, quomodo reliquos vestiges. PUB. Ad primum jam oppidò hæreo. Qui enim ibi toto pectore visitur Imperator, vultu integro, mitram veluti gestat, humili acumine, cui Crux insidet, & quæ gemmarum ornatu diadema quodammodo referat. Purpura & ipsa unionibûs dives, dextro humero fibulam habet, è qua fila gemmis gravia dependent: lævâ, quam solam ostendit, quod nescio tenet bacile, sceptri forsitan subiens locum. Inconciennè autem facta sunt omnia. *Legendam* crux præit: literæ, cum verba sint graeca, latinæ quidem, sed formæ peregrinæ ac barbaræ, quas sic trepi-

trepidè lego : † LEON BASILEUS ROM.*con.* TULL. Majores tandem animos sume : rectè legisti. Novum autem, quod *Leoni*, nec verò illi tantum, placuerat elogium, animadverte.

Primùm cum Græcus natione, & factione *Asparis* Successor *Avito* datus Leo, Princeps esset religioni apprimè deditus, pius, atque devotus, primam laudem in Cruce ponit, ejusque signo Christianum se gloriatur, imitandò nobis omnibùs exemplò. Quia deinde Occidens Gothorum sub tyrannide ita laborabat, ut supremum jam propè spiritum ageret, voluit tamen *Leo* debitum sibi ejusdem imperium hoc saltem nomine vindicare, quòd se *Regem Romanorum* appellaret : hoc namque voces *Basileus Romeon* denotant. Tiaram quod attinet, ac splendidum vestitum cultum, ejus aliam semper, & aliam in cæteris tuis numis observas rationem ac formam, pro libitu sanè Principum, quibus subditus Oriens sat amplas divitias, luxumque gemmarum suffecit. Numi porro sui temporis cultum, quo utebantur Augusti, perspicuè docent. Imperabat autem *Leo* annis ferè 17. Gothi per Duces semel ac iterum clades insignes infligens. Dux tamen *Basiliscus* classè propè totam amisit : quod dedecus anno sequenti *Leo* gloriose reparavit, obiens tandem ex profluvio ventris An. 474.

PUB. Alter, quem pingere tibi placuit, numus æreus medius utraque sui facie unum mihi ænigma est. Qui namque in adversa ponè se confident, senior alter, alter juvenis, vittâ rotundâ non sine gemmis tecti, nimbo insuper in capite cinguntur, qualem sanctis circumdant. Senior dextrâ globum gestat cum cruce imposita, laeva Crucem aliam longam erectam tenet, quam & junior dextra sua sustentat. Legenda est : *Dominus. N.oster. JUSTINUS P.ius. F.elix. AUG.ustus. TULL.* Non alios hic vides, quàm geminos Imperatores, Patrem unum Justinum II, Filium alterum *Tiberium*, imperii consortem. Cætera omnia ornamenta atque insignia, Crux maximè gemina atque nimbi, pietatis sunt reseræ. *Octavius* namque *Caesar*, ut ex *Dial. III.* memineras, rerum jam undique potitus, Augusti elogium nomenque sibi poposcit, quòd sancta vocarent Augusti Patres : ut hoc quidem pacto Majestatem suam, ceu sanctam, summæ omnibus esse debere venerationi innueret. Quò etiam ii respexisse videntur, qui coronam radiis nitentem, quæ initio solis Divis addebatur, viventibus quoque Imperatoribus, cùm florente tum labente imperio, tribuere. Postremi ergo hujus ævi Monarchæ suam æquè majestatem sacratissimam censuerunt : quia tamen Christiani erant, eandem sibi non sua duntaxat assumptione, aut eorum, à quibus imperium acceperant, beneficio, sed DEI solius benignitate ac providentia

II.

III.

Tab. III.
Num. IX.

con-

concessam profitebantur. Quare circulos aureos, quos *nimbos* appellant, capiti suo circumdari volebant, qui & sanctam suam innuerent maiestatem, & gratiæ cælestis in ea conferenda præsentem illapsam: quemadmodum nimbus in Sanctorum quoque capitibus coruscans, nota est Gratiæ, quæ sanctos facit, & Gloriæ, quæ sanctos coronat. Non ergo putes, per nimbum hoc quidem in numo, vel consimilibus pluribus, homines vitæ sanctimonia claros, sed sacratissima Caesarum maiestate conspicuos, designari. Omnis quippe Potestas à DEO est, teste Apostolo atque adeo origine sancta. Id autem se agnoscere palam Imperatores testati sunt, quòd Sceptri locò insuper crucem elegerint, eamque etiam globo, avito imperii Symbolo, imposuerint.

IV.

PUB. Pulchrè jam Nimbi, crucisque mihi ratio liquet: sed, cum *Legenda* solum laudet *Justinum*, sanè *Tiberium* filium assequi non poteram. TULL. Idcirco perpetua Numorum atque Historiæ communio est quibus utrisque ad veritatem invictè adstruendam carere vix possis. Quas namque Historia res gestas enarrat, eas numi, cum re nati, quasi tum primum gererentur, ipsis etiam oculis obijciunt: & cum plurima ejusmodi sint, ut verbis explicari satis non queant, numorum imagines suppetias eunt. Contrà verò quod in Numis angusta ob spatia pingi quidem, sed describi integrè non potuit, proluxa Historiæ capita affatim exponunt. Hanc si consulimus, duos *Justinos* invenimus: quorum prior Orientis imperio præfuit post *Anastasium* ab An. 518. ad An. 527. per annos 9. & pauculos dies. Hujus esse non posse numum hunc tuum præsentem, evincit annus imperii XI. in aversa notatus. Eum in folio nepos ex sorore Magnus ille *Justinianus*, Legum Parens, excepit ab An. 527. ad an. 565. Huic denuò nepos suus successit *Just. nus II.* ad usque annum 578 imperio annis 12. gestò: & hunc demum præsentem in numo intueris. Qui, cum anno adhuc undecimo imperii sui *Tiberium Constantinum*, e Thracia oriundum adoptaret, testem adoptionis cudi volebat hunc numum, qui & se, ac filium suum adoptione novum, throno eodem confidentes, sceptrumque commune gerentes, exhiberet.

V.

PUB. Reconditum mihi numi hujus mysterium referas, ejus *Adversam* exponens: unde gaudio tantò majori de *Aversa* te differentem expecto, quæ mihi non paulò abstrusior est. TULL. Meræ quidem ibi literæ sunt, quæ tamen antea Cl. Viros cura multa confecerant, donec eam, quam modò ferè amplectuntur, sententiam Doctiss. *Jobertus* contra novissimam *Harduini* opinionem mira ingenii dexteritate egregiè tuitus sit: quem quidem nunc faciliè sequor. Volebat nimirum Cl. *Harduinus*, literas singulares, quæ tam frequenter in numis avi in-

infe-

ferioris occurrunt, vel plures numero, vel pauciores, jam disparatæ immo per totas numerorum areas, figuris carentes, magnoperè dispersæ magnitudine præterea inæquales, Tributa duntaxat, aut Vestigalia, si-
ve Dona gratuita designare, quæ à mercatoribus, & quidem Gallis, semel, iterum, tertium, sæpiusque exsoluta sint: ut adeo Numi hujus-
modi non fuerint *monetæ currentes*, sed *signa duntaxat rationis* (vulgè *Rechen-Pfennig*) quæ solis demum mercatoribus deservissent. Eas præterea literas, quamvis conjunctæ forent, initiales tamen solummodo
esse, singula verba constituentes, non item voces abbreviatas. Sic, v. c. dum in numi segmento, i. e. infimo loco, per lineam transversam quasi
refecto, scribitur CON. legendum fore: C. *ivitates* O. *mmes*. N. *arbo-
nenses*. CONST. ita reddendum: C. *ivitarum* O. *mmium*. N. *arbo-
nensium*. S. *ecundæ*. T. *ributum*. CONOB. idem esse, ac. C. *orpus*. O. *mmium*.
N. *egotiatorum*. OB. *tulit*. Et tuo hoc in numo M. magnum media in
area, quod Græcorum computo 40. valet, innuere quadragesimum nu-
mum, & quidem bis exsolutum, quoniam B. infra ponitur, quod Græ-
cis indicat 2. à Civitatibus omnibus Narbonensibus designatis per
CON. infra in Segmento notatum.

Ut porro brevis sim, præcipuus contra novissimam hanc opinio-
nem *Joberti* Achilles est, incredibile sanè videri, cum in omnibus propè ævi inferioris numis hujus modi literæ occurrant, tot *Signa Rationum*,
in usum duntaxat mercatorum proeusa, hodie nullo numero superesse,
omniumque versari in manibus, quos numi delectant: econtra verò
monetas *Quiritum currentes* omnes interiisse, quas tamen tam immensi
populi causâ infinitas propè fuisse necessarium erat. Cæteras quampluri-
mas non infimi ponderis rationes apud ipsum Auctorem diffusius lege.
Antiquæ porro Eruditorum de his literis sententiæ tuendæ hæc jact
fundamenta, omnium Rei quidem Numariæ curiosorum consensu
subnixa.

I. Literas, quæ in numis singulæ sunt, maximè, si punctis divi-
dantur, quod tamen ævo potissimum inferiore à Monetariis ferè neg-
lectum, initiales esse abbreviatas, proinde minimè disiiciendas, si con-
junctæ sensum reddant bonum & congruentem, præcipue, dum voces
hujusmodi aliis atque majoribus in numis integrè scriptæ occurrant. Sic
TR. P. rectè legi *Tribunitia Potestate*, P. F. A. *Pius Felix Augustus*. Si por-
ro è pluribus literis conjunctis vox nulla congrua erui possit, ad magna
duntaxat ingenia pertinere, sensum earum dextere assequi.

II. Familiare in numis esse, ut *Aversa* eorum notas exhibeant,
quibus

VI.

Jobert. Instr.
V. p. m. 128
seqq.

VII.

Idem Instr.
XL. p. 365.
&c.

VIII.

quibus anni imperii apud Principes, urbium nomina, ubi monetæ signatæ fuerant, immo & numerus officinæ monetariæ, unde prodiit numus, pretium tandem monetæ designentur: ita tamen, ut hæc omnia non undique legas simul conjuncta, sed jam imperii annos omisso, jam urbis infimum numi segmentum ferè semper esse destinatum.

IX.

III. Cum florente imperio numi magni semper Asses forent, medii Semisses, parvi Trientes, Quadrantes &c. id quod neminem fugere poterat, usu monetarum quotidiano id liquidò docente, opus tunc non fuisset, peculiaribus notis populum de pretio admonere. Posteaquam verò, collabente imperio, immo jam collapsò, magnæ monetæ oppido rareficerent, minimæ porrò infinita veluti cumulo succederent, illud incommodum natum esse, ut major quæpiam summa numerari non nisi cum fastidio posset, pluresque ejusmodi numuli adeò pusilli digitis frequenter exciderent. Quare rursum grandiores monetæ percussæ, quarum una denis, vicens, sive tricenis, aut etiam quadragenis de genere minimarum æquivaleret: quod certè tam magnopere varium atque diversum earum pretium describi in numis debebat, maximè cum id, pro vario Reipublicæ Augustique Ærarii statu, augescere jam, mox iterum decrescere debuerit.

X.

IV. Tandem promiscuum in numis usum placuisse literarum numeralium græcarum, sive latinarum, majorum præterea, sive minorum: immo utràsq; consultò sanè datæque opera persæpè adhibitas, cùm res planè diversæ eodem in numo forent numerandæ, ut, sive idiomatis, sive magnitudinis, numeralibus in literis disparitas rerum numeratarum diversitati exactiùs responderet, atque omnis demum confusio, facilè alias suboritura, commodius evitaretur. Hæc Doctiss. *Jobertus*

XI.

Progrederer jam ad numum explanandum, nisi græcis in numeris peregrinum te esse ac hospitem nossem. Arabicis modò utimur numeris, atque latinis: utrobique verò plurimùm interest, quo demum stent singuli loco, dextro an sinistro. Sic. XII. si scribas, sive 12. duodecim numeras: mox ut situm mutaveris, scripserisque IIX, legam octo, & per Arabicas notas converlas 21. unum supra viginti intelligam discrimine plurimo. Contrà verò apud Pelasgos cujuslibet literæ numeralis idem omnino est valor, sive dextram teneat, sive sinistram: per me itaque licet, II. scribas, sive II. semper tredecim dicam. Ut porrò vim discas literarum græcarum, quam in computo habent, Tabellam hanc inspice.

I, A.

1. A.	50. N.
2. B.	60. Z.
3. Γ.	70. O.
4. Δ.	80. Π.
5. E.	90. Ϙ. q. 4. Ϙ.
6. Ϙ. vel Ϙ	100. P.
7. Z.	200. Σ. vel C.
8. H.	300. T.
9. Θ.	400. T.
10. I.	500. Φ.
20. K.	600. X.
30. Λ.	700. Ψ.
40. M.	800. Ω.

Quibus addere libet, Græcos anni vocabulum persæpe prorsus omittere, solis numeris positus, vel demum uti voce *Λυσιδαντος*, pro qua scribunt L. latinum, non Λ. græcum, quod, cum aliàs valeat 30. numerum totum facile turbaret: aut vocabulo *ΕΤΟΥΣ*, quod integrum ponunt, vel ET. saltem, sive ETO. ne denuo litera E. quæ 5. numerat, Epochæ officiat.

Atque his demum præmissis, quæ omnia commodo tuo cedere velim, ænigma tandem *Aversa*, omnino ad sensum Doctiss. *Joberti*, nullo jam negotio tibi pandere occipio. Crux loco supremo notata religionis est index, M. litera trabalis in medio græca hic est atque numeralis, indicans, numum hunc tuum majorem 40. minutis æquivalere. B inferius positum rursus numerus græcus est, innuens officinam 2. dam Urbis Constantinopolis, ubi cusus est numus, cujusque nomen infra in segmento initia- li hac syllaba CON. designatum est. Restant à dextris non juxta sed supra se positæ literæ ANNO, & ad lævam XI. quæ undecim conficiunt; ut adeò legere debeas, monetam hanc editam *Anno imperii JUSTINI XI. mo.*

PUB. Nullo propè, fatear enim, me numo tam bellè recreasti: qui continuò sequentis pariter me Oedipum facit. In *Adversa* quippe *Phocam* Imperatorem cerno, mira capitis vitta gemmatâ, cujus acumini Crux insidet, testum, stola præterea Crucis in modum ante pectus cubante ornatum, qui dextrâ elatâ globum, cruce iterum imposita, gestat. *Legenda* est: D. ominus. N. oster. FOCAS PER. petrus. AUG. usus. In *Aversa* rursus sub Cruce 4. XXXX. juxta se posita numerum mihi quadagesimum pandunt; unde hunc numum 40. minutis numulis pen-

XII.

XIII.

Tab. III.

Num. X.

fitatum existimo. Infra syllaba CON. denuo mihi Constantinopolim eloquitur, in qua numus sit cusus, & Δ littera græca adjecta, quæ 4. valet, officinam, è qua prodiit, quartam. TULL. E tripode singula. *Justinum* porro, de quo supra, sequebatur *Tiberius*, quem adoptaverat, quatuor duntaxat non amplius imperans annis. Eundem *Mauritius* in folio excepit, quo in annum 21. confedit, Princeps alioqui pius & fortis, sed avaritia ita correptus, ut in grave DEI judicium incideret, pœnitens autem ac mire patiens, cum, quinque filiis suo in conspectu necatis, ipse quoque trucidaretur: quod miserum fatum conjugem pariter, ac tres insuper filias involvit. Carnifex horum omnium erat hic *Phocas*, qui monetarii ignorantia per F. in numo describitur, à rebellibus militibus Imperator acclamatus, & tyrannidem suam unacum libidine annos 8. exercens. In eum varii Reges, *Mauritii* eadem ulturi, insurrexere: à quibus ad incitas tandem redactus, morte æque terribili periit, A. 610. Sed manum de tabula: pergendum est ad Augustas, optime Publi, quarum tu multas tenes in numis, ego non nisi aliquas pingam, ut earum exemplo ipse in reliquis sapias. PUB. Tuis hæc res mea nutibus stat: mihi, quò demum conduxeris, in dultrie sequi utile juxta atque jucundum experior.

DIALOGUS XIV.

De

Numis quarumdam Augustarum, &
M. AGRIPPÆ.

TULLIUS.

I. **S** I historiam apud te persequi Augustam animo præcepissem, eundem jam mihi per singulas foret Augustas, quo maximo nomine non modò Conjuges suas; sed & Avias, ac Matres, Filias & Neptes præterea, atque Sorores, summi illi Romanorum Monarchæ dignati sunt. Verumtamen, quod toties à me audisti, Tironi tibi Rudimenta duntaxat Rei Numariæ breviter spondeo. Itaque è pluribus, quas argento

argento vel ære signatas possides, Principibus Fœminis aliquas tantum, & illas quidem Dialogo huic postremo, atque Tabulæ meæ III. complendæ selegi, quæ diffiti sunt ab invicem argumenti, & peculiaria quædam, mihi quidem docendi, tibi verò discendi capita suggerent.

Principio quidem animadvertas, cum ipsa Augustorum potestas, jam tum quidem summa, timidè tamen; ut ita dicere fas sit, adhuc procederet, sui nondum omninò secuta, cautè Principes in eudendis Conjugum, sive Filiarum suarum monetis egerunt: quippe qui suos demum vultus, non nisi Senatu largiente, numorum ope in vulgus dederunt. Unde, monente Ill. *Spanhemio*, Magistro nostro, de *Livia* quidem *Drusilla* *Spanhem.* quam *Augustus* quartam Conjugem suam unicè deperibat, numi antè, quàm *T. II. 273.* ab excessu demum *Augusti*, sub *Tiberio* vulgati sunt. Alias verò *Tiberii* cum uxoribus, suis ante principatum divortia (aliter tamen infra de *Vipsania* sentiemus) *Caii* deinde cum Sororibus amorincestus, *Galbæ*, atque *Othonis* cælibatus, *Vitellii* breve imperium, passa non sunt, vultus Conjugum numis consignari. Solus *Claudius* in domum *Augustam* sibi cognatam, hac in parte magnoperè pius, plurimum illius gentis utroque in sexu memoriam per numos restituit. *Nero* pariter vitæ sub finem complures edidit numos, una parte suum quidem vultum habentes, altera verò Imperatorum priorum, subinde & fœminarum principum: cujus causam geminam Cl. *Trifan.* *Trifan.* conjecit. Primum quidem, quia verebatur, ne *T. I. p. 237.* Senatus numos suos, ut antea *Caii Caligulæ*, aboleret, aliterque fundi curaret: à quo proinde eundem, reverentia Augustorum, quos vultui suo sociari curabat, abstertere contendit. Aut verò forsitan, ut memoriam Familiæ *Julia*, quæ in ipso cessaret, mediis hujus modi numis in longius ævum transmitteret.

Et si porrò *Livia* in argento tandem & auro, atque ære radiaret, III. frequentius tamen eam videas Deæ habitu, puta, *Junonis*, aut *Veneris* Genitricis, propositam, quàm nomine suo manifestè adjecto designatam; ne videlicet eorum, qui veteris Reipublicæ *Liberæ* non parvum adhuc gustum habebant, indignatio tacita nimio fomite aleretur, si capita invisa clarè nimis apparerent, neque deitatum arguto quodam velamine populum saltem suspensum tenerent. Interim existimes nolim, in nullo demum numo *Livia* nomen occurrere: ut enim ceteros mittam, meminit Doctiss. *Jobertus* numi cujuspiani, cujus *Adversa* circa vultum fœmineum habet: DIVA LIVIA DIVI AVGVSTI (subaudi) Conjunx. *Jobert.* *Dem. No-* *vat. p. m.* *Aversa* pavonem exhibet, *Junonis* deæ alias symbolum, cum epigraphæ: CONSECratio, S. enatus, C. onfulrò. Cusus est hic numus à 470-

morte ejusdem, quæ accidit An. Urb. DCCLXXXII. cum Divis adscripta jam esset.

IV.

Spanhem. l. c.

Dio. L. LVI.

p. 600.

Jobert. unde supra.

Ejus autem occasione monere te debeo, *Liviæ* causâ sese inter Eru-
ditos haud parùm collidi. Licet namque Ill. *Spanhemius* prolixè demon-
stret, *Augustum* in *Liviam* tantò fuisse affectu, ut eam, quæ conjux sua
erat, adoptaret tandem in filiam, & *Juliam* diceret, maximè sibi, ut
videtur, suffragante *Diane*, disertè scribente: Tum verò consecrantes
AUGUSTUM, sodales illi & sacra, et sacerdotem LIVIAM, quæ jam ante
JULIÆ & AUUGTÆ nomen receperat, decreverunt: nihiloseciùs tamen
Doctiss. *Jobertus* & adoptionem *Liviæ*, & nominis *Julie* assumptionem,
veluti factum penitus absurdum atque indignum, omnino rejicit, calum-
niam inquiens palmarem hoc pacto tam sapienti tam optimo Prin-
cipi *Augusto* impingi. Nititur maximè numo adducto, in quo *Liviæ*,
non *Julie* nomen disertè legitur, quamvis à morte ejusdem pri-
mùm sit cusus. Hunc verò numum neque Ill. *Spanhemius* ignoravit,
scribens, *Æneæ Vico* eundem inspectum, visum tamen esse, tanquam poste-
rioribùs primum temporibus *Alexandri Severi*, aut *Gordiani* fortassis signa-
tum. Nos, optime Publi, liberam cuilibet sententiam suam relinqua-
mus, arbitri non rogati. Habuit *Augustus* filiam à se genitam, *Juliam*,
Tiberio nuptam, sed foeminam impuram. Mulieri huic indignæ tam
præstantes, qui exstant cum nomine *Julie*, numos attribuere nollent
Viri docti complures, libentiùs cum Ill. *Spanhemio* sensere, quos inter
& Cl. *Liebe*, *Julie* ibi nomine *Liviam* foeminam prudentissimam, &
clarissimis virtutibus illustrem, venire, ad quam pertinere non dubi-
tant, quod *Ovidius* cecinit:

Liebe Gotb.

Num. p. 199

Ovid Fast. I.

839.

Utque ego perpetuis olim sacrabor in aris,

Sic AUGUSTA novum JULIA Numen erit.

Sed Doctiss. *Joberto*, nimis, ut dixi, propudiosum videtur, foeminam
eandem à tam multis filiam simul ac conjugem unius *Augusti* existimari,
maxime cum prope absit, quin illam & Matrem mariti confingant, ob
numum quempiam græcum, in quo legitur Mater *Julia Augusta*, & ex
adverso *Cæsar Augustus*: quem Vir hic Eruditus, *Caii Cæsaris* effigiem in
eo agnoscens, *Julie Agrippinæ*, matri *Caii*, attribuit.

V.

Tab. III.

Num. XI.

PUB. Forsitan & hic numus æreus medius, quem primo inter
foeminas loco pinxisti, disceptatione Eruditorum non vacat. Caput in
eo video muliebre, crinibus revinctus, imposito quodam fastigiolo, &
subscripto duntaxat lemmate: SALUS AUGUSTA. Aversa in medio
habet S. enatus C. onsulato. Circùm verò *Tiberii Augusti* solita elogia.

TULL.

TULL. Tutò præsagis : etenim & hic pariter numus, velut & consimillimus alter cum epigraphe JUSTITIA, in diversa cogit Eruditos, suspicantibus nonnullis, in quibus & Cl. *Patinus*, nullam hîc fœminam principem, sed ipsam vel deam *Salutem*, vel virtutem, nimirum *Justitiam*, quarum nomina subscripta, esse signatas, falsi apud *Tiberium* animi, & undique simulantis perspicuas testes : cum & alios numos ediderit cum clypeis votivis, quos aureos in Capitolio dicavit, & MODERATIONI, sive CLEMENTIAE inscripserit. Favere sententiæ huic videri posset locus ille *Suetonii* de *Livia* scribentis, eam non parentem patriæ appellari, non ullum insignem honorem recipere publicè passum esse *Tiberium*. Unde profectò arguere quis posset, neque numorum honorem eidem indulgisse. Verumtamen docti alii & plurimi viri nihilominus his in numis *Liviam* videre existimant, putantque, vel *Tiberium* simulatæ reverentiæ causâ eidem, ut Matri suæ adoptivæ, locum suis in numis concessisse, ut in hac parte se fingeret tanquam filium dicto audientem, quamvis perpetua ac saluberrima ejus monita flocci haberet : vel Senatum, summa fœminæ hujus existimatione permotum, invito etiam Imperatore, debitis eam honoribus prosecutum esse, quam & Sacerdotem Divi Augusti consecravit, atque à morte Divarum in numerum retulit. Quare & Cl. *Grosius* de *Bosè* opinatur, salutem Augustam idem in numero hoc dicere, ac Genium Augustæ consecratæ Salutem esse Reipublicæ. Exstant varii numi, in quibus Dea Vesta sedet cum hasta & patera, nomine nullo ibi descripto, nisi Magistratuum variorum : qua in imagine *Livia* tamen latere non paucis videtur. Sententia verò ista opinione magis, quam veritate ac certitudine nititur.

Patin.
Impp. q. 5.

Sueton. in
Tiber. c. 59.

Grosius de
Bosè Dissert.
de Culm
Salut. Dea
in Elect.
Rei N.
p. 33.

PUB. Quem denuò utrâque sui facie pinxeras, numus apud me Argenteus medius Caput aliud fœmineum refert, æquè cum fastigiolo, sed insuper velatum, cui PIETAS subscribitur. *Aversa* paris omnino vultus fœminam exhibet sedentem, capite iterum velato, & fastigium gerente, medio pectore nudam, reliquo verò omni corpore vestitam, quæ dextra extantâ Palladium gestat, læva hastam puram. Adduntur literæ : SENATUS. C. onsulto. infra scribitur : VESTA. Insuper alterum paris magnitudinis æreum teneo numum, cujus *Adversa* eadem planè cum superiori. *Aversa* autem aream mediam occupant literæ S. C. circum lego : DRUSUS CAESAR TI. berii, AUG. usti, F. ilius. TR. ibunitia, P. otestate, ITER. um.

VI.
Tab. III.
Num. XII

TULL. Perscripsit Vir Eruditus, *Joann. Georg. Eccardus*, Epistolam quandam de Numis explicatâ difficilioribus ad *Gerhard. Abb. Lucens.* editam

VII.

Lips.

Lips. 4. 1722. ubi primo mox loco ambos hos Numos tuos depingit, quorum tamen priorem aureum laudat. Contendit deinde, his numis non *Liviam* esse signatam, ut anteriore in numo, quod denuo multis est visum, sed *Vipsaniam Agrippinam*, majorem illam natu *Marci Agrippæ*, quem infra videbimus, filiam: quam primò duxerat *Tiberius*, suscepto tamen ex ea jam filio *Druso*, cogente *Augusto*, invitus rursus dimittere debuit, hujusque filiam *Juliam* suam in thalamum sumere. Quæ quidem sententia his apud eum fundamentis fulcitur. Caput, inquit, velatum in numo, signatam esse jam Divam Principem arguit, i. e. defunctam: numus porro æreus manifestè clamat, percussas esse has monetas, cum *Drusus* Tribunitiam Potestatem iterum susceperet. Hoc verò, perhibente *Tacito*, factum est, postquam *Drusus* alterum Consulatum gessit cum patre. Unde eum *Tiberius* in literis ad Senatum, quibus *Druso* filio Tribunitiam Potestatem alteram petierat, bis *Consulem* appellat. Iniiit itaque *Drusus* hanc Tribunit. Potest. alteram An. imp. *Tiberii* 10. Chr. 23. juxta Cl. quidem *Pagii* calculum, Eruditis ferè omnibus probatum: quo tempore *Livia* adhuc vixit, quæ An. *Tiberii* 16. primùm decessit: contra verò *Vipsania*, Mater *Drusi*, dudum jam mortua erat, referente iterum *Tacito*, *Colis*, nimirum M. Valer. Messalla, & M. Aurel. Cotta, i. e. An. *Tiberii* 7.

VIII.

Cum præterea fide *Suetonii* liqueat, *Tiberium* non sine magno angore animi missam fecisse *Vipsaniam*, jubente *Augusto*, sublato ex ea jam filio *Druso*, quæ benè ei convenerat, rursusque gravida erat; imò & post divorcium id doluisse, adeò quidem, ut semel eidem obviam factam tumentibus oculis prosequeretur, atque caveri modis omnibus deberet, ne in conspectum ejusdem posthac veniret: e contra verò cum *Julia* nova conjuge, filia *Augusti*, post brevem concordiam mox discedisse, conjugii fide sibi apud eam suspecta, nec moribus congruis, ita, ut etiam perpetuò secubaret: infert *Eccardus*, fallere primò Cl. *Harduinum*, dum scribit, *Drusum* esse *Tiberio* natum ex *Julia*, cum fide veterum auctorum *Vipsaniam* matrem haberet. Deinde verosimillimum videri, cum numi, aureus quoque, quem tenebat Abbas *Lucensis*, & argenteus, quem tu possides, S. C. quod rarum in his metallis, exhibeant, Senatus consulto decretum esse, ut, *Vipsania* jam, mortua, *Tiberio* in tantum dilecta, & filio *Druso* æquè utique in amoribus, his quidem numis honoraretur: ita tamen, ut, cum *Augusta* non fuerit, ejusque alter maritus *Asinius Pollio Gallus* adhuc viveret, proprio nomine non describeretur, sed in *Aversa* compararetur *Vestæ*, siquidem *Livia* adhuc vivens jam esset *Juno* laudata, & *Julia*, *Augusti* filia, *Tiberii* tunc altera conjunx impura, *Veneris* Deæ elogio affecta.

Postremò

Postremo demum Vir eruditus suspicatur, Tiberianæ, aliquid calliditatis latere hic posse: ut videlicet, cum *Vesta* Præses foret Castitatis, hac sub imagine fidem *Vipsaniæ* conjugalem extolleret, *Julia* verò conjugii suæ scelestos amores tacito emblemate exprobraret. Vox porro *Pietas*, quæ in adversa capiti subscribitur, ei videtur non ad *Vipsaniam*, sed *Tiberium* ac *Drusum*, respicere, illosque in Conjugem Matremque pios fidosque prædicare. Hæc satis bellè dicta valeant fide Auctoris. Amplius interim sanè atque jucundius ista erudiunt, quàm sequentia ad æreum hunc *Drusi* numum Cl. Patini verba: *Difficile prorsus conicere, cur deam velatam retrò Drusi numum antiqui signaverint. Quid enim cani cum balneo? aut Druso viro impu-*

IX.

Patin.
Impp. p. 61.

PUB. Tres uno quidem in choro sequenti in numo stare Charites existimare quis possit, qui apud me æreus medius est. Trium principum foeminarum memoriam hoc ære ad posteròs ivisse, facilè capio, dum nomina lego: in cæteris porro omnibus nihil sum. TULL. Quas tu Charites ajebas, digniori longè elogio cum sui similibus dudum *Tertullianus* mactabat, appellans *infelicissimas publicarum libidinum victimas*. Fuere *Caii* Caligulæ sorores, filiæ Germanici Caesaris & Agrippinæ, parentum optimorum, sed à fratre incestis amoribus non clàm verum in omnium oculis dilectæ. *Palmam* ex iis tulit *Drusilla*, priùs jam à se vitiata, *Caligula* viro suo, *Luc. Cassio Longino*, vi abstulit, & conjugis habuit locò: æger deinde bonorum atque imperii scripsit hæredem. Postquam verò ipsa prior decessit, *Divis* eam illico adscripsit, statuam auream eidem decrevit, mulieres per eam jurare mandavit, subq; *Pantheæ* nomine per omnes passim Urbes coli praecepit, velut omnium dearum eminentiâ sublimem. Triadem hanc nefariam auro, & argento, ac ære signavit hic procus incestus, ita quidem, ut ipse in fronte suis cum titulis appareret, ex adverso tres starent Deæ: quarum duæ minoris essent ordinis, atque *Semideæ*, *Constantia* nempè à dextris, columnæ innixa, imago *Agrippinæ*, cujus nomen adscriptum: *Felicitas* à sinistris, remo suo navali conspicua, quo res prosperè dirigit, *Julia* subiens locum, quàm ibi facilè legis. Media porro *Drusillam*, suprà notatam, ob oculos sistens, quæ major esset, immo maxima Dearum, nullo symbolo certo, ut *Pantheam* intelligeres: unde sola pateram exhibet in dextera, vulgatam omnium deorum tesseram, qua iis inter sacra libatum est. Cornucopiæ gestant omnes, typum exuberantis lætitiæ, illius videlicet, quam hauriunt, qui Cypriis se rosis coronant. Infrà typo tam blasphemio literæ S. C. sancti illius Senatus dignam, si superis placet, auctoritatem conciliant.

X.
Tab. III.
Nu. XIII.

*Tertull. de
Cultu fœm.
L. II. c. 12.*

PUB. Magnis jam saltibus, plures, quas teneo, Augustas prætergressus, ad *Sabinam*, *Faustinam* juniorè, *Enneceillam* pingendas properasti, TUL. Nimirum

XI.

quin-

quinque residua nostrarum Exercitationum Partes huic primæ finem modis omnibus imperant. Tuporro his tribus in fœminis, ut nullus apud hunc sexum superbiendi est finis, alium semper & alium pro seculi sui more crinium capitisque ornatum distingue, variamque Legendas breviter & laconicè construendi Quiritum sapientiam adverte.

Tab. III.

Nu. XIV.

PUB. *Sabine*, si è vultu æstimandus sit animus, imperiosæ admodum fœminæ, tiara mirifica est, gemino elegantique fastigiolo elata. *Legenda* porro sic habet: SABINA AUGUSTA HADRIANI AUGUSTI. TULL. Supplere hic debes vocem Conjux vel Uxor. Compendii quippe loco Romani tot fœminas nominis ejusdem, quandoque & gentis, addito solo mariti nomine, brevissimè luculenterque discreverunt. Erat autem *Sabina* tam dura *Hadriano* suo, ut sæpe quidem ille fateretur, missurum se illam, nisi Imperator foret: illa verò vicissim conquesta est, immane se ingenium viri pertulisse, ac noluisse propterea ei cohabitare, ne filium patri similem aliquando parere cogeretur. Tandem servilibus imperiis ita ab *Hadriano* afflicta est, ut mortem sibi ultro conscisceret.

XII.

Tab. III.

Nu. XV.

PUB. Numus *Faustinae* coronæ in modum contortis crinibus in apice gemmea alia corona velut imposita, eam sistit, circum verò lego: FAUSTINAE AUGUSTAE PII AUGUSTI. FILIAE. TULL. Hæc epigraphæ, nisi re vultus juvenis satis admoneret, liquidò docet, *Faustinam* filiam hic laudari, non matrem, quam Imp. *Antoninus Pius* conjugem habuit. Eruditiss. verò *Renuschi*us hariolatur, cum eam Pater *M. Aurelio* adoptato desponsisset, dote imperii adjecta, idè in numis ejusdem non scribi: *Faustina Augusta M. Aurelii Augusti*: sed potiùs: *Faustina Augusta Pii Aug. Filia*: ut nemo non intelligeret, Augustæ dignitatem non à marito, sed patre, in se profectam. Idcirco cum esset fœmina impurissima, *M. Aurelium* admonitum, ut eam repudiaret, amicis reposuisse ferunt: Si illam misero, etiam dotem, i. e. imperium, secum auferet. Huic in aliis numis turpi adulatione *Mairis Castrorum* elogium additum est, quia eam *M. Aurelius* in castris quoque secum circumduxit: cui tres filios, ac totidem filias peperit. Nonnemo tamen somniabat, hac lepida phrasi, veluti occulta quadam amphibologia, prostitutam apud milites ejusdem libidinem suggillatam esse.

*Renuscb. ad
Gemm.
Eberm.
p. 107.*

XIII.

Tab. III.

Nu. XVI.

PUB. Superest in Tabula tua numus *Herenniae Etruscilla*, apud me æreus parvus, crinium flexibus denuò alius: quod vero novum mihi omnino. Lunæ hic caput insistit, circa quod scribitur: HERENNIA ETRUSCILLA AUGUSTA. TULL. Si & hic additum fuisset *Decii Augusti*, tanto tempore non inpegiissent Eruditi, ambigui ob silentium historiæ, cujus uxorem eam credere debeant. Invaluit olim opinio, eam *Decii* Imperatoris filiam, atque *Volusiani* conjugem habendam: donec tandem *Cl. Seguinus* ex
elegant.

eleganti Galliarum Regis numo græco, & alio maximi moduli, Romæ apud PP. Carthusienses asservato, ubi *Decii & Etruscillæ* capita ex adverso sunt posita, perspicuè docuerit, eam non alium quàm *Decium* Imp. maritum habuisse, cui *Herennium* genuit & *Hostilianum*, simul in numi posterioris *adversa* expressos, cum Legenda: PIETAS AUGG.*ustorum*. Hanc autem mulierem *Decio* diu supervixisse, ex alio numo reperit Cl. *Bandurius*. Caput ejus Lunæ impositum nihil admodum novi est, sed in pluribus factum, quod numi non pauci testantur. Principis namque imaginem, velut Dei, statuendam, quod à Diis constitutus, divinæ quodammodo particeps esset ac consors potestatis, veteres existimabant. Augustos proinde Soli, Augustas Lunæ comparantes, sequiori maximè imperio numis Imperatorum saltem in averfa Solem indiderunt, Augustas famulæ Lunæ gestandas imposuere, eique crescenti, arcano fertilitatis emblemate, qua media, nativis successoribus, & domus Augusta, & imperii universi fortuna atque felicitas novis accrescere augmentis sperabatur.

PUB. Colophonem tandem Tabulæ tuæ postremæ imponis numo iterum masculo, quem ex ære medio teneo: Vultum is habet seniculum qua, nescio, coronâ peregrinâ revinctum, cum epigraphe: *M. arcus, AGRIPPA L. uci, F. ilius, COS. ul. III. rium, TULL. Gnaviter singula recenses, Promiseram tibi Exercit. Proæm, Dial. III. Proæm, n. 5. me ad Vultus Augg. appendicis loco addere, præter Augustas, etiam velle, aut sanguine cum Caesaribus, vel amicitia proximè conjunctos. Quoniam verò non modica cum laude tua ita proficis, ut elogia atque titulos circum capita satis dextrè jam legas, & assequaris, laborem mihi in exponendo, pingendoque, tibi verò in auscultando patientiam identidem levas. Non jam amplius hæsitās ad numos v. c. *Neronis Claudii, Drusi, Germanici &c.* quos itaque industriæ tuæ libenter remitto. *Agrippam* tamen, *Augusti* generum, fidissimūque Tutorem, imperii ejus adfertorem præcipuum, omniumque propè victoriarum ejus conscium, & ferè Authorem, Virum proinde clarissimum dissimulare apud te nolui: cujus quippe corona, ut ais, omnino tibi peregrina sine interprete plurimū morari te posset. Aiebant eam *rostratam*, quia è navium rostris constructa, eorum præmium famâ immortale, qui classe navali vicerunt. Id quod *M. Agrippa* in decretoria illa Caesaris *Octavii* cum *M. Antonio* ad *Actium* pugna amplissimè præstitit, hostemq; fortissimum tota propemodum classe multavit, De quo proinde cecinit *Virgilius*:*

Parte alia ventis & dīs AGRIPPA secundis
Arduus agmen agens: cui belli insigne tropæum
Tempora navali fulgens ROSTRATA CORONA,

Virgilius
Æneid.
VIII. 628
&c.

*Flor. Epit.**Liv. c. 29.*

Florus verò perhibet: *M. AGRIPPA navali corona à CAESARE donatus est: quibonōs nemini ante eum habitus est.* Unde tamen tu minimè inferas, à nemine alio ante *Agrippam* classe tam feliciter certatum esse, ut Coronam navalem mereretur, sed quod dudum viderunt Viri docti, eam, quæ *Agrippæ* donata est, coronam peculiari elegantia factam, solitòque illustriorem fuisse. Quamvis enim *Velleii Paterculi* quoque testimonio, Insigne coronæ classicæ (quæ cum navali & rostrata eadem erat) promeruit *Agrippa*, bello illo Actiaco. quo nemo unquam Romanorum donatus erat, voculam tamen quo idem hic esse, ac quali, evincit omnino *Plinius* scribens: *M. Varroni Magnus Pompeius piratico ex bello coronam navalem dedit.* Cæterum eidem *Agrippæ* mox laudatus *Paterculus* splendidissimam sanè hoc insuper elogium tribuit. *M. AGRIPPA virtutis nobilissimæ, labore, vigilia, periculo invictus, parendique, sed uni, scientissimus* (quod sanè paucorum erat, Republica nuper adhuc florente:) aliis sanè imperandi cupidus, & per omnia extra dlationes positus (moras videlicet nocivas non trahens:) consulusque facta conjungens.

*Vell. Pater-**cul. Epit.**Liv. c. 12.**Plin. H. N.**L. XVI. 4.**Patercul.**L. II. c. 79.*

XV.

PUB. Tu *Agrippæ* coronam extollis, ego prædico tuam, hac iterum Exercitatione sanè non inerudita promeritam, quæ multis tenebras discutere, & lucem non minimam affundere poterit. Quæ per multa Virorum Clarissimorum opera longè aliàs latèque dispersa sunt, collecta hic præbes, egregio profectò & temporis & laboris apud multos compendio. Quas igitur dixi jam, cùm *Caesares* finires, hic iterum repeto gratias immortales, *Tulli* Honorande; ibit certè tua per secula fama, vel hoc maximè ex capite, quod *Tironibus* adèò facilis & candidus es, tamque sine invidia tuis eos sudoribus levas. TULL. DEO laudes, si te. optime *Publi*, tuique similes delectare possim, omnibusque prodesse: Viris deinde Clarissimis gloria, quorum ipse ego amplissimis lucubrationibus sapio. Fodere canalem virum probat egregium: haurire aquas currente jam vena exiguum. Si tamen ad fontem consideris, iis, qui longè

sunt, sitim levare non velle, cùm possis,

iniquum.

J. O. G. D.

Index

INDEX PRIOR

Eorum ,

Quorum Numi in hac I. PARTE pin-
guntur, exponuntur, allegantur.

NB.

T. I. I. v. c. legendum : *Tabula prima, Forulo primò.* D. I. I. legendum :
Dialogo primo, numero marginis primo.

A EMILIANI Tiranni munus subleſtus.
D. VIII. 6.

AGRIPPÆ Marci numus in Corona ro-
ſtrata. T. III. 17. D. XIV. 14.

ALEXANDRI Severi numus cum vultu
geminato ob laminam à modulo abſce-
dentem. T. II. 7. D. VII. 7.

ANTONINI Pii numus cum Capite *Au-
relis* Cæſ. in Averſa. T. I. 16. D. VI.
6. - 9.

ARCADII Imp. numus capite diademato,
cui deſuper laurus imponitur. T. III. 6.
D. XII. 5. 7.

AUGUSTI numus cum elogiis: *Divi F. Pat.
Patriæ.* T. I. 2. D. III. 5.

Ejuſdem alter numus cum prænomine
C.aji, & elogiis *Pontificis, Conſulis*, *Au-
guris.* D. III. 5.

AURELIANI numus cum Corona gem-
mata. T. II. 12. D. VIII. 10.

AURELII Marci Imp. numus. T. II. I. D.
VI. 11. 12.

CAJI Caligulæ Imp. numus cum elogiis:
Præſep. Aug. & Germanic. T. I. 4. D.
IV. 6. 7.

Ejuſdem alter numus cum Sororibus ejus,
Agrippina, *Drufilla*, *Julia*, dearum
habitu in Averſa. T. III. 13. D. XIV.
10.

CARACALLÆ numus. T. II. 4. D. VII.
4.

CLAUDII Imp. numus cum *Trib. Pot.* ſine
numero. T. I. 5. D. IV. 9.

CLAUDII II. Gothici numus. T. II. II.
D. VIII. 9.

COMMODI Imp. numus cum pelle leo-
nina in capite, & elogiis *Pii Feiſeis*,
atque *Herculis Romani Aug.* T. II. 2. D.
VI. 13.

CONSTANTINI M. numus cum diade-
mate, & elogio *Maximi Auguſti.* T. III.
I. D. X. 6. - 9.

Ejuſdem alter numus cum elogio *Pontif.
Max.* D. II. 7.

CONSTANTINI Junior. numus. T. III. 2.
D. XI. 4.

CONSTANTINI Imp. numus cum elo-
gio *Beatiff. Cæſaris.* T. III. 3. D. XI.
4.

CONSTANTII *Chlori* numus. D. IX.
14.

CONSTANTII filii *Constantini M.* numus
cum lauro gemmis intexta, & Proto-
mæ globum geſtantis. T. III. 4. D.
XI. 4.

CRISPI Cæſaris numus. D. X. 10.

DECENTII Tiranni numus. D. XI. 5.

DE-

INDEX PRIOR.

- DECII *Traiani* Imp. numus. T. II. 10. D. VIII. 3.
- DELMATHII Cæs. numus. D. XI. 7.
- DIADUMENIANI Cæs. numus. D. VII. 5.
- DIOCLETIANI numus cum elogio *Proconsulis*. T. II. 15. D. IX. 9.
- Ejusdem alii numi. *Ib.*
- DOMITIANI Imp. numus cum elogio *Censoris Perpetui*. T. I. 12. D. V. 14.
- Ejusdem alter græcus cum epigraphe : *Cæsar Deus Dei Filius*. D. III. 5.
- DRUSI minoris filii *Tiberii* Imp. numus cum capite muliebri velato in Aversa, cujus lemma : *Pietas*. D. XIV. 5.
- ELAGABALI numus, & in Aversa stans ipse, ut Sacerdos Solis, ponê Stella. T. II. 6. D. VII. 6.
- ETRUSCILLÆ Conjugis Decii Imp. numus cum capite Lunæ imposito. T. III. 16. D. XIV. 13.
- FAUSTINÆ Junior. cum elogio *Pii Aug. Fil.* numus. T. III. 15. D. XIV. 12.
- FLORIANI Tiranni numus. D. VIII. 11.
- GALBÆ Imp. numus. T. I. 7. D. V. 2. 3. 4.
- GALLIENI Imp. numus. D. VIII. 7. 8.
- GALLI *C. Vib. Trebonian.* Imp. numus. D. VIII. 5.
- GETÆ numus cum elogio *Augusti*. T. II. 5. D. VII. 4.
- Ejusdem alter cum elogio *Cæsaris & Pontificis*. *Ibid.*
- GORDIANI III. Nepotis numus. D. VII. II.
- GRATIANI Imp. numus. D. XII. 3.
- HADRIANI Imp. numus cum epigraphe simplici : *Hadrianus Augustus*. T. I. 15. D. VI. 5.
- Ejusdem alii cum amplioribus elogiis. *Ibid.*
- HANNIBALIANI numus cum elogio *Regis*. D. XI. 7.
- HOSTILIANI *Messii Quinti* numus. D. VIII. 5.
- HONORII Imp. numus cum protome telum & clypeum gestantis, vultu in-
- tegro, & galea geminis revincta. T. III. 7. D. XII. 5.
- JOVIANI imp. numus. D. XI. 9.
- JULIANI Apostata numus cum capite nudo & elogio Cæsaris. D. XI. 8.
- Ejusdem alter cum Diademate, & elogio Cæsaris. X. 8.
- Ejusdem tertius cum elogio *Augusti*. D. XI. 8.
- JULII CÆSARIS numus cum Sella curuli & Fascibus in Aversa, ac multis elogiis. T. I. 1. D. II. per totum.
- Ejusdem numus amphibologicus cum Elephantæ, & literis Punicis, subscripta voce *Cæsar*. D. I. 8.
- Ejusdem numi cum elogio *Imperatoris*. D. V. 2.
- JUSTINI Junior. Imp. numus, in quo sedet ipse cum *Tiberio* filio adoptato : in Aversa epocha imperii, ac pretium monetæ, nomen Urbis, & officinæ, singularibus literis numeralibus cum græcis tum latinis designata. T. III. 9. D. XIII. 9. 12.
- LEONIS Imp. numus cum elogio *Basilens Romæon*. T. III. 8. D. XIII. 2.
- LICINIUS *Licinian.* D. X. 2. 4.
- LICINII junior. numus. D. X. 5.
- LIVIÆ Conjugis *Augusti* Imp. numus cum epigraphe : *Drus Livia Drus Augusti*. In Aversa Pavo, & *Consecratio*. D. XIV. 3.
- Ejusdem (ut multis videtur) alter numus cum capite muliebri, & lemmate : *Salus Augusta*. Item tertius cum lemmate : *Justitia*. T. III. 11. D. XIV. 4.
- MAGNENTII Tiranni numus. D. XI. 5.
- MAXENTII Tiranni numus. D. X. 5.
- MAXIMINIANI *Herculei* numus cum elogio *Proconsulis*. D. IX. 9.
- Ejusdem numus cum elogio *Felicitis. Sen. Aug.* & in Aversa cum epigraphe : *Providentia Deorum Quies Augg.* T. II. 16. D. IX. 12. 13.

INDEX PRIOR.

MAXIMINIANI *Galerii*, seu *Armentarii*, numus. D. IX. 14.

MAXIMINI Dazæ numus. D. X. 5.

NERONIS Imp. numus cum corona radiante, & elogio *Germanici*. T. I. 6. D. IV. 11. 12.

NERVÆ Imp. numus. T. I. 13. D. VI. 1.

NUMERIANI Imp. numus. D. VIII. 15.

OTHONIS Imp. numus Paduanus, T. I. 8. D. V. 5.

PHILIPPI Arabis patris numus. T. II. 8. D. VIII. 1.

PHILIPPI filii numus. T. II. 9. D. VIII. 1. &c.

PHOCÆ Imp. numus cum pretio in averfa. T. III. 1. D. XIII. 13.

POSTHUMI Tiranni numus. D. VIII. 8.

PROBI Imp. numus cum corona radiante & scipione, cui aquila infidet. T. II. 13. D. VIII. 12.

Ejusdem numus alter cum galea coronata, telo, clypeo, ac lemmate: *Virtus Probi invicti Augusti*. T. II. 14. D. VIII. 12.

QUINTILLI Tiranni numus. D. VIII. 9.

ROMULI filii *Maxentii* Tiranni. D. X. 5.

SABINÆ Conjugis *Hadriani* Imp. T. III. 14. D. XIV. 11.

SEVERI *Septimii* Imp. numus. T. II. 3. D. VII. 3.

SEVERI Cæsaris numus. D. X. 5.

TACITI Imp. numus. D. VIII. 11.

THEODOSII M. Imp. numus cum elogio *Perpetui Aug.* T. III. 5. D. XII. 4.

TIBERII Imp. numus. T. I. 3. D. IV. 1.-5.

TITI Imp. necdum Augusti numus, cum elogiis: *D. Vesp. Aug. F. Cens.* T. I. 11. D. V. 13.

Ejusdem jam Augusti numus. Ibid.

TRAJANI Imp. numus cum corona radiante, & elogio *Optimi*. T. I. 14. D. VI. 2. 3.

VABALLATHI Tiranni numus. D. VIII. 8.

VALENTINIANI Imp. numus. D. XII. 2.

VALENTINIANI Jun. numus. D. XII. 3.

VALENTIS Imp. numus. XII. 2.

VALERIANI Imp. numus. D. VIII. 7.

L. VERI numus. T. I. 17. D. VI. 11. 12.

VESPASIANI Imp. numus cum elogio *Censoris*, & filiis ejus Tito ac Domitiano in Averfa. T. I. 10. D. V. 8.-12.

VICTORINI Tiranni numus. D. VIII. 8.

VIPSANIÆ Agrippinæ (ut probat Cl. *Eccardus*) numus cum capite muliebri velato, & lemmate: *Pietas*, in Averfa cum Vesta sedente. T. III. 12. D. XIV. 6.-9.

Ejusdem idem numus cum titulis *Drusi filii* in Averfa. Ibid.

VITELLII Imp. numus sine elogio *Cæsaris*. T. I. 9. D. V. 6. 7.

Ejusdem numus cum filiis in Averfa, qui tamen non Cæsares, sed *Liberi Imp. Germanici* scribuntur. D. VI. 9.

VOLUSIANI Imp. numus. D. VIII. 5.

INDEX

INDEX ALTER

Rerum Notabilium.

Numerus Romanus Dialogum, Arabicus numerum marginalem designat.

4.
ADOPTATI adoptantium Nomina as-
sumebant. D. III. 5. Adoptati ab
Imp. eorum Nomina primo assumpta
paulo post omiserunt, alia tamen ad
se non pertinentia, ut Augusti, Cæsa-
ris &c. studiose retinebant, hinc arro-
gantes, inde ingrati. VI. 5.

ADVERSÆ Numorum, seu facies ante-
riores, in Imp. Theatra summa Ambi-
tionis: Aversæ porro Adulationis im-
moderata. I. 4.

ADVERSÆ Numorum sedulo considera-
tæ docent Tironem: 1. Vultum à vultu
internoscere: 2. Ornamenta Capitum
ritè discernere: 3. Titulos & elogia
intègre legere. Voluptatis ergo, &
Utilitatis plurimum habent. I. 1.-4.

ÆLIUS L. Verus ab Hadriano adopta-
tus, & Cæsar, mox verò defunctus.
VI. 6.

ÆMILIANUS Tirannus. VIII. 6

AGRIPPA Marcus Gener Augusti. Ejus
laudes. XIV. 14.

AGRIPPINA Neronis mater quanti am-
bitus IV. 10

AGRIPPINA Caji Caligulæ Soror, & scor-
tum incestum. XIV. 10.

ALARICUS Gothorum Rex. XII. 8.

ALBINUS Clod. Cæsar. VII. 2. 3

ALEXANDRI Severi historia. VII. 8.

AMBITIONIS, quamvis ei bene spera-
re cum ratione non liceat, tamen præ-
sumit

ANTONINI Pii Imp. historia. De Pii
cognomine sententiæ variæ. VI. 7.

ANTONIUS Tirannus. VII. 8.

APER Tirannus. VIII. 16.

AQ 8 quomodo legendum? IX. 12.

ARBOGASTUS Tirannus. XII. 3. 4.

ARCADII Imp. historia. XII. 6.

ATAULPHUS Gothorum Rex. XII. 8.

ATTALUS Tirannus. XII. 8.

AUGURES unde nomen, & domum?

Eorum Senior Augur Maximus dictus:
Authoritas summa, cum Quirites au-
spicatò singula facerent, donec augu-
riorum vanitas constaret. II. 9.

Eorum munus perpetuum, & quam-
obrem? Existimationis maximæ. Ib.

10. Auguria quomodo, & quibus à
rebus capta. Avium, coloris, lateris
dextri lævique supersticio. Omen acci-
pere quid? Ib. II.

AUGUSTÆ initio rarò numis excusæ.
XIV. 2. 3. Earum alius & alius tiaræ
ac crinium cultus subinde, ubi no-
mina non adsunt, vel ambigua sunt,
Augustam ab Augusta apud peritos di-
scernit. I. 3.

AUGUSTORUM Vultus in numis specta-
re, voluptatis maximæ atque ingenuæ
est: Utilitatis quoque magnæ, pro-
pria cujuslibet oris lineamenta gnavi-
ter considerare, ad dignoscendos nu-
mos attritos. I. 2.

AUGUSTI Imp. historia. Ejus callidi-
tas, ne Julii fato premeretur. III. 2. 3.
Octavius in numis suis nusquam scribi-
tur: à Julio adoptatus non modò no-
men ejus, sed & prænomen accepit,
dictus *Cajus Cæsar*. Ib. 5. Unde lauri
gestan-

INDEX ALTER.

gestandæ auspicia ei facta ? Ejus sententia de Lauri ambitu Ib. 4. *Romulum* eum dicere cogitabant Patres, præplacuit verò, ut *Augustus* appellaretur. Ib. 6.

AUGUSTUS idem ac *Sanctus*, non verò ab *Augendo* dictum. Placuit hoc nomen tantopere, ut in omnes reliquos Imp. velut hæreditate transfiret, non cognati sanguinis, sed dignitatis ergo, noménque summæ ac Regiæ Potestatis evaserit. III. 6. V. 3. Cæsaribus, velin imperii consortium admissis, non est indultum, nisi quis verum habere voluerit secum Co-Augustum VI. 9.

AURELIANUS Imp. Ejus historia: gemmarum usum inchoavit. VIII. 10.

AURELIU Marci, & Lucii Veri commune imperium Romam rapuit in admirationem, novamque Historiæ epocham dedit. VI. 10. Aurelii historia & laus. Ib. 11. 12.

AUREOLUS Tirannus. VIII. 8.

AUSPICIIS suis quinam olim Ducum exercitum duxerint. II. 3.

B.

BALBINUS Imp. VII. 10.

BONNOSUS Tirannus. VIII. 14.

BRITANNICI Cognomen Claudius Imp. meruit: non tamen ipse, sed filius tulit. IV. 9.

BRITANIO seu *Vetranio* Tirannus. XI. 3. 6.

C.

CÆSARIS nomen gentile erat in primis Imp. qui è Gente Cæsarum orti, usque ad Neronem: in Galba vero, & reliquis nomen dignitatis. V. 3. Filiis Imp. natura vel adoptione (excepto *Vitellio*, qui illud sprevit) tributum, sive ii in imperium designati essent, vel non. Quare Cæsar imperans, Cæsar imperio designatus, Cæsar è domo Augusta progenitus, vel adoptione in eam adlectus, discernendi VI. 9. Cæsaris nomen erat infra nomen Augusti,

vel Imperatoris. In Patribus præire solebat ante elogium Augusti: in filiis postremo etat loco. Labente Imperio scriptum Nobilissimus Cæsar. Ibid.

CAJI Imp. historia: Caligulæ cognomen in numis non exstat: Patris Patriæ elogium, licet carnifex in folio, statim accepit. IV. 6. 7. Ejus sorores, ac scorta incesta, Drusilla, Agrippina, Julia, uno in numo, Dearum habitu, propositæ XIV. 10.

CAPITE nudo *Augustum*, atque *Tiberium*, sæpè signatos, nihil habet mysterii. Paulo seriùs Augusti laureati, Cæsares nudi. IV. 5.

CARACALLÆ cognomen in numis non scribitur, sed *M. Aurel. Anton.* ut apud *Elagabalum*: quare utriusque numi folio ferè vultu discernendi. Ejus historia. VII. 4.

CARINUS Imp. VIII. 15. 16.

CARIUS Imp. VIII. 15. 16.

CENSOR, ac Census quid nominis, & rei? V. 9. Summum hoc munus Jul. Cæsar sub nomine *Præfecti Moribus*, & Augustus sub nomine *Magistri morum*, admisere: cæteri Imp. retinuerunt, nomine tamen Censorum abstinentes, præter *Vespasianum* & filios, in quorum numis legitur. Ibid. 10. *Domitianus* Censor *Perpetuus* scribitur. Ibid. 14.

CENSORINUS Appius Claud. Tirannus. VIII. 9.

CLAUDII Imp. historia: IV. 8. In ejus numo cur Trib. Pot. sine numero? Ibid. 9.

CLAUDIUS II. Gothicus Imper. VIII. 9.

COGNOMINA Germanici, Britannici &c. à devictis Gentibus assumsere Imp. Nullus tamen à Judeis devictis Judaicus appellari voluit, ob contemptum Gentis. IV. 12.

COMMODI Imp. historia fatua. VI. 13.

CONSTANTIS Imp. historia XI. 2.
 CONSTANTINUS M. quos æmulos habuerit. X. 1. 2. 3. Ejus reliqua historia. Ib. 4.
 CONSTANTINI Junior. Imp. historia. XI. 1.
 CONSTANTII Chlorig. Imp. historia. IX. 8.
 CONSTANTII Imp. filii Constantini M. historia. XI. 3.
 CONSTANTIIUS Gallus Cæsar. Quidam putant, delectum in numis Constantii nomine signatis habendum, & aliquos eorum ad hunc Gallum pertinere. XI. 7.
 CONSTANTIIUS Cæsar, Imp. Honorii Gener. XII. 8.
 CONSULATUS numeri in numis descripti (idem de Trib. Pot. numeris sentiendum) Æra Cæsarum esse debebant. Quid verò attendendum, ne quem hi numeri penitus fallant. IV. 3. Consulatus III. tot annis in numis Hadriani descriptus evincit, Chronologiam Imp. è numis tutò erui haud posse. VI. 5.
 CORNUCOPIÆ Felicitatis, & lætitiæ signum. V. 11.
 CORONA Rostrata maximi habita, quibus donata? XIV. 14.
 CRISPUS Cæsar. X. 10.
 CRUX Constantino M. apparens omen victoriæ de Maxentio. X. 3. Cruces in vestibus militum Arcadii portendebant victoriam de Persis. XII. 7. Orientis Imp. Cruce, Sceptri loco, inque mitra, & globo, usi sunt, quia in fide Christi gloriabantur. XIII. 2. 3.
 CUPRESSUS ante fores notabat, ibi jacere defunctum: ad quem Pontifici Maxim. Quiritum ingredi non licuit. II. 6.

D.

DECENTIUS Tirannus. XI. 5.
 DECIJ Trajani Imp. historia. VIII. 3.
 DELMATIUS Cæsar. XI. 7.

DESIDERIUS Tirannus. XI. 5.
 DIADEMATE cinguntur posteriorum temporum Monarchæ. I. 3. Erat Regum exterorum insigne, Romæ maxime execrabile: quod Pompeius M. Jul. Cæsar, & M. Antonius sensere. Cajus, Caracalla, Elagabalus in hac parte quid ausi sint. Aurelianus primus diadema gessit, sed non in numis. X. 6. Constantini itaque ævo monetæ primò id exhibent: fiebat tunc summi fastigii nota. Ibid. 7. Etiam Cæsaribus nonnullis concessum, sed vilius, ac erat Augustorum, nec semper gestandum. Ib. 9.
 DIADUMENIANUS Cæsar. VII. 5.
 DIOCLETIANI Imp. historia. Collegam Augustum assumpsit Maximinianum Herculeum: uterque porro Cæsarem sibi adjunxit. Animo sedit utrisque, præter tutationem Imperii, Religionem Christianam orbe toto excindere: sed apprehendit DEUS sapientes istos in astutia sua, ut, Constantio Chlorig per eos Cæsare facto, filio ejus Constantino M. percommendam ad solum viam insternerent, in quod ille deinde Crucem salvificam intulit. IX. 3. 4. Diocletianus imperio se non sponte, sed coactus abdicavit. Ib. 5. Ambo abdicato imperiò dicti Seniores Augusti, cum jam novi imperarent. Ib. 12. Adepti sunt elogio Optimorum, Beatissimorum, Felicissimorum, Invictorum &c. immo Jovis & Herculis. Ib. 13. 14.
 DIVI, Græcè *Ἡεωες*, appellabantur à morte consecrati. Quandoque & dii, deorum filii. III. 5.
 DOCTI, quibus vitia fucum non faciunt, sua sine invidia communicant. XII. 9. Et ad fontem sedentes sitientibus aquas libenter affundunt. XIV. 15.
 DN. postremis in numis Imp. legendum D.ominus N.oster. IX. 12. Domini titulum rejecit Augustus, ut male dictum:

INDEX ALTER.

dictum : Tiberius aiebat , Dominum se esse fervorum , cæterorum non item. Cajus Dominus dici petiit : Domitianus appellatus Dominus Deus. Alii usque ad labens imperium in numis vix Domini leguntur : post Diocletianum autem ferè omnes. Ib. 13.

Domitianus. V. 14.

E.

ELAGABALI cognomen deest in numis : vultus & stella ejus monetas à numis Caracallæ discernunt. Ejus fœda historia. Sacerdos solis cum esset , solem ab omnibus coli voluit , ceu solum deum. VII. 6.

EUGENIUS Tirannus. XII. 4.

EUCHARIUS Tirannus. XII. 8.

EUTROPIUS Tirannus. XII. 6.

ETRUSCILLA , Decii Imp. Uxor. XIV. 13.

F.

FASCES Dictatoris insigne. II. 1.

FAUSTINA junior. Dicta *Mater Castorum* : quod elogium festivè quispiam interpretatur ad genium scœminæ impudentis. XIV. 12.

FATUM proprium Quirites cuilibet homini esse , & provinciæ , atque urbi , proinde & Romæ , credebant , illudque auguriis pertentandum Fatum itaque Urbis Dux , qui suis auspiciis duxerat , pertentare debuit in castris , templum habens juxta prætorium : si non suis auspiciis duxit , Romam mittere debuit augurii causa. Inauspicato pugnas , suggillabatur , & , licet vicerit , triumpho prohibebat. II. 3. Sub Imp. fato Urbis successit Fortuna Domus Augustæ : hanc ducibus suis Imp. commodabant. II. 4.

FELICIS cognomen assumpsit Commodus : labente imperio omnibus datum. VI. 14.

FIDEI Sol priusquam pleno lumine oriretur in Imperio , crudelissimus adhuc Diocletianæ persecutionis turbo præ-

ibat : jam orto densissimæ nebulæ Arianae hæresis illicò sese opposuere. IX. 2.

FLORIANUS Tirannus. VIII. II.

G.

GAINA Tirannus. XII. 6.

GALBÆ Imp. historia. V. 4.

GALEAM aliqui Augusti gerunt in numis. Eccur ? I. 3. VIII. 12.

GALLIENUS Imp. Ob ejus summam ignaviam 30. Tiranni imperium simul arripuere. Valerianus , & Gallienus ejus filii. VIII. 7. 8.

GALLUS C. Vib. Trebonian. Imp. VIII. 5.

GETA Cæsar. VII. 4.

GILDO Tirannus. XII. 6.

GLOBUS symbolum imperii. IX. 9. 12.

GORDIANUS Afer Imp. & filius unicus , Gordianus Cæsar , non plures. VII. 10.

GORDIANI III. Nepotis historia. VII. II.

GRÆCORUM numerandi ratio. XIII. II.

GRATIANI Imp. historia. XII. 3.

H.

HADRIANUS Imp. ferè primus barbarum Augustum in solium invexit. Ejus historia. Triumpho gloriam Trajano callide reliquit , & simul tamen ipse adeptus est. VI. 4.

HANNIBALIANUS Rex in numis scriptus. XI. 7.

CL. HARDUINI singulares sententiæ. I. De nominibus Augusti , ac Cæsaris , quasi gentilia fuissent , & cognato cum sanguine in omnes Imp. mansissent. III. 6. II. De Tribunitia Potestate , quam apud milites tantum , non in Urbe valuisse volebat. IV. 5. III. De Veterum Auctorum falsitate , ab eo tamen retractata. IV. De Imperatorum potestate per Senatum ad certos tantum annos restricta. V. I. V. De Pii cognomine iterum gentili. VI. 7. VI. Numos avi inferioris , in quibus tot singulares literæ apparent , non fuisse monetas curren-

INDEX ALTER.

rentes, sed signa mercatorum, ibique denotari tributorum pensiones. XIII. 5. Ubique refellitur ab Ill. Spanhemio, vel Joberto.

HELVIIUS Pertinax Imp. VII. 2.

HERACLIANUS Tyrannus. VIII. 8.

HERENNIUS Decii filius Cæsar. VIII. 3.

HONORII Imp. historia. XII. 8.

HOSTILIANUS L. Aurel. Severus Imp. VIII. 1.

HOSTILIANUS Messius Quintus, alter Decii filius. VIII. 5.

I.

IMPERATORES summa omnia Liberæ Reipublicæ munia sibi arrogarunt: meliores cum annua renovatione, cæteri eâ neglectâ. I. 4. Plerique eorum, mundo dominantes, idololatriæ causâ toto cælo aberrârunt. Ib. 6.

IMPERATOR variè olim accipiebatur.

1. Pro habente jus vitæ & necis. 2.
- Pro victore iusto in acie, quem milites Imperatorem salutabant: aliud vero erat, si acclamarent Augustum. 3.
- Pro supremo Exercitus Ductore, si Imperio suo, & suis Auspiciis duceret.
4. Denum vox Imperator Regiæ Potestatis nomen evasit. II. 3. Omnem tamen hujus vocis notionem adimplebant Augusti. Ib. 4.

IMPERATORIS nomen si ab initio occurrit, vel quoties præit nomen Augusti, denotat imperium Augustum: dum sequitur, sive addito, sive non addito numero, imperium bellicum designat. V. 2. Ab Augustis quandoque etiam Cæsaribus concessum est, quos summæ potestatis participes secum fecere, ut Vespasianus filium Titum, Nerva Trajanum. V. 12.

INCONSTANTIA hominis perpetua elucet quoque ex tam varia vestium ratione. I. 3.

JOVIANI Imp. historia. XI. 9.

JUCUNDIUS est, proprio studio sapere, quam magisterio alieno. I. 5.

JUDAICUS à devictis Judæis nemo Imperatorum appellari voluit, ob contemptum gentis. IV. 12.

JULIA Gens: ejus origo, & incrementa. I. 7.

JULIA, filia Augusti, fœmina indigna. XIV. 4. 8.

JULIANUS Didius Imp. VII. 2.

JULIANI Apostatæ historia sacrilega. XI. 8.

JULIUS CÆSAR utique maximus, Tyrannus tamen magis, quam Monarcha. I. 6. 7. Ejus historia. Ib. Honoribus illius mensis *Quintilis*, quo natus est, postea sacer, & *Julius* dictus. Ei multos inesse Marios Sulla dixit. *Jul. & Cæs. Coss.* lepide scriptum. Ibid. Ingens titulorum cumulus, in tabulis argenteis auro descriptus, à Senatu ad eum delatus Pompejis devictis præter omnium spem admodum clemens fuit. II. 1. Laurus perpetuo à Senatu indulta, ei gratissima fuit ad tegendam calvitium suam. Concesso Imperatoris prænomine rarò usus. Ib. 2. 3. Pontifex Maximus largitione factus est: obtinuit verò à Senatu, filium si haberet, ut is Pont. Max. esset. Ib. 5. 7. Augurem Maximum eum fuisse, tacuit historia, numi clamant. Ib. 11.

JUSTINIANUS Imp. XIII. 4.

JUSTINUS Senior Imp. XIII. 4.

JUSTINUS Junior Imp. XIII. 9. 12.

L.

LAUREATO Capite Imperatores signari consuevere, nudo Cæsares. I. 3. Laurus perpetuo gestanda Jul. Cæsari concessa, ut Victori perpetuo. II. 2. Laurus erat ante fores Pontificis Maximi. Ibid. 6. Lauri gestandæ auspicia Augusto unde facta? III. 4. Lauri, cruore civium mercandæ, ambitus damnabilis. Ibid.

LEONIS Imp. historia. XIII. 2.

LIQ.

INDEX ALTER.

LICINIUS Licinianus Cæsar. X. 2. 3. 4.

LICINIUS junior. X. 5.

LITERARUM contraharum exempla in numo Cæsaris Julii. I. 1. Literæ singulares in numis vel initiales sunt vocum singularum, vel voces abbreviatæ: non disjiciendæ, quamdiu conjunctæ commodum reddunt sensum. XIII. 7.

LIVIAM Drusillam quartam conjugem suam an adoptaverit Augustus, & *Juliam* dixerit, acris disceptatio. XIV. 3. 4.

M.

MACRIANUS Tirannus. VIII. 8.

MACRINUS Imp. VII. 5.

MAGNENTIUS Tirannus. X. 2. 3. 5.

MARCUS Marcus Imp. VIII. 1.

MARINUS Publ. Carvilius Tirannus. VIII. 3.

MAURITIUS Imp. acerbè à DEO castigatus, sed patiens. XIII. 13.

MAXENTIUS Tirannus. X. 1. 2. 3.

MAXIMIANI Herculei historia. IX. 3. 4. 6.

MAXIMIANI Galerii, seu Armentarii, historia. IX. 7. Ejus numi à numis Herculei solo ferè Galerii prænomine differunt. 14.

MAXIMINUS Jul. Thrax Imp. VII. 9.

MAXIMINUS Daza Cæs. X. 1. 3.

MAXIMUS Flav. Maghus Tirannus. XII. 3.

MAXIMUS Jul. Verus Cæsar, Maximini Thracis Imp. filius. VII. 9.

MILITUM protervia atque impudentia in acclamandis Imperatoribus, ac Senatui obrudendis, moxque iterum necatis. VII. 2.

MITRA in Orientalium Imperatorum, Capitibus. I. 3.

MONETARIORUM apud Quirites florente imperio in vultibus accurate signandis ars dexterrima, & vere admirabilis. I. 2. Eorum labente imperio nonnulla fingendi licentia. Sæpe tamen, quæ diu in gratiam facta videbantur,

probe examinata, vera cum ratione facta esse deprehensa sunt. I. 3. II. labente imperio, ut placerent Augustis, eisdem exterorum Regum ornamenta addiderunt. VIII. 12.

N.

NERONIS Imp. historia. IV. 10. Cur is vultui suo in Aversa anteriores Augustos conjunxerit? XIV. 2.

NERVÆ Imp. historia. VI. 1.

NIMBUS in capite Orientalium Imp. designat sacram suam Majestatem à DEO sibi collatam. XIII. 3.

NOBILISSIMI dicti filii Augustorum minores, & agnati. Nobilissimi Cæsaris elogium omnia summa complectitur. Equivalet Nobilitati Aug. aliàs in Numis laudatæ. VIII. 15.

NUMERIANUS Imp. VIII. 15. 16.

NUMERUS ad Consulatum, ac Trib. Potestatem adjectus adverbialiter, non adjectivè legendus. II. 1. Numerandi apud Græcos ratio, & literarum numeralium valor, atque proprietas. Annum quibus notis exprimerent. XIII. 11.

NUMORUM quoque scientia regulam nullam habet sine exceptione: quare nemo sententiæ suæ nimis sit tenax. I. 3. Numi à tirone jugiter sunt contemplandi. Eorum, quorum colligit numos, præcipua saltem vitæ capita noscere debet. 6. Item, numi quinam rari, quinam communes: quod hic Expositioni numerorum in omnibus ferè Imp. additur, ex *Patarolio*. II. 13. Numerorum Series variæ, eorumque apud varios varia in Tabellis collocatio, unico numo ad plures subinde ordines quadrante. III. 1. Eorum elogia ut integre legas, non sufficit, nisi etiam, quid ea habeant in recessu, intelligas. 8.

NUMI, in quibus elogia casu dativo effertur, sunt quasi votivi, magnique in Augustos affectus indices, VI. 2. Et

fi, labente imperio, vulgo sunt viles, illo tamen ævo splendidi quoque prodire. VIII. 4. Sub Decio ad minutam formam decedentes, sub Diocletiano iterum accrevire. IX. 1. Tam diligens hodie eos investigandi contentio novi aliquid indies detegit: unde Eruditi sententiam suam cum ratione mutare sæpe coguntur. Ibid.

NUMI inferioris etiam ævi, licet parvi ac rudes, tamen colligendi: qui ornabunt cimelia raritate saltem, si non pulchritudine, hoc ipso, quod continentantur à multis: poterunt deinde tres pariter in Series Majorum, Minorum, ac Minimorum distribui, non sine voluptate, & historiæ utilitate: ut in Flaviæ familiæ variis stirpibus sic relictis elucescit. IX. 1. Inde Orientalium quoque Imperatorum numi, ad usque Constantinopolim captam, jam Clarorum Virorum curam promeriti sunt. XII. 1.

NUMORUM & Historiæ perpetua communio: quid invicem præstent. XIII. 4. Numis familiare, in iis designari Æram Principum, pretium suum, Urbem, & officinam, ubi excusi. 8. Pretium notare superfluum erat, florente imperio, collapsio necessarium. 9. Promiscuus fuit usus literarum numeralium græcarum, & latinarum. 10.

ODENATUS Tyrannus. VIII. 8. ORNAMENTORUM peculiarium, quæ odorant olim Quirites, in numis labentis imperii causæ VIII. 12.

OTHONIS Imp. historia: Æreorum ejus numorum varietas. V. 5.

OVINIUS Camillus Tyrannus, VII. 8.

P.

P. P. legendum P. ater P. atria. PP. sine punctis intermediis Perpetuus, vel Pius Perpetuus. XII. 4. P. P. P. in numo Do-

mitiani lege Perpetuus (i. e. Cenfor) Pater Patriæ.

PARAZONIUM seu verius sceptrum parvum. V. 11.

PATRIS PATRIÆ elogium, Jul. Cæsari viventi tributum, & demortui statui subscriptum, Cicero, qui illud omnium primo tulit, execratus est. III.

7. Augustus id promeruit: quando, quomodo, quo gaudio suo sit ei delatum. *ib.* Vis nominis hujus: Id à Patribus non subito delatum, nec à melioribus Imp. statim admissum. *ibid.* 8.

PERPETUUS Augustus quorum in numis occurrat? Idem, ac semper Augustus, quod est in numo Juliani Apostatæ. XII. 4.

PESCENNIUS Niger Imp. VII. 2. 3.

PHILIPPORUM Patris & Filii historia. Simul Augusti: quandoque in numis eadem quasi facie, quod insolens. VIII. 1. 2. Sub eis Romæ Seculum Millenarium profusissimis spectaculis ac ludis celebratum. *Ibid.*

PHOCAS impius Imp. XIII. 13.

PII cognomen, quia gloriosum ac populo charum, Commodus, alique Imp. retinuerunt. VI. 14.

PISO à Galba adoptatus, & Cæsar. V. 4. VI. 8.

PLACIDIA Galla, Honorii Imp. Soror. XII. 8.

PONS publicius Romæ quid fuerit, & quam sacer. II. 5.

PONTIFICATUS MAXIMI origo, dignitas, prærogativæ, munera, leges. II. 6. Pontif. Maximus habitabat Domum Regiam, quam laurus ante fores apposita designabat. II. 6. Imp. Pontifices Max. effecti, ut summam in omnibus quoque sacris haberent potestatem. Antoninus Pius, licet sacris diligentissime operaretur, in numis tamen suis vix, aut ne vix quidem scribitur Pontifex Max. Hic erat tantum unus: unde si Imp. Collegæ fuerant,

INDEX ALTER.

- ut M. Aur. & L. Verus, unius tantum numi, non item alterius, id elogium habebant. Si filii Caesarum scribantur Pontifices, de minore quopiam Pontificatu id accipiendum. Imp. Christiani elogio Pontificis Max. abstinuerunt, ob reverentiam erga Romanum Pontificem. II. 7.
- POSTUMUS Tirann. VIII. 8.
- POTENTIANUS seu Nepotianus Tirann. XI. 6.
- PRIMORDIA Regni, imperii, sive tyrannidis luculentius pernoscentia sunt. III. 4.
- PROBI Imp. historia. VIII. 14.
- PROCOPIUS Tirann. XII. 2.
- PROCONSULUM origo, munus, dignitas. Alii Proconsul legunt, alii Proconsule: utrumque recte. IX. 10. Proconsularis dignitas, & potestas amplior multo apud Augustos. Ibid. 11.
- PROCILLUS Tirannus. VIII. 14.
- PROVINCIAE aliae erant Augusti, quibus praefecti dicebantur Legati: aliae Senatus, quibus praerant Proconsules, aut Propratores. IX. 11.
- PUPIENUS Imp. VII. 10.
- 2
- QUINTILLUS Tirannus. VIII. 9.
- R.
- RADIANTE Corona Divi alias tantum fulgebant, seu iam defuncti, Deorum in numerum relati: postea etiam vi-ventes, quorum Nero fere primus. IV. 11. Quare. XIII. 3.
- RESPUBLICA nolentes cogere potest ad imperandum. VII. 11.
- ROMAE Seculum Millenarium sub Philip-pis Augustis. VIII. 1. 2.
- ROMULUS, Maxentii Tiranni, filius. X. 5.
- RUFINUS, Arcadii Tutor perfidus. XII. 6.
- S.
- SABINA, Hadriani Imper. Uxor. XIV. 11.
- SATURNINUS Tirannus. VIII. 14. XI. 6.
- SCIPIO cum Aquila insistente Consul, & Triumphatorum nota. VIII. 13.
- SCULPTIS numorum imaginibus parum fidendum: numi ipsi inspiciendi, ut vultus rite discernas. I. 2.
- SELLA Curulis index Consularis potestatis. II. 1.
- SEVERI Septimii Imp. historia. VII. 3.
- SEVERUS Caesar. X. 1. 2.
- S M R T in segmento numi quomodo legendum. IX. 9.
- STILICO, strenuus primum Tutor Honorii, postea infidus. XII. 8.
- SUETONIUS Vitas primorum, XII. Caesarum calamo liberrimo scripsit. V. 14.
- SYLVANIUS Tirannus. XI. 3. 6.
- T.
- TACITUS Imp. Ejus historia. Antequam vacavit imperium sex mensibus, quod a Romulo non contigit. VIII. 11.
- TAURINUS Tirannus. VII. 8.
- THEODOSII M. Imp. historia. XII. 4.
- TIBERII Imp. historia. IV. 1.
- TIBERIUS Constantin. Imp. Orientis. XIII. 2. 3.
- TIRONIBUS omnia nova facile magna. XII. 10.
- TITI Imp. historia: ob Jerosolymas devictas, coronam non sibi, sed Deo Judaeis irato deberi aiebat. Egerrime ad imperium admissus, postea dici meruit Amor & Deliciae Generis humani. Ejus numi fere sola litera T, quae Titus legenda, a numis Vespasiani patris discernendi. V. 13.
- TITULI & elogia Imperatorum abbreviata quomodo latine legenda, & qualiter graecis in numis descripta. II. 12.
- TRAJANI Imp. historia. Fabula est, ejus animam a S. Gregorio ex inferno redemptam. Optimi elogium tulit. VI. 3. Patris patriae nomen diu renuit. IV. 6. Herba parietina ab Hadriano appellatus. VI. 4.
- TRIBUNITIA Potestas ut scriberetur, loco Tri-

INDEX ALTER.

co Tribuni plebis, adinventum, ut summi fastigii vocabulum. Jul. Cæsar id neglexit, Augustus reperit, Tiberius cæterique firmarunt. Gesta à pluribus, priusquam imperarent. Potestati Tribunorum plebis plurimum emittit. IV. 3. 4.

TRIUMVIRORUM Reipubl. Constituentia terribile bonis omnibus Collegium, III. 2.

F.

VABALLATHUS Tyrannus VIII. 8.

VALENTINIANI I. Imp. historia. XII. 2.

VALENTINIANI II. Imp. historia. XII. 3.

VALENS Imp. XII. 2.

VALERIANI Imp. historia tragica. Habuit Valerianum filium, & Valerianum nepotem. VIII. 7.

L. VERI Imp. historia. VI. II.

VESPASIANUS Imp. Ejus historia: stans moritur. V. 8.

VICTOR Tyrannus. XII. 3.

VICTORINUS Tyrann. VIII. 8.

VIPSANIA Agrippina, Tiberii Imp. conjux, quam invitatus repudiare debuit, Drusi minoris mater. XIV. 6. 7. 8. 9.

VITELLII Imp. historia. Sprevit nomen Cæsarum, V. 6. 7. nec filiis dedit. VI. 9.

VOLUSIANUS Imp. VIII. 5.

VIRTUS Impp. in numis latinis florentis imperii dexterrimè signati. Signare eos licuisse prerogativa summa, unde initium duxerit: quanti habita: suæ duntaxat majestati à Principibus reservata. Eapropter monetam violare, aut despicere, capite constitit. Hujus criminis rei videntur, qui adulteros nummos obtrudunt, & genuinos qui furno consumunt. I. 2. 8. 9. 10.

WALLIA, Gothorum Rex. XII. 8.

ZENOBLIA Amazon, Odenati Tyranni conjux. VIII. 8. 10.

L. I. C.

